



7132-7133

Augustianie



7132-7133

AUG.

-7133

1790
Symon


of
the
County

of
the

1790

1790

1790



DE ARTE
RHETORICA
LIBRI QUINQUE,
LECTISSIMIS VETERUM
AUCTORUM ÆTATIS AUREÆ
PERPETUISQUE
EXEMPLIS ILLUSTRATI;
AUCTORE
P. DOMINICO
DE COLONIA
SOCIETATIS JESU
PRESBYTERO

V I L N Æ.

TYPIS ACADEMICIS
Soc: JESU
M.D.CC.LXX.

Aug. 7 132

1967 D 109 St. Dr.

1967 D 109

AUCTOR LECTORI



*Præceptis paucis brevibusque,
exemplis verò benè multis
constat hæc Ars Rhetori-
ca: Præcepta hausimus ex vetustissimis
Græcorum Latinorumque Rhetorum fon-
tibus; Aristotelem dico, Ciceronem, quin-
tilianum, Demetrium Phalereum, Hermo-
genem, atque Longinum. Exempla, quæ
lectissima sunt perpetuaque, summo studio,
singularique diligentia selegimus ferè ex
elegantissimis ætatis aureæ Scriptoribus.
Atque hoc exquisito veterum exemplorum
delectu, copiaque, nostrum hunc qualem-
cumque laborem speramus posse commen-
dari, si cætera omnia desunt; illumque e-
tiam politioribus, Et urbanis hominibus
nec inutilem, nec injucundum, hoc saltem
nomine, fore confidimus.*

(§ (o) §)
E L E M E N T A
R H E T O R I C Æ .

C A P U T P R I M U M .
D E F A B U L A .

Quid est Fabula?

R. est Oratio falsa veritatem effingens. Talis est apud Horatium elegantissima illa Fabella equi, hominis opem adversus cervum implorantis.

Cervus equum, pugnâ melior, communibus herbis

Pellebat; donec minor in certamine longo

Imploravit opes hominis, frænūque recepit.

Sed postquam victor violens discessit ab hoste,

Non equitem dorso, non frænū depulit ore.

Vide quam solerter Horatius sub illis Fabulæ involucris, & quasi integumentis, verum ac rectum nos doceat; & nos repente à levi illa in speciem narratiuncula

cula, ad veritatem traducat, tribus illis, qui sequuntur versibus:

Sic qui pauperiem veritus, potiore metallis

Libertate caret, dominum vehet improbus, atque

Serviet æternum, quia parvô nesciet uti.

§. I. DE VARIIS FABULARUM GENERIBUS.

Quot sunt genera Fabularum?

R Tria numerantur ab Aphthonio, & a Theone Sophista, qui Rhetoricæ exercitationes, seu progymnasmata (sic enim appellant) Tyronibus admodum utilia, nobis scriptô reliquere. Tria igitur statuunt genera Fabularum. Aliæ sunt Rationales, aliæ Morales, aliæ Mixtæ.

§. II. DE FABULA RATIONALI, SIVE PARABOLA.

Quid est Fabula Rationalis, seu Parabola?

R. Fabulæ Rationales sunt illæ, quibus ad mores instruendos, fingimus ab homine dictum, vel factum quidpiam, quod tamen re ipsa nequè dictum fuit, nequè factum, sed tamen dici vel fieri omninô potuit. Hujusmodi sunt Divinæ illæ Pa-

3 *Elementa Rhetoricæ.*
Parabolæ de Virginitibus decem, de Divite,
& Inope, de Filio Prodigio, aliæquæ, qui-
bus Christus Dominus Apostolos, & cir-
cumfusam plebem ad omnem virtutem
erudiebat: *Sine Parabolis non loqueba-
tur eis*, inquit Sacra Pagina; tum ut se ad
rudem populi captum accommodaret, tum
etiam in primis, ut ferviret Palæstinorum
moribus, ac consuetudini, apud quos ni-
mirum hujusmodi Parabolæ majorem in
modum erant usitatæ, & undè in reli-
quas Orientis partes dimanârunt.

Rationales id genus Fabulas, seu Para-
bolas circiter duodecim habes in aureo-
lo Phædri libello. Exemplum esto hæc,
quam hic offero.

Æsopus, & petulans.

Æsopo quidam petulans lapidem im-
pegerat: Tanto, inquit, melior; assem de-
inde illi dedit,

Sic profecutus: plus non habeo me-
hercule:

Sed undè accipere possis, monstrabo
tibi

Venit ecce dives, & potens: huic simi-
liter

Impinge lapidem, & dignum accipies
præmium.

Per-

Perfuasus ille fecit quod monitus fuit,
Sed spes fefellit impudentem audaciam;
Comprehensus neque pœnas persolvit
eruce.

§. III. DE FABULA MORALI, SIVE
APOLOGO.

Quid est Fabula Moralis, seu Apologus?

R. Est illa, quæ belluarum mores, & indolem exprimit ad mores hominum informandos. Morales hujusmodi Fabulæ dicuntur *Æsopicae*; non quod Æsopum auctorem habeant, ut vulgus existimat, cum longissimè ante Æsopi tempora ab Homero, & Hesiodo fuerint usurpatæ, sed quod valdè fuerint in deliciis Æsopo, qui illas admodum ingeniosè tractavit, Interdum etiam non solum feræ, sed arbores quoquè, & plantæ, mallei, incudes, aliæquè res hujusmodi, loquentes inducuntur. Exquisitissimum Fabulæ Moralis exemplum habes in hoc Phædri Apologo;

Rana rupta, & Bos.

Inops, potentem dum vult imitari, perit.
In prato quodam Rana conspexit bovem;
Et tacta invidiâ tantæ magnitudinis,
Rugosam inflavit pellem; tum natos suos
Inter-

Interrogavit, an bove esset latior?

Illi negârunt: rursus intendit cutem

Majore nisu; & simili quæfivit modo,

Quis major esset? illi dixerunt, bovem.

Novissimè indignata, dum vult validius

Inflare sese, rupto jacuit corpore.

Quantoquè valeat hic Apologus ad nostros mores emendandos, satis liquet ex primo versiculo:

Inops, potentem dum vult imitari, perit.

Quapropter vir antiquis comparandus Julius Cæsar Scaliger ait in sua Poëtica, Apologum sic appellari, quasi *apo Logu lo gon*, quasi si aliud palàm, & apertè dicat, aliud clàm innuat, doceatquè, quemadmodum Allegoria.

Quid interest inter Apologum, & parabolam?

R. Hoc interest, quod Apologus sit earum rerum, quæ fieri omninò nequeunt; nequè enim belluæ loqui possunt; Parabola verò est earum rerum, quæ si reipsa non sunt, esse certè quidem potuerunt.

§. IV. DE FABULA MIXTA.

Quia est Fabula Mixta?

R. Est ea, quæ ex Rationalis, & Moralibus admixtione componitur, seu in qua homi-

homines cum brutis sermocinari finguntur. Eximium Fabulæ Mixtæ exemplum reperies apud Justinum, Historiarum libro XLIII. cap. IV. Hanc opportunè adhibuit Regulus quidam ad concitandos veterum Gallorum animos contra Massilienses, qui ex Asia nuper in Ligurum regionem advecti, lociquè amœnitate capti, condendæ urbis locum ab incolis precariò impetraverant.

Canis, & Pastor. Fabula Mixta.

Canis aliquando partu gravida locum à Pastore precariò petiit, in quo pareret: quo obtento, iteratò petiit, ut sibi educare eodem in loco catulos liceret. Ad extremum adultis catulis, sulca domesticò præsidio proprietatem loci sibi vindicavit. Non aliter Massilienses, qui nunc inquilini videntur, quandoquè dominos regionum futuros.

Quantum porrò valuerit hæc Fabula, continuò subjungit Justinus: *Hic, inquit, incitatus Rex insidias Massiliensibus struxit.*

§. V. DE LEGIBUS, & ARTIFICIO
FABULÆ.

Quænam est prima, ac præcipua Fabulæ lex?

R. Prima hæc est lex, ut Fabula quælibet adjunctam habeat suam interpretationem, quâ moralis illius sensus breviter explicetur: quam interpretationem quasi Fabulæ animam ausim appellare. Hæc interpretatio, si ponatur post Fabulam, vocatur *Apomythion*, sive *Affabulatio*, si verò ponatur initio, vocatur *Promythion*, quasi *Proæfabulatio*, si ita loqui fas esset. Cæterum initione ponas, an sine, non refert maximoperè.

Quænam est altera lex Fabulæ?

R. Secunda lex hæc est, ut Fabulæ narratio sit perspicua, probabilis, brevis, & jucunda. Verùm de illis quatuor narrationis cum Fabulosæ, tum Historicæ virtutibus, itémquè de Figuris, quibus utraqùè potest illuminari, capite subsequenti dicturi sumus.

Quomodo nam probabilis reddi potest, veroque similis Fabula, quæ nimirum ficta semper res est, & commentitia, ac persæpè etiam incredibilis, fideique prorsus absona, quales sunt Apologi, qui belluis humanum sermonem affingunt?

R. Fabulæ, quantumvis fictitiæ, quamdam tamen inesse probabilitatem, ac verisimilitudinem, si sua cuilibet animantia serve-

fervetur indoles, ac suum ingenium: si Vulpem facias versipellem & subdolam; Lupum rapacem, & truculentum; Agnum mitem, & simplicem; ac cæteræ demum belluæ germanis propriisque suis coloribus depingantur. Hinc sapientes monet Horatius in arte Poëtica; Poëtæ mendacia ad veritatem accedere omninò debere:

Ficta voluptatis causâ sint proxima veris,

Et alio loco ejusdem Poëticæ:

Atque ita mentitur, si veris falsa remiscet
Primo nè medium, medio nè discrepet i-
mum.

§. VI. DE UTILITATE FABULÆ.

Quenam est utilitas Fabulæ?

R. Mirabiles quosdam usus habet Fabula, si in loco, ac tempore adhibeatur, ut par est. Primò enim mirum in modum valet ad exhilarandos, recreandosque auditorum animos, & ad conciliandam attentionem, quæ delectationi solet esse conjuncta. Hac arte sibi paravit olim attentionem summus Orator Demosthenes.

Cum enim, licet de rebus gravissimis, agens, fastidiosè tamen, & oscitanter au-

9 *Elementa Rhetoricæ.*
diretur ab Atheniensibus, hac eleganti
Fabella repentè illorum aures, & animos
ad audiendum convertit.

Asini umbra. Fabula.

*Adolescens æstivo tempore Athenis Me-
garam profecturus, asinum conduxit; cum-
que efervescente jam meridie, solis ardor
cæpisset esse vehementior, vitandi caloris
causâ, sub asini ventrem se conjecit, ut um-
bram inde captaret. Ast Agaso, qui loca-
verat asinum, hinc hominem seriò protur-
bare, asserens se nihil nisi asinum, non verò
asini umbram locâsse: alter contra affirma-
re, se cum asino pariter illius umbram con-
duxisse: Cùm autem vidisset Demosthe-
nes captos hac Fabula Judices risu cor-
ruere, ac penè emori, discessum repentè
paravit, vel parare se finxit: sed roganti-
bus enixè Atheniensibus, ut Fabulæ quod
reliquum erat, perficeret, Itane verò, mu-
tata voce inquit, de asini umbra audire
vultis; de rebus gravibus, & seriis non vul-
tis? & illos hóc artificiò ab oscitantia,
tædioquè ad summam quamdam audien-
di alacritatem traduxit.*

Quænam est altera utilitas Fabulæ?

*R. Fabula non solum valet ad delectan-
dum*

dum, sed, quod caput est, facit etiam in primis ad docendum, ad movendum, & ad corruptos hominum mores commendandos. Hic etenim est, quemadmodum Philosophiæ, sic etiam Fabulæ laudabilis scopus, ut utraqûe Mortales ad honestatis, ac virtutis studium, à vitiorum sceditate traducat. Sed Philosophus, & Fabulator diversis itineribus eodem contendunt. Philosophus objurgat vitia palàm, & apertè, sinè ambagibus, & integumentis: unde offensi persæpè improborum animi salutare monitum aspernantur ac respuunt, *castigatiqûe remordent*, ut inquit Juvenalis.

At Poëta vitium impugnat, quasi aliud agens, ac veluti per cuniculos, & monitorum austeritatem Fabularum condimento mitigat: ut nempè captus, ac delinitus innoxix voluptatis illecebris animus salutarem medicinam libenter admittat, ut sapienter monet Lucretius *lib.*

3. & 4.

Ac veluti pueris absinthia terra medentes

Cùm dare conantur, priùs oras pocula circum

Contingunt mellis dulci, flavoqûe liquore,

Ut

Ut puerorum ætas improvida ludificetur;
 Laborum tenuis; interea perpotet amarum

Absinthii laticem, deceptaque non capiatur:

Sed potius tali facto recreata valeat.

Quid enim aptius, v. gr. ad inanium promissorum tumorem sine cujusquam offensione castigandum, quam hæc lepidissima Phædri de monte parturiente Fabella?

Mons parturiens.

Mons parturibat, gemitus immanes ciens
 Erátque in terris maxima expectatio:

At ille murem peperit. Hoc scriptum est tibi,

Qui magna cum minaris, extricas nihil.
 Quò etiam ingeniosè alludit Horatius in arte Poëtica:

Quid dignum tanto ferat hic promissor hiatu?

Parturient montes: nascetur ridiculus mus.

Ad hanc Fabulæ utilitatem pertinet etiam quod ait idem Horatius in Sat. l. l. l.

Tantalus à labris sitiens fugientia captat Flumina. Quid rides? mutato nomine, de te Fabula narratur.

Quo

Quo veterum exemplò probari potest, Fabulam ad docendos animos & affectus concitandos utilem esse?

R. Exemplò Menenii Agrippæ, qui plebem Romanam, quæ graviter offensa in montem Aventinum aliquando secesserat, ad Patrum auctoritatem, concordiamquè revocavit narratiuncula Apologi de membris humanis adversus stomachum conspirantibus; & quod nec legum, nec magistratûs auctoritas potuerat, id fictitiæ narrationis blandimentò perfecit. Apologum sic narrat T. Livius Lib. 2.

Venter, & reliqua humani corporis membra. Apologus.

Tempore quo in homine, non ut nunc, omnia in unum consentiebant, sed singulis membris suum cuiquè consilium, suus sermo fuerat, indignatus reliquas partes, sua cura, suo labore, ac ministerio ventri omnia quæri, ventrem in medio quietum nihil aliud quàm datis voluptatibus frui, conspirasse inde, nè manus ad os cibum ferrent, nec os accipere datum, nec dentes conficerent. Hac ira dum ventrem fame domare vellent, ipsa unà membra, totamque corpus ad extremam tabem venisse; inde apparuisse,

se, ventris quoque haud segne ministerium esse; nec magis ali, quàm alere eum reddentem in omnes corporis partes hunc, quo vivimus, vigemusque divisum pariter invenas, maturè confectò cibo, sanguinem. Comparando hinc: quàm intestina Corporis seditio similis esset iræ plebis in Patres, flexit mentes hominum.

CAPUT II.

DE NARRATIONE.

Quid est Narratio?

R. Est rei gestæ, vel quasi gestæ expositio. Dicitur rei gestæ, vel quasi gestæ, ut nempe Narrationem tum Historicam, tum Fabulosam complectatur hæc nostra definitio.

§. I. DE VIRTUTIBUS NARRATIONIS.

Quænam sunt virtutes Narrationis?

R. Quatuor à Tullio recensentur: perspicuitas, probabilitas, brevitatis, & suavitas.

Quomodo perspicua fiet Narratio?

R. Fiet perspicua. I. Si temporum servetur ordo, adeò, ut quod primum gestum est, primum etiam referatur.

2. Si verbis propriis, & usitatis utamur.

3. Si res non interruptè narretur.

4. Deniquè si diligenter vitetur omnis verborum ambiguitas, qualis esset ista, v. gr. *Ajunt Regem Pyrrhum Romanos vicisse.* Quis enim inde victor, qui victus intelligi possit.

Quantum porro eniti, ac contendere debeat Orator, ut perspicuè narret, & apertè, faciliè intelligere poteris ex aureo illo Fabii Quintiliani præcepto: *Prima sit Orationis virtus perspicuitas.* Quò spectat etiam, quod eodem capite inculcat idem Fabius: *Dilucida & negligenter quoque audientis aperta sit ut in animum, tamquam sol in oculos, etiamsi non intendatur, incurrat. Quare non ut intelligere possit auditor, sed nè omnino possit non intelligere, curandum.*

Quod si obscuritatis vitiò laboret Narratio, jure, ac meritò cadet in illius auctorem, quod de obscurissimo quodam Scriptore jactatum est à nobilissimo Poëta:

Quid juvat obscuris involvere scripta latebris,

Nè pateant animi sensa? tacere potes.

Cedo ex veteribus Exemplum aliquod Narrationis perspicuæ?

R.

R. Instar omnium esse potest laudatissimum illud Epigramma Ausonii de Venere armata, & de Pallade.

In Venerem armatam.

Armatam vidit Venerem Lacedæmone
Pallas,

Nunc certemus; ait, iudice vel Paride
Cui Venus: Armatam cur me, temeraria,
temnis,

Quæ, quo te vici tempore, *Inermis eram?*

Quomodo fiet probabilis narratio?

R. 1. Si is, qui narrat, sit notæ probitatis, & fidei.

2. Si rei gestæ seriem exponat sine furo; qua simplicitate nimirum atque candore plus multo valebit ad persuadendum, quam alii calamistris, lenociniis, & hyperbole.

3. Si nihil afferat fidei absonum, & quod abhorreat à communi hominum sensu; quia, ut rectè admonet Horatius in arte Poetica

Quodcumque ostendis mihi sic, incredulos odi.

Quòd si fortè rei veræ, sed incredibili fidem, facere velis, usurpare poteris sapiens illud cujusdam Veteris dictum:

Mul-

Multa esse vera, quæ tamen non sint verisimilia; & probabile omninò esse, quamplurima contra probabilitatem contingere.

4. Deniquè si clarè, apertèquè exponas rerum circumstantias, & adjuncta personarum, locorum, ac temporum; undè vel maximè pendet facti probabilitas. Ità Cicero in mirabili illa Narratione Miloniana, probabile reddit à circumstantiis personarum, quod narrat de infidiis Miloni à Clodio paratis. *Cur igitur, inquit, victus est? (Clodius) Quia non semper viator à latrone, nonnunquam etiam latro à viatore occiditur: quid quamquam paratus in imparatos Clodius, tamen mulier inciderat in viros.*

Quid factò est opus, ut brevis sit Narratio?

R. Brevis erit, si narrandi initium altius non repetas, & ab ovo, ut ajunt; quemadmodum ineptus ille, quem ridet Horatius:

Qui gemino bellum Trojānum orūitur ab ovo.

Sed si indè sumas exordium, undè necessè est, 2. Si non inutiles, putidāsquè circumstantias, quæ nihil faciant ad rem, in Narrationem tuam infarcias. Quid enim opus est dicere; v. gr. *In portum veni,*

ni, navem paratam aspexi, de pretio conueni, sublatae sunt anchoræ, è portu solvi? Satis erat dixisse: è portu solvi.

Vide tamen etiam, atque etiam, nè nimia breuitas obscuritatem afferat orationi: ut observat Fabius. *Vitanda, inquit, illa Sallustiana breuitas, & abruptum orationis genus* Et alio loco: *Narratio, inquit, præcisa, non tam Narratio vocari potest, quàm confusio.* Audi rursus Horatium nostrum:

—— Brevis esse laboro.

Obscurus fio.

Qua ratione suavis reddetur Narratio?

R. Suavis erit. 1. Si utamur verbis leniter, & numerosè sonantibus. 2. Si ita collocentur verba, ut nec hiulcus, nec asper sit illorum concursus. 3. Si, quæ narramus, sint magna, nova, & inexpectata. 4. Si adhibeantur certæ quædam narrandi formulæ Tullio per familiares; cùm, v. gr. pro tempore præterito præsens usurpatur; itèm cùm plures infinitivi subauditò verbò junguntur, ut cùm ait: *Rex primò nihil metuere, nihil suspicari, dies unus, & alter intercedere.* Ità etiam Cæsar, lib. 1. de Bello Gallico: *Divitiacus multis cum lacrimis Cæsarem complexus obsecrare capit, nè quid gravius*

in fratrem, statueret: Scire se illa esse vera, nec quemquam ex eo plus, quàm se doloris capere. Supple, dixit. Ità Virgilius in mirificis hisce versibus Lib. VI. Æneidos.

At Danaum Proceres, Agamemnoniæ-
què Phalanges.

Ut videre virum, fulgentiaquè arma
per umbras.

Ingenti trepidare metu: pars vertere
terga,

Ceu quondam petierè rates: pars tol-
lere vocem

Exiguam: inceptus clamor frustratur
hiantes.

5. Deniquè suavis erit Narratio, si di-
versis figuris illuminetur, & si habeat ad-
mirationes, expectationes, suspensiones,
exitus inopinatos, & interpositos motus
animorum, dolorem, lætitiã, metum,
cupiditatem.

Harum omnium rerum admirabile
quoddam exemplum habes in jucun-
dissima illa Narratione de Dionysio Sy-
racusarum Tyranno, & de Damocle quo-
dam illius Parasito, in quam intueri satis
non poterunt Tyrones, ut suaviter, &
festivè narrare discant.

[Dionysius Syracusarum Tyrannus, &
Damocles.

Jucundæ Narrationis Exemplum ex Tu-
scul. lib. 5.

Cum quidam ex ejus assentatoribus
Damocles commemoraret in sermone co-
pias ejus, opes, majestatem, dominatus,
rerum abundantiam, magnificentiam ædi-
um regiarum, negarétque unquam beatio-
rem quemquam fuisse. Visnè igitur, inquit,
Damocle, quoniam hæc te vita delectat,
ipse eandem degustare, & fortunam ex-
periri meam? Cùm se ille cupere dixisset,
collocari jussit hominem in aureo lecto, stra-
to pulcherrimo, textili stragulo, magnificis
operibus picto, abacosque complures or-
navit argento, auroquè cæolato. Tum ad
mensam eximia forma pueros delectos jus-
sit consistere, eosquè nutum ejus intuentes
diligenter ministrare. Aderant unguenta,
coronæ; incendebantur odores; mensæ con-
quisitissimis epulis extruebantur, Fortuna-
tus sibi Damocles videbatur. In hoc medio
apparatu fulgentem gladium è lacunari,
feta equina aptum dimitti jussit, ut impen-
deret illius beati cervicibus. Itaque nec
pulchros illos ministratores aspiciebat, nec
plenum artis argentum, nec manum por-
rigebat ad mensam; jam ipsæ defluebant
coro-

coronæ: deniquè exoravit Tyrannum, ut abire liceret, quòd jam beatus nollet esse, Satìs nè videtur declarasse Dionysius, nihil ei esse beatum, cui semper aliquis terror impendeat?

Ad hanc suavissimam Narrationem alludit Horatius, cùm ait Odarum lib. 3.

Districtus ensis cui super impia
Cervice pendet, non Siculæ dapes
Dulcem elaborabunt saporem,
Non avium, citharæque cantus
Somnum reducent, &c.

§. II. DE SCHEMATIS, SEU FIGURIS, QUIBUS ILLUMINARI POTEST NARRATIO.

Quid est Figura?

R. Figura, seu Schema est ornamentum quoddam orationis, seu loquendi modus illustrior, & à communi consuetudine remotus, cujusmodi sunt hæc Ciceronis verba: *O Dii immortales, ubi nam gentium sumus! . . . O scelus, oportentum in ultimas terras amandandum!* Itèmqùè illa Virgiliù verba in Ecloga II.

Ah Corydon, Corydon, quæ te dementia cepit?

Vel cùm idem Virgilius Æneid. VI. Sibyllam ità loquentem inducit:

— Bella, horrida bella,

Et multo Tibrim spumantem sanguine
cerno.

Quis enim non videt, hæc orationis lumina, & illas dicendi quasi faces in quotidiano communiquè sermone adhiberi nequaquam solere?

Quibus potissimum Figuris erit illuminanda narratio, ut sit suavis?

R. Præcipuæ Narrationis Figuræ sunt Hypotyposis, Suspensio, sive Sustainatio, Exclamatio, Communicatio, & Sermocinatio, sive Dialogismus.

Quid est hypotyposis?

R. Est figura, qua aliquid tam vivis, spirantibusque, ut ita loquar coloribus pingitur, atque narratur, ut non tam audiri, vel legi, quam spectari, & oculis quasi subijci videatur. Ità Cicero V. in Verrem Gavi cujusdam Civis Romani supplicium narrat per Hypotyposim: *Cædebatur virgis in medio foro Messanæ Civis Romanus; cum interea nullus gemitus, nulla alia vox istius miseri, inter dolorem, crepitumque plagarum audiebatur, nisi hæc; Civis Romanus sum.*

Sic etiam Virgilius narrator, & rerum imitator planè mirificus, Didonis, & Æneæ venationem describens, rem quasi
sub

sub oculos ponit his versibus egregiis:

——— Ostróque insignis, & auro
Stat sonipes, ac fræna ferox spumantia
mandit.

Idémque Poëta libro quinto, Entelli, &c
Daretis pugnam pænè sub aspectum ita
subjicit:

Hæc fatus duplicem ex humeris ejecit
amictum,

Et magnos membrorum artus, magna
ossa, lacertosque

Exiit, atque ingens media consistit *Al-*
vena.

Constitit extemplo in digitos arrectus
uterque,

Brachiaque ad superas interritus extu-
lit auras,

Præcipitémque Daren ardens agit æ-
quore toto.

Nunc dextra ingeminans ictus, nunc il-
le sinistra

Nec mora, nec requies; quàm multa
grandine nimbi

Culminibus crepitant, sic densis ictibus
Heros

Creber utraque manu pulsat, versatque
Dareta

Ast illum fidei æquales genua ægra tra-
hentem,

Jactantemque utroque caput crasumque
cruorem

Ore rejectantem, mistosque in sanguine
dentes;

Ducunt ad naves.

Quid est Suspensio?

R. Suspensio, seu Sustentatio, est Figu-
ra, qua Orator ad sibi conciliandam atten-
tionem, & ad excitandos, atque arrigen-
dos auditorum animos, illos tenet aliquan-
diu suspensos, & incertos quid dicturus
sit. Ita Tullius contra Verrem: *Etiamnum
mihi expectare videmini iudices, quid deinde
factum sit Expectate facinus quàm
vultis improbum, vincam tamen expectatio-
nem vestram.*

Quid est Exclamatio?

R. Est vocis elatio, sive contentio, qua in-
terjectione, vel adhibita, vel subaudita, ve-
hementiorem animi motum significamus,
& rei magnitudinem exprimimus. Ita Tul-
lius, post narratum indignissimum illud
Gavii, licet Civis Romani, supplicium, de
quo paulò suprà, in has doloris, & indi-
gnationis voces subito erumpit: *O nomen
dulce libertatis! O jus eximium nostræ civi-
tatis! O lex Porcia, legesque Sempronice*
ò gra-

ò graviter desiderata, & aliquando reddita plebi Romanæ Tribunitia potestas! hucine tandem omnia reciderunt, ut civis Romanus in Provincia populi R. in oppido Fœderatorum, ab eo, qui beneficio populi R. fasces, & secures haberet, deligatus in foro virgis caderetur? Quid cum ignes, ardentisque laminæ, ceterique cruciatus admovebantur? si te illius acerba imploratio, & vox miserabilis non inhibebat, nè civium quidem Romanorum, qui tum aderant, fletu, & gemitu maximo commovebare? In crucem tu agere ausus es, quemquam, qui se civem Romanum esse diceret?

Eodem planè modo Æneas apud Virgilium lib. 2. equi Trojani fatalem ingressum primo narrat:

Dividimus muros, & mœnia pandimus urbis.

Accingunt omnes operi, pedibusque rotarum

Subjiciunt lapsus, & stupea vincula collo Intendunt. Scandit fatalis machina muros

Fœta armis: circum pueri, innuptæque puellæ

Sacra canunt, funemque manu contingere gaudent.

Illa subit, mediæque minans illabitur urbi.

Deinde per summum dolorem repente sic exclamat:

O patria, o divum domus Ilium, & inclita bello

Mœnia Dardanidum! quater ipso in limine portæ

Substitit, atque utero sonitum quater arma dedere.

Instamus tamen, immemores, cæcique furore.

Et monstrum infelix sacrata sistimus arce.

Quid est Communicatio?

R. Est figura, qua Orator causæ suæ confidens deliberat cum iis ipsis, apud quos, vel contra quos dicturus est, illos nimirum consulens, quid acturus sit, vel etiam quid ipsimet in simili causa essent acturi. Ità Cicero per summam fiduciam videtur consilia sua communicare cum adversario suo Verre, illumque quasi consulere in hunc modum; *Si tu apud Persas, aut in extrema India deprehensus Verres, ad supplicium ducerere, quid aliud clamitares, nisi te civem esse Romanum? Et si tibi ignoto apud ignotos, apud Barbaros, apud homines in extremis, atque ultimis gentibus positos, nobile, Et illustre apud omnes nomen tuæ civitatis profuisset; ille, quisquis erat, quem*

tu in crucem rapiebas, qui tibi esset ignotus, cum Civem se Romanum esse diceret, apud te Prætorem, si non effugium, nè moram quidem mortis mentione, atque usurpatione civitatis assequi potuit?

Quid denique est Sermocinatio, seu Dialogismus?

R. Est Figura, quâ duo, vel plures homines inducuntur loquentes, aut secum ipsi, aut cum aliis. Lepidum illius exemplum habes in hac pereleganti Narratione Ciceroniana libri primi Tusculanarum quæstionum.

Diogenes, & amici, Narratio per Dialogismum.

Cum ab amicis rogaretur Diogenes, ubi vellet inhumari, Projicite me, inquit, inhumatum. Tum amici: Volucrisne, & feris? Minime verò, inquit sed bacillum prope me, quo abigam, ponitote. Qui poteris? illi; non enim senties. Quid igitur mihi ferarum laniatus oberit nihil sentienti?

Nec minus festivum videbitur, quod hic subjicio, aliud exemplum ex eodem Tull. l. 2. de Orat.

Scipio Nasica, & Ennius Poëta.

Scipio Nasica cum ad Poëtam Ennium

venisset, eique ab ostio quærenti Ennium, ancilla dixisset domi non esse, Nasica sensit illam domini jussu dixisse, & illum intus esse. Paucis post diebus cum ad Nasicam venisset Ennius, & eum à janua quæreret, exclamat Nasica se domi non esse. Tum Ennius, Quid? ego non cognosco vocem, inquit, tuam? Hic Nasica: Homo es impudens: ego cum te quærerem, ancillæ tuæ credidi te domi non esse: tu mihi non credis ipsi?

§. III. VARIA NARRATIONUM GENERA, & SELECTA ILLARUM EXEMPLA.

Quotuplex est Narrationis genus?

R. Triplex, alia est enim Narratio Poëtica, alia Historica, alia Civilis, & Oratoria. Narratio Poëtica rem fictam exponit; Historica rem gestam; Civilis, & Oratoria rem exponit, quæ in controversiam adducitur.

Quid differt inter hæc tria Narrationum genera?

R. Hoc potissimum interest, quod Historicus, & Orator ordinem temporis & rei gestæ seriem in narrando sequantur, & servent; contra quam facit Poëta, qui etiam à fine, aut à medio, rem solet ordiri, quomodo Virgilius ab anno septimo ex-cidii Trojani suam Æneidem auspicatur;

ut

ut liquet ex hisce Didonis verbis ad Æneam, ad calcem libri primi:

———— Nam te jam septima portat
Omnibus errantem terris, & fluctibus
æstas.

2. Hoc interest, quòd Historicus veritate m confectetur, Orator verisimilitudinem; Poëta verò commentitiis etiam fabulis veritatem aspergat.

3. Denique hoc interest, quòd Historica Narratio sit fermè simplex, brevis, ac nuda: Oratoria sit ornatior, & fusior; Poëtica verò ornamentis abundet, & omnibus artis coloribus picta sit, atque polita.

Affer ex veteribus illustre quodpiam exemplum Narrationis Poëticæ?

R. Instar omnium esto Ovidiana illa Narratio de Dædalo, & de infelici Icaro, in qua omnes, quas diximus, virtutes, doctesque optimo jure miraberis.

Dædalus, & Icarus. Narratio Poëtica.

Metamorph. l. 8.

Dædalus interea Creten, longumque per-
rosus

Exilium, tactusque loci natalis amore,
Clausus erat pelago. Terras licet, inquit,
& undas

Obstruat, at cælum certè patet; ibimus il-
lac.

B4

Omnia

Omnia possideat, non possidet aëra Minos.
 Dixit, & ignotas animum dimittit in artes,
 Naturamque novat: nam ponit in ordine
 pennas,
 Aminima cœptas, longam breviorē se-
 quente,
 Ut clivo creviffe putes: sic rustica quon-
 dam.
 Fistula disparibus paulatim surgit arenis.
 Tum lino medias, & ceris alligat imas,
 Atque ita compositas parvo curvamine
 flectit,
 Ut veras imitetur aves Puer Icarus una
 Stabat, & ignarum sua se tractare pericla,
 Ore renidenti, modò quas vaga moverat
 aura,
 Captabat plumas, flavam modò pollice ce-
 ram
 Mollibat, lusúque suo mirabile patris
 Impediebat opus. Postquam manus ulti-
 ma cæpto
 Imposita est, geminas opifex librayit in
 alas
 Ipse suum corpus, motaque pependit in
 aura,
 Instruit & natam; Mediòque ut limite cur-
 ras,
 Icare ait moneo: nè, si demissior ibis,
 Unda gravet pennas; si celsior, ignis adu-
 rat.

Inter utrumque vola: nec te spectare Bo-
otem

Aut Helicem jubeo, frictumque
Orionis ensem.

Me duce carpe viam pariter præcepta vo-
landi (las.

Tradit, & ignotas humeris accommodat a-
Inter opus monitusque genæ maduere fe-
niles,

Et patriæ tremuere manus, dedit oscula
nato

Non iterum repetenda suo; pennisque le-
vatus

Antevolat, comitique timet (velut ales,
ab alto

Quæ teneram prolem produxit in aëra
nido)

Hortaturque sequi; damnosasque erudit
artes;

Et movet ipse suas, & nati respicit alas.

Cum puer audaci cepit gaudere volatu,
Deseruitque Ducem, Cœlique cupidine
tactus

Altius egit iter. Rapidi vicina solis
Mollit odoratas pennarum vincula ceras.

Tabuerant ceræ; nudos quatit ille lacer-
tos,

Remigioque carens non ulla percipit
auras;

Oraque cærulea patrium clamantia nomen
Excipiuntur aquâ, quæ nomen traxit ab
illo.

At pater infelix, nec jam pater, Icare, dixit,
Icare, dixit, ubi es? qua te regione requi-
ram?

Icare, dicebat, pennas aspexit in undis;
Devovitque suas artes, corpusque sepul-
chrô

Condidit; & tellus à nomine dicta sepulti
est.

Cedo vetus quoddam exemplum Narrationis Historicæ?

R. Habes in veteribus Historiæ Romanæ scriptoribus Narrationes bene multas; tam singulari operâ, artificioque elaboratas, ut nihil supra; in T. Livio 1. Sabinarum raptum; 2. Horatiorum, & Curiatorum pugnam; 3. Lucretiæ mortem, exactos à Bruto Tarquinius, interemptosque à patre proprios filios; 4. Audax Mucii Scævolæ facinus adversus Regem Porse-
nam; 4. Varios Coriolani eventus; 6. Pugnam Cannensem; 7. Hannibalis cum Scipione congressum Ephesi apud Antiochum Regem; 8. Supra cætera verò omnia, mirificum illud ejusdem Hannibalis iter in Italiam, per Hispaniam, per Pyrenæos, per Gallias, per Alpes, & Appenninum; quod
ex-

exquisitissimum quoddam artis opus existimo.

Habes prætereà in Salustio pugnam adversus Catilinam; in Q. Curtio Tyri obfidionem, singularem Abdolanymi eventum, Alexandri Magni mortem, consternationem, & Reginæ Sifygambis dolorem, ac interitum, &c.

Verùm sat esto ex omnibus illis Narrationibus unam, aut alteram hoc loco commemorare. Tu ex duabus illis disce omnes.

Horatorum pugna cum Curiatis

Narratio Historica. Ex Livii Hist. Lib. I.

Datur signum, infestisque armis, velut acies, terni juvenes Magnorum exercituum animos gerentes concurrunt. Nec his, nec illis periculum suum, sed publicum imperium, servitiumque obversatur animo; futuraque ea deinde patriæ fortuna, quam ipsi fecissent. Ut primò statim concursa increpuere arma, micantesque falsere gladii, horror ingens spectantes perstringit, Et neutro inclinata spe, torpebat vox, spiritusque.

Consertis deinde manibus, cum jam non motus tantum corporum, agitatioque anceps telorum, armorumque, sed vulnera quoque, Et sanguis spectaculo esset, duo Romani super alium alius, vulneratis tribus Alba-

nis, expirantes corruerunt. Ad quorum casum cum clamasset præ gaudio Albanus exercitus, Romanas legiones jam spes tota, nondum tamen cura deseruerat, exanimis vires unius quem tres Curiatii circumsteterant. Fortè is integer fuit, ut universis solus nequaquam par, sic adversis singulos ferox. Ergo ut segregaret pugnam eorum, capeffit fugam, ità ratus sequuturos, ut quemque affectum vulnere corpus sineret. Jam aliquantum spatii ex eo loco, ubi pugnatum est, aufererat; cum respiciens videt magnis intervallis sequentes; unum haud procul ab sese abesse, in eum magno impetu redit; Et dum Albanus exercitus inclamat Curiatiis, ut opem ferant fratri, jam Horatius cæso hoste, victor secundam pugnam petebat. Tunc clamore (qualis ex insperato faventium solet) Romani adjuvant militem suum, Et ille defungi prælio festinat. Priùs itaque quam alter, qui nec procul aberat, consequi posset, Et alterum Curiatium conficit.

Jamque æquato Marte singuli supererant sed nec spe, nec viribus pares: Alterum intantum ferro corpus, Et geminata victoria ferocem in certamen tertium dabant: Alter fessum vulnere fessum cursu trahens corpus victusque fratrum ante se strage, victori obijitur hostis: nec illud prælium fuit. Romanus

exultans, Duos, inquit fratrum Manibus dedi; tertium causam belli hujusce, ut Romanus Albano imperet, dabo. Malè sustinenti arma gladium superne jugulo defigit, jacentem spoliat. Romani ovantes, ac gratulantes Horatium accipiunt, eò majore cum gaudio, quò propius metus rei fuerat.

Abdalonimus ex Olitore rex Sidoniorum factus ab Alexandro Magno.

Ex Lib. IV. Q. Curtii.

Erant Hephæstioni hospites clari inter suos juvenes, qui facta ipsis potestate regnandi, negaverunt quemquam patrio more in id fastigium recipi, nisi regia stirpe ortum. Admiratus Hephæstion magnitudinem animi spernentis quod alii per ferrum, ignesque peterent, Vos quidem macti virtute, inquit, estote, qui primi intellexistis quantò majus esset regnum fastidire, quàm accipere. Certum date aliquem regix stirpis, qui meminerit à vobis acceptum habere se regnum. At illi cùm multos imminere tantæ spei cernerent, singulis amicos Alexandri, ob nimiam regni cupiditatem, adubantibus, statuunt neminem esse potiorem, quàm Abdalonimum quemdam, longa quidem cognatione stirpi regix annexum, sed ob inopiam suburbanum hortum exigua colentem stirpe.

Cau-

Causa ei paupertatis, sicut plerisque, probitas erat. Intentusque operi diurno, strepitum armorum, qui totam Asiam concusserat, non exaudiebat.

Subitò deinde, de quibus ante dictum est, cum regie vestis insignibus hortum intrant: quem fortè steriles herbas eligens Abdalonymus repurgabat. Tunc rege eo salutato, alter ex his, Habitus, inquit, is, quem cernis in meis manibus, cum isto squallore permittendus tibi est. Ablue corpus, illuvie, cæternisque sordibus squalidum: Cape regis animum, & in eam fortunam, quæ dignus es. istam continentiam profer. Et cum in regali solio residebis, vitæ, necisque omnium civium dominus, cave obliviscaris hujus status, in quo accipis regnum; imò Hercule propter quem.

Somnio similis res Abdalonymo videbatur. Interdum satisne sani essent, qui tam protervè sibi illuderent, percontabatur? Sed ut cunctanti squalor ablatus est, & injecta vestis purpurea, auroque distincta, & fides à jurantibus facta, serio jam rex, iisdem comitantibus in regiam pervenit. Fama, ut solet, strenuè tota urbe discurret. Aliorum studium, aliorum indignatio eminebat. Ditiissimus quisq; humilitatem, inopiãque ejus apud amicos Alexandri criminabatur. Ad-
mit-

mitti eum rex protinus iussit; diuquē contemplatus. Corporis, inquit, habitus famæ generis non repugnat: sed libet scire, inopiam qua patientia tuleris. Tum ille, Utinam, inquit, eodem animo regnum pati possim. Hæ manus suffecerunt desiderio meo: nihil habenti nihil defuit. Magnæ indolis speciem ex hoc sermone Abdalonymi cœpit.

Cedo denique Exemplum Narrationis Oratoricæ?

ꝑ. Laudatur ab omnibus; & in primis à Quintiliano celebris illa Miloniana Narratio, qua Cicero suspicionem insidiarum à Milone in Clodium tam callidè, tamque ingeniosè detorquet. Sic autem rem aggreditur.

Narratio Miloniana.

*Milo autem, cùm in Senatu fuisset eo die quoad Senatus dimissus est, domum venit, calceos, & vestimenta mutavit, paulisper, dum se uxor (ut fit) comparat, commoratus est. Deinde profectus est id temporis, cùm jam Clodius, siquidè eo die Romam venturus erat, redire potuisset. Obuiam fit ei Clodius expeditus in equo, nullâ rhedâ, nullis impedimentis, nullis Græcis comitibus, ut solebat; sinè uxore, quod numquam ferè:
cùm*

cum hic insidiator, qui iter illud ad eadem faciendam apparasset, cum uxore veheretur in rheda, penulatus, vulgi magno impedimento, ac muliebri, & delicato ancillarum puerorumque comitatu.

Fit obviam Clodio ante fundum ejus, hora ferè undecima, aut non multò secus. Statim complures cum telis in hunc faciunt de loco superiori impetum: adversi rhedarium occidunt. Cum autem hic de rheda, rejecta penula, desisset, seque acriter animò defenderet; illi qui erant cum Clodio, gladiis eductis, partim recurrere ad rhedam, ut à tergo Milonem adorirentur; partim, quòd hunc jam interfectum putarent, cedere incipiunt ejus servos, qui post erant, ex quibus qui animò fideli in dominum erant, & præsentès fuerunt, partim occisi sunt, partim, cum ad rhedam pugnari viderent, & domino succurrere prohiberentur, Milonemque occisum etiam ex ipso Clodio audirent, & ità esse putarent, fecerunt id servi Milonis (aicam enim non derivandi criminis causa, sed ut factum est) nèque imperante, neque sciente, nèque præsentè domino, quod suos quisque servos in tali re facere voluisset.

Hæc, sicut exposui, ità gesta sunt, judices: insidiator superatus; vi victa vis, vel potius oppressa virtute audacia est.

Miloniana illa Narratione nihilo inferiori existimo hanc alteram Narrationem lepidissimam, qua Tullius ostendit in libr. 3. de Officiis, quàm sint perfidi, improbi-que, qui aliud agunt, aliud simulant.

Malus Pythii cujusdam dolus.

Narratio oratoria.

C. Canius, eques Romanus nec infacetus, & satis litteratus, cum se Syracusas oticiandi, ut ipse dicere solebat, non negotiandi causâ contulisset, distitabat se hortulos aliquos velle emere, quò invitare amicos, & ubi se oblectare sine interpellatoribus posset. Quod cum percebuisset, Pythius ei quidam, qui argentariam faceret Syracusis, venales se quidem hortos non habere, sed licere uti Canio, si vellet uti suis, & simul ad canam hominem invitavit in hortos in posterum diem. Cum ille promisisset, tum Pythius, qui esset, ut argentarius, apud omnes ordines gratiosus, piscatores ad se convocavit, & ab his, petivit, ut ante suos hortulos postridie piscarentur, dixitque quid eos facere vellet.

Ad cœnam tempore venit Canius, opiparè à Pythio apparatus convivium, cymbarum ante oculos multitudo: pro se quisque quod ceperat, afferabat: ante pedes Pythii pisces abjiciebantur.

Dum

Dum Canius, Quæso, inquit, quod est hoc, Pythi? tantumne piscium? tantumne cymbarum? Et ille, Quid mirum? inquit, hoc loco est, Syracusis quidquid est piscium Hic æquatio: hac villa isti carere non possunt.

Incensus Canius cupiditate contendit à Pythio ut venderet. Gravate ille primò: quid multa? impetrat, emit homo cupidus, Et locuples tanti quanti Pythius voluit, Et emit instructos: nomina facit; negotium conficit.

Invitat Canius postridie familiares suos. Venit ipse mature, scalmum nullum videt; quærit ex proximo vicino, num ferice quædam piscatorum essent, quod eos nullos videret. Nullæ (quod sciam) inquit ille; sed hic piscari nulli solent. Itaque heri mirabar quid accidisset. Stomachari Canius. Sed quid faceret? Nondum enim Aquilius Collega, Et familiaris meus protulerat de dolo malo formulas . . . Ergo Et Pythius, Et omnes aliud agentes, aliud simulantes, improbi, Et malitiosi sunt.

C A P U T III.

§. I. DE CHRIA.

Quid est Chria?

R. Est brevis commemoratio facti, vel dicti cujuspiam utilis, & memoriâ digni:
unde

unde etiam *Chria* suum nomen invenit à Græco vocabulo *Chria* quod usum, utilitatem, commodum significat.

Quotuplex est Chriarum genus?

R. Triplex. Aliæ versantur in verbis, aliæ in actione; aliæ in utroque consistunt. Seu, ut vulgus Rhetorum loqui solet, aliæ sunt *Verbales*, aliæ *Activæ*, aliæ *Mixtæ*.

Quid est Chria Verbalis?

R. Ea est, quæ explicat verba graviter ab aliquo, & sententiosè prolata: qualis est v. gr. Virgilii versus:

Discite justitiam moniti, & non temere Divos.

Vel hoc effatum Senecæ: *Nulla est honesta avaritia, nisi temporis*; itémque hi Horatii versus:

Pallida mors æquo pulsat pede pauperum tabernas.

Regumque turres

Aut denique sapientissima illa Juvenalis sententia.

Orandum est, ut sit mens sana in corpore sano.

Quid est Chria activa?

R. Ea est, quæ memorabile aliquod factum exponit, & verbis exornat, ut: *Sapiens Pythagoras interrogatus aliquando quàm longa esset hominum vita, sese paulisper*

per conspiciendum exhibuit; tam subito ex spectantium oculis evolavit; ut nimirum celeri illa fuga, caducæ, & fugacis mortalium vitæ brevitatem designaret.

Si etiam Cotys Traciæ Rex, cum quidam pardalim, seu pantheram, ferocissimum animal, illi dono misisset; ipse vicissim leonem misit, nè verbum quidem addens: sed malam bestiam sic malè pensando, re ipsa hominem prudenter admonuit par pari, ut est veteri proverbio, esse omnino referendum.

Memorable quoque in primis, & omnibus notum, quòd referunt Livius, & Florus de duobus Tarquiniis patre, & filio. Cum enim Sextus Tarquinius Tarquini Superbi regis ultimi Romanorum filius, acceptam à patre contumeliam, & injuriam simulans, ad Gabios transfugisset, brevique ad summam apud illos, regiæque pœnè parem potestatem pervenisset, misit clanculùm Romam unum è suis, sciscitatum à patre, quidnam demum se facere vellet. Rex ad hæc nihil voce respondit, sed veluti deliberandus in hortum ædium transit, sequente filii nuntio. Ibi inambulans tacitus eminentia papaverum capita baculo decussit, & per hæc ambages filium admonuit, primores civitatis esse interfi-

cien-

ciendos. Quòd cum à filio non ità multò post variis artibus factum esset, brevi, & consiliò, & præfidiò orbata civitas fuit in Tarquinii potestatem nullo labore redacta.

Rem sic narrat Ovidius nativo quodam, ut solet, simplici que candore, libro secundo de Fastis.

Ultima Tarquinius Romanæ gentis habebat

Regna, vir injustus; fortis ad arma tamen.
Ceperat hic alias; alias everterat urbes,
Et Gabios turpi fecerat arte suos.

Namque trium minimus proles manifesta
superbi

In medios hostes nocte silente venit.

Nudarunt gladios: occidite, dixit, inermem
Hoc cupiunt fratres, Tarquiniusque pater,
Qui mea crudeli laceravit verbere terga.

(Dicere ut hoc posset, verbera passus erat)
Luna fuit, spectant juvenem, gladiosque
recondunt,

Tergaque deducta veste notata vident.

Flent quoque, & ut secum tueatur bella
precantur;

Calidus ignaris annuit ille viris

Jamque potens missio genitorem appellat
amico,

Perdendi Gabios quod sibi monstret iter.

Hor-

Hortus odoratis suberat cultissimus her-
bis,

Septus humum rivo lene sonantis aquæ;

Illic Tarquinius mandata latentia nati

Accipit; & virgâ lilia summa metit.

Nuntius ut rediit, decussâque lilia dixit,

Filius, agnosco iussa parentis, ait.

Nec mora, principibus cæsis ex urbe Ga-
bina,

Traduntur ducibus mœnia nuda suis.

Quid est Chria mixta?

ꝑ. Est ea, quæ Factum aliquod sermoni
conjunctum exponit. Exempla si quæris,
aliquot selecta hic damus.

Exempla Chriæ mixtæ I.

*Marmoream statuam cum aliquando vi-
disset in foro Diogenes Philosophus, ad il-
lam supplex accessit, & manum illi quasi ad
stipem diu multumque porrexit. Mirantibus
valde amicis, & interrogantibus quid por-
rò faceret, respondit, Ad repulsam me ex-
perior.*

II. Exemplum.

*Idem Diogenes cum aliquando confertis-
simam populi turbam sese è theatro effun-
dentem vidisset, adversus illam solus ingredi
totis viribus cæpit, & objurgantibus respon-
dit: Hoc in omni vita facere studeo. III.*

III. Exemplum.

Miles Spartanus intempesta nocte tumultum præteriens cum horribile quoddam spectrum vidisset, stricta lancea, in illud audacter irruit, ita verbis compellans: Quò me fugis anima bis moritura? Hoc singulari facto docemur, Faunorum terriculamenta, & inania larvarum, ac lemurum ludibria à cordatis, fortibusque omninò rideri.

Quot sunt Chriæ partes, seu Capita?

R. Chria sive Verbalis sive Activa, sive Mixta, continetur partibus octo, inquit Aphthonius in *Progymnasmatis*. Sunt autem partes illæ, *Encomium, Paraphrasis, Causa, Contrarium, Simile, Exemplum, Testimonium veterum, & Epilogus.*

Sive ut trita illa, usitataque formula potius utamur: Chria tractanda est.

1. A. Laudativo.
2. A. Paraphrastico.
3. A. Causa.
4. A. Contrario.
5. A. Simili.
6. Ab exemplo.
7. A. Testimonio veterum.
8. A. brevi Epilogo.

Quæ singula Capita figillatim enucleare necesse est.

Quid

Quid sibi vult à Laudativo?

R. Significat, in ipso Christi initio laudandum esse dicti, vel facti auctorem; ut scilicet ex auctoris laudatione major illius seu dictis, seu factis auctoritas, ac veluti pondus accedat.

Quid hoc sibi vult à Paraphrastico?

R. Idem profus ac si diceres, *Ab expositione dicti, vel facti, de quo agitur.* Paraphrasis enim, ut vox Græca satis indicat; est liberior, ac copiosior rei explanatio.

Quid illud est à Causa?

R. Indicat, diligenter investigandam esse, & asserendam causam illius seu dicti, seu facti; quod pertractandum, & amplificandum suscepimus: v. gr. Christi verbalis argumentum esto hæc sapiens sententia: *Ferenda sunt amicorum vitia: erit in promptu hæc causa justissima, quod scilicet vitis sine nemo nascitur: optimus ille est qui minimis urgetur,* ut ait; Horatius.

Quid est à Contrario?

R. Admonet, sententiam nostram ex contrariarum rerum conflictione esse confirmandam, v. gr. postquam probaveris *dulce, ac decorum esse pro patria mori,* dices è contrario rem esse turpissimam, ac propudiosam, si miles pro patria pugnans inhonesta mortis formidine, terga fugæ con-

convertat. Itè postquam ostenderis, otium, & desidiam omnium vitiorum fontem, ac fomitem esse, dices è contrario laborem, & vigiliam esse firmissimum murum integritatis, innocentiaëque praesidium.

Quid à simili?

R. Monet, propositam sententiam apta quapiam similitudine exornandam, ac illustrandam esse. Ità si laborem, & diligentiam commendare velis, dices cum Tullio: *Ut ad cursum equus, ad arandum bos, ad indagandum canis; sic homo ad intelligendum, & agendum natus est.*

Quid vocas ab Exemplo?

R. Hujusce vocis sensus est, rem, quam pertractamus, illustris cujuspian exempli appositione confirmandam esse. Sit tibi v. gr. amplificandum illud: *Dulce, & decorum est pro patria mori*, efferes exemplum Codri Atheniensium regis, de quo cecinit Horatius ode 14. lib. 3. *Codrus pro patria non timidus mori: vel afferre poteris exemplum Decii Consulis Romani, qui se velato capite, certisque verbis pro patriæ salute ultrò devovit.*

Quid à testimonio veterum?

R. Ostendit: nostram sententiam veterum auctorum verbis, ac testimonio com-

probendam esse. Sit hoc argumentum v. gr. *Injurias esse condonandas potius, quàm ulciscendas: usurpabis aureum illud Taciti verbum: Multa contemptu curantur; vel hanc ejusdem sententiam homine Christiano dignissimam: Convicia spreta exole- scunt.*

Quid demum sibi vult à Brevis Epilogo?

ꝑ. Indicat, apta quadam, & rotunda verborum conclusione comprehendenda esse quæcumque fusiùs dicta sunt. Est enim Epilogus brevis, & artificiosa clausula, qua colligimus in pauca, quæ fusiùs commemorata fuère.

Sed quoniam, ut initio diximus, per præcepta longum est iter, per exempla verò expeditum, & facile, idcirco operæ pretium est aliquod Christiæ exemplum hoc loco subjicere.

S. II. CHRISIA VERBALIS IN HANC VIRGILII SENTENTIAM. ÆNEID. IO.

— Breve, & irreparabile tempus
Omnibus est vitæ, ...

A Laudativo.

Cum optimo cuique Poëta propositum illud fuerit semper, ut misceat utile dulci, hoc est, ut delectando doceas, & docendo delectes; neminem tamen adhuc legi Poë-
tana

tam hac in re Poëtarum principi Virgilio comparandum. Ille enim non solum cæteros omnes ante se, & post se Græcos, Latinosque Poëtas facile vincit elegantia, suavitate, judiciô, splendore, numero, delictuque verborum; non solum hoc habet, ut illius versibus perfectis ingeniô, elaboratis industriâ nihil addi possit, nihil detrahi, nihil mutari, verissimèque de illo dictam olim fuerit, Musas, & Apollinem non aliter in suo choro loqui, Jovemque ipsum, si sit Poëta, non alio modo loquuturum; verum etiam, quod caput est, sententiarum gravitate, & frugiferorum, quibus abundat, præceptorum sapientiâ, hoc assequutus est, ut optimus vitæ, virtutisque magister jure merito possit à nobis appellari.

Inter cætera verò documenta, ad vitam instituendam, & ad mores informandos idonea, quibus aspersum est passim divinum illius Poëma, saluberrimum in primis est, atque laudabile quod ait Æneidos libro decimo de brevitate temporis, fluxaque, & caduca mortalium vita.

— Breve, & irreparabile tempus
Omnibus est vitæ.

Itâ est profectò: tam exiguum, tàmque arctum vivendi curriculum nobis à natura circumscriptum est, ut vix benè lacem ingressis sit de hujus mortalis mundi statione decedendum, & vita cum morte commutanda. Nihil nisi temporis punctum quoddam est caduca hæc, quam tantopore deperimus, vita, minimùmque est ac pænè nullum intervallum illud, quod ortum inter, & occasum nostrum interjacet. Fugit retrò levis hora, truditur dies die, præcipiti casu fugaces anni sese mutuo pellunt, & adolescentiæ senectus, senectuti mors obrepit improvise semper, & inopinata: quòdque gravius est, cum semel effluxit brevissimum hoc vitæ tempus tam irreparabilis est illius lapsus, ut nulla deinde possit ratione revocari,

A Causa.

Neque verò est cur adeò parvam temporis usuram nobis ad vivendum concessam jure merito conqueramur. Præterquam quod enim vita, si scias uti, satis longa est, præterea ea certa, stabili que lege natos nos esse scimus, ut denique moriamur. Quis enim tam vecors esse potest, qui

qui nesciat hanc esse tristissimam peccati mercedem, pœnamque justissimam: hanc esse mortalium conditionem, ac sortem: humana omnia caduca esse, & fluxa atque mobilia: nihil, quòd ortum fit, sempiternum esse posse: definitum esse cuilibet certum quoddam, brevequè temporis spatium ad felicem in cœlo vitam promerendam? Cùmque olim amplioribus terminis circumscripta esset nostra hæc mortalis vita; & in sæcula benè multa propagaretur, eam nostris flagitiis, sceleribusque breviorē effecimus; *Remotique prius tarda necessitas lethi corripuit gradum.*

A Contrario.

Contra verò cum semel post miseræ hujusce vitæ decursum terreni corporis contagione solutus erit noster animus; eum demum inter felices spiritus ævò sempiternò perfruemur in cœlo, nulla jam amplius pertimescenda nobis neque vicissitudo rerum, neque conversio temporum; nec ætatum commutatio: nullus jam erit neque horarum lapsus, nec fluxus dierum, nec annorum sibimet mutuò succedentium cursus. Sed eodem semper hærentes, & felicitatis, & temporis vestigio, stabili, certa que beatitate, æternis sæculorum æ-

tatibus cum DEO ipso potiemur.

A Simili.

O nos igitur male cautos! O numquam satis deplorandam sortem nostram! si æterna hæc, solidaque oblitus, nihil nisi umbras, imaginesque confectemur. Si enim ex veritate magis, quàm ex opinione res velimus æstimare, quid demum aliud est fragilis hæc, fugaxque vita, nisi levis quidam fumus, qui puncto temporis evanescit? nisi præceps torrens, qui cum vano strepitu celeriter effluit? nisi flosculus brevi marcescens, qui mane oritur, vespere floret, & nocte cadit? nisi umbra quædam, & larva inanis, quæ nostras effugit manus.

Par levibus ventis, volucrique simillima somno?

Ab Exemplo.

Testes hoc loco possem appellare ab omni memoria Christianos illos Heroes, virosque sapientissimos, qui mirificam fugacis vitæ brevitatem tot laboribus, tot vigiliis, tot indefessis curis redemptam compensarunt. Testes appellare possem tot virgines, tot viros principes, tot nobiles adolescentes, qui fragilem hanc rerum humanarum mobilitatem, atque inconstan-

stantiam pertæsi, quæcumque apud cæcos mortales prima putantur, pro nihilo ducere, & voluptatum illecebras, ac perniciofa rerum caducarum blandimenta generosa quadam alacritate conculcârunt.

A Testimonio veterum.

Hoc inculeare Corinthiis voluit Divus Paulus, cum dixit: *Tempus breve est.* Hoc ipsum nos remonet summus ille vir Jobus, dum afflatus divino Spiritu sic loquitur: *Brevēs dies hominis sunt:* Hæc eadem erat mens vel ipsi quoque Horatio, profano licet homini, cum amicum sapienter sic admonet:

Omnem crede diem tibi diluxisse supremum.

Et alio loco: *Quid brevi fortes jaculamur ævo multa;*

Hoc denique sentiebat Phædrus, cum in elegantibus suis fabulis hanc verissimam protulit vocem:

Abiturus illuc, quò priores abierunt,
Quid mentē cæca miserum torques spiritum?

A Brevi Epilogo.

Cum igitur adeò breve tempus sit, adeoque irreparabile, relinquitur id unum, ut cogitemus etiam atque etiam nihil esse

loci socordiæ, neque segnitia; nobis inter tantas angustias nequaquam licere esse otiosos; miseros esse, qui se, per summam incuriam, re una omnium pretiosissima defraudari patiuntur. Restat denique id unum, ut cum celeritate temporis utendi celeritate certemus, & tamquam ex Torrente quodam, qui rapidè dilabitur, celeriter hauriamus.

§. III. ARGUMENTA CHRARIUM VERBALIUM EX HORATIO.

1. Omnes eodem cogimur. 2. Vivitur parvo benè: 3. Levius sit patientia quidquid corrigere est nefas. 4. Magnas inter opes inops. *De avaro.* 5. Ira furor brevis est. 6. Multa semen circumveniunt incommoda. 7. Fortes creantur fortibus. 8. Omnem crede diem tibi diluxisse supremum. 9. Quantò quisque sibi plura negaverit, à Diis plura feret.

Ex Virgilio.

10. Quid non mortalia pectora cogis
Auri sacra fames?
11. Facilis descensus Averni.
12. Labor omnia vincit.

Ex ovidio.

13. Principiis obsta: serò medicina paratur.

14. Otia si tollas, periêre cupidinis arcus,
15. — Dicitque beatus.
Ante obitum nemo, supremaque funera debet.
16. — Paupertatemque ferendo
Effecere levem.
17. Livor, iners vitium, mores non exit
in altos.

Ex Juvenali.

18. Fronti nulla fides: 19. Crescit amor
nummi quantum ipsa pecunia crescit. 20.
Nemo repentè sit turpissimus. 21. Res est
sacra miser. 22. Nobilitas sola est, atque
unica virtus.

Ex Seneca.

23. Totâ vitâ discendum est mori. 24.
Etiam finè magistro vitia discuntur. 25.
Qui genus jactat suum, aliena laudat. 26.
Sequitur superbos ultor à tergo DEUS.

Ex Persio.

27. O curas hominum, O quantum est
in rebus inane! 28. Virtutem videant, in-
tabescantque relicta. *De sceleratis.*

Ex Martiali.

29. Extra fortunam est quidquid dona-
tur egenis.

Quas dederis solas semper habebis opes:
30. Non est, crede mihi, sapientis, dicere,
vivam:

Sera nimis vita est craftina: vive hodie

Ex Terentio.

31. Crescit in adversis virtus.

Hæc igitur, aut alia id genus argumen-
ta pertractare si velis, facies sedulo quod
suprà dictum est.

1. Laudabis breviter auctorem Senten-
tiæ. 2. Planius, & copiosius explicabis sen-
tentiam, illamque variis verborum co-
loribus pictam bono, ut ajunt, lumine col-
locabis. 3. Afferes causam aliquam quam-
obrem res ità se habeat. 4. Ex contrario-
rum conflictione, & quasi concursu illam
confirmabis. 5. Illustrabis eam similitudi-
ne, quæ in rem aptissimè quadret. 6. Pro-
babis illam singulari quodam exemplo. 7.
Veteris auctoris testimoniò, & auctorida-
te illam confirmabis. 8. Denique ex omni-
bus hisce capitibus rem ità se habere con-
cludes.

Quomodo tractanda est Chria activa?

B. Eadem prorsus ratione, qua Chria
verbalis. Eadem enim est utriusque ars,
eædemque planè regulæ. Itaque actum
ageremus, si de Chria activa separatim, ac
seor-

seorsim tractaremus.

Idem planè dicito de Chria mixta.

C A P U T IV.

DE AMPLIFICATIONE.

Quid est Amplificatio?

R. Ineptè prorsus, ac ridicule facere mihi videntur, qui perperam interpretantes Isocratis verba, Amplificationem cum vulgo ità definiunt: Amplificatio, inquiunt, est oratio, quæ ex parvis magna facit; seu quæ res exiguas verbis exaggerat, & in majus attollit. Puerilis, inquam, & præstigiatores, ac Sophista potius, quàm Oratore digna mihi semper visa fuit hæc vulgaris definitio, quæ res mendacio, fallacibusq; pigmentis supra meritum velit auferri. Ut enim facetè agebat Spartanorum Rex Agefilans: Ego pessimum eum suturem arbitrabor semper, qui magnos calceos pedibus parvis inducat.

Nos igitur cum Tullio sic Amplificationem commodius longè definimus: *Amplificatio est gravior quedam affirmatio, quæ motu animarum conciliat in dicendo fidem.* Quia verò subobscura cuiquam fortè videri posset hæc definitio: & quia vis, & fa-

cultas Oratoris potissimum in amplificando consistit; idcirco definitionem illam & totam amplificandi artem planius, & apertius explicare operæ pretium existimamus.

Quid igitur sibi volunt hæc verba; Gravior quædam affirmatio?

R. Gravissima illa affirmatio, de qua hic agitur, nihil aliud est, quam vehementius quoddam, copiosiusque dicendi genus, quo rei vel dignitatem, & amplitudinem, vel indignitatem, & atrocitatem pondere verborum, & enumeratione circumstantiarum ita demonstramus, ut non animos, auresque prætervolet, ut ferme fit cum res leviter, ac strictim attinguntur, sed ut feriat animos, permoveat, & audientiam memoriæ penitus infideat.

Cedo illustre quodpiam exemplum Amplificationis hujusmodi?

R. Habes luculentissimum in atrocissima illa Didonis adversus Æneam abeuntem querela: Poterat Dido simpliciter, & nudè Æneam appellare *durum, inhumanum, ferreum*, sed querimoniam illam sic amplificat mirificè Virgilius Æneidos Lib. IV.

Talia dicentem jamdudum averſa tuetur,
Huc illuc volvens oculos, totumque pererrat,

Luminibus tacitis, & sic accensa profatur:
Nec tibi Diva Parens, generis nec Dardanus auctor,

Perfide: sed duris genuit te cautibus horrens

Caucasus, Hyrcanæque admôrunt ubera tigres.

Sic etiam Libro 2. poterat Æneas exiliter, & jejune dicere se amissam conjugem Creusam clamoribus maximis per noctis tenebras appellasse: verum rem ita verbis exaggerat:

Ausus quin etiam voces jactare per umbram,

Implevi clamore vias, mœstusq; Creusam
Nequidquam ingeminans iterumque iterumque vocavi.

Quotuplex est Amplificatio?

R. Duplex: Alia est verborum, alia rerum: seu quod idem est, alia fit rebus, ac sententiis, alia verbis tantum. De utroque genere seorsim agendum nobis est.

§. I. DE AMPLIFICATIONE RERUM.

Quod modis fit amplificatio rerum?

R. Octo præcipuis. 1. Fuit per congeriem definitionum, seu per definitiones conglobatas. 2. Per congeriem adjunctorum, 3. Per congeriem, seu per enumerationem

par-

partium. 4. Per congeriem causarum, & effectum. 5. Per congeriem consequentium. 6. Per congeriem similium, comparisonum, & exemplorum. 7. Per contrariorum, dissimilium, & inter se pugnantium conflictionem. 8. Denique per incrementum. Singula hæc capita sigillatim perfectamur.

§. II. DE AMPLIFICATIONE PER CONGERIEM DEFINITIONUM.

Quid est Definitio?

R. Est brevis, & circumscripta rei explicatio: seu, ut ajunt Philosophi, est oratio, quæ rei naturam breviter explicat.

Quid est Amplificatio per congeriem definitionum, sive à definitionibus conglobatis?

R. Est ea, in qua variæ ejusdem rei definitiones congeruntur, & quasi coacervantur, ut cum ait Cicero: *Historia est testis temporum, lux veritatis, vita memoriæ, magistra vitæ, nuntia vetustatis.* Ex iisdem definitionibus conglobatis, Curia, ac Senatus Romani majestatem sic amplificat idem Orator in oratione pro Milone: *Curia templum sanctitatis, amplitudinis, mentis: consilii publici, caput urbis, ara sociorum, portus omnium gentium, sedes ab universo populo R. concessa uni Ordini.*

Po-

Poteris tu vicissim, ad illarum definitio-
 onum conglobatarum imitationem, dice-
 re, quid sit eloquentia, quid Poësis, quid
 amicitia, quid vita hominis, quid Deus ipse.

§. III. DE AMPLIFICATIONE PER CON-
 GERIEM ADJUNCTORUM.

*Quid est Amplificatio per congeriem ad-
 junctorum?*

R. Est ea, quæ ducitur ab omnibus seu
 rerum, seu personarum adjunctis, ac cir-
 cumstantiis simul coacervatis. Cicero 2.
 Agraria. *Ego qualem Kalendis Januariis
 acceperim Kemp. Quirites, intelligo plenam
 sollicitudinis, plenam timoris, qua nihil erat
 mali, nihil adversi, quod non boni metue-
 rent, improbi expectarent: omnia turbulen-
 ta consilia contra hunc Reip: statum, & con-
 tra vestrum otium partim iniri, partim, no-
 bis Consulibus designatis, inita esse diceban-
 tur: sublata erat de foro fides, non istum a-
 liquo novæ calamitatis, sed suspitione, ac
 perturbatione judiciorum, infirmatione re-
 rum judicatarum novæ dominationes, ex-
 traordinaria non imperia; sed regna quæri
 putabantur.*

Virgilius sub finem libri primi Georgi-
 corum de Julii Cæsaris interitu lugubriter
 admodum, & tragicè lamentatur, coacer-

vando funestissima prodigia, monstraque,
quæ vel antecessere, vel mox subsecuta
sunt:

Ille etiam extincto miseratus Cæsare
Romam.

Cùm caput obscura nitidum ferugine
textit,

Impiaque æternam timuerunt sæcula
noctem,

Vox quoque per lucos vulgo exaudita
silentes

Ingens: & simulacra modis pallentia mi-
ris

Visa sub obscurum noctis, pecudesque
locutæ:

Infandum; sistunt amnes, terræque de-
hiscunt,

Et mœstum illacrymat templis ebur, æ-
raque sudant.

Totum hunc locum, ut eximium ampli-
ficationis exemplar, & ad excitandam com-
miserationem in primis idoneum, tu con-
sulito, si me audis.

§. IV. DE AMPLIFICATIONE PER CONGE-
RIEM, SEU ENUMERATIONEM PARTIUM.

*Quid est Amplificatio ab enumeratione
partium?*

¶. Est illa, quæ fit, dum totum aliquod in suas partes distribuitur; seu dum rei aliqujus partes vel omnes, vel præcipuæ certè quidem, figillatim enumerantur. Ità Cicero funestum Pisonis Consulatum describit: *Omnes memoriam consulatûs tui, facta, mores, faciem denique, ac nomen à Rep. detestantur. Legati, qui unâ fuere, alienati: Tribuni militum, inimici: Centuriones, Et si qui ex tanto exercitu reliqui milites existunt, non dimissi abs te, sed dissipati, te oderunt, tibi pestem exoptant, te execrantur. Achaja exhausta, Thessalia vexata, lacerata Athence; Apollonia exinanita; Ambracia direpta; Bullienses illusi; Epirus excisa; Locri exusti: Athamanum gens vendita; Macedonia condonata barbaris; Ætholia amissa; Dolopes, finitimique montani oppidis, atque agris exterminati; Cives Rom. qui in iis locis negotiantur, te unum solum suum depeculatorem, vexatorem, prædonem, hostem venisse senserunt.* Ovidius lib. II. *Metamorph. dilatât sententiam hanc:*

*Rex Midas omnia quæcumque tangit,
in aurum convertit.*

Lætus abit, gaudetque malo Berecinthis
heros.

Pol-

Pollicitique fidem tangendo singula tentat
Vixque sibi credens, non alta fronde vi-
rentem

Illice detraxit virgam, virga aurea facta est:
Tollit humô saxum; saxum quoq; palluit
aurô:

Contigit, & glebam; contactu gleba po-
tenti

Massa fit: arentes Cereris decerpfit aristas.
Aurea messis erat. Demptum tenet arbo-
re pomum;

Hesperidas donâsse putes: si postibus altis
Admovit digitos, postes radiare videntur:
Ille etiam liquidis palmas ubi laverat un-
dis,

Unda fluens palmis Danaen eludere possit.

Sic etiam Maffejus Latinæ linguæ ele-
gantiâ munditiæque nulli inferior, urbis
Veneticarum pulchritudinem, præstanti-
amq; per partium enumerationem descri-
bit in vita S. Ignatii, omnibus picta, & po-
lita artis coloribus.

*Veneticarum descriptio per enumeratio-
nem partium.*

*Veneticarum urbis, in recessu intimo sinus
Adriatici, ea regio, ac situs, est, ut leniter
stagnantes ex alto aquæ, illam omni ex par-
te circumluant. Ea inclytæ urbi, & ad mer-
ces,*

ces, copiasque invehendas opportuna receptacula, & contra hostiles, incurfus munimenta firmissima sunt. Ex iis porrò æstuariis majores, minoresque Euripi totam urbem inter cursantes, variis mœandris, ac flexibus ità distinguunt, ut quot in partes pedibus, in totidem ferè mari aditus sit, egregiò sanè vel artis, vel naturæ miraculò. Inde vicorum, insularum, & pontium ingens numerus; ut qui diutiùs ibi versati non sunt, viarum, locorumque modò varietate, modò similitudine sæpè fallantur. Sed contra ejusmodi ambages certum, paratumque remedium est maxima multitudo cymbarum, quæ usquequaque dispersæ, nominatim ad omnia & publica, & privata loca quemlibet hæud ità magna mercede, trajiciant.

§. V. DE AMPLIFICATIONE PER CONGERIEM CAUSARUM, ET EFFECTUUM.

Quid est Amplificatio per congeriem causarum, & effectuum?

ꝛ. Est ea, in qua multæ simul unius rei causæ, & effectus multi conglobantur; ut si diceres cum celebri artis magistro. Querens multis modis vexatam esse provinciam, sed ad causas calamitatis attende. Vigebat in ea ambitus, luxuria dominabatur; segnes erant magistratus, populus ipse molli, otiosa-

saque segnitie diffuebat. Expedio igitur da-
 mna longè graviora Exhaurientur pecuniæ,
 jacebit spreta Religio, fures impunè grassa-
 buntur, &c. Ex hoc eodem loco immanif-
 simam Mezentii crudelitatem amplificat
 rex Evander apud Virgilium Æneid. 8.

Quid memorem infandas cædes, quid
 facta Tyranni

Effera? Dj capiti ipsius, generique re-
 fervent.

Mortua quin etiam jungebat corpora
 vivis,

Componens manibusque manus, atque
 oribus ora,

(Tormenti genus,) & sanie, taboque
 fluentes,

Complexu in misero, longa sic morte
 necabat.

§. VI. DE AMPLIFICATIONE PER CON-
 RIEM CONSEQUENTIUM.

Quid est Amplificatio per congeriem con-
 sequentium?

R. Est ea, in qua plura ponuntur acer-
 vatim ex eadem re consequentia. Ex hoc
 loco Virgilius noctem egregiè describit
 Æneidos 4. amplificando res varias, quæ
 noctem fermè consequuntur.

Nox erat, & placidum carpebant fessa
 soporem

Cor-

Corpora per terras, silvæque, & sæva
quiérant

Æquora: cùm medio volvuntur sidera
lapsu,

Cùm tacet omnis ager, pecudes, pictæ-
que volucres,

Quæque lacus latè liquidos, quæque a-
spersa dumis

Rura tenet; somno positæ, sub nocte
silenti,

Lenibant curas, & corda oblita laborum.

§. VII. DE AMPLIFICATIONE PER COM-
PARATIONES, SIMILITUDINES, ET
EXEMPLA.

*Quid est Amplificatio per comparationes,
similitudines, & exempla?*

R. Est ea, quæ fit per unam, vel per
multas comparationes, ac similitudines, &
per unum exemplum, vel per plura. Fiet
Amplificatio per plures comparationes, si
dicas, v. gr. cum Tullio in Pisonem: *Ego
non te vecordem, non furiosum, non mente
captum, non tragico illo Oreste, aut Atha-
mante dementiorem putem?* Vel si dicas
cum Martiali, in improbum quemdam Gau-
rum, qui sua lutulenta vitia magnorum
virorum exemplò solebat excusare.

In Gaurum.

Quod nimiô gaudes noctem producere
vinô,

Ignosco; vitium, Gaure, Catonis habes.

Carmina quôd scribis Musis, & Apolline
nullo,

Laudari debes: hoc Ciceronis habes.

Quod vomis, Antoni; quôd luxuriaris, A-
pici:

Quôd fures; vitium, dic mihi, cujus ha-
bes?

Fit Amplificatio per unam tantum simili-
tudinem in hoc Virgilii loco, ubi fortif-
simam Amazonem Camillam de imbelli
hoste nullo labore triumphantem sic
exprimit *Æneid. II.*

Quàm facilè accipiter saxo facer ales ab
alto

Consequitur pennis sublimem in nube co-
lumbam,

Comprensamq; tenet, pedibusq; eviscerat
uncis.

Tum cruor, & vulsæ labuntur ab æthere
plumæ;

Itémq; in Libro septimo, ubi Reginæ Ama-
tæ furorem, ac circumcursationes de-
pingit lepidissima turbinis verbera à pu-
eris agitati similitudine.

Ceu

Ceu quondam torto volitans sub verbere
turbo

Quem pueri magno in gyro, vacua atria
circum,

Intenti ludo exercent: ille actus habena
Curvatis fertur spatiis: stupet inscia turba,
Impubesq; manus mirata volubile buxum.
Dant animos plagæ. Non cursu segnior
illo,

Per mediâs urbes agitur, populosq; feroces
Addite denique pulcherrimam istam juve-
nis Pallantis à Turno occisi cùm floscu-
lo decerpto comparationem, quàm Scali-
ger quovis nectare dulciorem non ve-
retur appellare.

Hic juvenem agresti sublimem in stramine
ponunt,

Qualem virgineo demessum pollice florem
Seu mollis violæ, seu languentis hyacin-
thi.

Cui neque fulgor adhuc, necdum sua for-
ma recessit.

§. VIII. DE AMPLIFICATIONE PER CON-
FLICTIONEM CONTRARIORUM.

*Quid est Amplificatio per conflitionem
contrariorum, Et inter se pugnantium?*

¶ Est ea, qua plura contraria per anti-
theses opponuntur, ut illa Ciceronis in
Ca-

Catilinam: Hoc verò quis ferre possit, inertes homines fortissimis insidiari, stultissimos prudentissimis; ebriosos sobriis, dormientes vigilantibus? In idem est illud ejusdem Ciceronis in Pisonem, & Gabinium Consules: Qui latrones igitur, siquidem vos Consules? qui prædones? qui hostes? qui proditores? qui Tyranni nominabuntur? Magnum nomen est, magna species, magna majestas Consulis. Non capiunt angustia pectoris tui: non recipit levitas ista, non egestas, non infirmitas ingenii sustinet, non insolentia rerum secundarum tantam personam, tam gravem, tam severam.

Sic etiam Seneca in Thyeste;

Quem dies vidit veniens superbum,
Hunc dies vidit fugiens jacentem.

Tale est etiam incerti auctoris, sed tamen antiqui in Alexandri magni tumulum.

Sufficit huic tumulus, cui non suffecerat orbis:

Res brevis huic ampla est, cui fuit ampla brevis.

Ex hoc eodem loco magni nominis Poëta Santolius Victorinus admirabiles Sanctorum virtutes amplificat per congestas antitheses.

Illis summa fuit gloria despici,

Illis divitiæ pauperiem pati,

Illis

Illis summa voluptas
Longo supplicio mori.

§. IX. DE AMPLIFICATIONE PER IN-
CREMENTUM.

Quid est Amplificatio per incrementum.

R. Est ea, qua oratio velut per gradus videtur augeri, & ascendere, donec ad summum pervenerit. Ità Tullius Verris crudelitatem eò per incrementum deducit, ut verba explanando crimini non ultrà suppeditent: *Facinus est, inquit, vincire civem Romanum; prope parricidium necare: quid dicam, in crucem tollere? Nihil addi jam videtur ad hanc amentiam, improbitatem, crudelitatemque posse.*

Vide etiam quomodo per gradus, & per incrementum assurgat oratio in hac sapientissima Senecæ sententia in Epistola ad Lucilium: *Magnæ vitæ pars elabitur malè agentibus: maxima nihil agentibus: tota aliud agentibus.*

De Amplificatione verborum.

De hoc toto Capite tametsi sumus propediem accuratissimè dicturi; postulat tamen instituti nostri ratio, ut cursim illud in antecessum delibemus.

D

Quo-

Quomodo fit Amplificatio verborum?

Fit sex præcipuè modis, 1. Per verba translata, seu metaphorica. 2. Per verba superlata. 3. Per verba synonyma. 4. Per verba gravia, & illustrioria. 5. Per periphrasim, seu circumlocutionem. 6. Per repetitionem.

§. X.

Fit igitur primùm Amplificatio verborum per verba metaphorica, quæ nempe mirum in modum valent ad excitandos animos, & ad orationem grandiolem efficiendam.

Quid est Metaphora, seu translatio?

Est quoddam loquendi genus, quo vox aliqua à propria sua significatione transfertur ad aliam, v. gr. si dicas: *Prata videre, parietes gestire gaudiò, aliquem esse iræ incensum inflammatum cupiditate, errore lapsum*: voces illæ omnes sunt metaphoricae, quia tribuunt pratis, & parietibus risum, & gaudium, quæ propria sunt hominis folius. Idem planè dicitur de ceteris locutionibus, quæ tribuunt homini flammam, & incendium ignis proprium, &c. Fiet igitur Amplificatio per Metaphoram, si cum Virgilio dicas de Ænea irato:

— Irarumque omnes effundit habenas.

Vel

Vel si dicas de Didone.

— Magnoque iratum fluctuat æstu.

Quia habenas, & æstum, quæ propriè
conveniunt equis, ac fluctibus, tribuis Æ-
neæ, & Didoni. Itèm si de homine impa-
vido, & imperterrito dicas cum Horatio
in Odis:

Illi robur, & æs triplex

Circa pectus erat, qui fragilem truci

Commisit pelago ratem

Primus.

§. XI.

2. Fit Amplificatio per verba superlata,
hoc est, quæ veritatem superant, & plùs
dicunt, quàm reipsa esse possit. Ut cum
ait Tullius de Julio Cæsare, in oratione
pro Marcello. *Domuisti gentes immanitate
barbaras, multitudine innumerabiles, locis
infinitas, omni copiarum genere abundan-
tes.* Itèmque cum dicit de Pompejo in o-
ratione pro lege Manilia: *Qui scèpiùs cum
hoste conflixit, quàm quisquam cum inimico
concertavit: plura bella gessit, quàm alii le-
gerunt; plures Provincias confecit, quàm a-
lii concupiverunt: cujus adolescentia ad sci-
entiam rei militaris non alienis præceptis,
sed suis imperiis: non offensionibus belli, sed
victoriis; non stipendiis, sed triumphis est e-
rudita.*

D 2

Hanc

Hanc amplificandi artem adhibuit Virgilius *Æneidos* librò 12. cùm de Turni equis dixit per Hyperbolem:

Qui candore nives anteirent, cursibus auras.

Itèm cùm de equo Trojano dixit:

Instar montis equum divina Palladis arte
Ædificant.

Sed nusquam magis indulgisse videtur huic schemati quàm cùm Amazonem Camillam laudans librò septimò dixit per verissimam hyperbolem:

Illa vel intactæ segetis per summa volaret

Gramina, nec teneras cursu læsisset aristas:

Vel mare per medium, fluctu suspensum tumentum

Ferret iter, celeres nec tingeret æquore plantas

§. XII.

Quomodo fit Amplificatio per verba synonyma?

B. Fit per congeriem verborum, & sententiarum idem pænè significantium: ut cùm ait Cicero pro Ligario: *Quid enim, Tubero, tuus ille districtus in acie pharsalica gladius agebat? cuius latus mucro ille petebat?*

bat? qui sensus erat armorum tuorum, quæ tua mens? oculi? manus? ardor animi? quid cupiebas, quid optabas? Vide quàm multa sint hic verba idem pænè significantia: gladius, macro, arma, sensus, mens, animus, cupiebas, optabas. Quæ sanè Synonymorum coacervatio acrem in primis, & illustrem reddit orationem, ut liquet ex hoc alio ejusdem Ciceronis exemplo in Catilinam: *Non feram, non patiar, non sinam*; & ex duobus hisce Virgillii versibus Æneidos Libro primò, ubi Illioneus Æneæ fortis adhuc ignarus, sic de illo ad Didonem:

Quem si fata virum servant; si vescitur aurâ

Ætheriâ; nec adhuc crudelibus occubat
ambribus.

§. XIII.

Quomodo fit Amplificatio per verba graviora, & illustriora?

R. Fit cum adhibentur verba splendida, quæ rem significantius expriment, & in quibus plenum quiddam, numerosum, & sonans esse videatur: cujusmodi sunt ista: *Polluerat stuprò sanctissimas religiones; Senatûs gravissima decreta perfregerat*. Itémque illa in Verrem: *Non enim furem, sed e-reptorem; non adulterum, sed expugnato-*

rem pudicitia; non sacrilegum, sed hostem sacerorum, religionumque; non sicarium, sed crudelissimum carnificem civium, sociorumque in vestrum iudicium adducimus.

Ejusdem etiam generis sunt magnifica illa Virgilio verba de Didone moritura.

At trepida, & cœpit immanibus effera Dido,

Sanguineam volvens aciem, maculisque trementes;

Interfusa genas, & pallida morte futura,
Interiora domûs irrumpit limina, & altos

Conscendit furibunda rogos, ensemque recludit

Dardanium, non hos quæsitum munus in usus:

§. XIV.

Quomodo fit Amplificatio per periphasin seu circumlocutionem?

R. Fit, cum longiori verborum ambitu circuituque dicimus, quod brevius, ac simplicius dici poterat. Ità Cicero pro Milone, cum gravius videretur dicere Clodium à Milone fuisse occisum; maluit illud hac verborum circuitione mollire: *In quos incensos irâ, vitamque domini desperantes cum incidisset, hæsit in iis pœnis, quas ab eo servi fideles pro domini vita expetierunt.*

Cir-

Circumlocutione Virgilius utitur *Æn.*
12. cum pro hac una voce *Moritur*, sic ait:
Olli dura quies oculos, & ferreus urget
Somnus: in æternam clauduntur lumi-
na noctem.

Et in ecloga prima, ubi pro hac una vo-
ce *Jam advesperascit*, longiori hac, trita-
que utitur periphrasi:

Et jam summa procul villarum culmina
fumant,

Majoresque cadunt altis de montibus
umbræ.

Nota Periphrasim apud Poëtas esse fre-
quentiorem, quàm apud Oratores. Quòd
si non idonea sit, vel si nimis redundet,
jam non appellabitur *Periphrasis*, sed *Pe-
rissologia*.

§. XV. DE AMPLIFICATIONE PER
REPETITIONEM.

Quomodo fit Amplificatio per repetitionem ?

R. Fit cum verbum idem, sive ornatûs
causâ, sive ad motus excitandos iteratur,
duplicaturque vel in principio, in fine, vel
in medio dictionis. Ut cum ait Tullius:
vidi enim, vidi, penitusque perspexi. Sed u-
titur in primis hoc Amplificationis gene-
re in exordio Orationis pro Roscio Ame-
rino, cum ait: *Accusant ii, qui in fortunas*

ejus invaserunt: Causam dicit is, cui præter calamitatem nihil reliquerunt. Accusant ii, quibus occidi patrem Sexti Roscii bono fuit. Causam dicit is, cui non modò luttum mors patris attulit, verùm etiã egestatem. Accusant ii, qui hunc ipsum jugulare summè cupierunt: Causam dicit is, qui etiã ad hoc ipsum judicium cum præsidio venit, nè hic ibidem ante oculos vestros trucidetur. Denique accusant ii, quos populus poscit; Causam dicit is, qui unus relictus ex illorum nefaria cæde restat.

Quantoperè verò valeat Repetitio ad addendam vim, pondusque orationi, & ad affectus ciendos, discere poteris ex sequentibus exemplis, priora tria sunt ex heroicis Ovidii Epistolis, in quibus, si quid iudico, præ cæteris omnibus illius operibus, elegantia, ingenii, & eloquentia lumen quoddam elucet: in primo sororem Annam sic compellat infelix Dido:

Anna soror, soror Anna, meæ malè conscia culpæ.

In altero Demophontem ita compellat Phyllis:

Credidimus blandis, quorum tibi copia, verbis:

Credidimus generi, numinibusque tuis.

Credidimus lacrymis: an & hæ simulare docendo.

Hæ

(Hæ quoque habent artes, quaque jubentur, eunt.

In tertio conjux Hercules Dejanira, cum illi per imprudentiam mortem intulisset, in has justî doloris voces erumpit identidem;

Impia quid dubitas Dejanira mori?

Hei mihi quid feci? quò me furor egit amantem?

Impia quid dubitas Dejanira mori?

Illita Neflejo mihi tibi texta veneno,

Impia quid dubitas Dejanira mori?

Quibusnam potissimum figuris varianda erit, & distinguenda Amplificatio?

§. Præcipua, quæ Amplificationem ornant, Schemata sunt Hypotyposis, & Exclamatio, de quibus supra dictum à nobis est. Quibus addito tria alia, nempe Protopopœjam, Apostrophem, interrogationem, ceterasque id genus vehementiores figuras, de quibus agendum nobis erit in Libro de Elocutione.

§. XVI. QUID SIT IN AMPLIFICATIONE VITANDUM.

Duo sunt in primis vitia, ac veluti scopuli quidam duo, in quos incurrere solent Tyrones, dum orationem amplificunt. Primus scopulus est illorum, qui minutissima quæque singulatim, exiliter, & perexiguè

consectantur; quod certè est in Oratore vitium vel maximum. Ut enim rectè monet Cicero, in Amplificationibus nihil est nimis tenuiter enucleandum, quia hic locus grandia potiùs, quàm exilia, minutaque requirit.

Alter scopulus est illorum, qui ad explendum orationis numerum, nihil nisi vacuas voces, & inanem verborum sonitum in illam infarciunt. Hoc vulgare vitium fugies, si nihil prorsùs dicas quòd vim, & pondus non addat orationi, & sensum non augeat. *Quid est enim tam furiosum, (inquit Tullius Libro 1. de Oratore) quàm verborum vel optimorum sonitus inanis, nulla subjecta sententia?* Et ut sapientissimè præcipit Horatius in Arte Poëtica, si sint tibi provisæ, paratæque, & ad manum, ut ita dicam, sententiæ; voces ipsæ ultro sese offerent, & ad exprimenda animi sensa nullo labore succurrent:

Verbaque provisam rem non provisâ sequentur.

Quamquam, ut dicam id, quod res est, si Tyroni peccandum sit in alterutram partem, malim certè, ut, instar Ovidii, peccet potiùs ubertate quadam, copiaque verborum; quàm eorundem jejunitate, atque inopia: quia, ut optimè notat Tullius, ni-

miæ hæc, & redundans verborum ubertas,
& quasi luxuries stylô, atque exercitatio-
ne brevi depascetur.



APPARATUS,
SEU PROOEMIUM
RHETORICÆ.

Rhetoricæ Prooemium, sive Apparatum
appellamus ea omnia, quæ pertinent uni-
versim ad Artem Rhetoricam. Quinque
autem sunt, quæ de Rhetorica generatim,
& universè, prolusionis more, quæri pos-
sunt.

1. Quæ sit natura, & finis Rhetoricæ,
2. Quæ sit illius materia.
3. Quæ sint illius partes.
4. Quæ sit dignitas, vis, & utilitas Rhe-
toricæ.
5. Quibus rebus, ac subsidiis possit fa-
cile comparari.

§. I. DE NATURA. ET FINE RHETORICÆ.

Quid est Rhetorica?

R. Est ars, seu disciplina bene dicendi;
hoc est ornate, graviter, & copiose lo-
quendi, Ita *Quintilianus, lib. 2.*

Unde nomen suum traxit Rhetorica?

R. A voce græca *Rheo, dico, loquor*, unde *Rhetor Orator, & Rhetorike, ars Oratoria.*

Quare vocatur ars?

R. Quia certis quibusdam, & nunquam fallentibus præceptis continetur.

Quare dicitur ars bene dicendi?

R. Quia docet quomodo optimis sententiis verbisque lectissimis dici possit.

Undenam orta est ars illa bene dicendi?

R. Notatio naturæ, & animadversio peperit artem. Cum enim aliqui nativa quadam facultate, sine ullo artis subsidio, bene dixissent, alii contra infulse omnino, & malè; extitit aliquis, qui discrimen illud observaret attentius; qui causas illius indagaret sedulo: atque ita rem sensim ad artem, ac præcepta revocaret, & quasi viam traderet, quæ ad eloquentiam tuto ferret. Unde liquet, non esse eloquentiam natam ex artificio; sed potius artificio ex eloquentia natum, atque profectum.

Quid differunt inter se Rhetor, & Orator?

R. Hoc differunt, quod Rhetor sit, qui bene dicendi præcepta tradit, Orator vero fit is, qui accommodatè ad persuadendum dicere potest: tametsi erretur persæpè in nomine, & aliud pro alio indiscriminatim accipiatur.

Quis-

Quisnam est finis ultimus Artis Oratoricæ?

R. Est persuadere dictione: hoc est, dif-
ferta oratione quempiam impellere ad a-
liquid vel credendum, vel agendum, vel
omittendum.

Quodnam est Officium Oratoris?

R. Est dicere appositè ad persuadendum;
quòd fiet docendo, delectando, & moven-
do. Docemus argumentis, & argumen-
tatione: delectamus ornato, illustri, & apto
dicendi genere; flectimus amplificatione
& affectibus. Docere necessitatis est, de-
lectare suavitatis; movere verò, seu flecte-
re victoriæ: atque hic demum est verissi-
mus eloquentiæ triumphus.

Unde erit illè summus, & perfectus O-
rator, cum appositè dixerit ad persuaden-
dum, hoc est, ad docendum, delectandum,
& movendum; re ipsa tamen, sive audito-
ris vitiò, sive quacumque demum alia de
causa, non persuaserit.

§. II. DE MATERIA RHETORICÆ.

*Quenam est materia cujusque artis in ge-
nere?*

R. Ea est, circa quam versatur Ars; ut
Medicinæ materiæ sunt morbi, quia in iis
curandis Medicina versatur.

*Quenam est speciatim materia Rhetori-
cæ?*

R.

ꝑ. Nihil omninò est in rerum natura de quo ornatè, eleganter, & copiosè disputare non possit Orator. Ut enim observat Cic. 2. de Orat *Benè dicendi Ars non habet definitam aliquam regionem, cujus terminis septa teneatur.* Unde ajo cum Aristotele, Rhetoricæ materiam esse quamlibet quæstionem ad dicendum propositam.

Quotuplex est quæstio; quæ Oratori ad dicendum proponi potest?

ꝑ. Duplex alia est infinita, seu universalis; alia finita, seu singularis: Quæstio infinita, quæ vocatur etiam *Thesis*; ea est, quæ nullis alligatur temporis, loci, & personæ circumstantiis: ut, si quæretur generatim atque universè: *Sitne bellum gerendum, vel pax facienda?*

Quæstio finita, quæ etiam vocatur *Hypothesis*. & *causa*, sive *controversia*; ea est, quæ universalem quæstionem restringit, ac revocat ad certas quasdam personæ, temporis, loci, reique circumstantias: ut, si quæretur, *Sitne hoc anno nobis pax facienda, iis, quæ ab hostibus feruntur, legibus ac conditionibus?*

Quæstio autem, sive finita sit, sive infinita, dividitur quadrifariam; primò in quæstionem cognitionis, & actionis. Quæstio cognitionis ea est, quæ instituitur solius
scien-

scientiæ gratiâ: ut, *Quæ sit causa defectus solis, sitne terra major quàm luna?*
Quæstio actionis est, cujus finis est aliquid efficere; ut, *An liceat vim vi repellere . . an sit inimicis ignoscendum?*

Prætereâ quæstio vel est principalis, vel incidens. Principalis ea dicitur, quæ præcipuè venit in controversiam: Incidens vocatur, quæ tractatur propter aliud.

Quot sunt universim genera quæstionum, sive causarum, in quibus versari potest Orator?

R. Tria, Genus judiciale; genus deliberativum, & genus exornativum, seu demonstrativum, quòd à Græcis vocatur Epidicticum.

Quid spectatur in genere judiciali?

R. Accusatio, & defensio.

Quid spectatur in genere deliberativo?

R. Suasio, & dissuasio.

Quid in exornativo?

R. Laus, & vituperium. Unde generis judicialis finis est æquitas; Deliberativi utilitas; Demonstrativi honestas. Judiciale genus versatur circa tempus præteritum; Deliberativum circa tempus futurum: Demonstrativum verò circa præteritum simul, & præsens.

§. III. DE PARTIBUS RHETORICÆ.

Quæ, & quot sunt primariæ partes Rhetoricæ?

R. Quatuor: Inventio, Dispositio, Elocutio, & Pronunciatio, quem admodum sunt præcipuæ quatuor Oratoris partes: 1. Argumenta invenire: 2. Inventa disponere: 3. Disposita verbis exornare: 4. Exornata pronuntiare. Sunt qui pro quinta parte memoriam statuant; sed nos cum Aristotele illam ad pronunciationem revocamus.

Quid est inventio?

R. Est excogitatio rerum verarum, aut verisimilium; quæ valeant tum ad faciendam fidem, tum ad motus excitandos.

Quid est dispositio?

R. Est rerum inventarum in ordinem distributio.

Quid est elocutio?

R. Est idoneorum verborum, & sententiarum ad res inventas accommodatio.

Quid est Pronunciatio?

R. Est vocis, ac corporis ea moderatio, quam res inventæ, ac verba requirunt.

§. I. DE DIGNITATE, ET UTILITATE
RHETORICÆ,

Quænam est Rhetoricæ dignitas, vis, & utilitas?

R.

R. Nihil addi potest ad hæc illustria Tullii verba, libro I. de Oratore: *Quid est, inquit, aut tam admirabile, quàm ex infinita multitudine existere unum; qui id quod omnibus naturâ sit datum, vel solus, vel cum paucis facere possit? aut tam jucundum cognitu, atque auditu, quàm sapientibus sententiis, gravibusque verbis ornata oratio, & perpolita? aut tam potens, tamque magnificentum, quàm populi motus, iudicum religiones, Senatus gravitatem unius oratione converti?*

Quid majus, quid splendidius dicere possêt eloquentia, si pro se ipsa loqueretur.

De subsidiis Rhetoricæ.

Quibus potissimum subsidiis omnes illæ, quas diximus, Rhetoricæ partes comparari poterunt?

R. Quatuor: natura, arte, exercitatione, & imitatione.

Quid natura confert ad eloquentiam?

R. Ex parte animi confert celeres motus, ad excogitandum acutos, ad ornandum uberes, ad memoriam firmos, ac diuturnos. Ex parte verò corporis confert latera firma, canoram vocem, solutam linguam, aptamque oris, & totius corporis conformationem.

Quid

Quid facit ars ad eloquentiam?

R. Excolit quæ dedit natura; supplet quæ illi defunt: quæ verò redundant, luxuriantque castigat, atque coërcet. Uno verbo: certissimam, veluti digitò, monstrat viam, qua ad eloquentiam tutò perveniatur.

Quid affert exercitatio?

R. Conservat, & auget, quæ ars expolivit, aut emendavit in naturâ. Multi enim naturæ vitium exercitatione sustulere, ut olim Demosthenes, aliique sexcenti.

Quid est exercitatio?

R. Est assiduus usus, & consuetudo dicendi, vel scribendi; quod quidem valdè facit ad eloquentiæ laudem adipiscendam. Ut enim ait Cicero: *Stylus est optimus dicendi effector, & magister.* Triplex est autem exercitationis genus, nempe *Scriptionis, actionis, & memoriæ.*

DE IMITATIONE.

Quænam est Imitationis utilitas?

R. Facit imitatio, ut optimo cuique auctori similes in dicendo evadamus, & quæ sunt in eo summa, diligenter persequamur. Et quoniam imitatio, si rectè fiat, multum affert ad eloquentiam, & pauci admodum imitari sciunt, ut par est; ideò de imitandi ratione fusiùs aliquid, & uberius disputandum nobis esse existimavimus. *Quæ-*

Quænam igitur est vera, rectaque imitandi via, & ratio?

B. Multiplex.

I. Cave vulgare quoddam ac mediocre tibi proponas exemplar, *Mox daturus progeniem vitiosiore*, sed deligatur imitandus summus aliquis, & excellens auctor, in quem tota mente intuearis. Is autem erit, in Poëtis fermè Virgilius, qui cæteros omnes Poëtas longè post se reliquit, & ut ipse loquitur de Turno, *toto vertice supra est*. In oratoria verò arte deligatur unus Cicero, de quo, quàm tritum, ac pervulgatum, tam verum est illud Quintiliani dictum: *Ille sciat se profecisse, cui Cicero valdè placere cæperit; & in quem bellissimè cadit magnifica illa Senecæ de illo vox: Ingenium solum populus R. par imperio suo habuit, & ut non minùs splendidè de eodem Tullio dictum fuit à Vellejo Paterculo: Vir ingenio maximus, qui effecit, nè, quorum arma viceramus, eorum ingeniis vinceremur.*

2. Non optimos solùm auctores imitaberis, verùm etiam quæ in illis optima sunt, ac præstantissima: Si, v. gr. scribenda tibi sit oratio latina, habebis præ oculis loca illa eximia, in quibus se plurimùm amavit Cicero, & in quibus se se ipse videtur

tur quodammodo vicisse, cujusmodi sunt illius pleræque perorationes. Illas inter scribendum lectitabis identidem, ut illarum assidua lectio Tulliani styli germanum tibi saporem, & gustum aspergat.

Ut verò semper habeas in promptu selectissima, quæ subinde possis imitari, luculentissimorum auctorum loca; copiosum summaque curâ elaboratum illorum indicem tibi ad nostræ Rhetoricæ amplioris calcem exhibemus.

3. Illustria hæc, quæ dixi, loca neque pueriliter imitaberis, neque serviliter, putidèque, ut solent homines illi quos jure optimo ridet Horatius, dum ait: *O imitatores, servum pecus*; & ut à benè multis fieri video, qui cum picarum, aut psittacorum more easdem omnino voces reddiderint, tum demum magnos se veterum imitatores arbitrantur. Tu verò quæcumque imitaberis, sic facies tua, ut eruditus, & emunctæ naribus hominibus appareat imitatio; sed tamen res omninò alia, tibi que propria facta jam esse videatur.

Tua autem facies hæc veterum scriptorum loca, tibi que illa quasi jure tuo poteris vindicare.

Primò, si vim, ac pondus sententiæ retineas: verba verò vel omnia, vel magna

ex parte saltem immutes. Dixerat olim Tullius: *Virtus est una altis defixæ radicibus, quæ nulla unquam vi labefactari potest.* Hanc egregiam Tullii sententiam videtur quàm scienter, mutatis omnino verbis, exprimat Horatius, cum dicit de homine probo, & in colenda virtute constanti.

Si fractus illabatur orbis,
Impavidum ferient ruinæ.

Sic etiam cum dixissent idem Cicero Philippica nona: *Vellem, Dii immortales fecissent, ut vivo potius Servo Sulpitio gratias ageremus, quàm mortuo honores quaereremus.* Hanc eandem sententiam, mutatis omnino verbis, ingeniosè admodum expressit Ovidius Lib. 13. Metamorphoseon, ubi Ulysses de Achillis mortui armis certantem cum Ajace, & pro se ita loquentem inducit:

Si mea cum vestris valuissent vota Pelasgi,

Non foret ambiguus tanti certaminis hæres:

Tuque tuis armis, nos te potiremur, Achille.

Secundò, si eadem fermè servando verba, transferas illa ad alium sensum, vel similem, vel contrarium: v. gr. dixit Tullius in Antonium: *O audaciam immanem!* Tu

ingredi illam domum ausus es? tu illud sanctissimum limen intrare? tu illarum ædium Diis Penatibus os importunissimum ostendere? Poteris verba hæc paululum immutata in Judam, hortos ad Christum prodendum subeuntem, opportunè transferre.

Sic etiam Catilinariæ primæ exordium ad aliud argumentum nullo labore ita convertent vel ipsi mehercule tyrunculi: Quousque tandem, homo nequam atque improbe, intemperanter abutere divina patientia? Quamdiu illam eludet vita ista tua omni scelerum genere cooperta? Quem ad finem se inveterata tua jactabit impietas? Nihil ne te impendentis mortis pericula, nihil inferorum pœnæ; nihil in te Divinæ justitiæ gladius, nihil terror conscientiæ, nihil severissimi judicis tribunal, nihil illius os, vultusque movebunt? Patere tua flagitia non sentis, &c.

Tertiò, rectè imitaberis, si figuras, si periodos, si transitiones, si commissuras, incisaque, & totum orationis ductum, ac filum potiùs imiteris, quàm verba ipsa, vel ipsas sententias. Dixit. v. gr. Cicero Philippica II. *Non placet Antonio consulatus meus; at placuit P. Servilio, ut eum primum nominem ex illius temporis consularibus, qui primus mortuus est: Placuit Quinto Lucatio*
Ca-

Catulo, cujus semper in hac Republica vivet auctoritas: Placuit duobus Lucullis, M. Crasso, Q. Hortensio, C. Curioni. Maxime verò Consulatum meum Cn. Pompejus probavit. Hanc figuram transferre poteris eleganter in eos, quibus non placent humaniores Litteræ, quas omnium ordinum, ac ætatum viri sapientissimi in deliciis habuerunt.

Quartò, laudem habebit imitatio, si propositum exemplar vel in pauca contrahas, vel amplificando fusiùs, uberiusque dilates. Ità cùm Virgilius dixisset *I. Georgicorum:*

Prima Ceres ferrò mortales vertere terram. Instituit.

Hunc eundem locum imitando, fusiùs, more suo, amplificavit Ovidius *V. Metamorph.*

Prima Ceres uncò glebam dimovit aratro:

Prima dedit fruges, alimenta que mitia terris:

Prima dedit leges; Cereris sunt omnia munus.

Contra verò cùm à Tullio fusiùs, ac uberius dictum fuisset de Cæsare, in oratione pro Marcello.

Bellicas laudes solent quidam extenuare

verbis, easq; detrahere ducibus, communicare cum militib; nè propria sint Imperatorum. Et certè in armis militum virtus, locorum oportunitas, auxilia sociorum, classes, com meatus multùm juvant. Maximam verò partem quasi jure suo fortuna sibi vindicat, Et quidquid est prosperè gestum, id planè omne ducit suum. At verò hujus gloriæ, C. Cæsar, quam es paulò ante adeptus, socium habes neminem. Totam hoc, quantumcunque est, quod certè est maximum, totum est, inquam, tuum. Nihil sibi ex ista laude centurio, nihil præfectus, nihil cohors, nihil turma decerpit. Quin etiam illa ipsa rerum domina Fortuna in istius se gloriæ societatem non offert: tibi cedit; tuam esse totam, ac propriam fatetur. Totam hanc ornatissimam laudationem in duos versiculos ità collegit Poëta egregius:

Gloria vincendi juncta est cum milite,
Cæsar:

Cæsar, parcendi gloria tota tua est.

Quintò, laudabitur imitatio, si quæ ab Oratoribus scripta fuere, solerter transferas in orationem adstrictam. Ità facile crediderim cum M. Antonino Mureto, perfectissimo talium rerum æstimatore, Virgilianum illum versum,

Quamquam animus meminisse horret,
luctuque refugit: Ci-

Ciceronem imitatum fuisse. Ità enim ille Philippicâ XIV. scripserat in Antonium: *Refugit animus P. C. eaque dicere reformidat, quæ Lucius Antonius in Parmensium liberis, & conjugibus gesserit.*

Sextò, bonus imitator eris, si vel ex Græcis Latina facias, vel ex Latinis, aut etiam Græcis vernacula. Ità Tullius tam multa singulari quodam artificio expressit ex Demosthene, quem mirabatur, & quoniam Athenas quidem ipsas magis Atticas fuisse, urbano quodam, & liberali joco dictitabat. Sic etiam Virgilius, acer, & diligens Græcorum imitator, in Æneide Homerum estimatus, & in Bucolicis Theocritum. Sic Terentius ex Menandro, & ex Aristophane tam multa invexit in Latium. Ità Horatius Pindari Callimachique vestigia persecutus est in suis Odis, & nominatim in tertia quarti libri.

Quem tu Melpomene semel

Nascentem placido lumine videris, &c.

Quam quidem tantis laudibus ornavit summus ille vir Julius Cæsar Scaliger, ut mallet à te similem scriptam fuisse, *Quam esse totius Tarraconensis Rex.* Sic enim (per ludum opinor) dictitare consueverat.

Atq; ut hisce elementis tandem aliquando finem imponamus, laudem maximam

E

ha-

habitura est imitatio, si, quos imitaris, eos non dicam adæquare, sed vincere etiam omni ope coneris; ut ait Quintilianus Lib. 10. *Conandum est aliquid supra eos, quos imitaris;* & ut etiam admonet vetus proverbium: Invenire, rem admodum difficilem esse: perfacilem verò, inventis addere.

Ità Virgilius, cum exiliter admodum ac jejune de Hectore dictum fuisset à veteri Poëta Ennio;

O lux Trojæ, germane Hector.

Quid ità cum tuo lacerato corpore miser?

Versus eosdem, vel potius eandem sententiam ex plumbea fecit auream. *Æneid. Libro secundo.*

O lux Dardaniæ spes! o fidissima Teucrum

Quæ tantæ tenuère moræ? Quibus, Hector, ab oris,

Expectate venis? ut te post multa tuorum

Funera, post varios hominumque, urbisque labores

Defessi aspiciamus? quæ causa indigna ferenos

Fœdavit vultus? Aut cur hæc vulnera cerno?

Hunc eundem Ennii, Virgiliique de Hector.

50
Stercore locum apertissimè imitari conatus est Seneca in Troade, ubi viduam illius Andromachen ità loquentem inducit:

Cùm subitò nostros Hector ante oculos stetit:

Non qualis ultro bella in Argivos ferens,
Grajas petebat facibus Idæis rates:
Nec cæde vasta quali in Danaos furens,
Vera ex Achille spolia simulata tulit.
Non ille vultus, flammeum incedens ju-
bar;

Sed fessus, ac dejectus, & fletu gravis,
Similisq; nostro, squalidâ obtectus comâ.

Quæ imitatio, quamquam non infelix, tu vide tamen quantum à Virgiliana distet. Verùm quantò inferior Virgiliò videtur in hoc loco Seneca, tantò sanè jure videbitur Ennio superior in hac altera ejusdem imitatione in eadem Troade:

Columen patriæ, mora fatorum,
Tu præsidium Phrygibus fessis.
Tu murus eras, humerisque tuis
Stetit illa decem fulta per annos.
Tecum cecidit, summusque dies
Hectoris idem patriæque fuit.

Hanc Ennianam imitationem aliquando mirantib9 amicis festivè admodum respondit Virgilius, se ex Ennii stercore gemmas, aurumque colligere. Cùm verò assidua hæc

diligensque veterum imitatio vitio illi verteretur, ut ab invidis, & obrectatoribus cumque illi malevolentia livore suffusi palam jactarent in vulgus, illum pleraque ab Homero sumpsisse, hoc uno responso calumniatoribus os obstruere, illosque penitus elingues reddere consueverat Virgilius: *Cur non ipsi quoque eadem furta tentarent? Verum intellecturos, facilius esse Herculi clavam detrahere, quam Homero vel unum eripere verjum, illumque ad rem suam accomodare.*

Ratio tamen quædam est tyronibus præsertim adhibenda, nè dum propositum sibi exemplar conantur vincere, & dum ab illo paululum, sed in melius aberrare satagunt, prava quadam imitatione ab illo prorsus deficient, & in pejus aberrant, quod Lucano præsertim contigisse videmus.

Cùm enim mirificè, sed sobriè tempestatem ita descripsisset Virgilius Æneidos primò:

Incubuere mari, totumque à sedibus imis
Una Eurusque, Notusque ruunt, creberque
procellis


Africus, & vastos volvunt ad littora fluctus
Eripiunt subito nubes, cœlumque, diemque

Teucrorum ex oculis, ponto nox incubat
atra.

Intonuere poli, & crebris micat ignibus
æther,
Præsentemq; viris intentant omnia mor-
tem.

Hunc Virgilii locum cum sibi vel imitan-
dum, vel superandum proposuisset Lucanus
immodico quodam calore raptus, suoque
nimium velificatus ingenio, & laxatis illi
velut habenis, sic aberravit in pejus:

Ah, quoties frustra pulsatos æquore mon-
tes
Obruit illa dies! quam celsa cacumina
peffum
Tellus victa dedit! non ullo litore furgunt
Tam validi fluctus, alioq; ex orbe voluti,
A magno venêre mari; mundumque coër-
cens
Monstriferos agit unda finus.



A R T I S

R H E T O R I C Æ.

LIBER PRIMUS.

DE ELOCUTIONE.

Quid est Elocutio?

3. Elocutio, inquit Tullius; est idoneorum

verborum, & sententiarum ad res inventas accommodatio,

Cur tandem, & quorsum ab Elocutione, contra quam fieri solet, exordimur?

R. Tametsi ex quatuor Rhetoricæ partibus, ordinè naturæ, prima sit Inventio; quia tamen plusculum difficultatis habet, idcirco eam Elocutioni postponendam esse cum erudito Vossio, aliisque artis Rhetoricæ magistris benè multis, iudicavimus.

Cùm enim verborum delectus origo sit eloquentiæ, ut ait Julius Cæsar in suo de analogiâ, seu de ratione Latinè loquendi Libro, quem Ciceroni nominatim nuncupavit; & cùm verborum cura, quæ ad Elocutionem pertinet, sit longè facilior, quàm cura rerum, quæ spectat ad Inventionem: liquet profectò nos Tyronum commodis, utilitatique servire, dum Aristotelis ordine nonnihil immutato, ab Elocutione ducimus initium, & in primo artis oratoriæ quasi limine, vestibuloque paulisper hæremus priusquàm in intima illius penetralia pedem ausimus inferre.

Ut huic eidem Tyronum utilitati consulatur, nostrum hunc de Elocutione librum, trifariam dividimus. Agendum nobis est primò de Figuris, in quibus nullo fermè negotio se solent exercere vel ipsi

ty-

Tyrunculi. Secundò dicetur de Periodo, in qua videtur plusculum esse negotii. Tertiò tractabimus de Stylo; à facilioribus, ut par est, ad difficiliora sensim progrediendo.

C A P U T I.

DE FIGURIS, SEU SCHEMATIBUS.

Figura, ut diximus in Elementis, est ornamentum quoddam Orationis, seu loquendi modus illustrior; & à communi consuetudine remotus; cujusmodi sunt hæc Ciceronis verba in Catilinam: *Vivis, Et vivis non ad deponendam, sed ad confirmandam audaciam.* Itémque illa Didonis morientis verba.

————— Moriemur inultæ?

Sed moriamur, ait. Sic, sic juvat ire sub umbras.

Aut hæc ejusdem Didonis:

Litora litoribus contraria, fluctibus undas

Imprecor, arma armis pugnent, ipsique nepotes.

Quot sunt genera Figurarum?

ꝛ. Duo. Aliæ enim versantur in sententiis, & sensu ipso; aliæ in verbis tantum. Quia verò res prius animò, menteque con-

cipiendæ sunt, quàm verbis exprimantur; ideò de Figuris sententiarum, quæ ad mentem pertinent, antè dicendum nobis est, quàm de figuris verborum.

§. I. DE FIGURIS SENTENTIARUM.

Inter Figuras Sententiarum aliæ videntur aptiores ad movendum, aliæ ad docendum, aliæ ad delectandum. Initium faciamus ab his; quæ ad movendum, seu ad animos flectendos præcipuè valent.

§. II. DE FIGURIS AD MOVENDUM
IDONEIS.

De Exclamatione.

Cur ex omnibus figuris Exclamationem primam ordine collocamus?

R. Primam collocamus, quòd vehementiores animi motus exclamando soleamus exprimere.

Quid est exclamatio?

R. Est vocis elatio, seu contentio, qua, interjectione vel adhibita, vel subaudita, vehementiorem animi affectum significamus, rei que magnitudinem exprimimus. Ità Tullius oratione 1. in Catilinam: per summam indignationem sic exclamat: *O tempora! o mores! Senatus hæc intelligit, Consul*

ful videt: hic tamen vivit. Vivit? Imò verò etiam in Senatum venit. Et oratione 2. in Antonium: O miserum me! consumptis enim lacrymis, infixus tamen animo hæret dolor.

Exclamatio adjunctam fermè habet aliquam ex hisce interjectionibus, *o! heu! vah! proh Superi! proh Superùm, atque hominum fidem!* Persæpè tamen subauditur interjectio, ut si dicas, *Miserum me!* vel *Hocine Sæculum!* Veteres pro interjectione, *o*, sæpe adhibebant voces istas *Ædepol!* *Hercle!* *Mehercule!* *Jupiter!* *Me castor!* *Medius fidius!* Catullus.

Chartis

Doctis, Jupiter! & laboriosis.

Heu, & Eheu triste aliquid, & molestum indicant. Ità Cicero: *O domus antiqua, eheu quàm dispari domino dominaris!* Virgilius verò *Æneidos* 4.

— Tu nunc Carthaginis altæ

Fundamenta locas, pulchramque uxoriæ urbem

Extruis; heu regni, rerumque oblituarum!

Proh adhibetür sæpè ad obtestandum.

Ità Terentius! *Proh Deum!* atque *hominum fidem, quid est si non hæc contumelia est.*

Mirum in modum facit exclamatio ad

significandam indignationem, doloremque ex re atroci conceptum, ut Tullius pro Coelio: *Proh Dii immortales! cur interdum in hominum sceleribus maximis. aut connivitis, aut præsertis fraudis pœnam in diem reservatis?*

Servit etiam misericordiæ. Ità pro Sylla: *O miserum, & infelicem diem illum, quo Consul omnibus centuriis P. Sylla renunciatus est! O fallacem, ò volucrem fortunam! O cæcam cupiditatem! præposteram gratulationem! quàm citò illa omnia ex lætitia, & voluptate ad luctum, & lacrymam redeunt!* Et pro Milone: *O terram illam beatam, quæ hunc virum exceperit; hanc ingratam, si ejecerit; miseram si amiserit!* Sic etiam perfidus ille Sinon Trojanorum misericordiam exclamando captat:

Heu, quæ nunc tellus, inquit, quæ me æquora possunt

Accipere? aut quid jam misero mihi denique restat.

Aliquando etiam lætitiâ, animique hilaritatem exprimit Exclamatio, v. gr. Cicero ad Atticum: *O sævas epistolas tuas, uno tempore mihi datas duas? quibus evangelia quæ reddam, nescio; deberi quidem plañe fateor.* Evangelia verò (si quæris) erant merces allati jucundi nuntii; vel etiam

am sacrificia, & supplicationes, quæ pro læto nuntio decerni olim à Romanis consueverant. Unde non immeritò Christianis *Evangelium* appellatum est salutiferum illud nuntium à CHRISTO veracissimo Patris Nuntio nobis allatum.

Denique Exclamatio servit interdum Ironiæ; ità Tullius: *O præclarum custodem ovium, ut ajunt, lupum!* & in Pisonem: *O stultos Camillos, Curios, Fabricios, Scipiones, Marcellos, Maximos!* *O amentem Paulum: rusticum Marium: nullius consilii patres istorum amborum Consulum qui triumpharunt!*

Quibus potissimum in locis utendum est Exclamatione?

R. Adhibenda est præsertim in Amplificatione, in Perorationibus, & ubi res magnas auditori persuaseris. Exclamare enim in rebus minutis frigidum esset, ac puerile.

§. III. DE DUBITATIONE.

Quid est Dubitatio?

R. Dubitatio est Schema, quo Orator fluctuans, animique pendens dubitat aliquamdiu quid sibi agendum, dicendumve sit. Ità Scipio apud Livium milites alloquitur quasi dubitans: *Apud vos quemadmo-*

E6

dum

dum loquar, nec consilium, nec oratio suppeditat, quos nè quo nomine quidem appellare debeam, scio, Cives? qui à patria vestra descivistis. An milites? qui imperium, auspiciūque abnuistis, Sacramenti religionem rupistis. Hostes? corpora, ora, vestitum, habitum civium agnosco; facta, dicta, consilia, animos hostium video.

Illustre omninò Dubitationis exemplum suppeditat nobis Virgilius, cùm Didonem ita dubitantem inducit:

En quid agam? rursusne procos irrita
prios

Experiar? Nomadumque petam connubia
supplex,

Quos ego sum toties jam dedignata maritos?

Iliacas igitur classes, atq; ultima Teucrum
Jussa sequar.

An Tyriis, omniq; manu stipata meorum
Insequar? Et quos Sidonia vix urbe revelli,

Rursus agam pelago, & ventis dare vela
jubebo?

Deinde sequitur electio, quæ fit nimirum, cùm is, qui dubitat, subito consilium capit, quasi oborta sibi nova quadam luce:

Quin morere, ut merita es, ferroque averte dolorem.

Est item apud Ciceronem egregium aliud ejusdem Schematis exemplum in Oratore: *Utrum difficilius, aut majus esset negare tibi sapius idem roganti, an efficere id quod rogares, diu, multumque, Brute, dubitavi. Nam & negare ei quem unice diligere, cuique me charissimum esse sentirem: praesertim, & justa petenti, & praecleara cupienti, durum admodum mihi videbatur, & suscipere tantam rem, quantam non modo facultate consequi difficile esset, sed etiam cogitatione complecti, vix arbitrabar esse ejus, qui verreretur, reprehensionem doctorum, atque prudentium*

Habes etiam breve, sed luculentum Dubitationis exemplum in illis Tiberii verbis apud Tacitum in Annalibus: *Quid scribam, P. C. aut quomodo scribam, aut quid omnino non scribam hoc tempore? Dii me, Deaeque pejus perdant, quam perire quotidie sentio, si scio.*

§. IV. DE OBSECRATIONE.

Quid est obsecratio?

*Obsecratio, ut nomen ipsum per se satis indicat, fit cum alicujus five Dei, five hominis opem imploramus. Hoc Schemate mirum in modum utitur Tullius pro Rege Dejotaro: *Quamobrem hoc nos primum**

me-

metu, C. Cæsar, per fidem, & constantiam, & elementiam tuam libera, nè residerere in te ullam partem iracundie suspicemur. Per dexteram te istam, oro, quam Regi Deiotaro hospes hospiti porrexisti: istam, inquam dexteram, non tam in bellis, & in præliis, quam in promissis, & fide firmiorem. Tu illius domum inire, tu vetus hospitium renovare voluisti: te ejus Dii penates acceperunt: te amicum, & placatum Deiotari regis arce, foecique viderunt.

Vehemens est etiam, atque flexanima Palinuri ad Æneam obtestatio apud Virgilium Æneid. 6.

Quod te per cæli jucundum lumen, & auras,

Per genitorem oro, per spem surgentis Juli,

Eripe me his, invicte, malis. Aut tu mihi terram.

Injice, namque potes, portusque require Velinos:

Aut tu, si qua via est, si quam tibi Diva creatrix

Ostendit (neque enim credo sine numine divum

Flumina tanta paras, stygiamque innare paludem)

Da dextram misero; & tecum me tolle per undas.

Hæc

Hæc figura, præ ceteris, vehemens est, & in perorationibus potissimum solet adhiberi.

§. V. DE IMPRECATIONE.

Quid est Imprecatio?

R. Est execratio quædam, quâ malum imprecamur alicui, vel etiam nobismetipsis. Tale est illud Ciceronis pro Dejotaro: *Dii te perdant, fugitive. Itâ non modo nequam, & improbus, sed etiam fatuus, & amens es.* Et in Antonium: *Quin tu abi in malam rem, malumque cruciatum.* Tale est etiam illud Didonis:

Sed mihi vel tellus optem prius ima dehiscat,

Vel pater omnipotens adigat me fulmine ad umbras,

Pallentes umbras Erebi, noctemq; profundam,

Ante pudor, quàm te violem, aut tua jura resolvam.

§. VI. DE INTERROGATIONE, ET SUBJECTIONE.

Quid est Interrogatio?

R. Fit cum interrogamus aliquem, non tam ad rem dubiam quærendam, quàm ad urgendum, instandumque, & ad vehementio-

tiorem affectum exprimendum. Ità Cicero Catilinam urget hisce verbis: *Patere tua consilia non sentis? Constrictam jam horum omnium conscientiâ teneri conjurationem tuam non vides? Quid proxima, quid superiore nocte egeris, ubi fueris, quos convocaveris, quid consilii ceperis, quem nostrum ignorare arbitraris?*

Quibus sanè interrogationibus Catilinam multò acrius pungit Cicero, quàm si frigidè diceret: *Patent, Catilina, tua consilia, conjuratio tua omnium conscientiâ constricta tenetur; quid egeris, nemo ignorat. Similiter poterit dicere Virgilius: Ipse ego te vidi Damonis, pessime, Caprum Excipere insidiis, multum latrante Lycisca.*

Sed plus spiritûs, nervorumque habet hæc interrogatio:

Non ego, te vidi, Damonis, pessime, Caprum

Excipere insidiis.

Quòd si interrogationi subjiciatur responsio, Subjectio vocabitur. Sic Tullius pro lege Manilia: *Quid tam novum, quàm adolescentulum privatum, exercitum difficili Reipublicæ tempore conficere? Confecit, huic præesse? Præfuit, rem optimè ductu suo gerere? Gessit. Quid tam præter consue-*
tu-

rudinem, quàm homini adolescenti, cujus à Senatorio gradu ætas longè abisset, imperium, atque exercitum dari, Siciliam per-mitti, atque Africam, bellumque in ea admi-nistrandum? Fuit in iis Provinciis singulari innocentia, æquitate, virtute: bellum in Afri-ca maximum confecit, victorem exercitum deportavit.

§. VII. DE PRÆTERITIONE, ET RETI-CENTIA.

Quid est Præteritio?

Præteritio, quæ Ciceroni videtur in amore, & in deliciis fuisse, fit cùm simula-mus nos vel nescire, vel nolle dicere id, quod vel maximè dicimus. Ità Tullius su-um Pompejum magnificè laudat per præ-teritionem:

Itaque non sum prædicaturus, Quirites, quantas ille res domi, militiæque, terrâ, ma-risque, quantaque felicitate gesserit; ut ejus semper voluntatibus non modò cives assen-serint, socii obtemperârint, hostes obedierint sed etiam venti, tempestatesque obsecunda-rint; hoc brevissimè dicam.

Habes etiam luculentam ejusdem Tullii præteritionem in Vatinium: *Atque illud tenebrosissimum tempus ineuntis ætatis tuæ patiar latere. Licet impunè per me, pa-*

*viates in adolescentiâ perfoderis, vicinos
compilâris, matrem verberaris. Habet hoc
præmium tua indignitas, ut adolescentiâ tur-
pitudine obscuritatis, Et sordibus tuis tegatur.*

Præteritioni vicina est, & affinis Reti-
centia, aposiopesis Græcè dicta, quæ fit
cum orationem abrumpimus subito, & re-
ticemus aliquid, ut majora auditoribus co-
gitanda relinquamus, quia nimirum quæ
latent, graviora putantur. Tale est illud
Juvenalis:

Majorum primus quisquis fuit ille tuo-
rum,

Aut pastor fuit, illud quod dicere nolo.
Illustre omnino hujusce Schematis exem-
plum nobis suppeditat Virgilius Æneid.
1. ubi Neptunus ventos tumultuantes sic
increpitat:

Jam cœlum, terramque meo sinè numi-
ne venti

Miscere, & tantas audetis tollere moles?

Quos ego sed motos præstat com-
ponere fluctus,

Post mihi non simili pœna commissa lue-
tis.

Aposiopesi utimur ob pudorem, ut Vir-
gilius in ecloga 3.

Novimus, & qui te. . .

§. VIII. DE EXPOLITIONE.

Quid est Expolitio?

Expolitio, sive Commoratio, & Exoratio (nam tria hæc vocabula unum, atque idem sonant) est figura ad motus excitandos valdè insignis.

Fit autem, cum eandem sententiam variis modis versamus, ut altiùs in auditorum animis defigatur. Ità Cicero pro Sextio: *An mihi ipsi, ut quidam putant, fuit mors æquò animò oppetenda? quid? tum mortemne fugiebam? an erat res ulla, quam mihi magis optandam putarem? tam eram rudis? tam ignarus rerum, tam expertus consilii, aut ingenii? nihil audieram, nihil videram, nihil ipse legendo, quærendoque cognoveram? nesciebam vitæ brevem esse cursum, gloriæ sempiternum? quum esset omnibus definita mors, optandum esse, ut vita, quæ necessitati deberetur, patriæ potiùs donata, quàm reservata naturæ videretur? Nesciebam, inter sapientissimos homines hanc contentionem fuisse, ut alii dicerent, animos hominum, sensusque morte restingui, alii autem tum maximè mentes sapientum, ac fortium virorum, quum è corpore excessissent, sentire, ac vigere? quorum alterum fugiendum non esse, carere sensu; alterum etiam optandum, meliore esse sensu.*

§. IX.

§. IX. DE EPIPHONEMATE.

Quid est Epiphonema?

R. Est exclamatio sententiosa, quæ fieri solet post rem aliquam insignem vel narratam, vel probatam. Ut cum Virgilius, post narratos classis Trojanæ labores, sic exclamat sententiosè:

Tantæ molis erat Romanam condere gentem.

Sic etiam Lucretius lib. I. post commemoratum exemplum Agamemnonis, filiam suam Iphigeniam immolantis, hac gravi sententia claudit narrationem:

Tantum Religio potuit suadere malorum.

Simile est illud Ciceronis in libro de Senectute: *Senectutem ut adipiscantur, omnes optant; eandem accusant adeptam: tanta est inconstantia, stultitia, atque perversitas.* Sic etiam Virgilius, postquam apum, in melle conficiendo, industriam, laboresque descripsit, hoc addit Epiphonema:

Tantus amor florum, & generandi gloria mellis.

Itémque hoc 2. Georgicorum.

— Adeò à teneris consuescere multum est.

Et alio in loco, de crudeli, atque impio Polymnestore loquens,

Fas

Fas omne abrumpit; Polydorum obtruncat, & aurô

Vi potitur. QUID non mortalia pectora cogis

Auri sacra fames?

CAPUT II.

DE FIGURIS AD DELECTANDUM MAGIS IDONEIS.

§. I. DE APOSTROPHE.

Quid est Apostrophe?

R. Est Schema, quo sermonem ad aliam personam, vel quasi personam convertimus, quam instituta oratio requirat. Ità Cicero pro Milone: *Vos, vos appello, fortissimi viri, qui multum pro Republica sanguinem effudistis; vos in viri, & civis invicti appello periculo, Centuriones, vosque milites; vobis non modò inspectantibus, sed etiam armatis, & huic judicio præsidentibus hæc tanta virtus ex hac urbe expelletur.*

Apostrophe fit aliquando ad Superos ad invocandum. Ità Tullius I. in Catilinam: *Tum tu, Jupiter, qui iisdem, quibus hæc urbs, auspicijs à Romulo es constitutus, quem statorem hujus urbis, atque Imperii verè nominamus? hunc, & hujus socios suis aris,*

cæterisque templis, à testis urbis, à mœnibus
à vita, fortunisque omnium civium arcebis;
Et omnes inimicos bonorum, hostes patriæ,
latrones Italiæ, scelerum fœdere inter se, ac
nefaria societate conjunctos, æternis suppli-
ciis vivos, mortuosque mactabis.

Nec tantùm ad personas fit Apostrophe;
sed etiam ad res inanimas, sensuque ca-
rentes, aut aliquando etiam ad belluas.
Ejusmodi est apud Virgilium notissima il-
la Mezentii Apostrophe ad equum suum,
nomine Rhoëbum:

Rhoëbe, diu (res si qua diu mortalibus
ulla est)

Viximus. . . .

Ità Cicero pro Milone: *Vos enim jam Alba-
ni tumuli, atque luci, vos, inquam, imploro,
atque obtestor, vosque Albanorum obrutæ
arce, sacrorum Populi Romani sociæ, Et æ-
quales.* Poëtis porro nihil familiarius, est
quàm illa ad res sensu carentes Apostro-
phe. Ità Dido moriens *Æneid.* 4.

Dulces exuviæ, dum fata, deusque si-
nebant,

Accipite hanc animam, meque his exol-
vite curis.

Quænam sunt Apostrophes regulæ?

§. Tres. 1. Rarò est usurpanda. Si enim
crebriùs adhibeatur, inepta erit, & frigi-
duscula.

2. Tametsi multis videatur; Apostrophen in ipso dicendi principio nequaquam adhiberi posse, interdum tamen Orationem inchoat egregiè, ut docet initium primæ Catilinarix: *Quousque tandem abutere, Catilina, patientiâ nostrâ?*

3. Fas est Poëtis, solius metri causâ, Apostrophen adhibere. Itâ Ovidius lib. 3. Tristium:

Nunc ego jactandas optarem sumere pennas,

Sive tuas, Perseu; Dedale, sive tuas.

§. II. DE HYPOTYPOSI.

Quid est Hypotyposis?

Æ. Est figura, qua res itâ graphicè describitur, ut non tam audiri, vel legi, quàm ante oculos versari videatur. Splendidum in primis, ac illustre illius exemplum habes in septima Verrina, ubi Tullius Verris inhumanitatem oculis itâ subjicit. *Ipsè inflammatus scelere, Et furore in forum venit. Ardebant oculi; toto ex ore crudelitas eminebat. Expectabant omnes: quò tandem progressurus, aut quidnam acturus esset; cùm repenti Hominem corripì, atque in foro medio nudari, ac deligari, Et virgas expediri jubet. Clamat ille miser se civem esse Romanum.*

Ni-

Nihilo inferior est Virgiliana illa de Mezentii equo Hypotyposis, quam meritò mirantur omnes:

Tollit se arrectum quadrupes, & calibus auras

Verberat, effusumque equitem super ipse secutus

Implicat, ejectoq; incumbit cernuus armo.

Hypotyposim creberrimè solent usurpare Poëtæ, ac præsertim Virgilius, qui res adeò vivis, & spirantibus, ut ità dicam, coloribus describit, ut pænè sub oculos cadant. Ità Cyclopes depingit Æneid 8.

Ferrum exercebant vasto Cyclopes in antro

Brontesque, Steropesq; & nudus membra Pyracmon.

— Alii ventosis follibus auras

Accipiunt, redduntque; alii stridentia tingunt

Æra lacu, gemit impositis incudibus autrum.

Illi inter sese, multa vi, brachia tollunt.

In numerum, versantq; tenaci forcipe mafam.

§. III. DE PROSOPOPEJA.

Quid est Prosopopeja?

R.

§. Profopopœja est fictio personæ, seu Schema, quo personæ mortuæ, vel absentis, aut etiam rei sensu carenti sermonem tribuimus: per quamdam licentiam oratoriam; v. g. cum inducimus loquentem Urbem, Provinciam, Angelum, Beatum, parietem, aliaque id genus. Talis est apud Lucanum celebris illa Profopopœja patriæ, quæ Julio Cæsari juxta fluvium Rubiconem apparens, illum à civili bello dehortatur.

Jam gelidas Cæsar cursu superaverat Alpes,

Ingentesque animo motus, bellumque futurum

Ceperat. Ut ventum est parvi Rubiconis ad undas,

Ingens visa Duci Patriæ trepidantis imago Clara, per obscuram, vultu mœstissima, nœtem,

Turrigero canos effundens vertice crines, Cæsarie lacera, nudisque adstare lacertis, Et gemitu permessa loqui: Quò tenditis ultra?

Quo fertis mea signa viri? Si jure venitis, Si cives, huc usque licet.

Sic etiam Tullius in prima Catilinaria ita loquentem patriam inducit: *Quæ* (patria) *tecum, Catilina, sic ait, Et quodammo-*

dò tacita loquitur: Nullum jam tot annos facinus extitit, nisi per te: nullum flagitium sine te. Tibi uni multorum neces, tibi vexatio, direptioque sociorum impunita fuit, ac libera. Tu non solum ad negligendas leges, & quæstiones, verum etiam ad evertendas, perfringendasque valuisti. Superiora illa, quamquam ferenda non fuerunt, tamen ut potui, tuli: Nunc verò me totam esse in metu, propter te unum quidquid increpuerit, Catilinam timeri; nullum videri contra me consilium iniri posse, quod à tuo scelere abhorreat, non est ferendum. Quamobrem discede, atque hunc mihi timorem eripe: Si verus, nè opprimar; sin falsus, ut tandem aliquando timere desinam. Hæc si tecum, ut dixi, patria loquatur, &c.

Venustissimum est, & Aurea Augusti ætate dignissimum Epitaphium hoc, in quo viventem maritum per Profopopæjam sic alloquitur uxor mortua:

*Immatura perii; sed tu felicior annos
Vive tuos, conjux optime vive meos.*

§. IV. DE ETHOPOEJA.

Quid est Ethopœja?

R. Ethopœja est expressio morum, seu Schema, quo alicujus studia, mores, indolem, ingenium verbis exprimimus. Ità Sal-

la-

lustius Catilinam omnibus artis coloribus egregiè pingit in illa Ethopœja, tantoperè omnium consensione laudata.

Ethopœja Catilinæ.

Lucius Catilina nobili genere natus, fuit magna vi, & animi, & corporis, sed ingenio malo pravoque. Huic ab adolescentia, bella intestina, cædes, rapinæ, discordia civitatis grata fuere; ibique juventutem suam exercuit. Corpus patiens inedia, algoris, vigiliae, supra quam cuique credibile est; Animus avarus, subdolanus, varius, cujuslibet rei simulator, ac dissimulator, alieni appetens, sui prousus. Ardens in cupiditatibus: satis eloquentia, sapientia parum. Vastus animus inmoderata, incredibilia, nimis alta semper cupiat.

Sic etiam Plautus senis avari, sordidive mores mirabiliter exprimit, dum illum adducit hæc sermo suo mandata dantem:

Senex Avarus.

ave quemque alienum in ædem intromiseris.

i quispiam ignem quærat, extinguere volo, se causæ quid sit, quod te quisque quæritet.

Tum aquam effugisse dicito: si quis peti-
Cultrum, securim, pistillum, mortarium
Quæ utenda vasa semper vicini rogitant
Fures venisse, atque abstulisse dicito.

Mulierum mores graphicè pingit Teren-
rentius, dum ait: *Novi ingenium mulierum
Nolunt, ubi velis: ubi nolis, cupiunt ultro
Et alio loco in Heau. 2. 2. II. Nosti morum
mulierum; dum moliantur, dum comuntur
annus est.*

Ethopæja dividitur in Profopographiam
& in Ethopœjam propriè dictam, de qua
jam egimus.

Quid est Profopographia?

3. Est expressio vultûs, ac corporis totius
tius, seu Schema, quo alicujus vultus
os, lineamenta, incessum, cultum, habitum
que omnem exprimimus. Ità Martialis de
formem Zoilum lepide pingit:

Crine ruber; niger ore, brevis pede, luv-
mine læsus,

Rem magnam præstas, Zoile, si bonus

Sic etiam Franciscus Vavassor in suo
lo eximio de ludrica dictione libro Socra-
tis habitum, os, figuramque depingit.

*Socrates Æsopo non absimilis deforma-
tate corporis fuit: ut pote simis naribus, et
tantibus & prominentibus oculis, recalc-
fronte, pilosis humeris, obeso ventre, repa-
dis*

per cruribus, quem propterea rectè Alcibiadis cum Sileno, & Satyris etiam formà, & specie contulit. Ac licuit semper animadvertere, tuscus, gibbosus, ventriosus, claudus, silesque eorum eò ferè dicaciores esse homines ceteris, quò sunt vitii corporis insigniales, materiamque præbent ad jocandum majorem: sive quòd sæpiùs laceßiti propter eam foeditatem, asuescant vicissim adversariis repungere, atque ità exercitiores in eò genere fiant: sive quòd priores occupent feriantur, aut ut feriantur leviùs.

Feliciter admodum miscentur Prosopopæia, & Ethopœja propriè dicta, & ex i mixtura Schema gratissimum effloret, ut liquet in exemplo sequenti, ubi M. Alphurnium sic pingit Tullius: *Consul ipse verb animò, & pravò: tantùm cavillator nere illo moroso, quod etiam sinè dicacitate ridetur, facie magis quàm faceciis ridiculus: à quo nihil speres boni Reipublicæ, quia non vult; nihil metuas mali, quia non audet.*

C A P U T III.

DE FIGURIS AD DOCENDUM IDONEIS.

§. I. DE ANTITHESE.

Quid est Antithesis.

F 3

R.

3. Antithesis, five oppositio est Schema, quo verba verbis, sententiæ sententiis opponuntur; cujus rei splendidum in primis, & illustre exemplum habes in 2. Catilinaria: *Ex hac parte pudor pugnat, illinc petulantia; hinc pudicitia, illinc stuprum; hinc fides, illinc fraudatio; hinc pietas, illinc scelus; hinc honestas, illinc turpitudine; hinc continentia, illinc libido. Denique æquitas, temperantia, fortitudo, prudentia, virtutes omnes certant cum iniquitate, cum luxuria, cum ignavia, cum temeritate, cum vitiis omnibus; postremò copia cum egestate, bona ratio cum perdita; mens sana cum amentia: bona denique spes cum omnium rerum desperatione confligit.*

Sic Martialis in amicum quemdam morosum, sibi que imparem facile ludit per Antitheses,
 Difficilis, facilis, jucundus, acerbus es idem:
 Nec tecum possum vivere, nec sine te.
 Ità Ovidius:

*Frigida pugnabant calidis, humentia ficcis
 Mollia cum duris, sine pondere habentia
 pondus:*

Sic etiam Justinus Agathoclem, Syracusis obsessis, bellum nihilominus in Africam transferentem, laudat per Antitheses:
Mira prorsus audacia, ut quibus in solo ur-
bis

bis sua par non erat, eorum urbi bellum inferret; Et qui sua tueri non poterat, impugnet aliena, victusque victoribus insultaret. Eiusdem etiam generis est memorabile illud dictum Augusti, jam ætate valdè pro-
 vecti, ad nobiles quosdam juvenes, qui fortè tumultuabantur: *Audite, juvenes senem, quem juvenem senes audivere.*

Hoc etiam modo Horatius in Odis: *Privatus illi census erat brevis, commune magnum;* & post illum Seneca:

Curæ leves loquuntur, ingentes stupent.

§. II. DE SUSTENTATIONE.

Quid est Sustentatio?

R. Est figura, qua Orator, ad sibi conciliandam attentionem, & ad excitandos, ar-
 rigendosque auditorum animos, illos tenet aliquandiu suspensos, incertosque quid dicturus sit; ut cum Tullius agit contra Verrem: *Etiamnum mihi expectare videmini, iudices, quid deinde factum sit. . . expectate facinus, quàm vultis improbum? vincam tamen expectationem omnium.*

Habes falsum, & facetum Sustentationis exemplum in Martialis Libro 6.

In Lupercuria.

Quod convivaris sinè me tam sæpè, Luper-
 ce,

F4

In-

Inveni, noceam qua ratione tibi.
 Irascar, licet usque voces, mittasq; rogesq;
 Quid facies? inquis, quid faciam? veni-
 am.

§. III. DE COMMUNICATIONE.

Quid est Communicatio?

R. Est figura, qua Orator, causæ suæ confidens, deliberat cum iis ipsis, apud quos, vel contra quos dicturus est, illos nimirum consulens, quid acturus sit. Egregium hujusmodi exemplum habes in Verrina 2. ubi Cicero summam causæ suæ fiduciam ita demonstrat: *Nunc ego vos consulo, quid mihi faciendum putetis. Id enim consilii profectò taciti dabitis, quod ego mihi necessario capiendum intelligo.* Et pro Cæcina: *Quæro, si te hodie domum tuam redeuntem homines armati, non modò limine, tectoque ædium tuarum, sed primo aditu, vestibuloq; prohiberent, quid acturus sis?*

§. I. DE CORRECTIONE.

Quid est Correctio?

R. Correctio, seu Retractatio, est Schema, quo Orator sententiam, aut vocem à se prolatam retractat, ac veluti corrigit. Ità Cicero pro Coelio: *O stultitia! Stultitiamne dicam, an impudentiam singularem?*

Et

Et prima Catilinaria: *Quamquam quid loquor? Te ut ulla res frangat? Tu ut unquam te corrigas? Tu ut ullam fugam meditare? Tu ut ullum exilium cogites? Utinam tibi istam mentem Dii immortales donarent!*

Sic etiam Terrentius in comœdia, quæ inscribitur *Hecutontinorum* enos, miserum senem Menedemum sic loquentem inducit.

*Filium unicum adôlofcentulum
Habeo Ah! quid dixi habere me? Imò habui, Chreme:*

Nunc habeam, nec ne, incertum est.

CAPUT V.

DE FIGURIS VERBORUM

Figuræ verborum aliæ sunt tropi, aliæ non sunt tropi. Figuræ quæ sunt tropi, fiunt tantum in verbis translatis, hoc est à sensu sibi proprio in alienum sensum traducti, ut cum dicimus: *Lætas segetes. Prata rident. Geminos duo fulmina belli Scipiadæ, &c.* Figuræ vero, quæ non sunt tropi, fiunt etiam in verbis propriis, ut cum ait Tullius: *O Tempora! O mores!* Et alio loco, *Abiit, excessit, evasit, erupit.*

S. I. DE TROPIS.

Quid est Tropus?

R. Tropus est verbi, vel Orationis è propria significatione in alienam immutatio, cum virtute, ac dignitate; ut cum dicitur: *Mulus pro Stupido*; vel *Laterem lavare*, pro *Frustrâ laborem suscipere*, instar laterem lavantis. Ista porro immutatio, sive conversio fit cum virtute, ac dignitate, hoc est ad addendum orationi pondus, majoremque illi venustatem, dignitatem conciliandam. Porro Tropus sic appellatur à voce Græca *trepo* verto; ut ad verbum *Inversionem* sonet.

Hæc autem Inversio fit multiplici, variâque ratione, sed quatuor potissimum modis; unde existunt primarii quatuor, nobilissimique Tropi, nempe Metaphora, Metonymia, Synecdoche, & Ironia, de quibus sigillatim tractandum est.

§. II. DE METAPHORA.

Quid est Metaphora?

R. Metaphora, seu Translatio est tropus, quo vox aliqua à propria significatione ad alienam transfertur, ob similitudinem: Ut cum ait Tullius ad Cæsarem: *Parietes huius curiæ tibi gratias agere gestiunt*. Vox illa, *Gestire*, quæ est hominis propria, transfertur ad parietem; cuius non est propria;

sed

sed cum quo tamen habet hoc loco quamdam similitudinem & affinitatem.

Hunc porró usum, ac modum verba transferendi necessitas genuit, cum scilicet verba propria deessent; postea veró delectatio jucunditasque celebravit. Quemadmodum enim vestis depellendi frigoris causã primũ reperta, postea etiam adhiberi cœpta est ad ornatum corporis, & dignitatem; sic verbi translatio, solius inopiæ causã primũ instituta, deinde etiam fuit ad delectationem, & ad ornatum orationis frequentata.

Undenam potissimum ducuntur Metaphoræ?

R. Ex omnibus omninó rebus duci possunt, á divinis, á Cœlestibus, ab elementis, meteoris, lapidibus, metallis, plantis, bestiis, hominibus, eorũque operibus: adeo ut non minús laté pateat Metaphora, quã similitudo, quæ á re qualibet duci potest.

Metaphora ducitur: 1. á Divinis, ut apud Ciceronem, *Deus ille noster Plato*. Itẽmque apud Martialem magnificentissima illa Romæ laudatio.

Terrarum Dea, gentiumque Roma,
Cui par est nihil, & nihil secundum.

2. Sumitur ab Elementis, ut cum dicitur

á Tullio, *Nullius tantum est flumen ingenii, nulla scribendi, aut dicendi tantã vis, tantãque copia, quæ non dicam exornare, sed enarrare, Cæsar, res tuas gestas, possit.*

3. Metaphora sumitur é stipibus, plantis, & arboribus. Ita Cicero; *Virtus est una altissimis defixa radicibus, quæ nullã unquam vi labefactari potest.*

4. Sumitur á rebus arte, manuque factis. Ita Appion ille, contra quem Josephus scripsit, vocabatur. *Cymbalum mundi.* Longinus veró Rhetor eximius, appellabatur *Viva Bibliotheca, & Museum ambulans;* quod etiam de Origene dictum accepimus. Imperator autem Helvius Pertinax *Fortunæ Pila* fuit vulgó nuncupatus, quòd nempé variis fortunæ casibus fuisset exercitus. Denique Augustus homines illos, qui solerti, promptoque erant ingenio ad res ex tempore conficiendas, lepidè agebat, *Argentum habere innumerato,* Metaphora á pecuniis ducta.

5. Metaphora ducitur ab homine; ut cum ait apud Virgilium Palinurus:

Méne falis placidi vultum, fluctusque quietos

Ignorare jubes?

Reliquos Metaphorarum fontes, qui innumerabiles sunt, & cuilibet obvii, persequi

qui figillatim, hominis effret otio intemperanter abutentis. Quatuor tamen præcipua capita Quintilianus enumerat, ad quæ omnes Metaphoræ commodè possunt revocari.

Primò fit Metaphora, cùm à re quapiam animata ad rem aliam animatam verbum transferimus: ut cùm ait Titus Livius: *Scipionem à Catone solitum allatrari*; quæ vox, *Allatrare*; cùm propria fit solius canis, tribuitur tamen homini non inconcinne. Sic etiam Christus ipse Herodem, ob mores vulpinos, hoc est ob calliditatem, atque versutiam, vulpem appellavit, Lucæ cap: 13. *Ite, & dicite vulpi illi.*

Secundò fit Metaphora, cùm inanima pro aliis inanimis ponuntur; ut *Habena* pro *Gubernaculo*; *Fœnum* pro *Lege*; *Vinculum* pro *Communitate*; vel si dicas cum Tullio: *Hic orationis vela contrahamus.*

Tertiò, cum inanima transferuntur ad animata; ut cùm ipsa civitatis lumina extincta dicuntur in morte præstantium virorum; & cùm ait Catullus!

O qui flos es juvenulorum.

Quartò, denique præcipuam quamdam venustatem habet, cùm rebus inanimis, sensuque carentibus sensum quemdam, a-

ni-

nimosque, ac veluti vitam damus; ut cum ait Virgilius:

———— Pontem indignatus Araxes.

Sic etiam Cicero pro Ligario. *Quid enim Tubero, tuus ille districtus in acie Pharsalica gladius agebat? cujus latus mucro ille petebat? qui sensus erat armorum tuorum?*

§. III. QUID VITANDUM IN METAPHORA.

Quenam Metaphoræ dicuntur vitiosæ?

1. Vitiosæ dicuntur Metaphoræ illæ, quæ humiliores sunt, sordidæque, & ab re quapiam abiecta, deformique desumptæ. Talis est ista, quam damnant Tullius, & Quintilianus: *Stercus curiæ Glaucia*: itemque ista: *Saxa mundi verrucæ*, id est *nupes*. Horatius quoque ob eandem causam notavit versum illum cujusdam M. Furii Bibaculi:

Jupiter hibernas cana nive conspuit Alpes.

Quid enim sordidius, ac turpius, quam Metaphoram à sputo mutuari? Hoc eodem humilitatis, & ut ita dicam, ignobilitatis vitio laborare videtur celebris illa Tertuliani Metaphora, qua diluvium appellat *Naturæ generale lixivium*.

2. Vitiosæ dicuntur Metaphoræ, quæ
du

duriore sunt, vel longius accersitæ, vel quæ rem nimis amplificant; ut si dicas: *Syrtim Patrimonii, Charybdim bonorum;* quod profectò duriusculum est, & à Tullio jure damnatum. Quòd si verearis, nè durior paulò, & audacior videatur Metaphora, poteris illam mollire, ac mitigare illis, aut similibus vocabulis: *Ut ità dicam . . . quasi . . . pænè . . . Si ità loqui fas est,* & ut si dicas, *Mortuo M. Catone pupillum relictum esse Senatam,* poterit audacior videri hæc translatio: si verò dixeris cum Tullio, *Pupillum, ut ità dicam, relictum esse Senatam,* duriuscula Metaphora, hoc velut apposito condimento, mitescet. Nam; ut sapienter admodum monet idem Tullius, *Verecunda debet esse translatio,* ut deducta esse in alienum locum, non irruisse, atq; ut precario, non vi venisse videatur.

3. Vitium est in Metaphora, si nimis poetica sit; v. gr: si Orator dicat cum Virgilio *Volucres pennis remigare;* aut si cum Horatio dicat de Euro:

Per Siculas equitavit undas.

Neque enim quæcumque Poëtis licent, ea omnia Oratoribus licere existimandum est.

4. Metaphorarum vitium est immoderata

ta quædam illarum coacervatio. Etſi enim nullus eſt florentior tropus, & qui plus luminis afferat orationi, non tamen frequentari nimium debet: nam ut modicus illius uſus maximopere delectat, ita immodicus non parum affert ſatietatis, atque ſaſtidii, & in ænigma tranſit, aut in allegoriam.

5. Denique vitioſa eſt Metaphora, quæ ſibi non conſtat, res nimirum omnino diſſimiles inter ſe conjungendo. Quippe, ut docet Fabius: *Id in primis eſt cuſtodiendum, ut quo ex genere cœperis translationis, hoc deſinas. Multi enim cùm initium à tempeſtate ſumpſerint; incendio, aut ruina finiunt, quæ eſt in conſequentia rerum ſædiſſima.* Quamquam, ut loquar ingenuè, huic de perpetua, ſibi que conſentanea translatione Rhetorum præcepto non adeò ſeverè à ſummis viris obtemperari video. Scimus enim diverſas omninò Metaphoras eleganter sæpè fuiſſe conjunctas à Virgilio, ab Horatio, à Catullo, &c. ſic triplex eſt Metaphora in duobus hiſce verſibus Horatii:

Nemo adeò ferus eſt, ut non miteſcere poſſit,

Si modò culteræ patientem commodet aurem.

Prima est de feris, quæ propriè mansuescunt, & cicurantur. Altera est de fructibus, qui acerbi sunt, & propriè mitescunt. Tertia est ab agris, quorum propria est cultura.

§. IV. DE ALLEGORIA.

Quid est Allegoria?

Æ. Allegoria est Metaphorarum continuatio, seu figura, quâ aliud verbis dicitur, aliud re ipsa intelligitur, unde non absurdè vocatur *Diversiloquium*; quod nimirum aliud dicatur, aliud sentiatur.

Huiusmodi est insignis illa Ciceronis in Pisonem Allegoria: *Neque tam fui timidus, ut qui in maximis turbinibus, ac fluctibus, Republicæ navem gubernassem, salvamque in portu collocassem, frontis tuæ nube culam, aut collegæ tui contaminatum spiritum perhorrescerem. Alios ego vidi ventos; alias prospexi animo procellas; aliis impendentibus tempestatibus non cessi; sed unum me pro omnium salute obtuli.*

Illustris est, & omnibus nota illa Horatii Ode Allegorica de bello civili, Lib: I.

O navis, referent in mare te novi
Fluctus. O quid agis? fortiter occupa
Portum. Nonne vides ut
Nudum remigiô latus?

Et

Et malus celeri saucius Africo,
 Antennæque gemant? ac finè funibus
 Vix durare Carinæ
 Possint imperiosius
 Æquor? Non tibi sunt integra lintea, &c.

In hac eximia Allegoria navim pro Republica; fluctus pro civili bello; portum pro pace, concordiaque; remigium pro Militibus; nautas pro Magistratibus; malum pro præcipuis Ducibus usurpat Horatius; & ab initio ad finem egregiè sibi constat, quod in Allegoria præcipuum est.

§. V. DE METONYMIA.

Quid est Metonymia?

§. Metonymia, quæ etiam vocatur Hypallage, seu Transnominatio, est troporum omnium vastissimus, atque usitatissimus. Fit autem quatuor potissimum modis. 1. cum causa, vel quasi causa ponitur pro effectu, & cum rerum inventor, & auctor usurpatur pro rebus ipsis, quas invenit; ut Mars pro bello; Ceres pro frugibus; Vulcanus pro igne, Cicero, aut Virgilius pro scriptis illorum; dux exercitus pro exercitu ipso. Sic dicimus, vario Marte pugnatum est, hoc est vario belli eventu; & Virgilius, *Onerantque canistris dona*

*laboratæ cereris; id est panis. Et Georgi-
corum librô 2.*

Bacchus amat colles; Aquilonem, &
frigora taxi.

Sic etiam dicimus, ab Hannibale apud
Cannas cæsa fuisse sexaginta Romanorum
millia; hoc est ab Hannibalis exercitu. Fit
item hoc primo modo Metonymia, cum
possessor usurpatur pro re possessa, ut cum
ait Virgilius *Æneid: 2.*

Jam proximus ardet
Ucalegon.

Hoc est domus Ucalegontis.

2. Fit Metonymia cum sumuntur effe-
cta pro causis, aut scelus pro scelerato i-
pso: Ità Comicus: *Ubi est scelus ille, qui me
perdidit?* Ità Virgilius 2. *Æneid.*

Accipe nunc Danaum insidias, & cri-
mine ab uno
Disce omnes.

Ubi *Crimen* ponitur pro perfido Sino-
ne criminis auctore, & hic est germanus
illius loci sensus: ex uno Sinone disce Græ-
cos omnes esse perfidos. Ità Cicero 1. in
*Verr. Quas res luxuries in flagitiis, crude-
litas in supplicis, avaritia in rapinis, super-
bia.*

bia in contumeliis efficere potuisset, eas omnes sese hoc uno Prætoris per triennium pertulisse. Fit etiam, cum id, quod proprium est effectui, tribuitur causæ, & hoc Poëtis valdè familiare est: Ita timor dicitur fugax; mors dicitur pallida; morbi dicuntur pallentes, quia fuga est effectus timoris, & pallor est effectus morborum, & mortis. Sic Horatius; Pallida mors æquo pulsat pede pauperum tabernas, Regumque Turres. Sic Virgilius:

Pallentes habitant morbi, tristisque fenectus.

3. Fit Metonymia, cum res, quæ continet, usurpatur pro re contenta, ut Roma pro Romanis, cœlum pro cœlestibus, terra pro terræ incolis. Huc pertinet illud Ciceronis pro lege Manilia. *Testis est Italia, quam ille ipse victor Sylla huius virtute, & consilio confessus est fuisse liberatam. Testis est Sicilia, quam multis undique cinctam periculis, non terrore belli, sed celeritate consilii explicavit. Testis est Africa, quæ magnis oppressa hostium copiis, eorum impiorum sanguine redundavit. Testis est Gallia, per quam legionibus nostris in Hispaniam iter, Gallorum internecone, patefactum est. Ubi Italianam pro Italis, Siciliam pro Siculis, &c. usurpavit.*

4. Cùm signum usurpatur pro re significata, ut toga pro pace, fasces pro magistratu. Ità Cicero in Pisonem:

Cedant arma togæ, concedat laurea linguæ.

Huc refer, cùm hæc vox *nomen* ponitur pro re ipsa: ità Livius lib: 1. *Ad singula oppida circumferendo arma nomen omne Latinum domuit.*

§. VI. DE SYNECDOCHE.

Quid est Synecdoche?

R. Synecdoche est tropus apud Oratores æquè ac Poëtas valde usitatus, & tritus. Fit autem modis quatuor.

1. Cùm pars ponitur pro toto, v. gr. mucro pro ense; tectum pro domo; puppis, vel carina pro navi integra: ità virgilius *Æneid. 2,*

Non anni domuere decem, non mille carinæ.

Est autem *carina* ima pars navis. Sic etiam hominis anima sæpè usurpatur pro homine ipso. Ità Tullius: *Vos meæ charissimæ animæ, sæpissimè ad me scribite.* Eodem refert vulgares illas locutiones, quibus *Unus* accipitur pro *Pluribus*, ut cùm dicit Virgilius: *Hostis habet muros.*

2. Fit Synecdoche; cùm totum usurpatur

tur pro parte: ut in hoc decantato Virgillii versu.

Aut Ararim Parthus bibet, aut Germania Tigrim.

Et rursus Æneid. 12.

—— Fontemque, ignemq; ferebant.

Ubi fons accipitur pro parte fontis. Huc pertinet etiam, cum *Plures* usurpantur pro *Uno*; ut, cum ait Tullius: *Nos populo imposuimus, Et Oratores visi sumus*; licet de se tantum loquatur.

3. Synecdoche fit, cum materia, ex qua facta res est, accipitur pro re ipsa, v. gr. ferrum pro gladio, pinus pro navi, argentum pro pecunia, quæ fit ex argento.

4. Denique fit Synecdoche, cum vel species sumitur pro genere, vel genus pro specie, ut Eurus, vel Aquilo, pro quolibet vento, Sabellicus fuscus, pro quolibet fuscæ, Myrtoum, vel Carpathium mare, pro mari quocunque. Sic Maro:

Dentesque Sabellicus exacuit fuscus.

Ita Juvenalis pro quolibet homine frugi, Curium appellat;

Qui Curios simulant & Bacchanalia vivunt.

Contra verò genus usurpabitur, pro specie, si dicatur cum Virgilio *Ales* pro *Aquila*

—— Prædamque ex unguibus ales

Pro-

Projecit fluvio.

§. VII. DE IRONIA.

Quid est Ironia?

R. Ironia, quæ Socrati adeò fuit in deliciis; est figura, qua aliud planè dicimus, quàm verba ipsa significare videntur. Quando v. gr. quempiam simulata laudatione falsè, ac ingeniosè perstringimus; nimirum aliud apertè dicendo aliud verò innuendo: unde recte vocatur à Quintiliano, *Diversiloquium, dissimulatio, & illusio*, ut sonat Græca ipsa Ironiæ vox,

Intelligatur autem Ironia: vel ex ipsa re, quæ dicitur, vel ipsa pronuntiatione certè quidem; ut si dicas: *O Præclarum ovium custodem lupum!* Ità Juvenalis impiam æquè ac stolidam Ægyptiorum superstitionem, qui non quadrupedes solùm colebant, uti canem, simiam, felem, bovemque: sed plantas etiam ipsas, uti porrum, & cepe, divinis prosequerantur honoribus, falsè cavillatur hac faceta, & eleganti ironia Satyræ 14.

Oppida tota canem venerantur; nemo Dianam;

Porrum, & cepe, nefas violare, aut frangere morfu.

O sanctas gentes, quibus hæc nascuntur in hortis.

Nu-

Numina!

Eximia est Ciceronis Ironia in Miloniana: *Sed stulti sumus, inquit, qui Drusum, qui Africanum, Pompejum, nosmetipsos cum Publio Clodio conferre audeamus. Tolerabilia fuerunt illa: Clodii mortem æquò animò ferre nemo-potest; luget Senatus: mœret Equester ordo; tota civitas confecta semò est; squalent municipia; affliguntur Coloniae; agri denique ipsi tam beneficium, tam salutarem, tam mansuetum civem desiderant.*

Ironiæ exemplum exquisitius apud veteres nullum habemus, quod sciam, quàm Iepidam illam Apocolocyntosim, in qua Seneca Claudium Imperatorem, qui vulgò bardus, & imbellis habebatur, facetissimè ludit. Est autem Apocolocyntosis Satyra quædam Menippæa, qua fatuum Claudii caput multò urbanitatis sale defricatur. Apocolocyntosis porrò vocatur, quasi si dicas Metamorphosim in cucurbitam: ad significandam hominis insulsitatem; est enim Colocynte Græcè *cucurbita*. In hac igitur eleganti Ironia Poëtas in funere Claudii ità jocosè cantantes inducit Seneca Philosophus

Fundite fletus,
Fundite luctus;
Clamore forum:

Edite planctus,
Resonet tristi
Cecidit pulchre
Cor-

Cordatus homo,	Quo non alius
Fuit in toto	Fortior orbe...
	Deflete virum,
Quo non alius	Potuit citiùs
Dicere causas,	Una tantùm
Parte audita,	Sæpè, & neutra.
Quis nunc iudex	Toto lites
Audiet anno?	Tibi jam cedit,
Sed relicta,	Qui dat populo
Jura silenti,	Crætea tenens
Oppida centum.	Cædite mœstis
Pectora palmis,	O Caufidici,
Venale genus,	Vosque Poëtæ
Lugete novi;	Vosque in primis
Qui concusso	Magna parâstis
Lucra fritillo.	

DE REGULIS IRONIÆ.

Quænam sunt Ironiæ Regulæ.

β. Duæ. I. Epim, quæ ambigua voce continentur Ironiæ, eæ præcipuum quemdam leporem, ac venustatem habent. Acuta quippe, jocosaque videri solent, quæ dicuntur ex ambiguo. Ità Neronem Matricidam, qui sese ab Ænea oriundum gloriabatur, non in faceté lusit Poëta Romanus, teste Svetonio.

Quis neget Æneæ magna de stirpe Neronem?

G

Su-

Sustulit hic matrem: sustulit ille patrem.

Ità Plagiarium ridet Martialis librò secundò:

Carmina Paulus emit, recitat sua Carmina Paulus:

Nam quod emas, possis dicere jure tuum.

Sic etiam in virum, & uxorem eidem patibulo suspensos eximiè lusit Poëta recens

Ecce jugo nexi pendet vir, & uxor eodem:

Hoc meritò possis dicere conjugium.

2. Ironia fieri solet adhibendo voces illas, *Scilicet, nimirum, si Superis placet, nempe*; illas inquam adhibendo cum amara quadam, & falsa vocis inflexione. Ità Terentius: *Id quod opulus curat scilicet*, & apud Virgilium Dido *Æn: 4.*

Scilicet is Superis labor est; ea cura quietos

Solicitat.

§. VIII. DE SARCASMO,

Quid est Sarcasmus, seu Subsannatio?

R. Sarcasmus, qui ad Ironiam pertinet, est amarulenta quædam irrisio, & truculentum genus Ironiæ, quæ fit cum magna qua

quadam acerbitate, & contumelia, qua quispiam hosti crudeliter insultat: ut apud Virgilium Trojano à se interfecto per Sarcasmm insultat victor Turnus.

Ens agros, & quam bello, Trojane, petisti,

Hesperiam metire jacens. Hæc præmia, qui me

Ferrò ausi tentare, ferunt: sic mœnia condunt.

Potestne Ironia inter Sententiarum figuras numerari, ut quibusdam placet?

ꝛ. Nequaquam, Liquet enim perspicuò Ironiam semper esse Tropum, cum semper voces à propria significatione traducat ad alienam.

Falsamne, & mendacem orationem efficit Ironia?

ꝛ. Nequaquam; quia neque fallendi est animus Oratori, dum utitur Ironia; neque est justa causa, cur fallatur auditor, si paulùm modò intelligat, quod dicitur, quemadmodum falli non solet, cum homo callidus, & versipellis per Metaphoram *Vulpes* appellatur

Suntne alii Tropi, præter istos, de quibus egimus?

ꝛ. Sunt aliqui alii, sed qui ad superiores hosce quatuor omnino revocantur:

C A P U T V.

DE FIGURIS VERBORUM PROPRIE DICTIS,
 SEU QUÆ NON SUNT TROPI.

Quid sunt Figuræ verborum propriè dictæ?

ꝛ. Eæ sunt, quæ sic in verbis continentur, ut, mutatis illis, figura tollatur v. gr; hæc sententia *Amantes sunt amentes*, est figura verborum, quia perierit figura, si pro *Amentes* dicas *Stulti*, aut aliud simile. Sed est figura sententiæ, si quis patriam inducat loquentem, aut si utaris similitudine, quia quæcumque demum hic usurpes verba, aut quocumque ea colloces ordine, manet Schema.

Quot modis fiunt figuræ verborum?

ꝛ. Fiunt tribus potissimum modis: 1. Per adjectionem: 2. Per detractionem, 3. Per similitudinem.

§. I. FIGURÆ PER ADJECTIONEM.

Quænam verborum Figuræ fiunt per Adjectionem?

ꝛ. Octo præcipuæ; nimirum Repetitio,
 Con-

Conversio, Complexio, Conduplicatio, Gradatio, Synonymia, Traductio, Polysyntheton.

Quid est repetitio?

R. Est figura, in qua ab eodem vocabulo sæpius inchoatur oratio, ut i. Catilinaria: *Nihil ne te nocturnum præsidium palatii, nihil urbis vigiliae, nihil timor populi, nihil consensus bonorum omnium, nihil hic minutissimus habendi Senatûs locus, nihil horum ora, vultûsque moverunt?*

Quid in repetitione cavendum est?

R. Valet mirum in modum in exaggerandis virtutibus, ac vitiis, estque Schema planè venustum. Sed quia statim incurrit in oculos, propterèa non est diutius continuandum; sed satius est, ut aliorum Schematum admixtione temperetur.

Quid est Conversio?

R. Est Figura Repetitioni prorsus contraria, in qua sæpius eodem vocabulo clauditur oratio, ut in Antonium Cicero: *Doleatis tres exercitus P. C. interfectos? interfecit Antonius. Desideratis clarissimos cives? Eos quoque vobis eripuit Antonius. Auctoritas hujus ordinis afflictâ est? Afflixit Antonius.*

Quid est Complexio?

R. Est figura, quæ Repetitionem simul,

& Conversionem complectitur, cum nimirum ab eodem verbo, vel ab iisdem verbis incipiat, atque claudatur. Ità Tullius: *Quis legem tulit? Rullus. Quis majorem partem populi suffragiis privavit. Rullus. Quis comitiis præfuit? Rullus.* Sic etiam Martialis invidum quemdam per completionem insectatur, Lib: 9.

Rumpitur invidiâ quidam, charissime Juli,
Quod me Roma legit; rumpitur invidiâ,

Rumpitur invidiâ, quòd turba semper
in omni

Monstramur digitò; rumpitur invidiâ.

Rumpitur invidiâ, tribuit quòd Cæsar uterque

Jus mihi natorum: rumpitur invidiâ.

Rumpitur invidiâ quòd rus mihi dulce
sub urbe est,

Parvâq; in urbe domus, rumpitur invidiâ,

Rumpitur invidiâ, quòd sum jucundus
amicis,

Quòd conviva frequens, rumpitur invidiâ.

Rumpitur invidia, quòd amamur, quòd-
que probamur.

Rumpatur, quisquis rumpitur invidiâ.

Verùm figura hæc, quia maxime ferit o-
culos

culos, uti præcedentes; id circò parèe admodum, & in loco est adhibenda.

Quid est Conduplicatio?

3. Est ejusdem vocabuli, vel plurium iteratio, sive initio orationis, sive in fine, sive alibi, Ut cùm ait Maro:

Nunc, nunc infurgite remis

Hectorei socii:

Et Librò Nonò, cùm ait Nisus:

Me me; adsum qui feci, in me converte ferrum

O Rutuli. Mea fraus omnis.

Quid est gradatio?

4. Gradatio sive Klimax est figura, qua per quosdam gradus vel ascenditur ad summum, vel descenditur ad infimum. Quale est illud Ciceronis in Catilinam: *Nihil agis, nihil moliris, nihil cogitas, quod ego non modò non audiam, sed etiam non videam, planeque sentiam.* Magnum est enim, quidquid agat Catilina, scire Ciceronem: maius, quidquid moliatur: longè maximum, quidquid etiam cogitet. Lepidum est illud ejusdem Ciceronis ad Atticum; *Si dormis expergiscere; si stas, ingredi; si ingredere, curre; si curris, advola.* Ejusmodi est etiam ille Virgiliti locus in eclogis:

Torva læna lupum sequitur: lupus ipse capellam

Florentem cithysum sequitur lasciva capella,

Quid est Synonymia?

γ. Est verborum idem ferme significantium coacervatio, ad rei magnitudinem demonstrandam, ut in Miloniana: *An verò vos soli ignoratis; vos hospites in hac urbe versamini? vestræ peregrinantur aures? neque in hoc pervagato civitatis sermone versantur?* Hoc Schema Poëtæ est valde usitatum. Ità Plautus:

Quicumque ubique sunt, qui fuere, qui-
que futuri sunt

Stulti, stolidi, fatui; fungi, blenni, buccones,

Solus ego omnes longè anteo stulti-
tiâ, & moribus indoctis;

Quid est traductio?

γ. Traductio, seu Polyptoton, ut ajunt Græci, est variata casibus, aut generibus, aut modis. aut temporibus, ejusdem vocabuli repetitio; ut cum ait Tullius pro Archia: *Pleni sunt omnes libri, plenæ sapientium voces, plena exemplorum vetustas.* Vel cum ait Ovidius,

Spektatum ornatae veniunt, spectentur ut
ipsæ.

Quid est Polysyntheton?

γ. Polysyntheton, seu, ut alii malunt, Polysyndeton. est Schema conjunctionibus

bus abundans, ut *Et justitiâ, Et liberalitate, Et fortitudine cæteros omnes Imperatores superavit.* Itêmque apud Virgilium:

Afcaniumque, patremque meum; juxtâque Creusam,

Alterum in alterius mactatum sanguine cernam.

§. II. DE FIGURIS PER DETRACTIONEM.

Quot sunt Figure, quæ fiunt per Detractionem?

R. Tres: Reticentia, Adiunctio, & Disjunctio.

Quid est Reticentia?

R. Est figura, quæ fit, quando verbum aliquod subauditur, ut cum ait Tullius in Verrinis: *Huncine hominem? huncine impudentiam? huncine audaciam?* Supple feremus. Et apud Virgilium:

At verò Rutulis impar ea pugna videri Jamdudum, & varia misceri pectora motu. Ubi profectò vides intelligi *cæpit, Et cæperunt.* Itêmque librorû. *Sed vos qui tandem?* subauditur *estis.* Eodem pertinet illud Maffei: *Ex eo tempore tyro vanis agitari terroribus, dies noctesque fletibus jungeri, nullam capere partem quietis; supple cæpit.*

Quomodo fit Adiunctio?

ꝛ. Fit adjunctio, quando uni verbo plurima nomina substantiva respondent. Ità Cic: *Vicit pudorem libido, timorem audacia, rationem amentia.* Sic etiam Virgilius *Æneid. 3.*

Trojugena interpres Divûm, qui numina Phœbi,

Qui tripodas Clarii lauros, qui sidera sentis
Et volucrum linguas, & præpetis omina pennæ.

Quomodo fit disjunctio?

ꝛ. Disjunctio, seu dissolutio fit, quando conjunctiones, & particulæ tolluntur, ut incitator feretur oratio ità Tullius: *Hæc studia literarum adolescentiam alunt, senectutem oblectant, secundas res ornant, adversis per fugium, ac solatium præbent, delectant domi, non impediunt foris, pernoctant nobiscum, peregrinantur, rusticantur.*

§. III. DE FIGURIS PER SIMILITUDINEM.

Quod sunt Figuræ per similitudinem?

ꝛ. Tres in primis numerantur, nempe Paronomasia, similiter cadens, & similiter definens.

Quid est Paronomasia?

ꝛ. Paronomasia, seu annominatio, est Figura, qua voces pænè similes, ac colludentes usurpantur in sensu dissimili. Ut
cum

cum ait Tullius ad Atticum: *Consul ipse parvò animò, & parvò; facie magis quàm facietis ridiculus.* Et alibi: *Ex cratore factus orator.* Ità Martialis qui in hoc genere frequens est:

Litigat, & podagrà Diodorus, Flacce, laborat:

Sed nil patrono porrigit; hæc chiragra est.

Sic etiam ludit Aufonius in illo celebri Epigrammate de Venere

Orta salo, suscepta solo, patre edita cœlo,

Æneadam genitrix hïc habito alma Venus.

Græcis quoq; admodum usitata est Paronomasia, ut apud Herodotum Lib: I. Pathemata Mathemata *Quæ nocent, docent.* Eiusdemq; generis erat illud quod Apollodorus pictor præclarus inscripserat operi suo.

Facilius erit videre, quàm imitari.

Delectat in primis, & ferit hoc Schema, si parcè, ac in loco adhibeatur, & sententiarum gravitate sustentetur. Si vero frigidas allusiones, ut non rarò fit venetur orator, ineptus nimium erit, & putidus.

Quid est similiter cadens?

R. Est vocabulorum per eosdem casus, & per eadem tempora expressorum con-

sensus quidam, & quasi concertus: ut, cum ait Cicero: *Quid tam commune, quam spiritus vivis, terra mortuis, mare fluctuantibus, litus ejetis?* Ubi vides quatuor nomina in dativo plurali posita.

Ejusdem generis sunt illi triti Imperatoris Hadriani versiculi, quos moriens fecit:

Animula vagula, blandula
Hospes, comesque corporis;
Quæ nunc abibis in loca
Pallidula, rigida, nudula,
Nec, ut soles, dabis jocos.

Quid est similiter desinens?

R. Fit, cum orationis vel membra, vel articuli eodem modo terminantur; ut apud Quintilianum: *Ejusdem non est, Et facere fortiter, Et vivere turpiter.* Ità Cicero Pompejum laudans *Bellum extrema hyeme apparavit, ineunte vere suscepit, media æstate confecit.*

§. IV. APPENDIX DE TRANSITIONE.

Quid est Transitio?

R. Transitio, quam alii Figuram esse volunt, alii cum Fabio negant, est orationis quidam nexus, quo fit ut aptè copulata inter se illius membra concinnè cohæreant, & unum quasi corpus efficiant.

Quot sunt Transitionis genera?

R.

§. Duo. Transitio enim vel est perfecta, vel imperfecta. Transitio perfecta est, qua breviter monemur quid dictum sit, & quid dicendum restet: cujusmodi est ista pro lege Manilia: *Quoniam de genere belli dixi, nunc de magnitudine pauca dicam.*

Transitio imperfecta ea est, qua alterum tantum eorum exprimitur; ut in hoc Ciceronis pro Roscio: *Age, nunc illa videamus, judices, quæ consecuta sunt.* Utriusque indiscriminatim generis selecta ex Tullio præsertim afferemus exempla. Quoniam videmus in inveniendis hujusmodi Transitionibus solere Tyrones non mediocriter laborare.

Transitionum Ciceronianarum exempla selecta.

1. *Satis mihi multa verba fecisse videor, quare hoc bellum esset genere ipso necessarium, magnitudine periculosum. Restat ut de Imperatore ad id Bellum deligendo, ac tantis rebus præficiendo dicendum esse videatur.* 2. *Satis multa de turpitudine: dicam deinceps, quod proposui, de periculo.* 3. *Uni epistolæ respondi: venio ad alteram. . . .* 4. *Sed nimis multa de nugis: ad majora veniamus. . . .* 5. *Verum ubi rerum testimonia adsunt, nihil opus est verbis.* 6. *Sed hæc vetera: illud recens, Cæsarem meo consilio*

interfectum. 7. Sed nè fortè ex multis rebus gestis M. Antonii, rem unam pulcherrimam transfiliat oratio, ad Lupercalia veniamus. Non dissimulat, Patres conscripti, apparet esse commotum, sudat, pallet: 8. Sed arrogantiam hominis, insolentiamque cognoscite. 9. At etiam ausus es (Quid autem est, quod tu non audeas?) 10. Sed jam satis multa de causa: extrâ causam etiam nimis fortasse multa. Quid restat, nisi ut orem, obtesterque vos Iudices, ut misericordiam tribuatis fortissimo viro? 11. Quæstura illius demonstrata, reliqua attendite. 12. Atque ut inde oratio mea proficiscatur, unde hæc omnis causa ducitur. 13. Atque ut facilius intelligere possitis Iudices, quæ facta sunt, indigniora esse quam hæc sunt, quæ diximus; initio res quemadmodum gesta sit, vobis exponam. 14. Sed hæc robustioris improbitatis scelera omittamus, loquamur potiùs de iniquissimo genere levitatis. 15. Id quod facilius facere possitis, dabo operam, ut à principio res quemadmodum gesta sit, cognoscatis. 16. Sed finis sit: neque enim præ lacrymis jam loqui possum; Et hic se lacrymis defendi negat. 17. Sed quoniam emeruisse jam è vadis, Et scopulos prætervecta videtur oratio mea, perfacilis mihi reliquus cursus ostenditur. 18. Accipite nunc aliud ejus facinus nobile, Et multis locis sæpè comme-

moratum, & ejusmodi, ut in uno omnia
 maleficia inesse videantur. Invenietis id fa-
 cinus natum à cupiditate, auctum per stu-
 prum, crudelitate perfectum, & conclusum.
 19. Plura de illo Archipirata dixi quàm vo-
 lui, & tamen ea, quæ certissima sunt hujus
 criminis argumenta prætermisi. 20. Age ve-
 rò, nè semper forum, subsellia, rostra, curi-
 amque meditemur. 21. Ad ejus Tribuna-
 tum, qui ad sese jamdudum vocat, & quo-
 dammodo absorbet orationem meam, con-
 tentò studiò, cursuque veniamus. 22. Atque
 hæc oblectationis, illa necessitatis. 23. Hæc
 mihi ferè in mentem veniebant, quæ dicenda
 putarem de natura Deorum. 24. Quibus re-
 bus expositis, satis docuisse videor, homines
 naturâ quantò omnes anteirent animantes.
 25. Longa est oratio, multæque rationes,
 quibus doceri potest. 26. Sed quid ego lon-
 giqua commemoro? 27. Intellego quàm sco-
 pulosò, difficilique loco verser. 28. Sed quid
 ego his argumentis utor. quas ires dubia,
 aut obscura sit? 29. Magna sunt hæc, vel
 potiùs maxima. Jam verò quantò majus
 videbitur? 30. Multa hujusmodi proferre
 possem: sed genus ipsum videtis. 31. Nolo
 in hac re multus videri. 32. Sed quid ego
 hæc aut tam levia, aut tam minima re-
 corder? 33. Itaque fateamur necesse est, ni-
 hil difficilius esse. 34. Quid loquar, quanta

ratio in bestiis appareat? 35. Jam verò ista etiam notiora, quanto se opere custodiant bestiae. 36. Multa prætereunda sunt, & tamen multa dicuntur. 37. Vereor ut hoc quod dicam; perinde intelligi auditu possit, atque ego ipse cogitans sentio. 38. Sinite me illa minora, ac quotidiana prætermittere. 39. Illud tamen, quamquam ad exitum festinet oratio, prætermittere nullo modo possum. 40. Verùm hæc missa facio; illud quæro. 41. De exordio satis dictum est: deinceps ad narrationem transeamus. 42. Quod ad definitiones, hæc tamen; reliqua videamus. 43. Nunc reliquorum Oratorum ætates persequamur. 44. Tempus est ad cæteras partes orationis proficisci. Deinceps igitur de dispositione dicemus. 45. De statutis diebus dixi: nunc de Annalibus dicam. 46. Hæc de hæro: quod sequitur de pecore. 47. De multitudine quondam quod satis est, admonui, de obscuritate pauca dicam. 48. Sed ut omisso principis, rem ipsam aggrediamur. 49. Hæc tamen de principe: quod sequitur de monstro. 50. Jam quantum illud est, quod in occupationibus summis, nunquam intermittis studia doctrinæ? 51. Utinam verò mihi satis esset ad dicendum vel facultatis, vel temporis. 52. Hic hinc, Auditores, animos ad insignis facti memoriam sempiternam erigite. 53. Sed hæc utcumq;

fe-

ferenda; hoc verò quis ferat. 54. *Audistis gravissima: audite nunc graviora.* 55. *Sed hæc privatim: nunc quæ publicè gesta sunt, videamus.* 56. *Verùm hæc missa facio: illud quàm . . .* 57. *Nihil jam dico de isto scelere.* 58. *Postularet hic locus, ut dicerem de . . .*

Variis hisce, quas attuli, Transitionibus addito breviores hæc formulas particulæque connectentes.

His adde accedit his; huc accedit quod; Huc pertinet; Eodem pertinet; Jam verò quid dicam? Age verò explicemus nunc; His simillimum est; Postularet hic locus, ut dicerem; Restat, ut dicam Nunc verò superest; Ex quo debet intelligi; Quid quòd ausus est etiam? Omitto domesticas tuas sordes; Nam illud quid attinet commemorare? Ita est quemadmodum dixi.

C A P U T VI.

DE PERIODO.

Quid est Periodus?

R. Periodus est sententia brevis, & absoluta, quæ certis partibus, sive membris, à se invicem pendentibus, & quodam veluti vinculo connexis numerosè comprehenditur. Nomen traxit à voce Græca, Periodos quæ significat ambitum, atque circuitum.

Quid

Quid sibi vult celebris illa Aristotelis definitio lib; 3. Rhetoricæ, ubi ait. *Periodum esse orationem, quæ habeat principium, & finem, & magnitudinem, quæ uno quasi aspectu perlustrari facile possit?*

R. Definitionem in nostram perbelle quadrare. Principium enim illud, de quo loquitur Aristoteles, nihil aliud est nisi primum Periodi membrum, quod ita suspensum ferri debet, ut aliud quidpiam subsequi omninò debeat; unde etiam vocatur principium. Medium verò, ac finis sunt reliqua periodi membra, quæ brevi quodam, contractoque verborum ambitu debent illa circumscribere. Unde verè dicitur, illam uno conspectu facile cerni debere, unòque spiritu pronuntiari.

§. I. DE PARTIBUS PERIODI.

Quænam sunt Periodi partes?

R. Periodus constat certis quibusdam partibus, quarum majores appellantur *Membra* Græcè *Cola*: minores verò appellantur *Insisa* Græcè *Commata*.

Quid est membrum Periodi?

R. Membrum, sive Colon est pars Periodi continens sensum aliquem sed suspensum, ac imperfectum; v. gr: *Antequam de republica Patres conscripti, dicam ea, quæ dicenda hoc tempore arbitror*: ecce tibi Periodo-

riodi membrum: neque enim hic sensus orationis conquiescit: Habebis Periodum absolutam, si ad primum illud membrum accedat hoc alterum: *Exponam vobis breviter consilium, & profectiois, & reversio- nis meæ.*

Quid est incisum?

R. Incisum, sive Comma est pars membri: quemadmodum enim in Periodo membrum, sic in membro continetur incisum; v. gr: *Nihil est, mihi crede, virtute formosius, nihil pulchrius, nihil amabilius;* ex tribus hisce incisus membrum unum efficitur Itaque dicere incisum est crebris id genus incisus, & articulis suam orationem distinguere.

Quandonam potissimum usurpanda sunt crebra illa incisa?

R. Incisa mirum in modum valere, cum adversario vehementius, & acrius instat orator. Ita Cicero per incisa Pisonem increpat, illumque cæsum, ac punctum, ut ita loquar objurgat, & ferit: *Non enim nos color iste servilis, non pilosæ genæ, non dentes putridi deceperunt, oculi, supercilia, frons, vultus denique totus, qui sermo quidam tacitus mentis, est, hic in fraudem homines impulit: hic eos, quibus erat ignotus, decepit, fefellit, in fraudem induxit. Pauci tua ista lutulenta vitia noveramus: pauci tarditatem in-*
ge-

genii stuporem, debilitatemque [linguæ.

§. II. DE VARIIS PERIODORUM GENERIBUS.

Quod sunt genera Periodorum?

Æ. Tria. Alia est periodus bimembris; siue dicolos, alia trimembris, siue tricolos; alia quadrimembris, siue tetracos. Plura enim, vel pauciora membra. aut vix, aut nullo modo patitur germana, sinceræque Periodus. Singula porro hæc membra, si vel paria sint, vel non valdè disparia, multò gratior, & venustior erit oratio.

Periodus bimembris.

Ergo, & mihi meæ pristinæ vitæ consuetudinem C. Cæsar, interclusam aperuisti, & his omnibus ad benè de republica sperandum, quasi signum aliquod sustulisti.

Trimembris exemplum eximium esse potest illa Ciceronis Periodus, numeris, ut mihi videtur, omnibus absoluta: in exordio Manilianæ:

Nam cum antea per ætatem hujus auctoritatem loci contingere non auderem: Statueremq; nihil huc nisi perfectum ingenio, elaboratum industria afferri oportere: Omne meum tempus amicorum temporibus transmittendum putavi.

Periodi quadrimembris. quæ, & quadrata dici solet, absolutissimum exemplum habes in orat. pro A. Cæcinna: |*Si quantum*
tum

tum in agro, locisque desertis audacia potest, * tantum in foro; atque iudiciis impudentia valeret, * non minus in causa cederet A Cæcinnæ Sex Æbutii impudentiæ * quàm tum in vi facienda cessit audacia.

S. III. DE LEGIBUS, AC REGULIS PERIODI.

Quænam sunt Periodi leges?

R. Tres præcipuæ. Prima est, ut illius membra nexibus quibusdam inter se quàm aptissimè cohæreant: alioqui enim jam non esset Periodus, sed oratio dissipata, dissolutaque, & ut ajunt, *Arena sine calce.* 2. Regula hæc est, ut sensus non sit nisi in omnium membrorum fine perfectus. 3. Ut pleniore verborum ambitu, & circulo Periodus concludatur

Possetne fieri Periodus, quæ contineret membra vel minus quàm duo, vel plura quàm quatuor?

R. Possè fieri Periodum huius membri: atque hæc est illa, quæ vocatur ab Aristotele Periodus * *simplex*, sive *monocolos*: Possè etiam omnino usque ad quinque, aut sex, vel plura etiam membra produci. Verùm perfecta, de qua hîc tantum sermo est, Periodus, nec ultra quatuor membra procurrit, nec infra duo contrahitur. Atque hæc est unanimes sententia Demetrii Phalerei, Hermogenis, ac Terentiani quoque Mauri, cum ait: Qua-

Quatuor è membris plenum formare videbis

Rhetora circuitum, five ambitus ille vocetur.

Atque in primis nobiscum ità sentit ipse Tullius, cùm ait in Oratore: *Constat ille ambitus, Et plena comprehensio è quatuor ferè partibus, quæ membra dicuntur, ut Et aures impleat, Et nè brevior sit, quàm satis sit, nec longior.*

Quòd si, ut aliquando contigit, ultra quatuor procedatur, ac nihilo tamen minus orbe quodam, circuitùque conclusa feratur oratio, vocabitur *Ambitus*, five *Oratio periodica*. Ità Cicero pro Archia Poëta:

Si quid est in me ingeni, judices, quod sentio quàm sit exiguum; aut si qua exercitatio dicendi, in qua me non inficior mediocriter esse versatum; aut si hujusce rei ratio aliqua ab optimarum artium studiis, Et disciplina profecta, à qua ego confiteor nullum ætatis mee tempus abhorruisse: earum rerum omnium vel in primis hic A Licinius fructum à me repetere propè suo jure debet.

§. IV. DE ARTIFICIO PERIODI AMPLIFICANDÆ.

Quenam est prima ratio amplificandæ Periodi?

R. Tyrones nullo negotio Periodos fundent; si habeant ad manum, & in promptu particulas, vel locutiones quasdam conficiendis Periodis mirum in modum idoneas: cujusmodi sunt voces illæ omnes, quæ necessariam quamdam habent cum aliis subsequentiis affinitatem, v. gr: *Et si, quamvis, quamquam quemadmodum, sicut, cum, quoties, quantum, qualis, quò, non minus: quibus respondent, tamen, verumtamen, nihilominus, ità tum, toties, tantum, talis, eo, quàm.*

In quavis enim Periodo partes, duæ sunt, Protasis nimirum, & Apodosis. Est autem Protasis prima Periodi pars, ex qua secunda pendet, & in qua oratio crescit quodammodo, & attolitur.

Apodosis verò est altera periodi pars, in qua oratio perfecta conquiescit Illæ porro, de quibus loquimur, particulae suspensæque locutiones mirum in modum idoneæ sunt ad Protasim cum Apodosi connectendam, ut videre est in allatis exemplis, illo præsertim Pro Cæcinna supra §. II.

Quenam est secunda, & tertia ratio amplificandæ Periodi?

R. Periodus pulcherrimè dilatatur, cum brevis quædam sententia in suas quasi partes distribuitur. Ità Tullius paucula hæc
ver-

verba (*Omnes lugent Clodium*) amplificat per enumerationem partium, cum ait ironice nimirum Clodium defleri à Senatu, ab Equestri ordine, à Municipiis, à Colonis, ab Agris denique ipsis.

3. Facile dilatatur Periodus per definitiones, quas vocant conglobatas, per circumlocutionem, & per interpretationem, quæ fit, cum res eadem aliis, atque aliis elegantioribus verbis exprimitur. Vide quæ supra in Elementis diximus de Amplificatione.

§. V. DE NUMERO, ET CETERIS VIRTUTIBUS PERIODI.

Quid est numerus Periodicus?

3. Numerus Periodi, de quo hic agitur, non est numerus arithmeticus; sed est numerus ille in harmonia, & concentu positus de quo Virgilius in Ecloga 4.

———— Numerus memini, si verba tene-rem.

Et rursus in Ecloga 6.

Tum verò in numerum Faunòsque, feràsque videres

Ludere.

Numerus autem Oratorius est harmonia quædam non exquisita, neque canora; qualis est in poëmatibus, & canticis;

cis; sed ita diffimulata, latensque, ut tamen sentiat, & aures mirifica quadam voluptate permulceat.

Atque ut exemplo res illustretur, sva-vis admodum est, auribusque pergratus verborum numerus in hac Tullii sententia pro Marcello: *Nulla est tanta vis, tantaque copia, quæ non ferrò, ac viribus debilitari, frangique possit.* Peribit funditus omnis venustas, si inversò numerò dicas: *Nulla est vis tanta, & copia tanta, quæ non possit debilitari, frangique viribus, ac ferrò.* Quid item svavius hac altera Ciceronis sententia in Philippica 2. *Te miror, Antoni, quorum facta imitere, eorum exitus non perhorrescere?* Quæ quidem verba tam aptè mihi videntur constructa, ut præclari cujusdam numeri absolutissimum exemplar esse possint. Abibit verò decor omnis, si sublato tam eleganti numero, dixeris: *Te miror, Antoni, non perhorrescere exitus eorum, quorum imiteris facta.* Tanti nimirum est certa quadam moderatione numerorum explere sententias: ideòque ut optimè notat Quintilianus *Neque Demosthenes fulmina vibrasse diceretur, nisi numeris vibrata fuissent.*

§. VI. REGULÆ SEX, QUIBUS REDDI POTEST NUMEROSA PERIODUS.

H

Quæ

Quæ de variâ collocatione pedum ac mensurarum, & de optima ratione miscendi inter sese Dactylos, Spondeos, Anapæstos, Jambos, Creticos, Molossios, Choros, & Dichoreos tradunt Aristoteles, Tullius, Quintilianus, cæterique artis magistri: sunt egregia illa quidem, & Oratori perfecto numquam satis commendanda; verumtamen, ut apertè, & ingenuè loquar, animadverti jam dudum difficilioribus hisce, & salebrosis, ut ità dicam, præceptionibus valdè defatigari tyronum animos, & illorum industriam retardari solere potius, quàm adjuvari.

Quapropter, ut animorum satietati, fastidiòque occuratur, operæ pretium me facturum existimavi, si ex laboriosis illis præceptionibus quemdam quasi succum exprimerem, & faciliores aliquot, brevesque regulas ad omnium captum, & quotidianum usum accomodatas hoc loco proponerem.

Quenam est Prima regula Periodi numerosæ reddendæ?

ꝛ. Numerosa fiet Periodus, si syllabæ breves ac longæ sic temperentur, alternenturque quodammodo, ut neque copia brevium incitator, ac celerior feratur oratio, neque longarum multitudine retardata languescat. Concinnam hanc brevium,

um, & longarum syllabarum temperationem vides in illis Tullii verbis ad Cæsarem *Domuisti gentes immanitate barbaras, multitudinem innumerabiles, locis infinitas, omnium copiarum genere abundantes, &c.*

Aliquando tamen, ex arte, & industria syllabæ breves, vel longæ, sine illa, quam dixi, mixtura coacervantur, ad rei, de qua agitur, vel celeritatem, vel tarditatem exprimendam, & oculis quodammodo subji- ciendam. Ità Virgilius *Æneid. 5.* remi- gantium naturarum impetum, naviumque velocitatem, Dactylorum crebritate depin- git.

Indè ubi clara dedit sonitum tuba, fini- bus omnes

Haud mora profiluere suis, ferit æthera clamor

Nauticus.

Itemque celeritatem equorum in hoc versu, etiam pueris noto:

— It clamor, & agmine facto:

Quadrupedante putrem sonitu quatit ungula campum.

Tarditatem contra egregiè imitatur hic versus lib. I.

Luctantes ventos, tempestatesq; sonoras.

Quænam est secunda regula numerosam efficiendi periodum?

§. Voces unius, duarum, aut plurium

H₂

sylla-

syllabarum si commisceantur, nascetur in-
dè oratio valde numerosa; v. gr. *Vivis, &
vivis, non ad deponendam, sed ad confir-
mandam audaciam.* Contrà verò crebriore
monosyllabarum iteratione quasi exilit,
atque subsultat oratio, v. gr. *Hac in re nos
hic non ferret.*

Quænam est tertia regula?

ꝑ. Cadet numerosè Periodus, si magni-
ficis, & bene sonantibus verbis termine-
tur; ut in hisce exemplis ex Cicerone de-
sumptis: *Quos amisimus cives, eos non Mar-
tis vis perculit, sed ira victoriæ. Nam qui
locus quietis, ac tranquillitatis plenissimus
fore videbatur, in eo maximæ moles mole-
stiarum, & turbulentissimæ tempestates ex-
titerunt.*

Quænam est quarta regula?

ꝑ. Nulla res magis facit ad numerum
oratorium, quàm verborum splendor, non
solum in periodi clausula, sed etiam in to-
to illius quasi contextu. Ità Tullius in Pi-
sonem: *Obrepsisti ad honores errore homi-
nimum, commendatione fumosarum imagi-
num, quarum simile habes nihil proeter co-
lorem.* Et in eloquentissima illa perora-
tione pro Fontejo: *Nolite pati, iudices, a-
ras Deorum immortalium, Vestæq; Matris,
quotidianis Virginis lamentationibus, de ve-
stro iudicio commoveri.* Et in 4. Catil. *Id*

est

est inimum consilium, ut interfectis omnibus, nemo ne ad deplorandum quidem populi R. nomen, & ad lamentandam tanti imperii calamitatem relinquatur.

Cedo quintam regulam?

3. Ut leniter, æquabiliterque fluat periosus, fugiendus est asperior literarum, & vocabulorum concursus, quod est in oratione vitium vel maximum. Incurritur autem in illud vitium multis modis.

1. Cùm durius, ac crebrius concurrunt inter se consonantes, quæ stridorem efficiunt, ut *Ars studiorum*. . . . *Rex Xerxes*.

2. Cùm verbi prioris ultimæ syllabæ fiunt primæ sequentis, ut vel ipsi Ciceroni aliquando excidit, cùm ait; *Res mihi inuisæ visæ sunt*. Itemque cùm dixit in Carmine:

O fortunatam natam me Consule Romanam!

3. Cùm eadem litera, vel etiam, quod pejus est, eadem syllaba crebrius iteratur; quale est illud Ennii Poëtæ:

Africa terribili tremit horrida terra tumultu.

Itemque illud adeò tritum.

O Tite tute Tati tibi tanta tyranne tulisti.

4. Cùm similiter cadentibus, ac desinentibus frequenter utimur, ut *Amatrices*, ad-

Tria tamen sunt, quæ Tyrones etiam atque etiam cavere debent: Primum ne, dum numerosè loqui volunt, inferciant ut persæpè fit, inania quædam complementa, & ramenta numerorum, quasi si rimas explere vellent. Alterum est, nè, dum oratorium numerum quærunt, incidant in metricum, & periodi finis fit finis alicujus versus, præsertim Heroici, vel elegiaci: quod non semel Ciceroni ipsi excidisse Hieronymus Lagomarsinus è Soc: Jesu in opusculo, quod sic inscribitur: *Risposta ei Golmario Pepugies Marsigliano*: allatis locis ipsis præclarè docet n. 19. p. 45.

Tertium est, nè, dum numero serviunt diligentius, & aurium voluptati morigerantur, omnis intereà retardetur impetus, visque orationis, & animus ab iis, quæ potiora sunt, penitùs avertatur. Quapropter hæc, aliaque hujusmodi in numero vitia, non ut ingens crimen expavescenda sunt; ac nescio hac in re negligentiane, an nimia sollicitudo sit pejor.

Quænam est ultima numerosæ periodi regula?

14. Caput illud est, non in periodo solùm, sed etiam in omni oratione, ut Latina constructio quàm maximè distet à vernacula;
 hoc

hoc est; ut verba per inversam, quam vocant, constructionem ita trajiciantur; ut quod re ipsa prius est, fiat artificiosa quadam verborum collocatione posterius.

Et quoniam trajecta illa constructio ita est propria Latinæ Linguæ, ut omnis illius vis, atque elegantia, ac quasi natura, & indoles in eo potissimum sita esse videatur; visum est aliquot illustria illius exempla hoc loco ad imitandum proponere.

Exempla selecta constructionis trajectæ,

1. *Quos amissimus cives, eos Martis vis perculit, non ira victoriæ.* Cic.

2. *Habet magnum dolorem, unde cum honore discesseris, eodem cum ignominia reverti.* Cic.

3. *Frater tuus quanti me faciat, semperque fecerit, esse hominem, qui ignoret, arbitrator neminem.* Cic.

4. *Quod cuique temporis datum est ad vivendum, eo bene utatur.*

5. *Mea lenitas si cui solatior visa est; hoc expectabat, ut id, quod latebat, erumperet.* Cic.

6. *Quam quisque novit artem, in hac se exercent.*

7. *Fac, quæso, qui ego sum, esse te*

8. *Quæ res in civitate duce plurimum possunt, hæc contra nos, ambæ faciunt in hoc*

tempore, summa gratia, & eloquentia. Cic.

9. Ferè quem quisque locum pugnando ceperat, eum, amissâ animâ, corpore tegebatur. Salust.

10. Id sibi negotii credidit solùm dari, populo ut placerent, quas fecisset fabulas. Terent.

11. Quas credis esse has, non sunt veræ nuptiæ. Terent.

12. Quam rem vitio dent, quæso, animum advertite.

§. VII. QUOMODO PARARI POSSIT FACULTAS NUMEROSE DICENDI.

Quæ de Periodis, numerisque, post Aristotelem, Ciceronem, & Fabium accuratè præcepimus hætenus, non eo dicta sunt à nobis, quò tyro in dinumerandis pedibus, syllabisque dimetiendis consenescat; quod sanè nec magni, nec felicitis foret ingenii. Verum hæc aptè, numerosèque dicendi facultas non est profectò tanti laboris, quanti prima fronte videtur esse. Nihil est enim tam flexibile, & quod tam facilè sequatur quocumque ducas, quàm oratio; atque ut mollissimam ceram ad nostrum arbitrium formamus, ac fingimus, sic planè dictionis genus ad omnem rationem, & ad aurium voluptatem, motumque animorum facilè mutatur, ac vertitur.

Qua

Qua ratione, viaque numerosè scribendi facultas parabitur?

R. Duplici potissimum, Si Tyro numerosas aliquot, & volubiles Tullii sententias non legere modò, sed elata etiàm voce pronunciare affuescat: cujusmodi sunt illæ, quas suprà attulimus, vel illæ, quas affert Quintilianus: *Omnes prope civitates virtute, gloriâ, dignitate superabat.* Itemque ista: *Patris dictum sapiens temeritas filii comprobavit:* qui numerus ità placuit populo, inquit idem Tullius, ut hac audita periodi clausula, clamorem ingentem sustulerit.

2. Parabitur numerosè dicendi facultas, si numerum illum, & quasi concentum imitatione, ac stylò coneris exprimere, quod quidem exercitatione, atque usu, qui est optimus dicendi magister, non ità difficulter consequetur. *Ut enim qui in sole ambulat, sensim coloratur,* inquit Tullius: *ità cum istos libros lego, sentio orationem meam illorum quasi cantu colorari.* Sed de Periodo satis hætenus dictum. Nunc ad majora veniamus.

C A P U T VII.

DE STYLO ORATORIO.

Omnem hanc de Stylo doctrinam haufimus

simus in primis ex aureolo illo libello Demetrii, cui vulgò Phalerei cognomen tribuitur, & ex egregia Longini commentatione de Stylo magnifico: Quod utrumque opusculum Tyrones, si me audiant, nocturna, ut cum Horatio loquar, diurnaque manu versabunt. Verùm quæ illi præcepta, quamvis egregia, confusè tamen, ac permixte tradunt, ea nos faciliiori, ac commodiori ordine digesta sic disposuimus, ut ad omnium captum, & communem intelligentiam sint accommodata.

Quid est Stylus?

R. Stylus si primam vocis vim, & originem spectes, est acus, seu instrumentum, quo in ceratis tabulis scribebatur antiquitus. Hinc factum est, ut Stylus pro ipsa scriptura, seu dictione, & sermonis conformatione usurparetur.

Quot sunt Styloꝝ genera?

R. Stylus, seu orationis Character triplex est, 1. Magnificus, sive sublimis. 2. Humilis sive tenuis, qui etiam infimus dicitur: 3. Mediocris, sive æquabilis.

§. I. DE STYLO SUBLIMI.

Quid est Stylus sublimis?

R. Stylus sublimis ille est, qui constat verbis splendidis, magnificisque sententiis, quique sua nobilitate rapit quoadmodo

extra se audientium animos, & admirationem extorquet etiam ab invitis: quale est illud morientis Didonis:

Exoriare aliquis nostris ex ossibus ultor,
Qui face Dardanos, ferròq; sequare colonos.

Id genus sunt etiam verba illa ejusdem Didonis in Æneam

Nec tibi Diva parens, generis nec Dardanus auctor,

Perfide: sed duris genuit te cautibus horrens

Caucasus, Hyrcanæque admòrunt ubera tigres.

Vel, ut ait Ovidius in eamdem sententiam:

Te Lapis, & montes, innatàque rupibus altis

Robora; te sævæ progenerere feræ.

Laudatur plurimum in hoc genere celebris illa Alexandri magni responsio, cum suam illi filiam, cum decem talentorum milibus, & Asiæ media parte, Persarum Rex Darius obtulisset. *Ego verò*, inquit Parmenio, *acciperem si Alexander essem: Et ego*, inquit Alexander, *si Parmenio essem.*

Tale illud ejusdem Alexandri ad Darii legatos: *Nunciate Dario, gratiarum actionem apud hostem supervacaneam esse: me, quæ fecerim clementer, & liberaliter, non a-*

*amicitice ejus tribuisse, sed naturæ meæ. Bel-
um cum captivis, & fœminis gerere non so-
leo. Armatus sit oportet, quem oderim*

Eodem pertinent egregia illa ejusdem
Alexandri verba ad suos milites: *Nondum
Fœminam æquavimus gloriâ; & jam nos lau-
dis satietas tenet.*

Magnificæ locutionis exempla passim a-
pud Tullium reperies: ut cum ait: *Fasces
historios januæ Possidonii submitit Pompejus,
cui se Oriens, Occidensque submiterat.* Ha-
bes etiam in paucis hisce Ovidii verbis, a-
liisque similibus non paucis:

Jam seges est, ubi Troja fuit. . .

§. II. DE ARTE COMPARANDI STYLI SUBLIMIS.

Quonam pacto conciliari poterit?

3. Duobus potissimum modis. 1. Si no-
bilissima quæque rei, de qua loqueris, ad-
juncta, seu circumstantias consideres, il-
lamque inspicias, qua parte illustrior est
atque speciosior; cætera verò fileas, atque
dissimules: ut olim Apelles, teste Plinio,
imaginem amici sui Antigoni latere tan-
tum altero ostendit, ut amissi oculi defor-
mitas lateret Sic etiam Homerus tempe-
statem admodum magnificè pingit, illu-
strissima illius adjuncta mira quadam arte
seligendo. Eadem arte Neptunum curru
in-

investum, perambulanti maria, soloque
nutu fluctus iratos pacantem, describit
Virgilius *Ænëid.* 1.

Sic ait, & dictô citiùs tumida æquora
placat;

Collectasque fugat nubes, solemque re-
ducit:

Atque rotis summas levibus perlabitur
undas.

2. Metaphoræ, præsertim ex rebus illu-
stribus desumptæ, mirum in modum faci-
unt ad styli granditatem, atque magnifi-
centiam; ut cum Virgilius ait de Augusto
Cæsare,

— Cæsar dum magnus ad altum
Fulminat Euphratem bello.

Et cum ait Cicero pro Marcello: *Nullius
est tantum flumen ingenii, nulla dicendi, aut
scribendi tanta vis, tantaque copia, quæ, non
dicam exornare, sed enarrare, Cæsar, res
tuas gestas possit.* Aut cum ait Horatius:
Curas laqueata circum tecta volantes.

3. Styli magnificentiam facilè conse-
quæris, si legas assiduè auctores eos, qui
grandiloqui, ut ita dicam, fuere, cum am-
pla sententiarum gravitate, & majestate
verborum; cuiusmodi sunt Cicero Catili-
naria secunda, secunda Philippica, in Ver-
rem, in Pisonem, pro Milone, præcipue
fab

sub finem: Virgilius, præsertim Æneid. lib. 2. 4. & 6. Lucanus, Cornelius in Gallicis Tragediis: &c.

§. III. DE STYLO SIMPLICI.

Quid est Stylus simplex?

ꝛ. Stylus simplex, qui etiam nuncupatur tenuis & infimus, ille est, qui in rebus tenuioribus, & exilibus; cujusmodi sunt epistolæ, dialogi, præceptiones, & sermo familiaris; solet usurpari.

Quænam sunt dotes Styli simplicis?

ꝛ. Præcipuæ illius dotes sunt perspicuitas, nitor, atque munditia. Verecundus, ac parcus in illo debet esse troporum, ac Schematum usus: vehementiores verò figuras, cujusmodi sunt Apostrophe, Protopopœja, aliæque id genus, omnino repudiat. Selectissima Styli simplicis exempla passim invenies in Phædri fabellis, & in Virgilio Bucolicis: ut cum ait Ecloga 1.

Urbem, quam dicunt Romam, Melibœe, putavi

Stultus ego huic nostræ similem, quo sæpè solemus.

Pastores ovium teneros depellere fœtus.

Sic canibus catulos similes, sic matribus hædos

Nôram, sic parvis componere magna solebam.

§. IV. DE STYLO MEDIOCRI.

Quid est Stylus mediocris?

R. Hic est, qui medium quemdam locum obtinet sublimem inter, & infimum. Hoc dicendi genus neque majestatem verborum habet, aut gravitatem illam sententiarum, quæ in sublimi est; neque est subtili, ac pressa oratione limatum, quemadmodum genus infimum, ac simplex: sed ut ait Tullius: *Est stylus quidam interjectus, intermedius, & quasi temperatus, nec acumine inferioris, nec fulmine utens superioris, vicinus amborum; in neutro excellens, utriusque particeps.*

Vocatur autem ab eodem Tullio, *Stylus floridus, atque politus*, quod nimirum in hunc præcipuè mediocrem Stylum omnis verborum venustas, omnes sermonis delicix soleant illigari. Absolutum hujusce Styli mediocris exemplum habes in Virgilio Georgicis: v. gr. eum ait Lib. I.

Sæpè etiam steriles incendere profuit agros,

Atque levem stipulam crepitantibus urere flammis;

Sive inde occultas vires, & pabula terræ

Pingua concipiunt, sive illis omne per ignem

Excoquitur vitium, atque exudat inutilis humor,

Seu

Seu plures calor ille vias, & cæca relaxat
Spiramenta, novas veniat quâ succus in
herbas;

Seu durat magis, & venas adstringit hian-
tes

Nè tenues pluviae, rapidive potentia solis
Acrior, aut Boreæ penetrabile frigus adu-
rat.

§. V. DE USU TRIPLICIS STYLI, SEU
CHARACTERIS.

*Quandonam utendum Stylo simplici, aut
mediocri, aut sublimi?*

R. Cùm tria sint Oratoris Officia, doce-
re, delectare, & movere; Stylo simplici ut-
tetur ad docendum, mediocri ad delectan-
dum, magnifico verò ad movendum, & ad
effectus concitandos.

Præterea Stylus simplex, seu infimus
convenit comœdiis; magnificus aptus est
tragœdiis; mediocris verò in historia est
adhibendus: quamquam Cæsar simplicem
potius, quàm mediocre Stylum usurpa-
vit; quòd nempe Commentarios potius
scripserit quàm Historiam, ut notat Tullius
in Libro de Claris Oratoribus.

Item Bucolicis, & Eclogis accommo-
datus est Stylus simplex; Georgicis con-
venit Stylus mediocris; Epico verò poë-
mati, cujusmodi est Maronis Æneis, aptus
est

est Stylus magnificus: quod triplex discrimen in Virgilio licet animadvertere. Quamquam hæc omnia genera non rarò miscet in ipsa Æneide, & simplicem Stylum adhibet in libro quinto, ubi de ludis agit, & mediocrem in libro primo. Idem planè dicito de Comœdiis, quæ altiùs assurgunt aliquando, ut monet Horatius in arte Poëtica:

Interdum tamen, & vocem comœdia tollit,

Iratusq; Chremes tumido delitigat ore.

Quinam Stylus ceteris duobus est anteponendus?

R. Stylum illum esse ceteris anteponendum, non qui sublimis sit, aut cujuslibet alterius generis; sed qui ad rem, de qua agitur, maximè sit aptus: ità, ut, quemadmodum loquitur Tullius, *magna graviter, mediocria temperatè, humilia sublimiter efferrat.*

§. VI. DE STYLO VITIOSO.

Quænam sunt præcipua vitia in Stylo vitanda?

R. Vitiosum esse Stylum: 1. Tumidum, & inflatum: 2. Puerilem, ac frigidum: 3. Fluctuantem, & dissolutum: 4. Denique siccum, & exanguem.

Quid est Stylus tumidus, & inflatus?

R.

β. Ille est, qui verbis, ac sententiis supra modum intumescit. Id genus sunt illi Imperatoris Neronis inepti versiculi, quorum tumorem jure ridet Persius Satyrâ 1.

Torva Mimalloneis implérunt cornua bombis,

Et raptum vitulo caput ablatura superbo

Bassaris, & lyncem Mænas flexura corymbis

Evion ingeminat: reparabilis adsonat echo.

Quid est Stylus frigidus?

β. Stylus frigidus, ac puerilis (sunt enim valdè affinia hæc duo vitia) ille est, qui puerilia quædam ornamenta, frigidos lepores, ineptas allusiones, affectatas, ac luxuriantes descriptiones, frivolaque hujusmodi crepundia putidiùs aucupatur; cujusmodi sunt istæ sententiæ, quæ meritò repudiantur à magistris artis: *Centaurus se ipsum equitans. . . . Aurò magis aurea, &c.*

Potest autem vitium illud esse vel in verbis, vel in sententiis, Erit in verbis, si sint vel molliora, quale est illud Mœcenatis: *Fæmina cirro crispâ, & labris columbatur, incipitque suspirans, ut cervice laxa feratur:* vel si sint indecorè translata, qualia sunt ista, quæ damnat Cornificius: *Montes bet-*

li fabricatus est, Campos sustulit pacis: vel si juncta fuerint more dithyramborum, ut in illo Publii Syri de ciconia.

Pietatis cultrix, gracilipes, crotaliftria, Avis exul hiemis.

Erit vitium in sententiis, si nimis tumidæ sint, & hyperbolicæ, qualis est ista lippis, ac tonsoribus nota, quam referunt Plutarchus, & Cassius: *Minimè mirandum est, si Dianæ Ephesicæ templum conflagraverit, qua nocte natus est Alexander. Quippe Dea in ipso Olympiæ matris Alexandri partu, obstetricandi laboribus, & curis distracta, ignem non valuit restinguere.*

Sic etiam nimis frigidè, ac pueriliter dictum fuit à Plauto, de sene avaro, in *Aulularia*:

Suam rem periisse, seque eradicarier.

Quin Divûm, atque hominum clamat continuò fidem,

De suo tigillo sumus si quà exit foras.

Quid est Stylus fluctuans, ac dissolutus?

¶ Ille est, qui sinè articulis, sinè numero, sinè arte fluctuat huc illuc, neque sibi ullo pacto cohæret; quod sane vitium Tyronibus est valdè familiare Hujusmodi autem affert Cornificius: *Socii nostri cum belligerare nobiscum vellent, profectò ratiocinati essent etiam atque etiam quod possent facere, siquidem sua sponte facerent, & non*

ha-

haberent hinc adiutores multos, & malos homines, & audaces. Solent enim diu cogitare omnes, qui magna negotia volunt gerere.

Quid est Stylus siccus, & exanguis sive aridus?

R. Ille est, qui nihil fermè habet neque ornamentum, ne fuci. Hoc styli genus vulgò Frontoni tribuitur.

§. VII. DE STYLO LACONICO, ET ASIATICO.

Quid est Stylus Laconicus?

R. Est Stylus argutus, perbrevis, & acutus, quo multa paucis dicuntur. Nomen porrò traxit à Laconibus, qui etiam Spartani dicebantur ac Lacedæmonii, quibus Stylus ille erat in deliciis, & quibus prolixa loquacitate nihil erat odiosius.

Profer sèlecta aliquot exempla Styli Laconici?

R. I. Hosti aliquando per atroces, ac longiores litteras ferrum, flammamque minitanti, hac una syllaba Græca responderunt Spartani, *ai si*; hoc est, *Si potest, si per nos tibi licet.*

2. Philippo Regi Macedonum injustum nescio quid flagitanti responderunt hac unica littera: *me non.*

3. Ejusdem generis est responsum Cleome-

omenis Spartanorum ducis ad Sarnios:
*Eorum quæ dixistis, prima non memini; me-
 dia non intelligo, ultima non probo.*

His adde Laconicam illam epistolam Ar-
 chidami ad Eleos bellum parantes: *Archi-
 damus Eleis: Bonum est quiescere.*

Itemque illam Philostrati literam ad a-
 micum: *Mitto ad te ficus hibernas. Mirare
 in illis vel quòd jam sunt, vel quòd adhuc
 sunt.*

Laconicam illam breviloquentiam mi-
 rificè expressit Cæsar in laureatis suis ad
 Senatum literis, victo Pharnace Ponti re-
 ge, Mitridatis filio: VENI, VIDI, VICI.

Porro brevitatis illa loquendi imperiosum,
 quiddam habet, ideoque aptissima est mi-
 nantibus, mirificeque prodest ad animos
 perterrefaciendos. Nam ut in tenebris
 magis timentur omnia, quàm in luce; sic
 illæ orationis quasi tenebræ terribiliora
 reddunt ea, quæ proponuntur, inquit Mu-
 retus in variis lectionibus. Idque, ut opi-
 nor, secuti sunt Lacedæmonii, cum ad
 Philippum, interposita nescio qua offensi-
 one, bellum minaciter intentantem ita
 scripserunt: *Lacedæmonii Philippo: Diony-
 sius Corinthi.* Multò enim fortior, & ut
 Lucretii verbò utar, penetratior illa bre-
 vitas fuit, quàm si ita dixissent: Memento
 Dionysium Tyrannum, tui prorsus similem

regnô fuisse pulsus ob ambitionem, ac turbulentum ingenium, & nunc privatam vitam agere Corinthi. Videto nè tibi quoque contingat idem, dum aliorum libertatem studes opprimere.

Neque dissimile illud Demetrii ad Locrenses: *Faxo, cicadæ apud vos humi cantant; cùm significare vellet totam illorum regionem à se devastatam iri.*

Quid est Stylus Asiaticus?

R. Ille est, qui fusiori quodam orationis ambitu circumscribitur, multisque verbis pauca dicit. Asiatici nomen traxit ab Asiæ populis, qui diffusiozem illum Stylum habebant in deliciis. Illius exemplum quotidie vides in verbosis illis hominibus, qui tam multis pauca dicunt. Hunc porrò stylum Asiaticum tu fugies, si sapis. Quid enim tam insulsum, est quàm verborum vel optimorum sonitus inanis, nullâ subjectâ sententiâ?

De ratione Styli comparandi.

Stylus, qui aliud nihil est, quàm certa quædam scribendi ratio cujusque propria, ex duabus maximè rebus coalescit: 1. Ex sententia; 2. Ex sententiæ conformatione, seu quod idem est, ex verbis, quibus ornatur, & quodammodo vestitur sententia.

De sententia id generatim, & universè
di-

dici potest, in ea spectandum esse primum, ut sit vera; deinde ut sit perspicua; postremo ut sit argumento idonea, & ad rem, de qua agitur, accommodata. In conformatione verò sententiæ, qua una maximè Stylus continetur, quatuor sunt observanda; 1. Verborum proprietas: 2. Eorundem elegantia: 3. Nexus: 4. Collocatio.

Quomodo cognosci, & comparari poterit verborum proprietas, & elegantia?

Ad verborum proprietatem, & elegantiam penitus cognoscendam, adjumenti multum afferent, 1. Aureus Hadriani Cardinalis Liber, *de sermone Latino, & modis latinè loquendi*. 2. Libellus à Scoto editus de verbis Ciceronianis. 3. Alius à Manutio scriptus, quem *Elegantia latinæ locutionis* appellat. 4. Liber à Laurentio Vala elaboratus, *De latini sermonis elegantia*. 5. *Delectus Latinitatis* Mureti, & *Flos Latinitatis* Pomey. 6. Non omittendus Liber ab Henrico Stephano editus, *De latinitate falsò suspecta*: nec opus posthumum Vavassoris, *de vi, & usu quorundam verborum*.

Præcipuè verò, & suprâ cætera omnia adhibendus erit laudatissimus Nizolii Apparatus in Ciceronem, cum Francisci Sylvii Progymnasmatibus ad illius calcem editis.

Sunt

Sunt autem Sylvii Progymnasmata tercentæ observationes eximiæ, de incorrupta Latini sermonis integritate, quas ego Tyronibus pernecessarias semper existimavi,

Quo pacto intelligi poterit, & edisci verborum nexus, & apta eorundem collocatio?

R. Verborum nexus, & Ciceroniana collocatio continetur particulis quibusdam, seu commissuris, quæ vim habent hujusmodi, ut nihil sit abruptum in Stylo, nihil hians, & absonum, nihil dissolutum, & fluctuans, hoc est, quod sinè nervis, articulisque fluctuet huc illuc: sed ut omnes sententiæ, singulæque earum partes certo inter se modo, numeroque cohæreant.

Valde profuerit in eam rem legere aureum Horatii Turfellini libellum. *De Particulis Latine locutionis*. Habebit etiam utilitatem aliquam *Flos latinitatis* in tertia parte, quæ est *de Particulis*; sed Turfellino longè, multumque inferior.

Denique ad verborum collocationem Ciceronianam faciliùs noscendam, consulenda erunt Sylvii Progymnasmata, de quibus suprâ dictum. Vide etiam quæ paulò ante diximus de regulis, quibus reddi poterit numerosa periodus.

Quibus rebus comparari facile poterit Stylus optimus?

R.

R. Duabus maximè rebus: primò, diligenti bonorum librorum lectione. 2. assidua eorundem imitatione. Diximus in Elementis de Imitatione; nunc verò superest, ut de Lectione, & de Librorum delectu videamus.

De Scriptorum Latinorum Delectu.

Quæcumque diximus hætenus, & post hac dicturi sumus, vel nullam, vel perexiguam habebunt utilitatem, nisi exquisitissimum quemdam delectum in Latinis auctoribus legendis, & imitandis adhibeamus.

Sunt autem Scriptorum Latinorum ætates quatuor, nempe uti hominum apud Pœtas. Sed Pœtis, ut verbis ipsorum utar,

Aurea prima Sata est ætas.....

——Subiitque argentea proles,

Aurò deterior, fulvo pretiosior ære.

Tertia post illam successit ahenea proles.

——De duro est ultima ferro.

Latinæ verò linguæ ætates ordine contrario procedunt. Nam à ferrèa, deinde ab ænèa ad argenteam, & mox ad auream ventum est.

Quænam nuncupanda est ferrea Lingua Latinæ ætas?

R. Ad ferream ætatem refer Leges duodecim tabularum, & Columnam rostratam

tam C. Duilli, quæ hodieq; visitur Romæ; itémque Saliarum hymnos Numæ Pompili, vix tandem à sacerdotibus suis intellectos, cujusmodi est v. gr: rancidulum illud fragmentum, quod à Varrone citatur: *Omnia dapatilia comisse Jani cusiones... Duonus Ceruses Deivos Janos venet.* Porro *dapatilia comisse* significat, si quæris, opipara comedisse; *Janis* verò *Cusiones* sunt curiones, seu sacerdotes Jani; *Duonus Ceruses* est bonus creator: *Deivos* adhibetur pro Divos, ut nemo non videt, & *Venet* pro venit.

Eodem refer vetustissimum illum verbum de Saliorum exultationibus.

Præsul ut amptruat, & volgu' redamptruat olli.

Hoc est, cum Saliorum antistes, & magister saltans, atque tripudians motum aliquem edidit, eundem omnino motum de compacto referat Saliorum choro omnis. Et volgu' redamptruat olli.

Amptruare enim erat olim motum aliquem saltando edere. Porro ferream illam Latinæ Linguae ætatem jure poteris illius quasi pueritiam appellare.

Quenam est ænea Linguae Latinæ ætas?

R. *Ænea* ætas incipit à Livio Andronico, qui omnium primus Latinos versus scri-

scripsit. Ad eandem ætatem pertinet.

Ennius ingenio maximus, arte rudis:

Ut de illo scribit Naso; itemque Cælius:
Malus Latinitatis auctor, inquit Tullius.
 Totum porrò tempus illud, quo floruerò
 Andronicus, Ennius, Nævius, Cæcilius,
 Pacuvius, &c. quasi crescentem Latinæ
 Linguæ ætatem poteris nuncupare.

Quænam est ætas argentea?

R. Ad ætatem argenteam pertinent Plau-
 tus in suis Comædiis, & Cato de re rusti-
 ca. Terrentium verò ad auream ætatem
 omnino referendum esse judicam9: quam-
 quam nonnullis, ob illius *Archaismos* se-
 cùs visum fuerit; sed immeritò. Hanc ve-
 rò argenteam ætatem quasi adolescentiam
 Latinæ Linguæ possumus appellare.

*Quænam demum est aurea Latinæ Lin-
 guæ ætas?*

R. Auream ætatem appello temp9 illud
 annorum fermè centum, quod vulgo Au-
 gusti ætas dicitur, estque magni Cicero-
 nis ortum inter, & ejusdem Imperatoris
 Augusti mortem interjectum. Hac aurea
 ætate floruerunt inter Oratores, ac Rhe-
 tores, Cicero. & Cornificius, auctor, ut
 verissimum est, quatuor librorum ad
 Herennium, qui vulgò adscribuntur Cice-

roni; inter Historicos Julius Cæsar; A Hir-
tius, qui scripsit Commentarios de bello
Alexandrino, de bello Africano, & de bel-
lo Hispaniensi; Salustius, Vellejus vulgò
dictus Paterculus, Cornelius Nepos, &
Quintus Curtius. Inter Pòetas Virgilius,
Horatius, Catullus, Tibullus, Properti-
us, Phædrus, Ovidius, Lucretius, & Pu-
blius Syrus, quorum postremi duo cete-
ros ætatis aureæ Pòetas aliquantum æta-
te antecessere. Inter Medicos, Philosophos,
reique rusticæ, aut Architectonicæ Scri-
ptores, Varro, Columella, Cornelius Cel-
sus, & Vitruvius. Aureum verò illud tem-
pus quasi virilem Latinæ linguæ ætatem
vocare jure poterimus.

Eos igitur maximè legere, & imitari o-
portet, qui hac aurea ætate vixerunt, ac
ante omnes Tullium, *Cælestem in dicendo
virum*, ut eum Fabius appellat, *quippe*, ut
ait idem Fabius, *apud posteros id consecu-
tus est, ut Cicero jam non hominis nomen,
sed eloquentiæ habeatur. Hunc igitur specte-
mus; hoc propositum sit exemplum. Ille se
profecisse sciat, cui Cicero valdè placuerit.*

Quantâ verò curâ, ac religione sermo-
nis proprietatem observaverit Cicero, sa-
tis magno argumento erit, quod dicam,
Fuit cum existimaret *inhibere remos idem
esse ac retinere; & ut auriga equos inhi-
bet*

bet, ut cursum fistant, sic etiam remos inhiberi, dum sustinentur. Postea verò ex nautis didicit inhiberi remos, cum remiges alio navigantes modo, navim ad puppim convertunt. Quod edoctus, minime cessandum putavit, donec Atticus, & Varro monerentur, ut in primo de Oratore libro, quem jam transmiserat, locus ille emendaretur. Quod ita esse indicant hæc Tullii verba ad Atticum: *Inhibere illud tuum, quod mihi arriserat, vehementer displicet: est enim verbum totum nauticum: quamquam id quidem sciebam; sed arbitrabar sustineri remos, cum inhibere essent remiges jussi. Id non esse ejusmodi didici hæri, cum ad villam nostram navis appelleretur: non enim sustinent, sed alio modo remigant. Id ab Epoxys remotissimum est. Quare facies, ut ita sit in libro, quemadmodum fuit. Dices idem Varroni, nisi fortè mutavit.*

Quòd si de vocula una ita laboravit Tullius, nihil mirum si viro, ut omnium eloquentissimo, ita etiam proprietatis adeò amanti, omnium doctissimus Varro mitteret libros suos de Lingua Latina, si itè omnium fortissimo Julius Cæsar, nec vel eloquentiâ, vel doctrinâ illi minor futurus, si totum his se studiis tradidisset, eidem dicaret libros suos de Analogia. Qua de re sic Tullius in Bruto: *In ma-*

ximis occupationibus ad me ipsum de ratione Latine loquendi accuratissime scripsit Cæsar.

Quisnam Ciceroni proximus est incorrupta Latini sermonis integritate, & elegantia?

R. Primum post Ciceronem damus locum Cæsari, atque Terentio. Sanè quàm præclare de utroque senserit Tullius, liquet ex his, quæ de utroque scripsit. Ac de Terentio quidem sic loquitur ad Atticum: *Secutus sum, non dico Cœcilium (maius enim auctor Latinitatis est,) sed Terentium, cujus fabellæ propter elegantiam putabantur à C. Lælio scribi.*

De Cæsare verò sic idem in Bruto: *Etiam Commentarios quosdam scripsit rerum suarum valdè quidem probandos: nudi enim sunt, rekti, & venusti, omni ornatu orationis, tamquam veste detracta: sed dum voluit alios habere parata unde sumerent, qui vellent scribere historiam; ineptis gratum fortasse fecit, qui volunt illa calamistris inurere, sanos quidem homines à scribendo deterruit.*

Quinam Latinitatis Auctores, post tres hos, legendi sunt?

R. Cum Fabio, ut quisque erit Ciceroni
h-

Smilivius; Quales sunt Phædrus, Cornelius Nepos, Livius, Curtius, & alii, quos recensuimus, qui vel Ciceronis ævô vixere, vel non ita magnô distant intervallô.

Degustari etiam poterunt, sed parce, & ferô, recentiores nonnulli, qui Ciceronem diligenter sunt imitati; & quomodo sit imitandus, ipsi exemplo esse poterunt. Quales sunt Muretus, Manutius in epistolis illis, quas ante senium scripsit, nam cæteræ frigidam sapiunt ætatem, Sadoletus, Bembus, Maffeus pictus, atque politus, Bunellus, Turfellinus, Longolius, Perpinianus, Vavassor, Petavius.

Post obitum Augusti, incorrupta illa, quam dixi, Latini sermonis integritas sensim adulterari cæpta est, & quasi ex auro in argentum iterum commutari, ut ex Senecæ, Fabiique, & aliorum querimoniis liquet. In decrescente illa ætate sunt inter Oratores, ac Rhetores, Fabius Quintilianus, Plinius junior, &c. Inter Historicos Suetonius, Tacitus, Justinus, &c. Inter Pœtas, Lucanus, Persius, Silius, Juvenalis, Stadius, Martialis, Seneca; Inter Philosophos verò Seneca, Plinius Veronensis: inter Grammaticos denique Ascenius, Agellius &c.

Denique à temporibus Severi auspiciari licet æneam ætatem, quæ tandem, in
fer-

ferream desit, postquam variarum gentium irruptione ipsi Romani facti sunt barbari, & in hac ætate decrepita sunt Symmachus, Capella, Sidonius Apollinaris; quos omnes tu vitabis summoperè, si sapias.

Finis Libri Primi.



(* * * * *)

ARTIS
RHETORICÆ.
LIBER SECUNDUS.

DE INVENTIONE.

Egimus hactenus de Figuris, ac Tropis, de Periodo & de Stylo. Postulat nunc instituti nostri ratio, ut agamus de Inventione, sine qua, teste Tullio, frivola erit, & puerilis omnis locutio.

Quid est Inventio.

R. Est excogitatio argumentorum, quæ valeant tum ad fidem faciendam, tum ad motus excitandos. Primum igitur agendum nobis erit de argumentis, deinde de motibus, seu affectibus excitandis.

De Argumentis, & locis Oratoriis.

Quid est Argumentum?

R. Est probabile inventum ad faciendam fidem; ut, si probare velis expetendam esse Rhetoricam, invenies, quod sit ars bene dicendi.

Undenam sumuntur Argumenta, sive rationes ad aliquid probandum?

R. Sumuntur ex locis oratoriis, quos Tullius appellat *Argumentorum sedes*, in quibus latent, & ex quibus sunt depromenda. Quapropter, si vis Orator esse, in promptu tibi esse debent loci illi, & ut ita loquar, ad manum; ut in illis uberrimam *Argumentorum segetem* faciliè possis invenire.

Quot sunt genera locorum?

R. Duo. Alii enim petuntur ab ipsa re, & idcirco vocantur *Intrinseci*: seu *Institi*: alii sunt extra ipsam rem, de qua quaestio est; unde etiam vocantur *Extrinseci* seu *Remoti*. De utroque illo genere, ac de primò præsertim, quod majus quoddam momentum habet ad eloquentiam, accuratissimè nobis est hoc loco tractandum.

C A P U T I.

DE LOCIS INTRINSECIS.

Quot sunt loci Oratorii Intrinseci?

R. Sexdecim: Definitio, Enumeratio partium, Notatio, Conjugata, Genus, Forma, Similitudo, Dissimilitudo, Com-

paratio, Repugnantia, Adjuncta, Antecedentia, Consequentia, Causæ, Effecta, Comparatio.

§. I. DEFINITIO.

Quid est Definitio?

R. Est brevis, & circumscripta rei explicatio, inquit Tullius; vel ut Philosophi malunt, Definitio est oratio, quæ rei naturam explicat.

Quomodo fit recta definitio?

R. I. Accipito aliquid rei, quæ definitur, commune cum aliis: deinde addito aliquid illi unice proprium, ac peculiare, & tum demum habebis optimam definitionem: v: gr. *Rhetorica est ars bene dicendi*; quod fit ars, hoc illi commune est cum aliis artibus: quod verò fit ars benè dicendi, hoc est illi omnino proprium. Quod si manca sit, & mutila tua definitio, jure, ac meritò poterit tibi contingere, quod olim Platoni contigit. Definierat aliquando Plato hominem, *Animal bipes, & implume*. Diogenes Cenicus, homo dicax, & Academicorum irrifor, gallum implumem, ac nudum in mediam Platonis scholam projiciens, *En, inquit, hominem Platonis.*

Est

Estne eadem definiendi ratio Logicis, & oratoribus?

R. Longè diversa. Logici enim jejunè, breviter, ac siccè rem definiunt per gen9, & differentiam: v. gr. *Homo est animal rationale*: Orator verò liberius, & ornatiùs hominem ità definit per locos Rhetoricos: *Homo est eximium opus à Deo effectum, rationis particeps, ad Dei imaginem conditum, atque ad immortalitatem natum*. Hoc autem Oratoriùm definiendi genus, si rectè appellare velimus; *Descriptio* potius appellari debet, quàm *accurata Definitio*.

Quot modis fieri solet *Descriptio*, seu oratoria *Definitio*?

R. Sex potissimùm modis fieri solet. 1. Per partes, ex quibus res ipsa constat; ut si dicas; *Ars oratoria est ars, quæ constat inventione, dispositione, elocutione, & promuntiatione*.

2. Fit per effectus, ut cùm dicitur: *Pecatum est pestis animæ, conscientie labes, vitæ perniciës, naturæ dedecus, orbis ruina, odium Dei, &c.*

3. *Definitio* fit per negationem, & affirmationem; cùm nempe primùm dicim9, quid non sit res, ut deinde melius intelligatur quid sit: & hæc definiendi ratio Ciceroni perfamiliaris fuit. Ita *Pisonem* probat

bat, non fuisse Consulem. Tu in licoribus, in toga, & prætexta esse consulatum putas? Quæ ornamenta etiam in Sex. Clodio, te consule, esse voluisti. Hujus tu Clodiani canis insignibus consulatum declarari putas? Animo consulem esse oportet, consilio, fide, gravitate, vigilantia, toto denique munere consulatus. Et pro domo sua: An tu Populum Rom. esse illum putas, constat qui ex iis, qui mercede conducuntur, qui compelluntur, ut vim afferant magistratibus? obsideant senatum? optent quotidie cædem, incendia, rapinas? O speciem dignitatemque populi Rom, quam nationes extræ, quam gentes ultimæ pertimescant! Multitudinem hominum ex servis conductis, ex facinorosis, ex egentibus congregatam. Illa fuit pulchritudo Populi Rom. illa forma, quam in campo vidisti, tum cum etiam tibi contra Senatûs, totiusque Italicæ auctoritatem, & studium, dicendi potestas fuit.

4. Definitio fit ab adjunctis. Ità Chymicam artem non minùs verè, quàm lepidè defines: *Chimia est ars sine arte, cujus principium est mentiri; medium laborare; finis mendicare.* Ita Virgilius famam describit ab adjunctis.

Fama malum, quo non aliud velocius
ullum;
Mobilitate viget, virèsque acquirit e-
undo
Par-

Parva metu primo, mox sese tollit in
 auras,

Ingrediturque solo, & caput inter nu-
 bila condit

.....
 Monstrum horrendum, ingens, cui quot
 sunt corpore plumæ,

Tot vigiles oculi subter (mirabile di-
 ctu)

Tot linguæ, totidem ora sonant, tot
 subrigit aures,

Tam ficti, praviq̄ue tenax, quàm nun-
 tia veri.

5. Definitio fit venustè per similitudi-
 nem atque Metaphoras, ut si dicas cum
 Petrarcha, *Pulchritudinem esse blandum ho-*
stem, dulcem raptorem, tortorem fraudu-
lentum, laqueum pedibus, oculis velum, &c.
 Observa tamen, Metaphoricis id genus
 definitionibus caute admodum utendum
 esse, & cum mica salis, ut ait Catullus.

§. II. ENUMERATIO PARTIUM.

Quid est enumeratio partium?

R. Est oratio, qua totum in suas partes
 distribuitur; unde locus ille vocatur eti-
 am *Distributio*: ut si distribuas, ac divides
 vitam humanam in pueritiam, adolescen-
 ti-

tiam, virilem ætatem, & senectutem.

Quæ sunt Regulæ, ac leges Enumerationis partium?

R. Tres præcipuæ. I. Regula hæc est: affirmatis omnibus partibus, affirmatur totum, Ità Tullius probat Pompejum esse summum Imperatorem, omnes, & singulas optimi Imperatoris virtutes sic enumerando: *Ego enim existimo, in summo Imperatore quatuor has res inesse oportere; scientiam rei militaris, virtutem, auctoritatem, felicitatem.* Pergit deinde, & quatuor hæc in suo Pompejo summa esse sic probat: *Quis igitur hoc homine scientior unquam aut fuit, aut esse debuit, qui è ludo, atque pueritiæ disciplina, bello maximo, atque acerrimis hostibus, ad patris exercitum, atque in militiæ disciplinam profectus est?* Deinde de ejus justitia: *Cujus legiones sic in Asiam pervenerunt, ut non modò manus tanti exercitus, sed nè vestigium quidem cuiquam pacato nocuisse dicatur.* Et de temperantia sic loquitur: *Non avaritia ab instituto cursu ad prædam revocavit, non libido ad voluptatem, nam amœnitas ad delectationem, non nobilitas urbis ad cognitionem, non denique labor ipse ad quietem, &c.*

Ità etiam Lactantius Dominicæ mortis acerbitatem, singularum partium cruciatu, piè æquè, ac eleganter probat:

Com-

Compressos specularè oculos, & luce
carentes,

Afflictasque genas, arentem suspice lin-
guam

Felle venenatam, & pallentes funere
vultus;

Cerne manus clavis fixas, tractòsque
lacertos

Atque ingens lateri vulnus: Cerne indè
cruorem

Purpureum, fossosque pedes, artusque
cruentos,

*Flecte genu, lignumque Crucis venerabi-
le adora.*

Sic Juvenalis Sat. 3. per Partium enu-
merationem ridet quemdam, qui se omnia
scire profitebatur:

Grammaticus, Rhetor, Geometres, Pi-
ctor, Aliptes,

Augur, Schœnobates, Medicus, Magus;
omnia novit

Græculus esuriens: in cœlum, jussieris,
ibit.

Quænam est secunda regula?

R. 2. Regula hæc est ut negatis omni-
bus, & singulis partibus, negetur totum.
Sic probat Tullius Antonium non esse
Consulem: *Negat hoc D. Brutus Impera-
tor: negat Gallia; negat cuncta Italia,
negat Senatus, negatis vos. Qui igitur il-
lum*

lum consulem, nisi latrones, putant?

Cedo ultimam regulam enumerationis partium?

R. Ut negatis partibus rectè negetur totum, nulla tibi erit prætermittenda pars, quoad ejus fieri poterit. Ità Martialis vetulam quamdam probat esse edentulam:

Si memini, fuerant tibi quatuor, Ælia,
dentes,

Expuit una duos tussis, & una duos.

Jam securo potes totis tussire diebus:

Nil istic, quod agat, tertia tussis ha-
bet.

§. III. NOTATIO NOMINIS, & CON- JUGATA.

Ad unum, & idem caput duos hosce locos propter affinitatem revocam9. Quamvis porrò uterque ille locus propter levitatem, non adeò valere videatur ad persuadendum; quia tamen non parùm valet ad delectandum, & ad orationem lepore aliquo, ac sale condiendam, idcirco ab oratoribus interdum summis adhibetur.

Quid est Notatio?

R. Notatio, seu Etymologia, est locus, qui verborum originem, & significationem inquirat, ut *Senatus* nomen traxit,

à *Senibus*: Consul vocatur is, qui *consult*
patricæ: ergo Pïso nihil minùs quàm con-
 sul est: & Ovidius in *Fastis* *Victimam* sic
 appellari dicit à *vincendo*, & *hostiam* ab
hoste.

Victima, quæ dextra cecidit victrice,
 vocatur.

Hostibus à domitis hostia nomen ha-
 bet.

Quandonam potissimum utendum est No-
 tatione nominis?

R. Quando in nomine aliquo laudem,
 vel dedecus, aut locum aliquem, ñ scur-
 rilem, ac mimicum, sed liberalem, & ur-
 banum invenit Orator. Sic in nomine *Ver-
 ris* jocosè lusit Cicero, quasi ità dicto fu-
 isset, quòd omnia *verreret*; hoc est omnia
 raperet homo furacissimus: *Quam tu*, in-
 quit, *domum*, quod *fanum* *adisti*, quod non
eversum, atque *extersum* reliqueris? Sic e-
 tiam Chryfogonum in avaritizæ suspicio-
 nem vocavit ab ipsius nomine, quod *au-
 reum* significat, aut quasi *auro* *genitum*.

Ad notationem nominis pertinent Ana-
 grammata, cujusmodi sunt ista: *Amor*,
Roma, *Maro*: *Logica*, *Caligo*: *Ursula*,
Laurus; *Prudentia*, tardè puni. *Maria* *Vir-
 go*, mira *Virago*: *Divus Alexius*, diu exul
 à suis: *Quid est veritas*, est vir qui adest:
Maria Magdalena, grandia mala mea: *Sa-*

eramentum Eucharistiæ, Chara Ceres mutata in Jesum &c.

Quamquam, ut ingenuè dicam, quod sentio, perpusilli ingenii est, frivolis hujusmodi nugis immorari, quæ scilicet laborantis magis sunt, quam elegantis ingenii partus. Et, si me audis, vana hæc crepundia relinques Judæis, qui multi sunt in observandis exilibus literulis, & apud quos nata opinor Anagrammata, & ab illis ad nos usque, infelici contagione, derivata.

Quid sunt conjugata?

R. Sunt ea, quæ ab uno orta vocabulo variè conjuguntur, seu commutantur, ut *Sapiens, sapientia, sapienter; Imperium, imperator, imperare.* Ex hoc Conjugatorum loco Cæsarem ingeniosè admodum ita laudat Tullius: *Cæteros quidem omnes victores bellorum civilium, jam ante æquitate, & misericordiâ viceras: hodierno vero die te ipsum vicisti Nam cum ipsius victoriæ conditione jure omnes victi occidifsemus, clementiæ tuæ judicio conservati sumus. Rectè igitur unus invitus es, à quo ipse etiam victoriæ conditio, visque devicta est*

Ex hac verborum Conjugatione sic etiam argumentatur Ovidius;

Au-

Aurea nunc verè sunt sæcula. Plurimus
aurò

Venit honos: aurò conciliatur amor.
In hoc idem genus facetè lufit Martialis Epig. lib. 2.

Hostem cùm fugeret, se Fannius ipse
peremit

Hic (rogo) non furor est, nè mori
mori?

Ad eundem locum pertinet illud in Pi-
fonem; *Cùm enim esset omnis causa illa
mea consularis, & senatoria, auxilio mihi
opus erat, & Consulis, & Senatûs.*

Est illud Terrentianum elegans in pri-
mis in hoc eodem genere: *Homo sum; hu-
mani nihil à me alienum puto*

Eodem quoque pertinet venustissimum
illud Epigramma inscriptum Ludovici M.
Statuæ in hortulo Simplicium Collegii Pa-
risiensis S. J.

*Vitales inter succos, herbasque salu-
bres*

Quam benè stat populi vita, salusque
fui.

§. IV. GENUS, & SPECIES, SEU FORMA.

Quid est Genus?

R. Genus apud Rhetores dicitur illud,
quod

quod est commune multis; & quod multa
 sub se complectitur, ut virtus sub se con-
 inet iustitiam, temperantiam, fortitudi-
 nem, prudentiam.

Facito, sodes, argumentum a genere?

R. Præsto est: *Temperantia est virtus,
 ergo est amanda*

*Qua potissimum ratione tractatur ille lo-
 cus?*

R. Tractatur in primis, cum à specie fit
 transitus ad genus, seu, ut vulgò loquun-
 tur, cum hypothesis revocatur ad thesim.
 Hujusce loci luculentum habes exemplum
 in Oratione pro Archia Pòeta, ubi Cicero
 cum laudandum Archiam Magistrum susce-
 pisset (quod est hypothesis) rem ad thesim
 revocavit, hoc est, Pòesim, & studia hu-
 manitatis generatim, & universè laudavit,
 ut latiore orationi suæ campum aperi-
 ret. Adverte igitur quo artificio ab hypo-
 thesi transit ad thesim.

LAUS ARCHIÆ PÒETÆ à GENERE.

*Si igitur sanctum apud vos humanissimos
 homines hoc Pòetæ nomen, quod nulla un-
 quam barbaries violavit, Saxa, & solitu-
 dines voci respondent; bestia sæpè immanes
 cantu flectuntur, atque consistunt: nos insti-
 tuti rebus optimis non Pòetarum voce no-*

veamur? Homerum Colophonii civem esse dicunt suum, Chii suum vendicant, Salaminii repetunt, Smyrnæi verò suum esse confirmant. Itaque etiam delubrum ejus in opido dedicaverunt. Permulti alii præterea pugnant inter se, atque contendunt. Ergo illi alienum, quia Pòeta fuit, post mortem etiam expetunt, Nos hunc vivum, qui & voluntate, & legibus noster est, repudiabimus?

Quod vitium in genere tractando vitandum est?

R. Hoc loco solent intemperantiùs abuti Tyrones, dum thesim longiùs trahunt, quòd nempe res sit communior, faciliorque, & multorum trita vestigiis; v. gr. si de Justitia, vel de Charitate sermo fit, illi, se se in virtutis laudes universè, ac generatim effundent, & miseram crambem, ut ajunt, tædium affectis auribus, ac fastidium usque ad satietatem ingerent. Tu igitur, si sapias, hoc vulgare vitium fugies:

Nec circa vilem, patulumque moraberis orbem.

Nè in te jure cedat lepidum illud Martialis dictum:

Jam dic, Posthume, de tribus capellis.

Ubi-

*Ubinam præcipuè locum habet argumen-
tum à genere?*

R. Locum habet præcipuum in oratio-
nis exordio, ubi præmitti solet aliquod
universale principium, à quo ad hypothe-
sim, hoc est ad singularem propositionem
descenditur.

Quid est species, seu forma?

R. Ex his, quæ dicta sunt de genere, fa-
cilè intelliges speciem esse id, quod minùs
late patet; seu esse rem particularem, quæ
sub universali continetur. Vocatur autem
apud Rhetores *Hypothesis*; v. gr. *Virtus
est amanda*, est Genus, sive Thesis: *Tem-
perantia hic, & nunc est in convivio servan-
da*: en Species, sive Hypothesis.

S. V. SIMILITUDO, & DISSI- MILITUDO.

Quid est Similitudo?

R. Similitudo est rerum cæteroque dis-
parium collatio atque convenientia in a-
liqua re; v. gr. est similitudo inter ava-
rum, & hydropem; quia licèt avarus, &
hydrops sint duæ res longè diversissimæ,
in eo tamen conveniunt, quòd neuter sa-
tiari possit. Itèm homo iratus dicitur esse
similis Leoni rugienti; quia homo iratus,
& Leo rugiens sunt duæ res valdè inter se
di-

disparēs, quæ tamen in aliqua re conveniunt, nempe in furore. Sic etiam umbra, & gloria sunt res diversissimæ: in hoc tamen conveniunt, quòd umbra corpus, gloria virtutem comitetur, Unde ait Cicero; *Gloria est umbra virtutis.*

Quomodo fit argumentum à similitudine.

R. Facies in hunc ferè modum cum Tullio: *Quidam morbo, aut sensus stupore, cibi suavitatem non sentiunt; sic libidinosi, avari, facinorosi, veræ laudis gustum non habent.* Sic etiam argumentari poteris à simili cum Ovidio:

Scilicet ut fulvum spectatur in ignibus
aurum,

Tempore sic duro est inspicienda fides.

Quid est discriminis inter similitudinem, & comparisonem?

R. Similitudinem propriè pertinere ad id, quod *qualitatem* vocant; comparisonem verò pertinere ad *quantitatem*. Fit enim comparatio vel à pari, vel à majori ad minus, vel à minori ad majus, ut dicetur postea: in similitudine verò nulla fit mentio neque paris, neque majoris, neque minoris.

Quomodo faciliè poterit inveniri argumentum à simili?

R.

R. Quæres statim, quænam res sit simili-
lis cujusdam naturæ cum ea, quam expli-
candam sumis. Ità si agatur de constantia:
quæres quid vel maximè resistat, & oc-
curreret tibi *rupes, adamas*, dicesque cum
Virgilio de rege Latino.

Ille, velut pelagi rupes immota, resi-
stit.

Vel ut idem Virgilius de Didone lib. 6.

Ille solo fixos oculos averfa tenebat.

Nec magis incepto vultu sermone mo-
vetur,

Quàm si dura filex, aut stet Marpesia
cautes.

Quid est dissimilitudo?

R. Est oratio, quæ ex re dissimili dissimi-
le colligit; ut cum ait Tullius: *Si barba-
rorum est in diem vivere, nostra consilia sem-
piternum tempus spectare debent.* Et lib. 2.
de Oratore: *Artes reliquæ ab eloquentia
differunt, quod hæc non habeat definitam
aliquam regionem, cujus terminis septa te-
nezatur: cæteræ verò artes suis se certis qui-
busdam finibus contineant.* Hunc locum à
Dissimili lepidissimè tractat Catullus, cum
ait Carmine 5.

Soles occidere, & redire possunt:

Nobis, cum semel occidit brevis lux,

Nox est perpetua una dormienda.

Ad hunc eundem locum pertinet hæc
Horatiana sententia:

Damna tamen celeres reparant cœlestia
lunæ:

Nos ubi decidimus,
Quò pius Æneas, quò Tullus dives, &
Ancus.

Pulvis, & umbra funus.

§. VI. CONTRARIA & REPUGNANTIA.

Quid sunt contraria, seu opposita?

R. Sunt ea, quæ in eodem subjecto esse
non possunt; vel si fuerint in eodem, ne-
cessariò inter se pugnant.

Quot sunt contrariorum genera?

R. Quatuor omnino numerantur, nimi-
rum Adversa, Relata, Privantia, & Con-
tradicientia.

Quid sunt Adversa?

R. Sunt ea, quæ in eodem plurimum in-
ter se differunt, ut *virtus, & vitium; bel-
lum, & pax; sapientia, & stultitia* Cicero
Philip 2. *Attende paulisper, cogitationem-
que sobrii hominis punctum temporis susci-
pe.... Nego quidquam esse medium. Consi-
teor, eos, nisi liberatores Populi Rom. con-
servatoresque Reip sint, plus quàm sicarios,
plus quàm homicidas, plus etiam quam par-
vicidas esse: siquidem est atrocius Patricæ pa-*

ventem, quàm suum occidere. Tu, homo sapiens, & considerate quid dicis? Si parricidæ, cur honoris causa à te sunt, & in hoc ordine, & apud populum Rom: semper appellati? cur M. Brutus, te referente, legibus est solutus, si ab urbe plus quàm decem dies abfuisset? cur provinciæ Cassio, & Bruto datae &c. Non igitur homicidæ. Sequitur, ut liberatores tuò iudiciò sint.

Quid sunt Relata?

R. Sunt ea, quæ se invicem ità respectant, ut alterum finè altero esse non possit, ut Pater & Filius; dux & miles; magister & discipulus; dominus & servus; qui dat, & qui accipit. Ità Martialis lib. I. ex hoc Relatorum loco facetè jocatur in Sofibianum quemdam, qui suum Patrem *Dominum* ineptè omnino vocitabat:

E servo scis te genitum, blandèque fateris,

Dum dicis dominum Sofibiane, patrem.

Ex hoc eodè loco Cæsarem ità laudat Cicero, in oratione pro Marcello: *Ex quo profectò intelligi debet, quanta in dato beneficio sit laus, cum in accepto tanta sit gloria.* Huc denique pertinent hæc verba Veneris, arma pro filio suo Ænea poscentis à Vulcano:

Arma rogo genitrix nato.

Quid sunt privantia?

R. Sunt habitus, & ejus privatio: ut vità, & mors; lux, & tenebræ, scientia, & inscitia; pauperies, & divitiæ. Ex privanti-
tibus ingeniosè argumentatur Martialis in
quemdam:

Ebrius es; nec enim faceres id sobrius
umquam.

Hinc etiam ingeniosum illud ejusdem
Pòetæ lib. 5.

Semper eris pauper, si pauper es, Æ-
miliane,

Dantur opes nullis nunc, nisi diviti-
bus.

Quid sunt contradicentia?

R. Sunt ea, quorum alterum negat, al-
terum affirmat idem de eodem: Ut, *Milo*
insidiatus est Clodio, Milo non est insidiatus
Clodio.

§. VII. ADJUNCTA.

Quid sunt Adjuncta?

R. Sunt ea, quæ cum re, de qua agitur,
non necessariò, sed probabiliter conjun-
cta sunt.

Quot sunt adjunctorum genera?

R. Tria vulgo numerantur: 1. Adjuncta
rei, ut *locus, tempus, &c.* 2. Adjuncta a-
nimi, ut *vitia, virtutes;* 3. Adjuncta cor-
po-

poris; ut pulchritudo, deformitas, robur, vestis, habitus: Uno verbo omnia, quæ rem quoquo modo circumstant, sive præcedant, sive comitentur, sive consequantur, appellantur Adjuncta, seu res circumstantes. Unde liquet quam longè, lateque pateat locus ille, & quam uberem dicendi segetem Oratori suppeditet.

Quomodo sumi potest argumentum ab Adjunctis?

R. Cum ex loco, tempore, facultate, aliisque id genus, quæ rem circumstant, persuadendi occasionem idoneam captat Orator. Sic Hannibal Italiam ingressus, militibus suis eloquenter admodum facit animos ex loco, unde fugere non liceat.

ORATIO HANNIBALIS MILITES SUOS AD PUGNAM ADHORTANTIS.

Liv: lib. 21.

Dextra, lævaque duo maria claudunt. Nullam nè ad effugium quidem navem habemus. Circa Padum amnis major, ac violentior Rhodanus: à tergo Alpes urgent, vix integris vobis, ac viventibus transitæ. Hic vobis vincendum, aut moriendum, Milites, est. . . . Nihil usquam nobis relictum est, nisi quod armis vindicaverimus. Illis timidis, & ignavis licet esse, qui receptum habent, quos a-
ger

ger suos, quos sua terra, per tuta, ac pacata itinera fugientes, accipient. Vobis necesse est fortibus viris esse, & omnibus inter victoriam, mortemque certa desperatione abruptis, aut vincere, aut si fortuna dubitabit, in prælio potius, quàm in fuga mortem oppetere. Si hoc bene fixum omnibus, destinatumque in animo est, iterum dicam, vicistis. Nullum incitamentum ad vincendum homini à Diis immortalibus acrius datum est.

Cicero autem ab adjunctis Antonii levitatem, ac turpitudinem exagitat: Sed hæc, quæ robustioris improbitatis sunt, omitteremus; loquamur potius de iniquissimo genere levitatis. Tu istis faucibus, istis lateribus, ista gladiatoria totius corporis firmitate, tantum vini in Hippicæ nuptiis exhauseras, ut tibi necesse est in populi Rom. conspectu vomere postridie. O rem non modò visu fœdam, sed etiam auditu! Si inter cœnam, in tuis immanibus illis poculis, hoc tibi accidisset, quis non turpe diceret? In cœtu verò populi Rom. negotium publicum gerens, Magister equitum, cui ructare turpe esset: is vomens frustis esculentis vinum redolentibus gremium suum, & totum tribunal implevit.

Porrò memoriæ juvandæ causâ præcipua

præ octo Adjectivorum genera hoc vulgari versiculo fuere comprehensa:

Quis, quid, ubi, per quos, quoties, cur, quomodo, quando.

Quis significat personam, & quæ ad illam pertinent, cujusmodi sunt genus, educatio, indoles, ætas, sexus, patria, cognatio, fama, virtus, ingenium, &c.

Quid negotium designat, five rem, de qua agitur: *Ubi* locum demonstrat: *Per quos* indicat adjuutores, & socios, quorum operâ facta res est. *Quoties* docet, quàm sæpè res facta fuerit. *Cur* causam, & finem designat. *Quomodo* modum, ac seriem ostendit rei gestæ. Deniquè *Quando* denotat tempus, quo gesta res est.

§. VIII. ANTECEDENTIA, & CONSEQUENTIA.

Quid sunt Antecedentia?

R. Sunt ea, quibus positus, necesse est alia consequi; ut Ortus est sol; ergo dies est. Tu natus es homo, ergo dubio procul morieris. Ille gravissimi sceleris reus est; ergo gravissimè plectetur à justo iudice.

Quid sunt consequentia?

R. Sunt ea, quæ rem necessario consequuntur. Sic autem argumentum duces
à con-

à consequentibus: *Est copia fructuum; ergo, & florum fuit. Cicatricem gerit; ergo plagam accepit.* Cicatrix enim & fructus plagam & flores consequuntur. Quia verò locus ab Antecedentibus, & Consequentibus non maximoperè differt ab Adiunctis, ideo diutiùs in illo immorari non est operæ pretium.

§. IX. CAUSÆ.

Quid est Causa?

R. Est id, unde aliquid est, vel id, vi cuius aliquid fit; ut vulnus est causa mortis, cruditas est causa morbi, &c.

Quotuplex est Causa?

R. Quadruplex numeratur à Philosophis, efficiens, materialis, formalis, & finalis.

Quid est Causa materialis?

R. Ea est, ex qua aliquid fit, aut componitur; ut marmor est materia, seu causa materialis statuæ, lapides sunt materia domûs, corpus est hominis quasi materia.

Quid est Causa formalis?

R. Est ratio rei ac nota, per quam res est *id*, quod est, & à rebus aliis distinguitur; unde anima est forma hominis, quia per animam fit rationalis, & à cæteris animalibus distinguitur,

Quid

Quid est Causa finalis?

R. Est id. ejus gratiâ aliquid fit; ut finis belli est victoria, & pax; cum propter victoriam, & pacem bellum suscipiatur. Beata in Cœlo vita est causa finalis hominis, quandoquidem homo agit omnia, vel agere debet certè quidem, ut beatam in Cœlo vitam tandem aliquando consequatur.

Quomodo argumentari debemus à Causa efficienti?

R. Sic argumentaberis cum Tullio; *In-temperantia effectum corporis tradit senectuti; ergo diligenter vitanda est.* Ab hoc loco senectutem contra vituperatores ita defendit idem Tullius: *Caret epulis; ajunt, extructisque mensis, & frequentibus poculis: caret ergo vinolentiâ, crudelitate, & insomniis.* Ita Ovidius Ægypthi adulterium culpât à causa efficiente, nempe ab otio:

Quæritur Ægypthus quare fit factus adulter?

In promptu causa est, desidiosus erat.

Sic etiam & felicem inter mortales vitam eleganter commendat Martialis libr. 10. à causis præcipuis, quæ illam efficiunt.

Vitam quæ faciunt beatiozem,

Jucundissime Martialis, hæc sunt:
 Res non parta labore, sed relicta;
 Non ingratus ager; focus perennis;
 Lis numquam; toga rara; mens qui-
 eta;

Vires ingenuæ: salubre corpus;
 Prudens simplicitas; pares amici;
 Convictus facilis; sine arte mensa;
 Nox non ebria, sed soluta curis,
 Non tristis thorus; attamen pudico:
 Somnus qui faciat breves tenebras:
 Quod sis, esse velis, nihilque malis;
 Summum nec metuas diem, nec op-
 tes.

Quomodo argumentamur à materia?

R. Ità ferme dices: corpus hominis est
 mortale; ergo æquum est, ut illi domine-
 tur animus immortalis. Ità Ovidius Solis
 regiam commendat à materia, *Metamorph*
lib. 2.

Regia solis erat sublimibus alta colu-
 mnis,

Clara micante aurô, flammisque imi-
 tante Pyropo:

Cujus ebur nitidum fastigia summa te-
 gebat:

Argenti bifores radiabant lumine val-
 væ.

Materiam superabat opus.

Quo-

Quomodo sumitur argumentum à causa formali?

R. Sic dices: animus hominis est immortalis; ergo mors non est timenda. Excel- lens est animi natura; ergo voluptatibus fervire non debet. Ità Cicero: *Si considerare volumus, quæ sit in hominis natura excellentia, & dignitas, intelligemus, quàm sit turpe diffluere luxuriâ, & delicatè, ac molliter vivere; quamque honestum parcè, continenter, severè, sobriè.*

Quomodo denique argumentandum est à causa finali?

R. Ità probabis cum Tullio, insidias Miloni struxisse Clodium, quod nempe multas ex illius interitu sibi polliceretur utilitates: *Quonam igitur pacto probari potest, insidias Miloni fecisse Clodium? Satis est quidem in illa tam audaci, tam nefaria bellua, docere magnam ei causam, magnam spem in Milonis morte propositam, magnas utilitates fuisse. Itaque illud Cassianum: Cui bono fuerit, in his personis valeat: & si boni nullo emolumento impelluntur in fraudem, improbi sæpe parvò, Atqui Milone interfecto Clodius hoc assequabatur, non modò ut Prætor esset, non eo Consule, quo sceleris nihil facere posset; sed etiam ut his Consulibus prætor esset, quibus, si non adjuvantibus,*

at conniventibus certè, speràisset se posse rempublicam eludere in illis suis cogitatis furoribus, &c.

Denique ex quatuor illis causis simul junctis commendare poteris celeberrimum Templum Jerosolymitanum: Causa efficiens erit Salomon, Sapientissimus idem, atque ditissimus, & alii peritissimi artifices, qui in illo elaborârunt. Causa materialis erunt Pretiosi lapides, ligna cedrina, aureæ laminæ, &c. Causa formalis erit ipsa structura, & pulchritudo Templi. Finalis erit summi Dei cultus, in cujus honorem fuit extructum.

§. X. EFFECTA.

Quid sunt Effecta.

R. Effecta, seu effectus sunt ea, quæ oriuntur ex causis. Hunc locum mirificè tractat Tullius librò de Senectute, ubi funestos voluptatis effectus ità describit:

VOLUPTATIS INCOMMODA AB EFFECTIS.

Accipite optimi adolescentes veterem orationem Architæ Tarentini, magni in primis, & præclari viri, quæ mihi tradita est, cum essem adolescens Tarenti cum Quinto Maximo.

mo. Nullam capitaliorem pestem, quàm voluptatem corporis hominibus dicebat à natura datam: cujus voluptatis avidæ libidines temerè, & effræmate ad potiundum incitarentur.

Hinc patriciæ pròditiones, hinc rerum publicarum everfiones, hinc cum hostibus clandestina colloquia nasci dicebat, nullum denique scelus, nullum magnum facinus esse, ad quam suscipiendam non libido voluptatis impelleret. Stupra verò, & adulteria, & omne latè flagitium, nullis aliis illecebris excitari, nisi voluptate. Cumque homini sive natura, sive quis Deus, nihil mente præstabilius dedisset; huic divino muneri, ac dono nihil tam esse inimicum, quàm voluptatem. Nec enim libidine dominante, temperantiæ locum esse omnino, nec in voluptatis regno virtutem posse consistere Quocirca nihil esse tam detestabile, tamque pestiferum, quàm voluptatem.

§. XI. COMPARATIO.

Quid est Comparatio?

R. Est oratio, qua duo, vel plura in tertio aliquo conferuntur, quod illis commune est; ut Catoni licuit sequi bellum civile; igitur, & Ciceroni licebit. Commune est enim ambobus sequi bellum civile.

Quot

Quot sunt Comparationum genera?

R. Tria. Primum est à majori ad minus. Secundum est à minori ad majus. Tertium est à pari.

Quomodo argumentamur à Comparatione majoris ad minus?

R. Cùm contendimus, ut id, quod valet in majori, valeat etiam in minori; ut cùm ait Cicero in Antonium: *Quid faceres domi tuæ, cùm aliene tam sis insolens?* Sic etiam Terentius: *Quem ferret, si parentem non fert suum?*

Ex hoc eodem loco probat Ovidius leniri posse

Augustum, quòd vel ipsi Dii leniantur.

Cur ergo posse negem leniri Cæsaris iras,

Cùm videam mites hostibus esse Deos?

Quomodo fit argumentum à Comparatione minoris ad majus?

R. Quando contendimus, ut quod valet in minori, valeat etiam in majori; ut Cicero pro lege Manilia: *Majores nostri sæpè, mercatoribus, ac navigatoribus injuriosius tractatis, bella gesserunt: vos tot Civium Romanorum millibus uno nuntio, atque uno tempore necatis, quo tandem animo esse debetis?* Huc pertinet etiam Horatianum illud epist. 2.

Ut

Ut jugulent homines, surgunt de nocte
latrones:

Ut te ipsum serves; non expergisce-
ris?

*Quomodo fit argumentum à Comparatio-
ne parium?*

R. Fit, cùm contendimus, id, quod va-
let in una re, valere etiam debere in alia
pari: ut lex est, qui occiderit patrem, in-
sultus in culeum dejiciatur in profluentem:
ergo, & qui matrem occiderit, eodem sup-
plicio dignus est. Ità Cicero licere sibi Syl-
lam defendere, qui fuerat ante ab Horten-
sio defensus, probat orat pro L. Syll: *Si
conjuratio patefacta per me est, tam patet
Hortensio, quam mihi. Quem quum videas
honore hoc, auctoritate, virtute, consilio
præditum, non dubitasse, quin innocentem
Syllam defenderet: quæro, cur, qui adi-
tus ad causam Hortensio patuerit, mihi in-
terclusus esse debuerit? Quæro illud etiam,
si me, qui defendo, reprehendendum putas es-
se, quid tandem existimes de his summis vi-
ris, & clarissimis civibus, quorum studio, &
dignitate celebrari hoc judicium, & orna-
ri, causamque defendi hujus innocentis vi-
des.*

CAPUT II.

DE LOCIS EXTRINSECIS, SEU REMOTIS.

Quinam sunt loci extrinseci?

R. Loci extrinseci, qui etiam vocantur *remoti*, & *assumpti*; sunt ii, qui nullo modo pendent ab arte, ingenioque Oratoris, ut excogitentur, quique extra rem ipsam positi sunt, quapropter ab Aristotele rectè vocantur *Argumenta inartificialia*, seu *arte carentia*, non quòd artis omnis sint expertia; cùm potius illorum tractatio summum requirat artificium, sed quòd non eruuntur ex rebus ipsis, & ex causæ visceribus; quippe quæ foris eruuntur, & auctoritate sola nituntur, itaque sunt inartificialia, quod attinet ad Inventionem; non verò quod spectat ad usum, atque tractationem.

Quot sunt Loci extrinseci?

R. Sex assignantur à Quintiliano: Leges, seu Præjudicia, Fama, Tabulæ, Jusjurandum, Tormenta, Testes.

Quomodo argumentandum est à legibus, ac Præjudiciis?

R. I. Dices, præjudicia, ac leges esse vincula reipublicæ, regnorum fundamen-

ta

ta, justitiæ nervos, omnis æquitatis fontem, libertatis asylum, sapientiorum virorum oracula. 2. Commendabis eos, à quibus latæ sunt leges. 3. Recensebis damna, quæ consequentur, si leges impunè violentur; juvabit interdum afferre ipsa legis verba, conceptamque, ac solemnem formulam; v. gr. *Si quis hominem, dolò malo, morti duit, (pro det) parricida esto.*

Si lex tibi adverfetur, illam ità refutabis, & infringes: Dices 1. Vel antiquatam fuisse legem, & ampliùs non valere. Ità Cicero pro Rabirio; *Tunc mihi etiam legis Porciæ mentionem facies?* 2. Vel legem legi oppones. 3. Vel dices standum esse non legis litteræ, quæ nimirum occidit, sed ipsius legislatoris menti. 4. Dices majoris cujuspiam utilitatis gratiâ, licere interdum à legib9 discedere. Sic olim cum Virgilius moriens, testamentò jussisset suum pœma comburi, supremæ huic illius voluntati (quamquàm id leges jubent) noluit tamen obtemperari Imperator Augustus, ut ipsemet testatur hisce versiculis:

Frangatur potiùs legum veneranda potestas,

Quàm tot congestos noctésque, diésque labores

Hau-

Hauferit una dies.

Quid est Fama, seu Rumor?

R. Fama, ut hic accipitur est sermo vulgi, sine ullo auctore, ac capite disperso; seu, ut ait Quintilianus, est *Sermo multitudinis, qui habet auctoritatem, nisi irrepserit malitia, vel nimia quædam, ut fit, credulitas.*

Quomodo tractandus est locus à Fama?

R. Si tibi, causæque tuæ faueat fama, dices magnam esse vim, atque auctoritatem Famæ, cui optimus quisque tam impensè studet. Dices populi vocem esse quoddam quasi oraculum, quod vix unquam fallere possit. Usurpabis in primis aureum illud Plinii dictum ad Trajanum: *Singuli decipere, ac decipi possunt: nemo omnes, neminem omnes fefellerunt.*

Contra verò, si tibi, causæque tuæ rumor aduersetur, erit amplificanda verbis Famæ levitas, atque inconstantia, quæ sæpè viris integerrimis maculas amet aspergere. Dices, ex opinione magis, quam ex veritate res æstimari solere. Usurpabis auream Senecæ, opinor, sententiam: *Pessimi argumentum turba est.* Dices cum Juvenali Sat: I.

Dat veniam corvis, vexat censura columbas.

Ad-

Addere denique poteris de fama cum Virgilio Æneid. 4. & cum Tertuliano etiam, in Apologetico, quòd nimirum sit:

Tam ficti, pravique tenax, quàm nuntia veri.

Ità Tullius pro Plancio iudices obsecrat, nè disseminatis rumorusculis fidem habent: *Illud unum vos magnopere oro, atque obsecro, cum hujus, quem defendo, cum communis periculi causa, ne fictis auditionibus, ne disseminato, dispersoque sermoni fortunas innocentium subjiciendas putetis. . . . Nihil est tam voluere, quàm maledictum; nihil faciliùs emittitur; nihil citiùs excipitur; nihil latius dissipatur.*

Quid sunt Tabulæ?

R. Nomine Tabularum intelliguntur omnia testimonia scriptò exarata, quibus pacta conventa, contractus, codicilli, stipulationes, testamenta, & alia id genus continentur.

Quid est Jusjurandum?

R. Est affirmatio, vel negatio rei alicujus, ritu religioso facta, & Deo Optimo Maximo in testem appellato. Sic olim Scipio apud Livium, lib. 23. *Si sciens fallo, tu, me Jupiter Opt. Max. domum, famili-*
am,

am, remque meam pessimò locò afficias. Quòd si sorte juramenti fidem velis infirmare, dices cum eloquentissimo illo Massiliæ Sacerdote Salviano; *Plures invenias, qui scèpius pejerent, quam qui omnino non jurent*, Et rursus idem Salvianus librò 4. *Si pejeret Francus, quid novi facit? Qui perjurium ipsum sermonis genus putat esse, non criminis.*

Quid sunt Tormenta, sive quæstio?

R. Sunt cruciatus, vi quorum veritas extorquetur a Reis. Valet autèm plurimùm locus ille ad faciendam fidem, si post quæstionem reus in facti confessione perseveret. Facit itèm maximopere ad probandam ejus, qui accusatur, innocentiam, si tormentis adduci non potuit, ut crimen fateretur.

Quomodo infirmari poterit locus ille?

R. Dices periculosam esse, fallacemque confessionem, quæ tormentorum vi exprimitur; quandoquidem compertum est, benè multos innocentes vi tormentorum ac metu doloris, ad falsa dicenda persæpe fuisse adactos; poterisque hoc loco usurpare sapientissimam illam viri clarissimi Hugonis Grotii sententiam: **MENTIETUR**, qui ferre poterit; **MENTIETUR**, qui ferre non poterit. Ità etiam Cicero pro Sylla:

Quæ-

Quæstiones, inquit, servorum, ac tormenta nobis accusator minitatur, in quibus quamquam nihil periculi suspicamur, tamen illa tormenta gubernat dolor, moderatur natura cujusque cum animi tum corporis, regit quæsitior, flectit libido, corrumpit spes, infirmat metus, ut in tantis rerum angustiis nihil veritati loci relinquatur.

Quid sunt Testes?

R. Sunt, qui de re, quæ vocatur in controversiam; voce, vel scripto testimonium ferunt. Accedit huic testificationi majus pondus, atque auctoritas: 1. Si testes sint oculati: 2. Si sint jurati: 3. Si sint viri probi, atque integerrimi; 4. Si sint viri illustres, ac primarii: 5. Si nulla nec spe, nec cupiditate impulsæ testimonium dicant.

Porrò Testimonium potest esse vel humanum, vel divinum. Humanum est illud, de quo supradictum est. Ad divinum referebantur olim Oracula, seu voces Dei ipsius; Auspicia, seu Auguria, quæ erant testimonia ex avium volatu, cantu, pastuque duci solita; Vaticinationes, quæ erant responsa Vatum; responsa denique Sacerdotum, & Haruspicum, qui vel interpretabantur somnia, vel ex extorum inspectione, futura conjiciebant; unde

vocabantur *Conjectores*. Ad divinum, humanumque Testimonium spectat vulgaris illa, sed egregia Lucani sententia de Cæsare, ac Pompejo.

... Quis justius induit arma,
Scire nefas. Magno se iudice quisque
tuetur.

Victrix causa Diis placuit; sed victa Ca-
toni.

Quomodo infirmatur locus a Testibus?

R. Infirmitur locus ille, si dicas, Testes esse homines vel infames, vel leves, ac futiles, vel servos, domesticos, amicos, aut quomodocumque suspectos. 2. Si ostendas illos non secum ipsis cohære-
re, sed pugnantia loqui. 3. Si graviores Testes illis opponas. 4. Si conjecturis, & argumentis, illorum testimonii futilitatem demonstres. 5. Denique si dicas, Testes illos esse homines infimæ fortis, atque egentissimos, qui facile subornari poterint.

C A P U T III.

DE SECUNDA INVENTIONIS PARTE, SEU
DE MOTIBUS EXCITANDIS.

Oratoris munus, ac partes sunt, primum
ut

ut persuadeat, doceatque audientium animos: deinde ut eosdem moveat, inflammet, ac flectat. Diximus in prima hujusce libri parte de argumentis ad docendum, & ad fidem faciendam idoneis. Postulat nunc instituti nostri ratio, ut motum, si vè affectuum concitandorum fontes aperiamus; dicamusque qua ratione faces, ac stimuli sint auditorum animis subjiciendi, quod est in Oratore præcipuum. Siquidem homines affectu magis, quàm ratione ducuntur, & quod approbant bonum, non semper amplectuntur, exemplò Medæ illius Ovidianæ:

. . . Video meliora, proboque:

Deteriora sequor . . .

Sed antequam affectus omnes sigillatim persequamur, pauca quædam, ut sit, de illorum natura, numeroque præmittamus.

Quid est Affectus?

R. *Est animi sentientis, ex opinione boni, vel mali nata, commotio. Vel ut clarius dicam, est quidam animi impetus, quo impellimur vehementius ad aliquid vel appetendum, vel averſandum.*

Quot sunt Affectus?

Sunt qui cum Stoicis, quatuor tantum statuunt affecto: duos circa bonum, nempe *spem* & *gaudium*; & duos circa malum, *sci-*

scilicet *tristitiam, & metum*. Quatuor hosce motus eleganter expressit Virgilius *Æneid*, 6. cùm ait: *Hinc metuunt, cupiuntque dolent, gaudentque*. Eosdem Bòethius hisce quatuor versiculis est complexus:

Gaudia pelle,
 Pelle timorem:
 Spemque fugato:
 Nec dolor adsit.

Philosophi verò longè plures statuunt affectus, de quibus ità dicemus, ut primò illorum definitionem afferamus, dein de, quomodo sint excitandi, quàm accuratissime præcipiamus.

§. I. DE AMORE, & ODIO.

Quid est Amor?

R. Est affectus, quo alicui benè volumus, eique benefacimus, non nostrâ, sed illius causâ. Ubi vides tres omnino esse germani amoris conditiones, ac dotes. 1. Est, ut ei, quem amamus, optemus bona, vel saltèm quæ bona esse arbitramur. 2. Conditio est, ut quæ bona judicamus, non optemus illi duntaxat, sed etiam pro virili parte procuremus. Ut enim ait Julius Scaliger:

Tu si ex animo fortè velis cui benefactum,

○ Ad-

Addas operam: sola cadaver est voluntas.

3. Conditio est, ut ita simus animati ñ propter propriam utilitatem, sed illius causâ, quem diligimus. Nam, ùt ait Cicero, *si ad fructum nostrum referemus, non ad illius commoda, quem diligimus; non erit ista amicitia, sed mercatura quædam utilitatum suarum.*

Quid differt Amor ab Amicitia?

R. Differt, quòd sit verus amor, et si qui amat non redametur; in amicitia verò requiritur amor mutuus. Unde Aristoteles rogatus quid esset amicus, pulchrè respondit: *Anima una in duobus habitans corporibus:*

Quo pacto conciliandus est Amor?

R. Amoris conciliandi causæ, ac viæ præcipuæ sunt. 1. Excellens quædam, & rara virtus. Ità Ilioneus Trojanorum Orator præclaram Æneæ virtutem collaudando, Didonem illi conciliare conatur, Æneid. 1.

Rex erat Æneas nobis, quo justior alter

Nec pietate fuit, nec bellò major, & armis,

2. Utilitas, & collata beneficia. Ità Cicero Miloni benevolos mirificè facit iudices ab ejus in patriam beneficentia: *Hic-*

L

ci-

cine vir patriæ natus, usquam nisi in patria morietur? &c. Sic etiam ventorum rex Æolus, commemoratis Junonis erga se beneficiis, suum erga illam gratum, ac memorem animum testatur;

Tu mihi quodcumque hoc regni, tu sce-
ptra Jovemque

Concilias, tu das epulis accumbere Di-
vum,

Nimborumque facis, tempestatumque
potentem.

2. Nulla re magis comparatur amor, quam amore mutuo, ut monet pervulgata illa Senecæ vox: *Si vis amari, ama.* 4. Denique conciliatur amor, oris, ac corporis dignitate, si sit cum virtute conjuncta; unde rex Evander apud Virg. lib. 8.

...Sed cunctis altior ibat.

Anchises. Mihi mens juvenili ardebat a-
more

Compellare virum, & dextræ conjun-
gere dextram.

Quid est Odium?

R. Est affectus animi aversantis id, quod malum esse putatur.

Quanam arte concitandum erit Odium?

R. Ex iis, quæ de amore diximus, facile cuivis patebunt Odii fontes, quod erit à contrariis capitibus excitandum, nimirum ab insignibus vitiis, ab improbitate,

su-

superbiaque, ab illatis injuriis. Cujus rei mirificum habes exemplum apud Cornelium Tacitum in Agricolæ vita, ubi magnanimus ille Galgaco suorum Britannorum animos adversus Romanos hac eximia oratione irritare conatur.

*Galgaci oratio contra Romanos
apud Tacitum.*

Raptores orbis, postquam cuncta vastantibus defuere terræ, & mare scrutantur. Si locuples hostis est, avari: si pauper, ambitiosi, quos non Oriens, non Occidens satiauerit. Soli omnium opus, atque inopiam pari affectu concupiscunt. Auferre, trucidare, rapere falsis nominibus, Imperium: atque ubi solitudinem faciunt, Pacem appellant. Liberos cuique, ac propinquos suos natura charissimos esse voluit; Hi per delectum alibi servituri auferuntur. Conjuges, sororesque, etsi hostilem libidinem effugiant, nomine amicorum, atque hospitem pelluntur. Bona, fortunasque in tributum egerunt, in annonam frumentum: Corpora ipsa, ac manus silvis, ac paludibus emuniendis, verbera inter, ac contumelias conterunt. Nata servituti mancipia semel veneunt, atque ultrò à dominis abuntur. Britannia servitutem suam quotidie emit, quotidie pascit, &c.

§. II. DE METU, SPE, & AUDACIA.

Quid est Metus, sive Timor?

R. Est perturbatio nata ex opinione mali impendentis.

Quænam sunt artes, & industriæ concitandi metus?

R. Tres sunt potissimum. Prima est, si denunciatur malum aliquod magnum, ac grave, ut bellum, pestilentia, pauperies, infamia, infelix æternitas. 2. Si ostendatur mali vicinitas, imminensque periculum: neque enim solent homines metere vel ipsam mortem, si longè remotam arbitrentur; at illius horrore concutuntur, ubi urget morbus; pestilentia; vel naufragium:

Præsentemque viris intentant omnia mortem:

Hac arte mirabiliter, suo more, utitur Tullius in 2. Catilin: ubi funesta Catilinæ consilia, & impendentes urbi calamitates ita describit: *Videor mihi hanc urbem videre, lucem orbis terrarum, atque arcem omnium gentium, subito uno incendio concidentem. Cerno animò sepultam patriam, miseros, atque insepultos acervos civium. Versatur mihi ante oculos aspectus Cethegi in vestra cæde bacchantis. Quapropter de summa*

ma salute vestra, Populique R. de vestris
conjugibus ac liberis, de fanis, ac templis,
de libertate, ac salute Italice, deque univer-
sa republica decernite diligenter, ut institui-
stis, ac fortiter.

Eadem arte Æneas Anchisem patrem
humeris gestans, apud Virgilium lib. 2.
timorem suum sic exponit ab imminentis
calamitatis magnitudine:

Succedoque oneri; dextræ se parvo Ju-
lus.

Implicuit, sequiturque patrem non pas-
sibus æquis;

Ponè subit conjux. Ferimur per opaca
locorum,

Et me, quem dudum non ulla injecta
mòvebant

Tela, neq; adverso glomerati ex agmine
Graji.

Nunc omnes terrent auræ, sonus exci-
tat omnis

Suspensum; & pariter comitique, one-
rique timentem.

3. Concitandi metus industria, & ars
hæc est, si proponatur malum, non publi-
cum duntaxat, & commune, sed privatam,
& propriam. Solent enim nos privata
multò magis tangere, & acriori doloris
sensu ferire quàm publica; etsi homines

vul-

vulgò videri malint publico potius dolore moveri, quàm suo.

Hoc probè intellexerat olim nobilis ille Græcus histrio, nomine Polus, qui Athenis acturus fabulam Sophoclis, cum repræsentandus esset dolor Electræ gestantis cineres Orestis, clanculùm eruit è sepulchro cineres, ossaque filii, quem amaverat unicè, urnàmque detulit in scenam, & cum lugere videretur aliena mala, deflebat sua. Ita A. Gellius lib. 7.

Quid est Spes?

R. Est gaudium ex opinione imminentis boni.

Quænam sunt incitamenta, animum ad Spem erigentia?

R. Hæc duo numerantur: 1. Honestas, & magnitudo boni: 2. Præsidia certa ad illud comparandum, qualia sunt opes, vires, industria, prudentia, amici adversariorum imbecillitas, & favôr diving. Hinc Tullius Romanos ad certam victoriæ spem excitat sane luculenter, 2. Catilin. *Instruite nunc, Quirites, contra has tam præclaras Catilinæ copias, vestra præsidia, vestrosque exercitus; Et primùm gladiatori illi confecto, Et saucio, Consules, Imperatoresque vestros opponite, deinde contra illam naufragorum electam, ac debilitatam ma-*

num

*num, florem totius Italiae, Et robur edu-
cite.* Hinc etiam Aeneas suorum animos
mirum in modum erigit, & bene sperare
jubet, *Aeneid. i.*

O passi graviora, dabit Deus his quoque
finem,

Vos, & Scyllæam rabiem, penitusque
sonantes

Accêstis scopulos, vos & Cyclopea sa-
xa

Experti; revocate animos, mcestumq;
timorem

Mittite; forsan, & hæc olim meminif-
se juvabit.

Per varios casus, per tot discrimina re-
rum

Tendimus in Latium; sedes ubi fata qui-
etas

Ostendunt; illic fas regna resurgere Tro-
jæ.

Durate, & vosmet rebus servate secun-
dis.

Ad spem pertinet audacia, seu confiden-
tia, quæ est affectus quidam animi ad-
versus futurum malum, quamvis arduum,
ac difficile, quod tamen vinci possit, con-
furgentis.

Quomodo concitatur audacia?

R. Jisdem ferme artibus, quibus Spes.
Ita magnanimus Hannibal, trajectó Rho-
da-

danò, Italiam recta petens, suos milites hortatur, apud Livium Decade 3. ut obstructarum nivib9 Alpium difficultates superent, Romanorumq; vires contemnant: *Quid aliud Alpes esse creditis quàm montium altitudines? Fingite altiores Pirencæis: An terras aliquas coelum contingere, & inexpugnabiles humano generi esse creditis? & alio loco: Cum eo nimirum hoste res est nobis, qui nec bonam, nec malam ferre fortunam potest; seu vicit, ferociter instat victis; seu victus est, instaurat cum victis certamen.*

Hac eadem ratione audax Turnus suorum Latinorum animos ad pugnam accendit. *Æneid 10.*

In manibus Mars ipse, viri; nunc conjugis esto

Quisque suæ, tectique memor: nunc magna referto

Facta patrum, laudesque: ultrò occurramus, ad undam,

Dum trepidi egressisque labant vestigia prima.

AUDENTES fortuna juvat.

Multum etiam addit fiduciæ persuasio de favore divino. Hinc illa Tolumnii Auguris audacia, *Æneid. 12.*

Tum verò augurium Rutuli clamore salutant,

Expediuntque manus; primusque To-
lumnus augur,
Hoc erat, hoc votis, inquit, quod sæ-
pè petivi.
Accipio, agnoscoq; Deos: me, me du-
ce ferrum
Corripite, ô Rutuli

§. III. DE MISERICORDIA.

Quid est Misericordia?

R. Est dolor animi, & ægritudo quæ-
dam ex malo alterius, præsertim immeritò
laborantis. In hoc excitando commiserationis affectu triumphare solet magni Oratoris industria. Siquidem, ut vulgò dicitur, *Lacrymæ auditorum sunt laus Oratoris, vel maxima.*

Quænam sunt artes ad misericordiam concitandam idoneæ?

R. Variæ, ac multiplices sunt artes. Prima est, si qui malum patitur, eo plane indignus esse dicatur. Unde ad ciendam misericordiam valet hoc Virgillii.

Nec te tua plurima, Panthu,

Labentem pietas, nec Apollinis insula
textit.

2. Est, si de patria, vel de nobis privatim bene meritus fuisse ostendatur. Hoc artificio mirè usus est senior Horatius a-

apud Livium, ut filium, ob interfectam sororem, parricidii reum, ab imminenti morte liberaret.

Oratio P. Horatii ad populum pro
Filio parricidii reo.
Livius lib. I.

Huncine, quem modò decoratum, ovantemque victoria, incedentem vidistis, Quirites, eum sub furca vinctum, inter verbera, Et cruciatus videre potestis? Quod vix Albanorum oculi tam deforme spectaculum ferre possent. I, lictor, colliga manus, quæ paulò ante armatæ Imperium populo Romano pepererunt. I. caput obnube liberatoris hujus urbis: Arbore infelici suspende: Verbera, vel intra Pomærium, modò inter illa pila, Et spolia hostium: vel extra Pomærium, modò inter sepulchra Curiatorum. Quò enim ducere hunc juvenem potestis, ubi non sua decora eum à tanta fœditate supplicii vindicent?

3. Ars est, si calamitatis magnitudo, vel diuturnitas, ceteræq; hujusmodi circumstantiæ luculenter exponantur.

4. Ars hæc est, si tristitia quædam recentis miseræ signa, monumentaque ob oculos auditorum ponantur, ut cruentæ verberes, vel ipsum mortui cadaver, aut ima-

Qui jam, pro lacrymis, sanguine tincto
erit.

§. IV. DE JRA, & INDIGNATIONE.

Quid est Ira?

R. Dicere possem cum Horatio: *Ira brevis furor est.* Sed malo cum Aristotele sic illam definire: *Ira est sui, propter contemptum, ulciscendi cupiditas, cum dolore conjuncta.* Unde non maximopere differt ab odio, quod est *Ira quædam inveterata.*

Quomodo excitatur, & incenditur Ira?

R. Accenditur commemoratione illatæ injuriæ, si præsertim injuria sit cum contemptu conjuncta. Hinc nimirum apud Virgilium *Æneidos* I. tantopere effervescebat Junonis ira contra Trojanos, ob spretam à Paride Trojano formam suam, & Hebem filiam Ganymedi Trojano postpositam:

—Manet alta mente repostum
Judicium Paridis, spretæque injuria formæ,
Et genus invisum, & rapti Ganymedis honores.

Et rursus in eodem libro suam iram sic excuscat eadem Juno:

[Ast ego, quæ Divûm incedo Regina,
 Jovisque
 Et foror, & conjux, una cum gente tot
 annos
 Bella gero. Et quisquam numen Juno-
 nis adoret
 Præterea? aut supplex aris imponat ho-
 norem?

Quo quis verò est gloriæ appetentior,
 vel dignitate illustrior, hoc ob sui con-
 temptum vehementius solet irasci. Cujus
 rei memorabile in primis est exemplum
 Narsetis Eunuchi, rei militaris gloriâ præ-
 stantissimi. Is enim post res fortiter ge-
 stas adversus Totilam Gothorum regem,
 cum, invidiâ quorundam, à Justino Im-
 peratore Italiæ præfecturâ fuisset exutus,
 atque etiam ab Imperatrice Sophia, impo-
 tentis animi fœmina, virulentô hujusmo-
 di fuisset impetitus convitiô: *Narsetem eu-
 nachum ad pensa, lanasque cum fœminis es-
 se relegandum; illud adeo acerbe tulit, ut
 se telam brevi orsurum dixerit, quam Im-
 perator, & Conjux, dum viverent, nulla vi,
 industriaque retexere possent.* Ac paulo
 post, evocatis in Italiam Longobardis,
 Imperatori magnam Italiæ partem ade-
 mit.

Quid est Indignatio?

R. Est dolor perceptus ob secundas res,

bonaque alterius; qui hac felicitate judicatur indignus; ut apud Maronem Eclog. I.

Impius hæc tam cuncta novalia miles habebit?

Barbarus has segetes?

Ejusmodi etiam illud Eclogæ 8.

Mopso Nisa datur: quid non speremus amantes?

Jungentur jam gryphes equis, ævoque sequenti

Cum canibus timidæ venient ad pocula damæ.

Quomodo ab invidia differt indignatio?

R. Hoc differt, quod indignatio fit tantum in indignos, eo quod fruuntur bono, ut vel ex ipso nomine liquet. Unde indignatio præsertim fuscipitur ab his, qui sunt viri probi, & honoris cupidi; quia boni ferunt indigne malos florere: & honoris studiosi indignantur, immerentes anteferri sibi. Invidia vero est erga bonos, & sua felicitate dignos.

Quomodo concitatur indignatio?

R. Excitatur duplici modo. 1. Si vitæ prioris sordes, & vilitas cum præsentis temporis opibus, potentiâ, & arrogantia præsertim conferantur. 2. Si hominis, in quem indignamur, vitia cum viri, cui antefertur, virtutibus comparentur. Ex primo

mo capite Tullius indignationem ita movet in Vatinius: *Atque illud tenebrosissimum tempus ineuntis ætatis tuæ patior latere....* Deinde commemorat, ut homo vilis, & obscurus paulatim ad honores accesserit; tandemque illa subjungit: *Te cognati respuunt, tribules execrantur, vicini metuant, affines erubescunt, strumæ denique ab ore improbo demigrarunt, & aliis jam se locis collocarunt.* Quasi nempe adeo sit impurus, ut vel ipsæ strumæ fœdum hominem averterentur.

Similiter Horatius indignationem concitat adversus Menam Pompeji magni libertum in hac Oda cedro linenda:

Licet superbus ambules pecuniâ,
Fortuna non mutat genus.

Videsne, sacram metiente te viam
Cum bis ter ulnarum toga,

Ut ora vertat huc, & huc euntium
Liberrima indignatio?

Sectus flagellis hic triumvir libus,
Præconis ad fastidium,

Arat falerni mille fundi jugera,
Et Appiam mannis terit:

Sedilibusque magnus in primis eques,
Othone contempto, sedet.

Ex secundo capite vehementer indignatur Ajax apud Ovidium, quod Ulysses secum aufit de Achillis armis contendere.

...Agi-

....Agimus, proh Jupiter, inquit,
Ante rates causam, & mecum confertur
Ulyffes!

Præmia magna peti fateor: sed demit
honorem,

Æmulus Ajaci. Non est tenuisse super-
bum,

(Sit licet hoc ingens) quidquid speravit
Ulyffes.

§. V. DE MANSUETUDINE.

Quid est Mansuetudo?

R. Mansuetudo, seu lenitas, ac clemen-
tia: est motus oppositus iræ; neque aliter
definitur, quàm iræ remissio, atque miti-
gatio.

Quænam est ars conciliandæ clementiæ?

R. Mitigabitur ira, & conciliabitur man-
suetudo, primò ingenua quadam culpæ
confessione, ac dolore. Ità Cicero Cæsa-
rem, iratissimum licèt, tamen Ligario pla-
cavit: *Ad judicem sic agi solet; sed ego ad
patrem loquor: erravi, temere feci, poeni-
tet; ad clementiam tuam confugio; delicti
veniam peto, ut ignoscas oro: si nemo im-
petravit, arrogantem; si plurimi, tu idem
fer opem, qui spem dedisti.*

2. Facit ad placandam iram humilitas,
& supplicis animi demissio, præsertim a-
pud

pud hostem magnanimum. Ut enim pulchre ait Ovidius lib. 3. Tristium:

Corpora magnanimo satis est prostrâsse
Leoni;

Pugna suum finem, dum jacet hostis,
habet

Addere poteris cum Virgilio tritum illud libri 6.

. . . Romane, memento

Parcere subjectis, & debellare superbos.

3. Ad deliniendam iram maximè sunt adhibendi, qui minùs habent roboris, & quos de vi inferenda cogitare nulla est suspicio, ejusmodi sunt pueri, fœminæ, senes, sacrorum antistites. Ità legimus in sacris paginis, Davidis iram ab Abigail, iram Artaxerxis ab Esthere fuisse repenti mitigatam. Romana quoque historia testatur, Sabinarum interventu, Romulum inter, & Tatium fœdus ictum fuisse. Item Volumnia, & Vetusta Martium Coriolanum, patriæ funestum bellum inferentem, à noxio proposito dimoverunt.

4. Facit plurimum ad iram molliendam, si scias, & captes molles aditus, & commoda fandi tempora, quale est tempus convivii, ludi, fausti alicujus successus, victoriæ, festivitatis, ac lætitiæ publicæ;

quo

quo tempore solent homines ad mansuetudinem esse propensiores.

5. Si prudenter ostendas, quantum præstet mansuetudo cupiditati, vindictæ; ut rectè monet Juvénalis hisce versibus aureis Satyræ 13.

. . . Quippe minuti

Semper & infirmi est animi, exiguique voluptas,

Ultio; continuò sic collige quòd vindictâ

NEMO magis gaudet, quàm fœmina

6. Denique valet plurimum ad clementiam, si dicas, qui peccavit, non deditâ operâ, non dolò malò peccâsse, nec id egisse, ut eum contemneret, quem habet iratum: sed vel incautum, vel errore humano deceptum, vel necessitate adactum peccavisse. Vide, qua dexteritate locum hunc tractet Tullius ad Cæsarem M. Marcello placandum: *Atque hoc C. Cæsaris iudicium, P. C. quàm latè pateat, attendite. Omnes enim qui ad illa arma fatò fuimò, nescio quo, reipublicæ miserò, funestoque compulsi, etsi aliquâ culpâ tenemur erroris humani, scelere certè liberati sumus. Nam cum M. Marcellum, deprecantibus vobis, reipublicæ conservavit, memet mihi, & itè reipublicæ, nullo deprecante, reliquos amplissimos viros, & sibi ipsis, & patriæ reddidit:*

dit: quorum, & frequentiam, & dignitatem hoc ipso in confessu videtis. Non illos hostes induxit in curiam, sed iudicavit à plerisque ignoratione potius, & falso atque inani metu, quàm cupiditate, aut crudelitate civile bellum esse susceptum.

§. VI. DE ÆMULATIONE.

Quid est Æmulatio?

R. Est dolor ex aliena felicitate susceptus, non quòd illi contigerit, sed quòd nos illa careamus. Hinc liquet Æmulationem esse in laude ponendam, & ad perdiscendum bonas artes plurimum valere. Sunt enim Æmulationi obnoxia, quæ maximè præclara, ut virtus, honores, opes, doctrina, gloria, &c.

Quid interest Æmulationem inter, & Invidiam?

R. Æmulationem bonam esse, laudabilem, & honestam, quia nos excitat, ut ipsi quoque bona consequamur. Contra verò Invidia vitiosa est, turpisque, quia id agit, nè alter bonis potiat, ut ait Horatius.

Invidus alterius rebus macrescit optimis.

Quomodo excitari potest Æmulatio?

R. Excitatur majorum exemplò, nominis

257 *Artis Rhetoricæ Liber II.*
nis gloriâ, & propositis illustriam virorum egregiis facinoribus. Itâ Andromache *Æneid.* 3.

Quid puer Ascanius? Superatne, & vescitur aurâ?

.....
Ecquid in antiquam virtutem, animosque viriles

Et puer *Æneas*, & avunculus excitat *Hector*?

Itâ magnus ille Alexander cum ad *Achillis* tumulum adstitisset, ejus gloriâ, & felicitatem æmulatus, *O fortunate*, inquit, *adolescens*, qui tuæ virtutis *Homerum præconem inveneris!* Et ille historicorum princeps *Thucydides*, adhuc adolescentulus, cum forte suam historiam *Herodotus* legeret, itâ gloriæ stimulis agebatur, ut lacrymas tenere non posset. Quo animadverso, *Herodotus* eorum patri dixit: *Nè tu sanè beatus es, qui filium habeas sic avidum gloriæ, & laudis appetentem.*

*Concluditur doctrina de Affectibus
generali præcepto.*

Hactenus de Affectibus dictum est; in quibus illud generatim est observandum, quod apud *Ciceronem* monet *Antonius*:
Ut omnes motus, quos Orator adhibere velit

let iudici, in ipso Oratore impressi, atque iniusti esse videantur, Neque enim facile est perficere, ut irascatur, cui tu velis, iudex, si tu ipse id lente ferre videre: neque ut oderit eum, quem tu velis, nisi teipsum flagrantem odio ante viderit; neque ad misericordiam adducetur, nisi ei tu signa doloris tui, verbis, sententiis, voce, vultu, collacrymatione denique ostenderis. Ut enim nulla materies tam facilis ad exardescendum est, quæ nisi admoto igni, ignem concipere possit; sic nulla est mens tam ad comprehendendam vim oratoris parata, quæ possit incendi, nisi inflammatus ipse ad eam, & ardens accesseris.

Optime igitur monet Horatius in arte Pœtica;

Si vis me flere, dolendum est
Primum ipsi tibi: tunc tua me infortunia lædent.

Finis Libri Secundi.

A R T I S
R H E T O R I C Æ
L I B E R T E R T I U S .

D E D I S P O S I T I O N E .

Quid est Dispositio?

R. Dispositio definitur à Cicerone, *Re-
rum inventarum in ordinem distributio.*

Quænam est Dispositionis utilitas?

R. Non minùs necessaria est dispositio
ad fidem faciendam, & ad motus excitandos,
quàm instructio exercitûs ad pugnam
ac victoriam, quam in humano corpore
conformatio membrorum, ad gratiam, &
venustatem; quàm in ædificio lapidum,
cæmentique apta compositio, ad ædium
opportunitatem, & elegantiam. Unde merito præcipit Horatius in arte Pœtica;

Singula quæque locum teneant sortita
decenter.

Sane ordo ubi adest, res audiuntur libenter.

bentius audita intelliguntur facilius, & intellecta diutius inhærent. Si verò negligatur dispositio, fit nimirum monstrum illud ex variis animantibus conflatum, quod artis initio scite pingit idem Horatius. Fit, quod eodem loco reprehenditur.

Velut ægri somnia, vanæ
Fingetur species, ut nec pes, nec caput
uni

Reddatur formæ . . .

Quin nullum mihi videtur certius argumentum incitiæ, hebetisque, ac pinguis ingenii, quam cum ita incondita est oratio, ita perturbata, nihil ut sit primum, nihil secundum. Contra verò nullum majus indicium artis, & industriæ, quam ordo. Quamobrem cum hæctenus actum sit de Elocutione, & de Inventione, in quibus opus est in primis lepore, atque ingenio; deinceps videndum de Dispositione, in qua una magis elucet Oratoris judicium, atque prudentia.

Quisnam ordo servandus est in orationis dispositione, seu quænam sunt orationis partes?

R. Orationis partes vulgò quatuor assignantur: Exordium, Narratio, Confirmatio, seu Contentio, & Peroratio.

Hæc artificiosa dispositio videtur omnino naturæ consentanea. Satis enim novimus;

mus; vel ipsa duce natura, ubi quidpiam volumus impetrare, 2. Conciliandos esse animos eorum quibuscum agimus, & hoc est Exordii munus: deinde exponendum esse illud quod petimus, & hoc est Narrationis; 3. Afferendas esse rationes quibus ostendatur illud concedendum nobis esse, & hoc efficit Confirmatio: denique preces addendas, aut alios motus adhibendos, quibus impelli vehementiùs auditorum animi possint, & hoc Peroratione consequimur.

Sunt qui non quatuor duntaxat, sed sex omnino velint esse partes orationis; nempe Exordium, Divisionem, Narrationem, Confirmationem, Confutationem, & Perorationem, quas etiam ajunt indicari per vagatissimò isthoc versiculò:

Exorsus, narro, feco, firmo, refuto, peroro.

Verùm, si rectè res æstimare velimus, Partitio cum Propositione revocatur ad Exordium: Confutatio verò redit ad Confirmationem. Unde liquet, quatuor tantùm esse statuendas orationis partes, quarum duæ valent ad faciendam fidem, scilicet Narratio, & confirmatio: reliquæ verò faciunt ad motus excitandos, videlicet Exordium, & Peroratio. Nunc verò de partibus orationis singulatim videamus.

CAPUT I.

DE EXORDIO.

Quid est Exordium?

R. Exordium definitur à Tullio: *Pars orationis, auditorum animos idoneè comparans ad reliquam dictionem.* Unde quod in humano corpore caput est, quod in ædibus vestibulum, hoc est Exordium in oratione. Atque adeò præcipua quadam cura, diligentiaque, præ ceteris orationis partibus est elaborandum, naturæ ipsius instar, quæ in fingendo, atque ornando capite potissimum desudare consuevit. Unde etiam Exordium *difficillima pars orationis* vocatur à Tullio.

Undenam sumpta est Exordii vox?

R. Est Metaphora à textoribus sumpta, qui propriè telam ordiri dicuntur, cum certa quadam lege fila collocant, & ordine illa componunt.

§. I. DE VARIIS EXORDIORUM
GENERIBUS.

Quotuplex est Exordium?

R. Duplex. Aliud est justum ac legitimum,

M

mum,

mum, quod etiam temperatum appellatur: aliud est vehemens & abruptum, sive ex abrupto.

Quid est Exordium justum, ac legitimum?

R. Illud est, quo auditorum animi artificiosa quadam verborum conciliatione præparantur.

Quid est Exordium ex abrupto?

R. Illud est, quo Orator, quasi quodam abreptus impetu auditores repentino, & inopinato motu percellit. Tale est celebratissimum illud Ciceronis Exordium in Catilinam: *Quousque tandem abutere Catilina, patientia nostra, &c.*

Quomodo fit Exordium ex abrupto?

R. Fit primo per licentiam, seu per liberiores quemdam loquendi modum. Sicut apud Livium lib. 23. Mucius Scævola deprehensus in Porsenæ castris, ita illum alloquitur ex abrupto: *Romanus sum civis: C. Mucium vocant. Hostis hostem occidere volui; nec ad mortem mino animi est, quam ad necem fuit. Et facere, & pati fortia Romanum est. Nec unus ego in te hos animos gessi. Longus post me ordo est idem petentium decus. Proinde in hoc discrimen, si juvat, accingere, ut in singulas horas capite dimices tuo. Ferrum, hostemque in vestibulo habes regie. Hoc tibi, juventus, Romanum bellum indicimus. Nullam aciem, nullum*

præ-

prelium timueris: uni tibi, & cum singulis res erit.

2. Fit per indignationem, & increpationem, ut cum apud Livium lib. 2. c. 40. Veturia filium Coriolanum sic alloquitur. *Sine, priusquam complexum accipio, sciam, ad hostem, an ad filium venerim; captiva, matris in castris tuis sim. In hoc me longa vita, & infelix senectus traxit, ut exulem te, deinde hostem viderem! Potuisti populari hanc terram, quæ te genuit, atque aluit! Non tibi, quamvis infestis animis, & minaci perveneras, ingredienti fines ira cecidit! non cum in conspectu Roma fuit, succurrit: Intra ista mœnia domus, ac penates mei sunt, mater, conjux, liberique? Ergo, nisi peperissem, Roma non oppugnaretur! nisi filium haberem, libera in libera patria mortua essem!*

Quandonam usurpandum est Exordium ex abrupto?

R. Usurpatur potissimum vel in summa aliqua gratulatione, & lætitia; vel in summa quapiam offensione, aut indignatione: quibus scilicet omnibus Orator extra se rapi videtur quodammodo.

§. II. DE VIRTUTIBUS, AC VITIIS EXORDII.
Quæ sunt Exordii dotes, ac virtutes?

R. Quatuor vulgò recensentur: Propri-

etas, cura, verecundia, brevitatis.

In quo posita est proprietas Exordii?

R. In eo posita est, ut Exordium sit cum reliqua oratione conjunctum, tamquam caput cum corpore. 2. Ut sit ex re quasi natum, & ex ipsis causæ visceribus ita depromptum, ut ex illius natura quodammodo videatur efflorescere. Contrà verò vitiosum erit, si sit vulgare, ac commune, hoc est, si causis aliis, & fortasse etiam contrariis, possit accommodari: cuiusmodi Exordia lepide comparantur E- phippio, quod equis bene multis accommodaretur, vel gladio Delphico, qui ad hunc modum factus fuit, ut eodem, & sacras mactarent victimas, & supplicio nocentes afficerent.

2. Vitiosum erit Exordium, si sit commutabile, hoc est, si leviter mutatum, ab adversario possit usurpari. Si sit procul accersitum, longiusque petitum, vel si nihil ad rem pertineat. Quæ Exordia similiter se habent ac

Humano capiti cervicem pictor equi-
nam

Jungere si velit.

Quale etiam fuit Exordium inepti illius caudicis, qui de lite inter duos vicinos acturus, Exordium petivit ab Adamo, vixque ad diluvii tempora tandem pervenit.

In

In quo posita est Exordii cura?

R. In eo posita est, ut Exordium sit plenum dignitatis, sit accuratum, & acutum, sit aptum verbis & instructum sententiis, & quod periti solent Architecti, *vestibula aditusque ad causam faciat illustres*, inquit Tullius. Prima quippe Oratoris commendatio proficiscitur ab Exordio: quod si negligentius tractatum fuerit, reliqua omnia fastidiet, & nauseabit auditor. Ut enim optime monet Fabius, pessimus sane videtur gubernator ille, qui est portu solvens, statim ad scopulos navem appellit. Caveat tamen Orator, ne, quod sæpe contingit, Exordii nimis picti, & nimis artificiosi splendore, ac concinnitate, præstigiarum, ac fraudis suspicionem auditoribus præbeat.

In quo consistit Exordii verecundia?

R. In eo consistit, quod Orator dicere incipiens, præ se ferat ingenuum illum pudorem, quem in Oratore summo L. Crasso tantopere laudabat Cicero: *Fuit enim*, inquit: *in L. Crasso pudor quidam, qui non modo non obesset ejus orationi, sed etiam probitatis commendatione prodesset*. Et ipse etiam L. Crassus de se sic confitetur lib. I. de Oratore: *In principiis dicendi, tota mente, atque omnibus artibus contremisco*. Sciebat enim summus ille dicendi artifex, & do-

doctor, offendi solere auditorum animos, si Orator velut exultans, sibiq; præfidens, ad dicendum accedat.

In quo posita est brevitæ Exordii?

R. In eo posita est, ut Exordium reliquæ orationis magnitudini sit accommodatum, & ut inani verborum circuitione non producat longius, quàm par sit. Neq; enim profectò cubitali Pygmæi corpori caput giganteum, aut humili tugurio valvæ prægrandes, ingensque vestibulum affigi debent. Quod si fiat, bellissime sane quadrabit in enormia id gen9 proœmia facetum illud Diogenis dictum ad Myndios, qui suo oppidulo grandes, & magnificas fores affixerant: *Viri Myndi, portas claudite, nè urbs exeat.*

Nolim tamén orationi nullum jungatur Exordium, ut olim in Areopago fieri solitum accepimus, ubi dicebant Oratores *sine Exordio, sine affectibus, sine epilogo;* inquit Julius Pollux; & ut etiam à Xenophonte factitatum legimus, qui sic exorditur: *Darius, Et Parisatis duos habuere filios.*

Nolim etiam orationi, ceteroqui longulæ, brevissimum, ut nonnulli solent, affigatur Exordium: neque enim ingentem Basilicam decent exiguæ fores; aut

giganteo corpori Pygmæi caput, vel ingenti colosso globulus imponitur.

§. III. DE VARIIS EXORDIORUM
FONTIBUS.

Varii sunt fontes, unde derivari solent Exordium justum, ac legitimum. Nos hic præcipuos indicabimus.

1. Exordium rectè ducitur ab adjunctis personæ, rei, loci, ac temporis: atque hic erat fons notus, ac familiaris Tullio, qui hinc ferme solebat exordiri. In Oratione pro M. Cælio exorditur à temporis insolentia: quippe die festo, contra quam fieri solet, causam dicere cogebatur. Exordium Milonianæ ducitur 1. à persona adversariorum, qui armati forum obsidebant: 2. à persona Pompeii judicis: 3. ab insolita judicii forma. Pro Rege Dejotaro, ducit exordium ab angustiis loci, in quo habita fuit hæc oratio: *Moveor etiam ipsius loci insolentia* (inquit Tullius) *quod tantam causam, quanta nulla unquam in disceptatione versata est, dico intra domesticos parietes, dico extra conventum, Et eam frequentiam, in qua oratorum studiis niti solent; in tuis oculis, in tuo ore, vultuque acquiesco . . . Hanc enim, C. Cæsar, causam si in foro dicerem, eodem audiente, Et dis-*
see.

Sceptante te, quantam mihi alacritatem populi Rom: concursus afferret? Quis enim civis ei regi non faveret, cujus omnem aetatem in populi Rom. bellis consumptam esse meminisset? Spectarem curiam, intuerer forum, cælum denique testarer ipsum

Quæ quoniam angustiora faciunt parietes, attioque causæ maxime debilitatur loco, tum est, Cæsar, qui pro multis sæpè dixisti, quid nunc mihi animi sit, ad te ipsum referre; quo facilius tum æquitas tua, tum audiendi diligentia minuat hanc perturbationem meam.

2. Ducitur Exordium à rotunda, simplici que rei expositione, sinè fuce, & calami stris, & sinè ullo in speciem artificio. Ità Cicero pro Ligario: *Novum crimen, C. Cæsar, & ante hunc diem inauditum, propinquus meus ad te Q. Tubero detulit: Q. Ligarium in Africa fuisse.*

3. Ducitur Exordium à contrario, cùm prima fronte ea videmur dicere, quæ causæ nostræ sint omnino contraria, & adversariis faveant, ut scilicet eos sensim in nostram sententiam nihil minùs cogitantes pertrahamus; in quo sane est artis, & industriæ plurimum. Ità Alexander apud Curtium milites suos cohortaturus, ut secum audacter pergant ad extremas Indiæ partes, primò videtur probare illorum

studia, qui redditum in patriam cogitabant: *Magnitudinem rerum, inquit, quas gessistis, milites, intuentibus vobis, minime mirum est. Et desiderium quietis, Et satieta-tem gloriae occurrere, &c.* Deinde mutata sensum velificatione, in contrariam sententiam callidissimè descendit.

4. Ducitur Exordium ab insigni quopiam effato, & dicto, vel ab illustri exemplo. Ita Catilina suos conjuratos ad impium bellum adhortatur apud Sallustium hoc effato: *Comperitum habeo, milites, verba virtutem non addere; neque ex ignavo stre-num, neque fortem exercitum imperatoris oratione fieri.* Ità etiam Cæsar, dum in Senatu pro Catilina loquitur, apud eundem Sallustium, ab insigni effato sic exorditur: *Omnes homines (P. C.) qui de rebus dubiis consultant, ab odio, amentia, ira, atque misericordia, vacuos esse decet.*

5. Duci potest Exordium ab insigni aliqua quæstione. Ita Tullius suum de Inventione Rhetorica librum auspicatur: *Sæpe, Et multum hoc mecum cogitavi, bo-nine an mali plus attulerit hominibus. Et ci-vitatibus copia dicendi, ac summum eloquen-tiæ studium.*

Eodem ex fonte suum in Rufinum car-men ducit Claudianus.

Sæpe mihi dubiam traxit sententia
mentem,
Curarent superi terras, an nullus inef-
set
Rector, & incerto fluerent mortalia
casu.

.....
Abstulit hunc nobis Rufini poena tumul-
tum,
Absolvitque Deos. Jam non ad culmina
rerum
Injustos crevisse queror. Tolluntur in
altum
Ut lapsu graviore ruant.

6. Præclare admodum trahitur Exordi-
um à suspensione, quæ mirifice præparat
auditorum animos, magnæ alicujus rei
expectatione; & illos acuit vehementi
cupiditate sciendi, quid demum sit illud,
quod polliceatur Orator. Ita Cicero Ver-
rina I. *Quod erat optandum maxime, ju-
dices, & quod unum ad invidiam vestri ordi-
nis, infamiamque judiciorum sedandam ma-
xime pertinebat; id non humano consilio,
sed prope divinitus datum, atque oblatum
vobis summo reip. tempore videtur. Inve-
teravit enim jam opinio perniciose reip. vo-
bisque periculosa: quæ non modò Romæ,
sed & apud exterarum nationes omnium ser-
mo.*

mone percrebuit, his judiciis, quæ nunc sint, PECUNIOSUM hominem, quamvis sit nocens, nullum posse damnari.

Denique Exordium ab ipsis causæ visceribus, hoc est ab intimis causæ principiis trahendum est, & in illo solerter jacenda sunt argumentorum, & affectuum omnia semina, quæ deinde retractata, fusius explicentur. Id verò non difficulter efficies, si ex Fabii Quintiliani præcepto diligenter intuearis, apud quos, pro quibus, contra quos, quo loco, quo tempore, quo rerum statu dicendum sit tibi; quid auditores ac iudices sentire credibile sit; quis sit orationis tuæ scopus; quid petas, quid consequi velis. Hæc omnia ubi perspecta mature fuerint tibi, ipsa te magistra natura facile docebit, unde sit tibi capiendum orationis Exordium.

§. IV. DE OFFICIO, AC MUNERE EXORDII.

Quodnam est officium, ac munus Exordii?

R. Triplex; ut nempe reddat auditorem benevolum, attentum, & docilem.

Unde reddet auditorem benevolum?

R. Ex quadruplici capite: 1. à persona Oratoris ipsius. 2. à persona adversario-

rum.

rum. 3. à Persona auditorum, vel iudicium: 4. ab illius, pro quo dicitur, persona.

Quomodo reddet auditorem benevolum à persona Oratoris ipsius?

R. Si Orator modestiam, pudorem, probitatem, & ingenuum quemdam candorem ore potius, & re ipsa præ se ferat, quam verbis ostendet. Poterit tamen interdum sua merita, suum officium, suas virtutes, sed parce omnino, ac sine arrogantia commendare: quod mirificè facit Tullius in oratione pro Archia, suo quondam magistro: *Si quid est in me ingenii, iudices, quod sentio quam sit exiguum; aut si qua exercitatio dicendi, in qua me non inficior mediocriter esse versatum; aut si hujusce rei ratio aliqua ab optimarum artium studiis, ac disciplina profecta, à qua ego nullum confiteor ætatis meæ tempore abhoruisse: earum omnium rerum vel in primis hic A. Licinius fructum à me repetere prope suo jure debet. Nam quoad longissime potest mens mea respicere spatium præteriti temporis, & pueritiæ memoriam recordari ultimam, inde usque repetens, hunc video mihi principem, & ad suscipiendam, & ad ingrediendam rationem horum studiorum extitisse. Quod si hæc vox hujus hortatu, præceptisque conformata nonnullis aliquan-*

do salutis fuit: à quo id accepimus, quo ce-
 teris opitulari, & alios servare possemus,
 huic profecto, ipsi, quantum est situm in no-
 bis, & opem, & salutem ferre debemus.

Quomodo colligetur benevolentia ab ad-
 versariorum persona?

R. I. Si dicamus, nos nimiam illorum
 eloquentiam, aut gratiam revereri, unde
 illa reddatur suspecta iudicibus: quod pul-
 chre admodum facit Cicero pro Quinctio:
*Quæ res in civitate duæ plurimum possunt,
 eæ contra nos ambæ faciunt in hoc tempore,
 summa gratia, & eloquentia: quorum alte-
 ram, C. Aquili, verior, alteram metuo.*

2. Si illos in odium, & in invidiam ad-
 ducere, vitiorum quibus laborant, com-
 memoracione conemur; ut pro Deiotaro:
*Crudelem Castorem, ne dicam sceleratum,
 & impium, qui nepos avum in discrimen ca-
 pitis adduxerit, adolescentitæque suæ terro-
 rem intulerit ei, cuius senectutem tueri, &
 tegere debeat.*

Quòd si adversarius sit vir bonus, notæ-
 que probitatis, ac fidei, Tullium imita-
 beris, qui cum pro Muræna diceret, Ca-
 tonemque virum antiquæ virtutis haberet
 adversarium, non quidem in ejo vita, mo-
 ribusque quidquam culpavit; sed tamen,

ut

ut illi quomocunque fidem detraheret, sectam Stoicorum, cui se Cato totum addixerat, irridere cepit; idque tam false, tamque facete, ut iudicium risu dissolveretur, & Cato ipse dixerit: *Quam ridiculum habemus Consulem!*

Quomodo captabitur benevolentia à persona vel auditorum, vel iudicum?

R. 1. Si eis confidere videatur Orator, ut pro Roscio Amerino. 2. Si suam causam cum eorum utilitate jungat, ut passim in Philippicis. 3. Si eorum iustitiam, fidem, auctoritatem, & dotes ceteras modeste commendet, ut in Exordio Miloniana, ubi Tullius Pompejum laudat à sapientia, iustitiaque, cum ait: *Sed me recreat, & reficit Cn. Pompeii sapientissimi, & iustissimi viri consilium, qui profecto nec iustitiæ suæ putaret esse, quem reum sententis iudicum tradidisset, eundem telis militum dedere: nec sapientiæ, temeritatem concitatae multitudinis auctoritate publica armare.*

Imò ne ipse quidem Paulus Apostolus hoc sibi negligendum putavit, cum pro se ipse diceret apud regem Agrippam, Actorum capite 25. *De his omnibus, quibus accusor à Judæis, Rex Agrippa, æstimo me beatum, apud te cum sum defensusurus me hodie,*

die, maxime te sciente omnia, & quæ apud
Judæos sunt consuetudines, & quæstiones.
Propter quod obsecro, patienter me audias.

Quomodo paratur benevolentia à perso-
na clientis, sive illius, cujus causa agitur?

R. Si illi innocentiam, virtutemq; com-
mendes: si illius calamitatem, amicorum
inopiam, & solitudinem conqueraris; ut
Cicero pro Roscio Amerino.

Semperne laborandum est in exordio, ut
captetur auditorum Benevolentia?

R. De captanda benevolentia non valdè
laborandum est in causis illis, quæ per se
sunt honestæ, sed tantum in iis, quæ sunt
vel paradoxæ, vel dubiæ, vel humiles.
Quatuor enim causarum genera distinguit
Divus Augustinus in eximio suo libro de
Rhetoricæ principiis; *Honestas, incredi-
biles, dubias, & humiles*, quæ ab illo vo-
cantur *endoxæ, paradoxæ, amphidoxæ,
adoxæ.*

In humili quidem argumento se se ma-
xima nonnunquam exercuerunt, & osten-
târunt ingenia; ut olim Polycrates, qui mu-
rium panegyricum celebravit, & Lucianus,
qui muscam laudavit. Inter juniores verò
Majoragius scripsit encomium luti, Calca-
gninus, post Psellum, pulicem prædica-
vit, Caliger anserem, Passeratius ipsum ni-

hil

hil laudandum suscepit, Umbram Janus Douza præconiô celebravit: & nostra ætate vir Cl. Daniel Heinſius aſinum, pediculumque laudavit.

In his verò, aliisque id genus humilibus cauſis, itemque in illis, quæ minùs gratæ ſunt auditoribus, opus eſt inſinuatione, ſeu exquisitiore quadam arte, qua Orator ſubdole, & latenter in auditorum animos irrepit.

§. V. DE PARANDA ATTENTIONE.

Undenam conciliatur attentio?

R. Conciliatur partim promiſſione, partim petitione: promiſſione quidem, ſi pollicemur nos eſſe dicturos de rebus vel novis, vel magnis, vel utiliſſibus, vel jucundis. Ità Horatius Od. I. l. 3.

Carmina non prius

Audita, Muſarum Sacerdos,

Virginibus, puerisque canto.

Sic etiam in primis Cicero pro Rabirio; *Sic enim exiſtimare debetis, Quirites, poſt hominum memoriam, rem nullam magis periculofam, magis ab omnibus vobis providendam, nec a Tribuno plebis ſuſceptam, neque à Conſule deſenſam, neque ad populum R. eſſe delatam.* Hoc etiam egregie præ-

præstitit Maro, quando de apibus dicturus, ita cecinit 4. Georg.

Protinus æerii mellis cœlestia dona
Exequar; Hanc etiam, Mecœnas, aspice partem.

Admiranda tibi levium spectacula rerum

Magnanimosque Duces; totiusque ordine gentis

Mores, & studia, & populos, & prælia dicam.

In tenui labor, at tenuis non gloria...

Nolim tamen montes, ut ajunt, aureos in ipso dicendi initio semper polliceatur Orator; nec sic incipiet, ut Mævius ille, quem ridet Horatius:

Fortunam Priami cantabo; & nobile bellum.

Multoque sane cautius mihi videtur facere, qui cum Homero simpliciter, & verecundè sic exorditur.

Dic mihi, Musa, virum captæ post tempora Trojæ,

Qui mores hominum multorum vidit,
& Urbes.

Quàm si magnificentius sic incipias cum Lucano:

Bella per Emathios plus quam civilia campos...

Aut

Aut si tumidum illud, turgidumque imi-
teris Claudiani procemium *de raptu
Proserpinæ*:

Inferni raptoris equos afflataque curru
Sidera Tænario, caligantesque profun-
dæ

Junonis thalamos audaci promere can-
tu,

Mens congesta jubet.

Quòd si satis appareat, rem; de qua a-
gitur; esse abjectam, & exilem, plus ef-
ficiet Orator, si rotunde statim, & inge-
nue profiteatur; sese in re omnino tenui
laborare, quam si grandia nequidquam
polliceatur: sed causæ tenuitatem æqui-
tate, vel necessitate, vel aliunde compen-
sare conabitur; ut Cic: Philippica 7. *Par-
vis de rebus, sed fortasse necessariis consuli-
mur, P. C. de Appia via, & de moneta.*

2. Conciliandæ attentionis ratio est pe-
titio; cùm scilicet auditores rogamus ut
studiosè, ac diligenter velint attendere,
ut Cicero pro Sexto Roscio: *Quapropter
vos oro, atque obsecro, judices, attente, bo-
naque cum venia verba mea audiat.*

Quamvis autem sub ipsum Exordium
postulari soleat attentio, satius tamen e-
rit interdum illam in ipso orationis decur-
su postulare; cùm scilicet auditoris animo,
ini-

initio arrectus, & alacer, languescere incipit, & defatigatæ illius aures incipiunt peregrinari, ut solet. Hoc egregie præstitit Tullius pro Cluentio, dum sic ait: *Vos, quæso, ut adhuc me attentè audistis, item quæ reliqua sunt, audiat. Profectò nihil à me dicetur, quod non dignum hoc conventu. Et silentiò, dignum vestris studiis, atque auribus esse videatur.*

Quomodo comparabitur docilitas?

R. Tribus maxime rebus: 1. Si brevem te fore promittas, stesque promissis. Ut enim eleganter, & ingeniose monet Tullius, multò satius est, ut Orator desinat, quàm si deficiat; & Auditor cum desiderio, quàm si cum fastidio, ac satietate recedat. Atque in Oratores nimis longos belle omnino quadrant ultima hæc artis pòeticæ verba:

Indoctum, doctumque fugat recitator acerbus.

Quem verò arripuit, tenet, occiditque legendo.

Non missura cutem, nisi plena cruoris Hircudo.

2. Comparabitur docilitas, si breviter, dilucide, simpliciterque proponas, qua de re dicturus sis.

3. Fiet docilis auditor, si tuam orationem in duo, vel tria ad summum capita perspicue partiaris; ut cum ait Tullius Philippica 7. *Cur pacem nolo? quia turpis est, quia periculosa, quia esse non potest: quæ tria dum explico, peto à vobis P. C. ut eadem benignitate, qua soletis, verba mea audiatis.* Sed quoniam permagni interest ad eloquentiam, quemadmodum proponat, & orationem suam partiatur Orator; & quia hic locus est in tota Rhetorica longe difficillimus, tyronibus præsertim; de utroque illo capite accuratius nobis esse disputandum arbitramur.

§. VI. DE PROPOSITIONE.

Quænam sunt Propositionis virtutes, ac dotes?

R. Quinque vulgò assignantur propositionis dotes, i. est, ut simplex sit, unaque, non vero multiplex, ex illius enim unitate omnino pendet orationis unitas; semperque meminisse debet Orator eximii illius, numquamque satis inculcandi Horatiani præcepti.

Denique sit quodvis simplex duntaxat, & unum.

Quid est porro una, simplexq; propositio?

R. Una simplexque dicitur illa propositio,

tio, quæ constat una, simplicique sententia, v. gr. *Pax est conficienda, Injuriae sunt condonandæ, &c.*

2. Propositionis dos est, ut sit ita clara, ut non modo nullo labore intelligatur, sed etiam ut non possit non intelligi; quemadmodum ista: *Otium est fugiendum.* 3. dos est, ut omnia totius orationis argumenta, partesque omnes in illam velut in scopum, metamque colliment. 4. dos est, uti tractari copiosè, & ornari facile possit, & amplam dicendi segetem suppeditet. Rectè enim monet Horatius, nè jejunum dicendi sumas argumentum, *Et quæ desperas tractata nitescere posse, relinquas.* 5. dos est, ut propositio vel ipsa novitate percellat, vel insigni aliqua utilitate placeat: quæ duo vel maxime conciliare solent attentionem, atque benevolentiam.

Quomodo novitatem habebit propositio?

R. Si argumentum ita proponatur, ut ex trito, vulgarique fiat inusitatum, & auditorum animos statim erigat, feriatque; v. gr. trita est vulgarisq; hæc propositio: *Homo multorum sibi malorum auctor est,* nihilque admodum dignum habet attentione. Fiet vero nova, & admirabilis, si dicas cum Chrysofomo: *Nemo læditur nisi à seipso;* vel *Nemo miser, nisi qui velit.*

Item

Item vulgaris est hæc propositio: *Mali aliquando sunt utiles virtuti; itemque ista; Mors minus dura accidit miseris, quàm felicibus.* Fiet autem illico utraque nova, mirificaque, si dicas, *Virtutem plus interdum improbis debere, quàm probis, & Felicitatis genus esse infelicem mori.*

Quomodo utilitatem habebit propositio?

R. Utilitatem habere solent propositiones illæ, quæ contemplativæ non sunt, sed activæ (si duabus illis Senecæ vocibus nobis uti fas est.) Contemplativæ porro dicuntur illæ, quæ in sola cognitione versantur, quemadmodum ista; *Stultorum infinitus est numerus.* Activæ contra dicuntur propositiones illæ, quarum finis est aliquid efficere: ut, *Ferenda sunt amicorum vitia.*

§. VII. DE DIVISIONE.

Cur adhiberi solet in oratione Divisio, sive Partitio?

R. Tribus potissimum de causis. 1. Quia lumen affert orationi. 2. Quia juvat memoriam Oratoris, & auditorum. 3. Quia levat audiendi fastidium; recreatur enim animus admonitione singularum partium orationis: quemadmodum viatorem refi-
ci-

ciunt spatia certis lapidibus, & intervallis distincta, ut ait Rutilius in Itinerario:

Intervalla viæ fessis præstare videtur,
Qui notat inscriptus millia multa
lapis.

Quænam sunt leges divisionis?

R. Quatuor: 1. est, ut Divisio sit plena; hoc est: ut partes illius sive membra omnino complectantur, & adæquent propositionem, quæ dividitur. 2. est, ut membra illa sint opposita, neque unum in altero contineatur. 3. est, ut Divisio habeat partes duas, tresve ad summum, vix plures. Si enim nimium concisa sit, & ut loquitur Fabius, nimium articulosa, offundet orationi tenebras, parietque obscuritatem illam, contra quam fuit inducta. 4. dos est, ut sit plana, simplex, & quasi obvia; non verò ad artis, & ingenii ostentationem longius accersita.

De Narratione, quæ est secunda orationis pars, fusius, & uberius dictum est in secundo capite Elementorum Rhetoricæ.

CAPUT II.

DE CONFIRMATIONE.

Quid est Confirmatio?

R. Est pars orationis, in qua firmamenta, seu roborata causæ afferuntur.

Quot sunt partes Confirmationis?

R. Duæ. 1. Est Confirmatio proprie dicta, in qua ea, quæ pro nobis sunt, firmamus, ac stabilimus. 2. Est Confutatio, in qua contrarias adversariorum rationes refellimus. Hinc liquet, Confirmationem esse præcipuam, ac potissimam Orationis partem, quæ quasi viscera, vitamque illius contineat, totamque persuadendi spem in ea maxime parte sitam esse. Unde *Pisus*, seu *Fides* jure nuncupatur ab Aristotele.

§. I. DE CONFIRMATIONE PROPRIE DICTA.

Quomodo tractanda est Confirmatio proprie dicta?

R. Per Argumenta, & per Argumentationes.

Quid est Argumentum?

R. Est probabile inventum ad faciendam fidem.

Quid

Quid est argumentatio?

R. Est argumenti fusior, & artificiosa dilatatio.

Quid differt inter Argumenta, & Argumentationes?

R. Hoc interest, quòd Argumentatio sit modus, sive ratio, qua argumentum tractatur: Argumentum verò sit ipsa argumentationis materia. Unde argumenta ex se jejuna sunt, & imbecilla, nisi accedat artificiosa illorum explicatio.

Unde petuntur argumenta ad confirmandum idonea?

R. Petuntur à locis tum intrinsecis, tum extrinsecis, de quibus accuratè dictum est à nobis lib. 2.

Quo ordine collocanda sunt argumenta in Confirmatione?

R. Firmiora partim in principio collocanda sunt, quia tunc vel maximè attendit auditor: partim in fine, quia quæ postremò dicuntur, altiùs inhærent: imbecilliora verò collocanda sunt in medio, ubi magis latebit eorum infirmitas: quemadmodum imbecilliores milites, qui fugam, auditâ buccinâ, circumspiciunt, in medi-

N.

um

um agmen cogi solent, ut qui per se parum possunt, turbâ valeant, At si causa duobus tantum argumentis nitatur, quorum alterum validius sit, alterum infirmius, tunc imbecillius subjicietur quidem validiori, sed mox ad validius recurretur.

Quot sunt argumentationum species, seu quot modis tractari possunt argumenta?

R. Quatuor sunt præcipuæ species argumentationis: *Syllogismus*, seu *ratiocinatio*, *Enthymema*, *Inductio*, & *Exemplum*. His adde *Sortitem*, & *Epicherema*.

§. II. DE SYLLOGISMO.

Quid est Syllogismus?

R. Duplex distinguitur Syllogismus, seu ratiocinatio. Alius est Philosophicus, alius Oratorius. Syllogismus Philosophicus est argumentatio constans tribus propositionibus distinctis, & explicatis, quæ sic inter se connectuntur, ut concessis duabus primis, quarum altera *major*, altera *minor*, quia minus latè patet, appellatur; necessariò concedenda sit tertia, quæ *consequentia* dicitur: v. gr.

Omnis ars honesta est amplectenda:

Rhetorica est ars honesta:

Ergo Rhetorica est amplectenda.

Sylo-

Syllogismus Oratorius est ratiocinatio
contans quinque partibus, vero inter se
ordine connexis; unde etiam vocatur *Syl-
logismus perfectissimus*.

*Quænam sunt partes Syllogismi Orato-
rii?*

R. Quinque numerantur. 1. est *Propo-
sitis* 2. *Propositionis probatio*. 3. *Assum-
ptio*. 4. *Assumptionis probatio*. 5. *Con-
clusio*. Habes insigne quoddam Syllogi-
smi Oratorii exemplum in libro 1. de In-
ventione, ubi luculenter demonstrat Ci-
cero, Divinâ providentiâ mundum guber-
nari. Sed quod exiliter, & jejunè dixisset
Philosophus in hunc ferme modum: *Illud
Divinâ providentiâ administratur, quod
optimè administratur: sed mundus optimè
administratur: igitur mundus divinâ pro-
videntiâ administratur*, id ipsum Tullius
oratorio more ita pertractat.

*Meliùs accurantur, quæ consiliò gerun-
tur, quam quæ sinè consilio administrantur.*
Et hæc est *Propositio*.

*Domus ea, quæ ratione regitur, omni-
bus instructior est rebus, & apparatus,
quàm ea, quæ temere, & nullo consilio ad-
ministratur. Exercitus is, cui propositus
est sapiens, & callidus Imperator, omni-
bus partibus commodiùs regitur, quàm is,*

qui stultitiâ, & temeritate alicujus administratur. Eadem navigii ratio est. Nam navis optimè cursum conficit ea, quæ scientissimo gubernatore utitur. Et hæc est propositionis probatio.

Nihil autem omnium rerum melius, quàm mundus administratur. Et hæc est assumptio.

Nam, & signorum ortus, & obitus destitutum quemdam ordinem servant; & annuæ commutationes non modò quadam ex necessitate semper eodem modo sunt, verùm ad utilitates quoque rerum omnium sunt accommodatæ, & diurnæ, nocturnæque vicissitudines nulla in re unquam mutatæ quidquam nocuerunt: Et hæc est assumptionis probatio.

Quæ signa sunt omnia non mediocri quodam consilio naturam mundi administrari. Quæ est Complexio sive Conclusio.

Semperne constat quinque illis partibus Syllogismus oratorius?

R. Nequaquam. Si enim perspicua sit vel Propositio, vel Assumptio, tunc omititur illius Probatio; & ita fit Syllogismus quadripartitus. Quòd si etiam perspicua videatur utraque, tunc probatione nihil opus erit; & ita tripartitus fiet Syllogismus.

Quid

Quid verò intererit inter Rhetorem & Philosophum, si uterque tripartitum Syllogismum adhibeat?

R. Hoc intererit: primò, quòd Philosophus ea maximè quærat argumenta, quæ possint scientiam, aut certam opinionem efficere: Rhetori verò sufficiant, ut plurimum, probabilia. Alterum discrimen est in argumenti tractandi ratione positum. Philosophus enim tres propositiones ordine collocat, quem ordinem *formam* appellant: Rhetoris verò industria in eo posita est, ut propositiones illas invertat, amplificet, verbis ornet, figuris illuminet, artem denique totam diligenter tegat. Hinc acutè admodum ajebat Zeno Philosophus, *Logicam seu dialecticam similem esse pugno; seu manui complicatæ; Rhetoricam verò palmæ seu manui explicatæ, atque exporrectæ similem esse.*

Nunquamne Logicus, & naturalis servatur ordo in Syllogismis oratoriis?

R. Servatur aliquando non solùm ab Oratoribus, verùm etiam, quod mirum sanè videatur, ab ipsis Poëtis, ut in illo Persii exemplo, Satyrâ 5.

An quisquam est alius liber, nisi ducere vitam

Cui licet, ut voluit? Licet, ut volo, vivere, non sim

Liberior Brutô?

Qui profectò integer est Syllogismus, & ordinem eum planè servat, qui tradi solet à Logicis: Sic enim hoc loco dialecticum prorsus in morem argumentatur Persius:

Nemo magis liber est, quàm is, cui licet ducere vitam, ut vult:

Atqui mihi licet ducere vitam, ut volo:

Ergo liber sum, & ipso etiam Bruto liberior.

§. III. De Enthymemate.

Quid est Enthymema?

R. est pars Syllogismi, seu Syllogismus imperfectus.

Quot partes habet Enthymema?

R. Duas; quarum prima vocatur à Logicis *Antecedens*; alia *Consequens*, v. gr. *Omnes artes sunt expetendæ. Ergo eloquentia est expetenda.* Hinc est, quòd Enthymema-

memoria jure optimo *curtum* Vocatur à Juvenali Sat. 6. in mulieres;
Non habeat matrona, ibi quæ juncta recumbit, Dicendi genus, aut *curtum* sermone rotato Torqueat Enthymema, nec Historias sciat omnes.

Vocatur, inquam, *curtum*, quòd sit argumentatio quasi mutila; & una propositione veluti truncata; quæ si addatur, fiet integer Syllogismus.

Quomodo fit Enthymema?

R. Fit omittendo vel propositionem, vel assumptionem, seu ut Logici loquuntur omittendo *majorem*, vel *minorem*; v. gr. *Clodius insidias struxit Miloni: ergo Clodius jure fuit occisus*; vel *Quicumque alteri fruit insidias, jure ab illo occiditur: ergo Clodius jure fuit occisus à Milone.*

Unde nomen suum traxit Enthymema.

R. Apud tu *enthymisthae*, quod est *mente concipere, cogitare*, quòd scilicet *tertia propositio*, quæ verbis non effertur, mente retineatur.

Quodnam est optimum Enthymematis genus?

R. Illud est, quod fit à contrariis, cujusmodi est apud Sallustium illud *Micipsæ, ad Jugurtham; Quem alienum fidum in-*

venies, si tui hostis fueris? Erit etiam acutius, ac validius Enthymema, si fiat per interrogationem. Tale est illud Medæ apud Senecam:

Servare potui. Perdere num possim rogas?

Cur Enthymemate magis gaudere vulgò dicitur Orator, quam Syllogismò?

R. Tribus de causis. 1. Ut occultet artificium, quod scilicet agnitum, causæ magis obest, quàm prodest. Hinc etiam cum utitur Syllogismò, partes ejus ferè transponit. 2. Nè videatur auditorum ingeniis diffidere; quasi necesse sit omnes Syllogismi partes sigillatim exprimi. 3. Quia Enthymema validius percellit adversarios, illosque punctim, ut ajunt, cæsimque ferit. Unde *jaculum, ac telum Oratoris* vocari solet. Vide quomodo Tullius Enthymemate feriat Antonium: *Pacem vult Antonius? arma ponat: quasi si diceret: Non arma ponit Antonius; ergo non vult pacem.*

§. VI. DE INDUCTIONE.

Quid est Inductio?

R. Est argumentatio, qua ex multis singulari-

ribus enumeratis aliquod, concluditur. Ità Seneca variarum rerum enumeratione magnifica, concludit solam in homine virtutem esse laudandam: *Navis bona dicitur, non quæ pretiosis coloribus picta est, nec cui argenteum, aut aureum rostrum est; sed quæ stabilis est, firma, velox, & consentiens vento. Gladium bonum dices, non cui deauratus est baltheus, nec cui vagina gemmis distinguitur; sed cui ad secandum subtilis est acies. Regula non quàm formosa, sed quàm recta sit, quæritur. Ergo in homine quoque nihil ad rem pertinet quantum aret, aut quàm multis salutetur, sed quàm bonus sit.*

Inductio non solum Oratoribus familiaris est, sed etiam Poëtis, & in primis Ovidio, qui illà majorem in modum delectabatur. Unum hic eximium afferemus exemplum, quo infelix ille Poëta; dum exularet in Scythia; uxoris suæ dolorem consolatur, Tristium lib: 4. probando per inductionem, asperas res gloriæ segetem, & materiam esse.

Materiamque tuis tristem virtutibus imple:

Ardua per præceps gloria vadit iter.

Hæctora quis nosset, felix si Troia fuisset?

Publica virtutis per mala facta via est.

Ars tua, Tiphys, jacet, si non sit in æquore fluctus:

Si valeant homines, ars tua, Phœbe, jacet.

Sic etiam apud Virgilium, Æneas probat per inductionem, viventi sibi iter ad inferos nequaquam interclusum esse debere.

Si potuit manes arcessere conjugis Orpheus

Threiciâ fretus citharâ, fidibusque canoris,

Si fratrem Pollux alterna morte redemit,

Itque, reditque, viam toties. Quid Thesea, magnum.

Quid memorem Alcider? & mi genus ab Jove summo.

Quid observandum est in Inductione?

R. Duo diligenter cavenda sunt. 1. Ut quæ sumuntur, certissima sint. 2. Ut id, cujus confirmandi causâ fit inductio, iis quæ sumuntur simile sit.

§. V. DE EXEMPLO.

Quid est Exemplum?

R. Est inductio imperfecta, quæ ab uno
fimi-

simili argumentamur ad aliud. Cujusmodi exemplum habes in Miloniana, ubi probat Tullius, non esse condemnandum Milonem, quod Clodium occiderit, cum nec Horatius ob sororem necatam fuerit condemnatus. Sed vide, quomodo exemplum illud illustret Cicero: *Negant intueri lucem esse fas ei, qui à se hominem esse occisum fateatur. In qua tandem urbe hoc homines stultissimi disputant? Nempe in ea, quæ primum judicium de capite vidit M. Horatii fortissimi viri, qui nondum libera civitate, tamen populi R. comitiis liberatus est, cum sua manu sororem esse interfectam fateretur.* Similiter apud Virgilium *Æn. 1.* Juno furore percita concludit ab exemplo, licere sibi omnino in *Æneam*, & Trojanos; quod Palladi licuit in Ajacem & Argivos: Pallas nè exurere classem

Argivum, atque ipsos potuit submergere ponto,

Unius ob noxam, & furias Ajacis Oilei ?

Ast ego, quæ Divûm incedo regina, Jovisque

Et soror, & conjux, una cum gente tot annos

Bella gero.

§. VI. DE DILEMMATE.

Quid est Dilemma?

R. Est argumentum constans duabus partibus contrariis, quæ utrinque adversarium capiunt. Unde etiam Syllogismus cornutus appellatur, quod nempe illius cornua sint ita disposita, ut qui unum effugerit, in alterum incurrat. Sic bellè omnino probabis Dilemmate, quemvis dolorem æquò animò esse tolerandum: *Nam omnis dolor aut est vehemens, aut levis: si levis, facile feretur, si vehemens, certe brevis futurus est.* Ità Cic: Philip: 5. probat hoc Dilemmate non esse mittendos legatos ad Antonium: *Legatos decernitis. Si ut deprecentur, contemnet; si ut imperetis, non audiet.*

Hoc eodem argumentandi modo rectè damnatur Lucretia illa, quæ à Sexto Tarquinio vi oppressa, sibi mortem intulit.

Si fuit ille tibi, Lucretia, gratus adulter;

Immerita ex merita præmia morte capis.

Sin potius casto vis est allata pudori;

Quis furor est, hostis crimine velle mori?

Eru-

Frustra igitur laudem captas, Lucretia:
namque

Vel furiosa ruis, vel scelerata cadis.

Unde nomen suum traxit Dilemma?

R. Ab adverbio Græco, *dis, bis, & à*
voce lemma *sumptio, captio*, quod nimirum utrinque capiat adversarium.

Qua ratione solvi potest Dilemma?

R. Duplici. I. Si universum Dilemma torqueas in ipsum auctorem: cujusmodi exemplum affert Aristoteles lib: 2. Rhetoricorum: *Sacerdos quædam maximopere dissuadebat filio, nè ad populum verba faceret; nam si injusta suaseris, inqueibat, habebis Deos iratos: sin verò justa, iratos habebis homines.* Hoc dilemma sic in matrem ipsam torfit ingeniosus adolescens: *Immo, inquit, expedit ad populum verba facere. Nam si justa dixerò, Dii me amabunt: si injusta, homines.*

Ejusmodi fuit etiam celeberrimum illud Dilemma, unde se expedire nunquam potuerunt Areopagitæ, qui licet moralium sapientissimi vulgò haberentur, ortam tamen ex illo Dilemmate litem prorsus iudicatum reliquerunt. Cum enim in Protagoræ Rhetoris disciplinam se quidam ad-

do-

dolefcens tradidiffet, grandemque pecuniæ summam illi ex pactione fuiffet pollicitus, ea lege ut primam omnium, quam effet habiturus, litem obtineret; jam plene, ac perfectè præceptis intimæ artis eruditus, mercedem omnino negat. Litem intentat illi magifter: *Et debes, inquit, omnino mercedem, quò res cumque vertant. Si enim vicerò, debes, ut condemnatus; si viceris, debes ex pacto. Immo, inquit verfpellis difcipulus, quò res cumque vertant, nihil habebis. Si enim caufam vicerò, ex iudicum fententia nihil debeo, fi verò caufâ cado, jam tibi ex pactionis debeo nihil.*

2. Solvitur Dilemma, fi alterutram illius partem infirmare poffis, vel fi oftendas, aliquid medium inter duas propofitiones intercedere. Sic cum fervus ab hero fortè percuffus, illum hoc repentino Dilemmate petiffet: *Si sum improbus, cur meâ uteris operâ? fi probus, cur aut quorfum tandem me percuffis?* Hoc Dilemma fic in fervum acutè retorfit. *Non te percuffio, quia probus es; sed ut ex improbo fias aliquando probus.*

§. VII. DE CROCODILLO, & DE ARGUMENTO INSOLUBILI.

Huc referri potest Crocodillus, de quo pauca sunt hoc loco delibanda.

Quid est Crocodillus?

R. Est argumentationis species captiosa, & fallax, quæ incautos, quibusdam quasi vinculis irretitos, inducit in fraudem. Vocatur autem *Crocodillus*, ob hanc, quam Poëtæ finxere, causam.

Crocodillus oranti mulierculæ ut filium, dum fortè juxta flumen ambularet, abreptum, sibi redderet, respondit redditurum utique, si ad propositam quæstionem verum diceret. Hæc autem fuit quæstio: *Filium reddam tibi, necne?* Ad hæc mulier anxia, fraudemque suspicata, respondit; *Non reddes; Et ob eam causam reddi debere, quod nempe verum dixisset.* Mentiris, inquit vaser Crocodillus: *si enim reddidero, verum non eris locuta. Reddere ergo non possum, quin falsa dixeris.*

Huc etiam revocantur propositiones, quas vocant *mentientes*, sive *insolubiles*, quæ se omnino destruunt; ejusmodi est hæc Cretensis cujusdam Poëtæ: *Omnes ad unum Cretenses semper mentiuntur.* Er-

go non mentitur certè quidem Poëta Cretenſis, dum illos ſemper mentiri aſſeverat: Unde non ſunt omnes ſemper mendaces.

§. VIII. DE SORITE, & Epicherema to

Quid Sorites?

R. Eſt argumentatio, qua ex multis propoſitionibus gradatim minutatim, & velut acervatim congeſtis aliquid inferitur. Unde *Syllogiſmus acervalis* vocatur à Tullio. Hoc acervali, captioſoque argumentandi genere utebatur olim Themiftoeles, dum per riſum, jocumque dictitabat, filium ſuum, licèt nondum triennem, toti tamen terrarum orbi imperare. Sic enim lepide ajebat: *Meus filius imperat matri, illa mihi, ego Athenienſibus, Athenienſes Græciæ, Græcia Europæ, Europa toti orbi. Ergo filiulus meus imperat toti terrarum orbi.*

In hoc diſputandi genere frequentes erant Stoici, & illorum princeps Zeno. Sed maximè omnium illo delectatus dicitur Chryſippus, ut Socrates Inductione, & Ironiâ. Sed hoc genus argumenti ſæpè ſolet eſſe captioſum, & fallax. Tum enim ſenſim, & minutatim multa coacer-

van-

vantur, facile est injicere respondenti laqueos, & periculofam illi telam texere. Retexere igitur oportebit, & seorsim fingula confiderare, ficque facilius univerfa frangentur.

Cedò denique etymon illius vocis Sorites?

R. Habes germaniffimum etymon in hac voce Græca *sophos*, *cumulus*, *acervus*, unde *sorites*, *forites*, *argumentum acervale*.

Quid est Epicherema?

R. Est Enthymema contractum, cujus duæ propofitiones in unam conferuntur; ut. *Sinè causa dominum servus accuset?* In hac enim una propofitione continentur hæ duæ: *Non debet servus temerè, & sinè causa dominum incufare; ergo servus, & medicus regis Dejotari non debet illum temerè apud Cæsarem incufare.*

De his omnibus argumentationum generibus habes splendidam, atque uberem tractationem in Acroasibus Cl. Viri Jacobi Facciolati.

C A P U T III.
DE CONFUTATIONE.

Quid est Confutatio?

R. Est pars orationis, in qua rationes contra nos pugnantes refellimus.

Quomodo fit Confutatio?

R. Fit primò negatione mera, cum scilicet rem allatam ab adversario, falsam omnino esse dicimus; aut illam absurdam, incredibilem, repugnantem esse demonstramus. Ità Cic: pro Quintio, rem negat apertè. *Negamus te bona Quintii, Sexte Nævi, possedisse edito prætoris.* Sic etiam pro Roscio perspicuè demonstrat, parricidii crimen, cujus infimulatur Roscius, ab illius vita, moribusque prorsus alienum esse; quem locum, quia longior est, omitto.

2. Fit Confutatio, cum factum non negamus, sed excusamus, & jure factum fuisse contendimus. Sic Tullius pro Rabirio, Saturnini mortem, quæ illi obiciebatur, adeò non expavescit ut scelus, ut potius illius auctorem exoptet fuisse Rabirium: *Arguis occisum esse à C. Rabirio*
L.

L. Saturninum, & id C Rabirius multorum testimoniis, Q. Hortensio copiosissime defendente, antea falsum esse docuit. Ego autem si mihi esset integrum, susciperem hoc crimen, agnoscerem, confiterer. Utinam hanc mihi facultatem causa concederet, ut possem hoc prædicare, C. Rabirii manu L. Saturninum hostem populi R. interfectum.

3 Fit Confutatio, cum adversarios, pari, vel etiam majori re objecta, vicissim laceffimus, ut periti duces solent, qui hostium vires distrahunt, & aliò avertunt. Talis est apud Virgilium disputatio pastorum; in qua sic prior incipit Damœtas:

Dic quibus in terris, (& eris mihi magnus Appollo)

Tres pateat cœli spatium non amplius ulnas!

Mopsus impar respondendo, nova quæstione conatur irretire Damœtam

Dic quibus in terris inscripti nomina regnum

Nascantur flores: & Phyllida solus habeto.

4. Confutatio fit per indignationem, atque contemptum: cum nempe generosa quadam fiducia, quæ nobis objiciuntur, spernere, ac dedignari videmur: Hujus-

modi fingulare omnino, nobileque in primis habes exemplum in 37. Livii libro, ubi magnus ille Scipio Africanus, post tot res præclarè gestas, invidorum, ut fit, calumniis appetitus, & in jus ad causam dicendam vocatus, *Silentio facto, Hoc, inquit, die, Tribuni plebis, vosque Quirites, cum Hannibale, & Carthaginensibus, signis collatis in Africa, bene, ac feliciter pugnavi. Itaque cum hodie litibus, & jurgis supersederi æquum sit, ego hinc extemplo in Capitolium, ad Jovem optimum maximum, Junonemque, & Minervam, ceterosque Deos, qui Capitolio, atque Arci præsident, salutandos ibo, iisque gratias agam, quòd mihi, & hoc ipso die, & sæpè aliàs egregiè reipublicæ gerendæ mentem, facultatemque dederunt. Vestrum quoque, quibus commodum est, ite mecum, Quirites, & orate Deos, ut mei similes Principes habeatis.*

Aliquando etiam valdè utile erit in consultatione jocos, sales & facetias, etiam in rebus seriis adhibere, quæ si nec in mimicam scurrilitatem degenerent, nec in atrocius maledictum, nec in nimiam dicacitatem, mirum quantum causæ profint, & animos auditorum exhilarent.

Postremus deniquè refutandi modus fit
per

per compensationem; cum scilicet neque factum negamus, neque jure factum contendimus; sed alio quodam præclaro facto abundè compensari ostendimus. Sic Horatius, qui sororem interfecerat, iudiciò populi R. fuit absolutus, *magis admiratione virtutis, quàm jure causæ*, inquit Livius.

C A P U T IV.

DE PERORATIONE.

Quid est Peroratio?

R. Peroratio, sive Epilogus, est ultima orationis pars, in qua id, quod tota oratione expetebat Orator, majori vehementia evincere, & obtinere contendit. Ità Quintilianus.

Quot partibus constat Peroratio?

R. Duabus: Enumeratione, & Motu, seu affectuum commotione.

§. I. DE ENUMERATIONE.

Quomodo fit enumeratio in Peroratione?

R.

R. Fit cum ea, quæ per totam orationem variè sparsa sunt, summatim colligimus, & sub uno veluti aspectu ponimus, per Anacephalæosim, seu recapitulationem, quæ est rerum fusè dictarum brevis, & artificiosa repetitio.

Cedo illustre aliquod exemplum Enumerationis per anacephalæosim?

R. Exemplo esse poterit Epilogus iste in Maniliana, qui tamen partis tantum est, non verò totius Orationis: *Quare videte, num dubitandum vobis sit omni studio ad id bellum incumbere, in quo gloria nominis vestri, salus sociorum, vectigalia maxima, fortunæ plurimorum civium cum republica defenduntur.* Et rursus in eadem Orat. *Quare cùm bellum ità necessarium sit, ut negligi non possit; ità magnum, ut accuratissimè sit administrandum; & cùm ei Imperatorem præficere possitis, in quo sit eximia belli scientia, singularis virtus, clarissima auctoritas, egregia fortuna: dubitabitis, Quirites, quin hoc tantum boni, quod à Diis immortalibus oblatum, & datum est, in rempublicam conservandam, atque amplificandam conferatis?*

Quid

Quid observandum est in Enumeratione,
seu Anacephalæosi?

R. Duo maximopere sunt observanda.

1. Ut cursum, & raptim repetas ea duntaxat, in quibus causa potissimum consistit, & quæ maximè vellis auditorum animis inhærere. Si enim omnia minutatim repetas, non erit Peroratio, sed nova quaedam oratio, inquit Fabius.

2 Quæ dispersè, diffuseque dicta sunt, ità summatim enumerabis, ut ea cum novo aliquo pondere dicantur, figurisque illuminentur, ornentur sententiis; nè scilicet videatur *crambe repetita*, inquit Satyricus si nimis jejuna sit, nudaque repetitio. Vide quàm sententiosa sit, quàm referta rebus, & verbis Anacephalæosis illa, qua Ajax apud Ovidium, suam contra Ulysses, & pro se orationem ità concludit:

Nec Clypeus vasti cœlatus imagine
mundi

Conveniet timidæ, natæque ad furta
sinistræ.

Debilitaturum quid te petis, improbe
munus?

Quod tibi si populi donaverit error A-
chivi,

Cur spolieris, erit, non cur metuaris
ab hoste,

Et

Et fuga, qua sola cunctos, timidissime,
vincis,

Tarda futura tibi est, gestamina tanta
trahenti.

Adde, quòd iste tuus tam rarò prælia
passus

Integer est Clypeus; nostro, qui tela
ferendo

Mille patet plagis, novus est successor
habendus.

Denique quid verbis opus est? Specte-
mur agendo:

Arma viri fortis medios mittantur in
hostes;

Inde jubete peti, & refentem ornate re-
latis.

§. II. De AFFECTUUM COMMOTIONE.

Altera Perorationis pars, munusque al-
terum est affectuum concitatio: quod qui-
dem ità proprium est illius, ut propterea
Peroratio, *Sedes affectuum* à magistris ar-
tis appelletur; quòd nempe in eo potissi-
mum loco debeat orator omnia orationis
vela pandere, omnes eloquentiæ fontes
aperire, & auditorum animis quasi faces,
stimulosque subijcere.

Quomodo concitari possunt affectus in Peroratione?

R. Concitantur per amplificationem, quæ est gravior quædam, ac vehementior affirmatio, ad permovendum valde idonea. Vide, quæ suprâ fusè præcepimus de Amplificatione.

Quinam præcipuè motus sciendi sunt in Peroratione?

R. Varii, pro variis dicendi generibus. In Panegyrico sciendi sunt motus amoris, admirationis, æmulationis, lætitiæ. In vituperatione excitandum est odium, invidia, contemptus. In deliberationibus spes, confidentiam, timorem commovebis. In judiciis verò omnia concurrunt, amor, odium, indignatio, misericordia.

In hac potissimum parte incredibilem quamdam admirationem habuit eloquentia Ciceronis, qui dum peroraret, non incendebat modò judices, & auditores; sed ardere ipse quodammodo videbatur, ac præsertim quando concitanda erat erga reos commiseratio; ità, ut non rarò, quemadmodum ipse de se loquitur, *plangore, & lamentatione forum perorando compleverit.* Quapropter si fortè aliquando plures Oratores pro eodem homine dicerent, Ciceroni Peroratio relinqui so-

lebat, ut ipse ita testatur librò de Oratore: *Quid ego de miserationibus loquar? Quibus eò sum usus pluribus, quod etiam si plures dicebamus, perorationem tamen mihi omnes relinquebant, in qua ut viderer excellere, non ingenio, sed dolore assequerbar.*

Satis hoc indicat Peroratio Milonianæ, ubi sic ait: *Sed finis sit, neque enim præ lacrymis jam loqui possum, & hic se lacrymis defendi vetat.*

Et in eadem oratione: *Me quidem iudices, exanimant, & interimunt hæc voces Milonis, quas audio assidue, & quibus intersum quotidie. Itèmq; pro Rabirio Postumo: Sed jam, quoniam, ut spero, fidem, quam potui, tibi præstiti, Postume: reddam etiam lacrymas quas debeo . . . Jam indicat tot hominum fletus, quàm sis charus tuis, & me dolor debilitat, includitque vocem.*

Eadem concitandæ commiserationis arte perfidus ille Sinon Æneid. 2. suam ad Priamum, & Trojanos veteratoriam orationem ita concludit

Quod te per superos, & conscia numina veri,

Per, si qua est, quæ restat adhuc, mortalibus usquam.

Intemerata fides, oro: miserere laborum
Tan-

Tantum, miserere animi non digna
ferentis.

Vide etiam quàm plena sit affectuum,
quàmque, ut ità loquar, flexanima apud
Ovidium Ulyssis peroratio, qua Achillis
arma tandem impetravit, & Ajacem, do-
loris, ac repulsæ impatientem, ad mor-
tem adegit:

At vos, o proceres, vigili date præmia
vestro,

Pròque tot annorum curis, quos an-
xius egi,

Hunc titulum meritis pensandum red-
dite nostris,

Jam labor in fine est, obstantia fata
removi,

Altàque posse capi faciendo, Pergama
cepi.

Per spes nunc socias, casuraque mœnia
Troium,

Perque Deos oro, quos hosti nuper a-
demi;

Per si quid superest, quod sit sapienter
agendum.

Estè mei memores; aut si mihi non da-
tis arma;

Huic date: & ostendit signum fatale
Minervæ.

Quænam sunt præcipuæ virtutes Perorationis?

R. Duæ 1. Ut sit vehemens ad permovendos animos. 2. Ut sit brevis; quia, ut observat Tullius, lacrymæ citò arefcunt, & animorum incendia celeriter refinguntur.

Finis Libri Tertii.



ARTIS
R H E T O R I C Æ
LIBER QUARTUS

*DE DIVERSIS ORATIONUM
GENERIBUS.*

TAmetsi quæ de Inventione, Dispositione, & Elocutione fusiùs disputata sunt à nobis hæctenus, ad quodlibet argumenti genus facillè possint accommodari; tamen quò res sit expeditior, & cuilibet magis in promptu, de variis Orationum generibus particulatim tradenda nobis esse præcepta judicavimus. Neque verò satis esse censuimus, generatim, atque universè indicare fontes, unde manat omnis oratio; nisi etiam singula itinera, singulasque vias indicare figillatim aggredemur.

Omnes itaque, quæ haberi possunt orationes, ad tria dicendi genera revocantur; nempe ad demonstrativum, deliberativum, &

judiciale. Ad genus demonstrativum pertinent. 1. Oratio Panegyrica; 2. Oratio natalitia, seu Genethliacon; 3. Epithalamium, seu Oratio nuptialis; 4. Oratio funebris; 5. Gratiarum actio; 6. Epinicium, & Oratio gratulatoria. Ad genus deliberativum revocantur suasio, diffusio, hortatio, commendatio; de duobus hinc orationum generibus enucleatè videamus: nam Judiciale minus est nostra ætate usitatum.

C A P U T I.

DE ORATIONIBUS, QUÆ PERTINENT AD GENUS DEMONSTRATIVUM.

§. I. DE ORATIONE PANEGYRICA.

*Undenam nomen suum traxit Panegyri-
cus?*

R. Panegyricæ orationes propriè dicebantur illæ, quæ magno apparatu habebantur olim in panegyri, hoc est, in publico, solemnique Græcorum undique convolantium cætù, sive ad ludos faciendos, sive ad sacra, nundinasve in aliquo emporio celebrandas. Harum porrò orationum initium quò splendidius esset, sumi solebat
à lau-

De diversis Orationum generibus. 316

à laude Numinis illius, quod ludis præesse credebatur, ut Olympii Jovis in ludis Olympicis, Apollinis in certamine Pythico. Deinde sequebatur laus gentis, vel urbis, ubi ludi celebrabantur. Denique Principes, vel Magistratus, qui certamini præerant, pugiles, qui decertaverant, ac præsertim victores, qui præmia tulerant, plena manu laudabantur.

Hæc erat ratio veterum illarum orationum, quæ habebantur in panegyri. Sed posterioribus temporibus non illæ solum vocatæ sunt Panegyricæ, quæ sole mnibus in ludis dicerentur; sæd illæ etiam, quæ in nobili quopiam confessu, qualis est Senatus, in Principum laudem habebantur.

§. II. DE INVENTIONIBUS, & FONTIBUS PANEGYRICI.

Quænam series servari solet in Panegyrico?

R. Duplex; artificialis nempe, & naturalis. Servatur series artificialis, cum indiscriminatim, confuso temporis ordine, omnia ad certa quædam capita ex arte revocantur: v. gr. si quis veteris, seu majoris Catonis laudes ad tria hæc referat capita, quod fuerit optimus Senator, op-

timus Orator, optimus Imperator. Simili ratione Tullius in Maniliana, Pompeji laudes refert ad scientiam rei militaris, ad virtuteum, ad auctoritatem, & ad felicitatem. Sic etiam Q. Curtius Alexandrum Magnum laudat ex hoc duplici capite, virtute scilicet, & fortuna. *Fatendum est, inquit, cum plurimum virtuti debuerit, plus debuisse fortunæ, quam solus omnium mortalium in potestate habuit.* Hic porro artificialis ordo longè plus habet artis, & ingenii, quàm ordo naturalis.

Quænam est series naturalis?

R. Series naturalis ea dicitur, in qua historiæ, ac temporis ordo servatur. Hæc autem series dividitur in tria tempora: illud, quod vitam antecessit; illud, quo quis vixit; & si naturæ concesserit, illud, quod mortem est consecutum.

Hunc persæpè adhibuerunt Isocrates, & Tullius. Hunc ferè usurpavit Plinius in nobili illo Trajani Panegyrico. Nam illius laudationem orditur ab adptione, temporis ordinem ferè servans, & ad tertium usque consulatum perducit. Utinam verò seriùs habita fuisset pulcherrima illa laudatio, ut reliquam etiam op-

timi Imperatoris vitam haberemus. Cum enim in tertio, ut diximus, Trajani Consulatu fittat Plinius, nihil profus in illo legas de Decebalo victo, unde Dacici nomen retulit Trajanus, quod quarto Consulatu contigit; nihil de tot aliis rebus præclare ab eo gestis. Quæ verò Plinius refert, etiamsi non magnum belli ducem ostendant Trajanum, quia nondum ejus ductu bellum fuerat gestum; tamen signa sunt, ex quibus magnum olim belli ducem fore liquidò conjici poterat. Verùm qua parte nos deftituit Plinius, alii Panegyristæ, sed aliis in Imperatoribus, exemplo esse poterunt: ut è Latinis Mamertinus, aliique, qui cum eo pariter solent excendi. Nec planè aspernandus Ennodii Ticinensis Episcopi Panegyricus, de dicitur Theodorico Gothorum regi.

E Græcis adeundus Julianus, orationibus duabus in laudem Constantii Imp: Juvabunt quoque plurimum Latinorum Poëtarum Panegyrici; ut ille Tibulli ad Messallam librò 4. itèm seu Ovidii, seu Lucani ad Calpurnium Pisonem. Quibus adde Panegyricos Claudiani, Sinonii, & aliorum.

Hinc Naturalis ordo peffacilis est, sed vulgaris, ac plerumque languidus, nisi verborum, sententiarumque floribus asper-

gatur, & acutiùs excitetur sententiis: uti factum à Plinio in suo illo eximio Panegyrico, in quem tamquam in eximium exemplar, intueri poterimus.

§. III. DE TEMPORE, QUOD ORTUM ANTECESSIT.

Quid laudare poterit Orator in illo primo tempore?

R. Tria, nempe genus, patriam, & aurguria, si quæ fortè pueri natalem horam præcesserint.

Quomodo laudari quis poterit à genere?

R. Si genus sit illustre, laudabis à splendore natalium, majorumque rebus gestis, quæ sunt quædam virtutis quasi semina, in nobilium animis insita. Dices majorum virtutem in eum, quem laudas, cum sanguine pariter fuisse transmissam, juxta decantatum illud Horatii verbum: *Fortes creantur fortibus.* Dices, filios impressis majorum vestigiis insistere solere. Hinc illud Claudiani.

... Nobilitas cunctis exordia pandit
Laudibus, atque omnes redeunt in semina causæ.

Hinc Maro magnificè laudat Camertem
Æn. 12.

Cui

De Diverſis Orationum generibus 320

Cui genus à proavis ingens, clarumque
paternæ

Nomen erat virtutis, & ipſe acerrimus
armis.

*Quid factò eſt opus, ſi is, qui laudatur, ob-
ſcuro genere natus ſit?*

R. Locum habere poterit illud Minutii
Feliciſ in Octavio: *Omnes pari ſorte naſci-
mur, ſola virtute diſtinguimur.* Vel illud
Velleji Paterculi: *Optimus quiſque nòbilif-
ſimus.* Dices quoq; cum Seneca; *Non fa-
cit nobilem, Atrium plenum fumofis ima-
ginibus. Nemo in noſtram gloriam vixit:
nec quod ante nos fuit, noſtrum eſt.* Ani-
mus facit nobilem, cui ex quacunque con-
ditione ſupra conditionem licet ſurgere. U-
ſurpabis tritum illud alterius Senecæ: *Qui
genus laudat ſuum, aliena laudat.* Nihil
etiam magis pervulgatum quàm eſſatum
illud Ulyſſis, in certamine cum Ajace:

Et genus, & proavos, & quæ non fe-
cimur ipſi,

Vix ea noſtra voco.

Cui planè ſimillimum eſt, quod ait Ju-
venalis Sat. 8.

Malo pater tibi ſit Therſites, dummo-
do tu ſis

Æacidæ similis, Vulcaniaq; arma cape-
fas;

Quàm te Therfitæ similem producat
Achilles.

Majorum primus quisquis fuit ille tuo-
rum,

Aut pastor fuit, aut illud, quod dice-
re nolo.

Denique nè generis humilitas quidquam
de laudibus deferat, erunt in promptu
communia hæc exempla. 1. Augustum
patre avoque argentario natum esse, ut
nonnulli voluere: proavum verò habuisse
libertinum; avum autem maternum fuisse
pistorem Ariciæ, quod illi non semel ex-
probravit Antonius, teste Suetonio. 2.
Agathoclem Siciliæ regem patre figulo
natum, teste Justinio. 3. Ptolemæum pri-
mum Ægypti regem, à quo successores
omnes dicti sunt *Ptolemæi*, è gregario
militiæ nomine *Lugo* fuisse prognatum.

4. Magnum illum Arfacem, primum Par-
thorum regem, unde itè *Arfacidæ* dicti
sunt, obscuris omnino natalibus ortum
fuisse.

5. Demosthenis patrem, gladiatorum fa-
brum fuisse.

Quò alludit Juvenalis, cùm ait Satyrâ 10.

Dis

Dis ille adversis genitus, fatôque fini-
strô,

Quem pater ardentis massæ fuligine lip-
pus

A carbone, & forcipibus, gladiosque
parante

Incude, & luteo Vulcano ad rethora
misit.

Erit etiam in promptu magna illa
Tullii vox, cum contemptim, *novus Arpi-
nas* appellaretur, *Ego, inquit, meis majo-
ribus virtute mee preluxi.* Denique pot-
erit usurpari quoque ingeniosum illud di-
ctum Iphicratis, qui ex sutoris filio, ob
summam rei militaris peritiam, factus A-
theniensium exercitus Imperator, invi-
do cuidam generis ignobilitatem expro-
branti falsè respondit: *Meum genus à me
incipit: tuum in te desinit. Meorum pri-
mus ego sum; tu tuorum ultimus.*

Quomodo ducitur laus à patria?

R. Si ea illustris fuerit, virisque insigni-
bus nobilitate, hoc ipsum in laude poni
solet. Hunc laudationis fontem non
ignoravit Virgilius, cum ait de Didone:

Multa viri virtus animo, multusque re-
cursat Gentis honos.

Quid

R. I. Usurpabis memorabile illud Anacharsis verbum, qui cum natus esset in Scythia, & à Græco nescio quo *Barbarus àc Scythæ* contemptim appellaretur, perquam ingeniosè respondit: *Mihi quidem patria probro est; tu verò patrice.*

2. Dices cum Juvenale, tametsi adeò pervulgata esset Abderitarum stupiditas, ut etiam in communi proverbio versaretur: unde Martialis: *Abderitanæ pectora plebis habet:* tamen Abderitam fuisse Democritum, Physicum illum subtilissimum, naturæque venatorem acerrimum:

. . . . Cujus prudentia monstrat
 Summos posse viros, & magna exempla
 daturus,
 Vervecum in patria, crassoque sub àere
 nasci.

3. Juvabit etiam illud Claudiani, de laudibus Stiliconis:

Lectos ex omnibus oris
 Evehis, & meritum, nunquam curabula
 quæris,

Et qualis; non unde satus

4. Faciet quoque mirum in modum illa Aufonii sententia de Severo imperatore, qui natus erat in Africa.

Punica origo illi; sed qui virtute probaret

Non obstare locum, dum valet ingenium.

Quomodo laudari quis poterit ab auguriis, & signis, quæ illius ortum antecesserunt?

R. Si quid fortè singulare contigerit, quo pueri futura claritas, & amplitudo quomodocumque portendi videatur, id solerter in laude ponendum erit. Hujusmodi est fax illa, quam Hecuba prægnans uterò gestare se somniavit. Ejusmodi est etiam vitis illa, quam in somnio vidit Aftyages, quæ palmitibus Asiam obumbraret; unde Cyri magnitudinem præfagiri ab ariolis responsum est. Id genus est etiam illud examen apum, quod in nascentis vel vagientis Ambrosii labris confedisse dicitur. His adde quod de mirabili S. Joannis Baptistæ ortu narrant Sacræ Paginæ. Nec omittenda est orbicularis illa flamma, quæ nascente Joanne Pico Mirandulano, qui postea eruditionis quoddam portentum fuit, supra caput matris parientis visa est, & mox evanuit.

§. IV. DE IIS, QUÆ IN VITA IPSA LAUDARI POSSUNT.

Quenam in hominis vita laudem præcipuam merentur?

R. Tria hæc in primis, virtutes, scientiæ, & artes.

Quenam virtutes sunt vel maximè celebrandæ?

R. Primum, ut par est, locum obtinet religio, pietasque in Deum, in Parentes, & Patriam.

Ex hoc capite suam ipsius commendationem exorditur Æneas, i Æn.

Sum pius Æneas, raptos qui ex hoste Penates.

Classe veho mecum.

Secundum locum sibi jure vindicant clementia, moderatio, atque justitia. Ex primo capite Cæsarem mirificè commendat Tullius pro Marcello: *Animum vincere, iracundiam cohibere, victoriam temperare, adversarium nobilitate, ingenio, virtute præstantem, non modò extollere jacentem, sed etiam amplificare ejus pristinam dignitatem; hæc qui faciat, non ego cum summis viris comparo, sed simillimum Deo judico. De hac eadem clementia sic Antonius Imperator ad Faustinam conjugem: Non enim*
quid

quidquam est, quod Imperatorem Romanum melius commendet gentibus, quam clementia: Hæc Cæsarem Deum fecit: Hæc consecravit Augustum.

5. Laudabitur liberalitas, atque beneficentia, qua nimirum una reges, ac principes propius ad Deum possunt accedere. Commendabitur aurea illa Scytharum legati ad Alexandrum vox; *Si Deus es, tribuere hominibus beneficia debes, non sua eripere.* Celebrari quoque poterit facilitas, ac liberalitas Imperatoris Titi, qui nihil cuiquam quod concedi fas esset, abnuebat; *negans,* inquit Suetonius, *oportere quemquam à Principe tristem discedere.* Cùm vero aliquando, inter cœnandum, diem illum beneficio vacuum abiisse meminisset, conversus ad amicos, *Amici,* inquit, *diem perdidisti.* Adeò scilicet Principibus vitam ad benemerendum de mortalibus datam existimabat: proindeque summis æquè, ac infimis charus adeò fuit, ut *humani generis deliciae* meritò diceretur.

Usurpari etiam poterit aurea illa Virgilio sententia, *Æneid* 6. sepositum quemdam Elysios esse locum iis omnibus, qui erga alios fuerè benefici:

Quique sui memores alios fecere merendo.

Denique celebrabitur fortitudo in adeundis periculis, & in laboribus sufferen-

dis; magnitudo animi excelsi, & invicti nihil extimescentis, constantia, fidesque in promissis, prudentia in consiliis capiendis, celeritas in exequendis; in adversis verò æquanimitas, & robor mentis semper imperterritæ.

Quomodo laudari quis potest à scientia, & artibus?

R. Ex dupliei capite. 1. Si liberalium artium disciplinis sit instructus is, qui laudatur. 2. Si saltèm literis, & artibus faveat, & patrocinetur. Ex hoc posteriori capite Imperatorem Trajanum magnificè celebrat Juvenalis Satyrâ 7.

Et spes, & ratio studiorum in Cæsare tantum.

Solus enim tristes hac tempestate Camœnas Respexit.

§. V. DE CORPORIS, & FORTUNÆ LAUDIBUS.

Quænam res laudantur in corpore?

R. Laudatur in corpore pulchritudo, robor, & sanitas, & his similia. Qui hæc habuerit, laudabitur, quod bene sit illis usus: Qui non habuerit, quod sapienter caruerit: Qui amiserit, quod tulerit moderatè.

Cur

Cur caduca hæc, & plerumque etiam noxia corporis bona laudantur in homine?

R. Laudantur 1. Quia, licet in se veram laudem non habeant, quæ debetur uni virtuti; tamen virtus in eorum usu, atque moderatione vel maximè cernitur. 2. Quia formæ dignitas est optimæ mentis indicium, & simulaerum quoddam, ac flos quodammodò virtutis. Unde non insecitè dictum est ab Eumenio in Panegyrico Constantini M. *Naturam ipsam magnis mentibus domicilia magna metari, & ex vultu hominis, decoreque membrorum colligi posse, quantus cælestis spiritus intravit habitator.* 3. Quia corporis decor est muta quædam commendatio, & ut eleganter agebat Carneades, *Regnum absque satelitio.*

Gratior, & pulchro veniens in corpore virtus

Adjuvat.

inquit Maro. Hinc est, quòd olim populi bene multi, & in primis Æthiopes, Indique, in dandis Imperiis, proceritatem, ac pulchritudinem spectare solebant, ut narrat Aristoteles: graviterque mulctatus fuit olim à Lacedæmoniis Archidamus rex, quòd exiguam duxisset uxorem. Querebantur enim *non reges, sed regulos* ex hoc conjugio procreatum iri 4. Quia pulchritu-

tudo est veritatis non solum indicium, sed etiam adjumentum. 5. Denique cum vel in ipsis sacris litteris prædicetur David ut *pulcher aspectu, & facie decora*; quid sane mirum, si à Cornelio Nepote laudetur Alcibiades, ut *ætatis suæ formosissimus*? Si ex hoc eodem capite commendetur à Plutarcho Scipio Africanus, & si de Theodosio M. dixerit Pacatus; *Virtus tuæ meruit Imperium: sed virtuti addidit forma suffragium. Illa præstitit, ut oporteret te Principem fieri: hæc ut deceret.*

Quòd si subturpiculus fortè fuerit vel deformis is, qui laudatur, tunc sanè corporis vitium egregiis animi dotibus solenter compensabis. Confugies ad illud Ovidianum.

Si mihi difficilis formam natura negavit;

Ingeniò formæ damna rependo meæ

Dices deformem fuisse Socratem, cæcum Homerum, coclitem seu altero oculo captum Philippum Alexandri magni patrem, itemque Hannibalem. Unde Juvenalis:

Cum Getula Ducem portaret bellualu-
scum,

Flu-

De Diversis Orationum generibus- 330

Fluxam & caducam formæ fragilitatem, quæ propediem deflorescit, verbis exaggerabis, unde Socrates ingeniosè agebat, illam esse *brevem tyrannidem*. Neque fragilem modò dices, sed etiam rem esse plerumque perniciosam, præcipitem, lubricam, & periculosæ alexæ plenam docebis. Unde festivè Petrarcha vocat illam *velum oculis, pedibus laqueum, viscum alis*. Postremò addere poteris cum Petronio: *Raram facit mixturam cum sapientia forma; & cum Ovidio, primò Fastorum.*

Fastus inest pulchris, sequiturque superbia formam:

Cum Martiali, lasciviam esse per sæpe illius comitem.

Insignis formâ, nequitiaque puer.

Cum vanissimo illo milite apud Plautum: *Nimia est miseria pulchrum esse hominem nimis*. Sed in primis dices cum Juvenali Sat: 10.

Sed vetat optari faciem, Lucretia qualem

Ipsa habuit, cuperat Rutilæ Virginia gibbum

Accipere, atque suam Rutilæ dare. Filius autem

Corporis egregii miseros, trepidosque parentes

Semper habet: rara est adeò concordia formæ

At-

Atque pudicitia

Quænam sunt Fortune bona?

R. Honores, & divitiæ.

Quomodo commendari quis poterit ab honoribus?

R. Bifariam, si nempe illos promeritus fuerit, beneq; illis fuerit usus. Hinc acute omnino suum Trajanum laudat Plinius, quod meruerit honores, antequam fuisset illos adeptus: *Soli, inquit, contigit tibi, ut pater patriæ esses, antequam fieres.* 2. Si meruerit simul, & spreverit, quemadmodum magnanimus ille Frontinus, quem Rufo ita comparat Plinius in Epistolis: *Uterque, inquit, ad gloriam pari cupiditate, diverso itinere contendit. Alter (Rufus) cum expedit debitos titulos: alter (Frontinus) cum mavult videri contempsisse.*

Quomodo commendari quis potest à divitiis?

R. 1. Si possideat, non possideatur 2. Si sint honestis laboribus partæ. 3. Si iis utatur non ad perfruendas voluptates, sed vel ad usus vitæ honestos, vel ad juvandos amicos, vel ad egenorum inopiam sublevandam, ut Trajanus; de quo ita Plinius: *Nihil magis tuum credis, quam quod per amicos habes:* Non verò quemadmodum aut luxuriosi, perditique nepotes, aut avari.

Aut

Aut qui divitiis soli incubuere reperitis,
Nec partem posuere suis: quæ maxima
turba est.

Quod si fortunæ bonis carueritis, quem
laudas, confugies ad tritos illos, com-
munesque locos, blandientis fortunæ
munera potius esse in malis, quàm in bo-
nis numeranda; caduca; semper hæc ef-
fe, non virtutis, & ingenii, sed incer-
tæ sortis, & temporum munera; infeli-
citatibus genus esse semper esse felicem.
Usurpabis aureum illud verbum: *Nescio
quomodo bonæ mentis seror est paupertas:*
Amplificabis Horatianum illud: *Aurum
irreperitum, & sic melius situm cum terra
celat.* Dices deniq; cum Juvenali.

Si fortuna volet, fies de Rhetore Con-
sul.

Si volet hæc eadem, fies de Consule
Rhetor.

§. VI. DE TEMPORE ILLO, QUOD MOR-
tem subsequitur.

Supereft nunc tempus ultimum, cujus
in primis habenda est ratio. Ut enim do-
cet D. Ambrosius: *Ante mortem nulla est
perfecta laudatio; neque quisquam in hac
vita potest definitò præconio prædicari, cum
posteriora ejus incerta sint.*

Quæ-

Quænam res in ultimo tempore laudari possunt?

R. Duæ. 1. Quæ in ipsa morte; 2. Quæ sub ipsum mortis tempus contingere.

Quid in ipsa morte considerare potissimum debet Orator?

R. Duo: genus nimirum, & causam mortis; Genus, si quis piè, ac fortiter obierit, ut sapientem, ac probum decete Causa verò laudabitur, si nempe vel pro patria pugnans occubuerit; *Dulce enim, ac decorum est pro patria mori*, inquit Horatius; vel si pro tuenda religione mortem occubuerit, ut Christi Martyres Sanctissimi: vel denique si honestis animi, corporisve laboribus, & curis sibi ipse mortem acceleraverit.

Quænam post mortem consideranda sunt?

R. Tria hæc spectari solent, 1. Pompa funebris, & honores habiti mortuo; ut quòd Aristoteli statua fuerit erecta cum inscriptione hujusmodi: *Aristoteles Philosophorum optimus*; vel quòd uni Demetrio Phalereo statuae trecentæ, & sexaginta fuerint Athenis positæ, vel quòd Gorgiæ Leontino, non aureata, ut ceteris, sed aurea statua fuerit erecta. 2. Spectatur bonorum mœror, & luctus, Quò refer illa Mopsi apud Maronem Ecl. 5.

Non

Nonnulli pastos illis egere diebus
Frigida, Daphni, boves ad flumina;
nulla neque amnem

Libavit quadrupes, nec graminis atti-
git herbam

Daphni, tum Pœnos etiam ingemuis-
se leones

Interitum, montesque feri, silvæque
loquuntur.

Sed nihil in hoc genere comparandum cum
incredibili, insolitòque omnium luctu, & a-
cerbissima militum comploratione post A-
lexandri mortem; quod eloquentissimè ità
describit *Curcius* lib: 10. *Suprema hæc vox
regis fuit & paulò post extinguitur. Ac pri-
mo ploratu, lamentisque, & plandibus to-
ta regio personabat; mox velut in vasta
solitudine omnia tristi silentio muta torpe-
bant, ad cogitationes quid deinde futurum
esset, dolore converso. Nobiles pueri custo-
diæ corporis ejus assueti, nec doloris ma-
gnitudinem capere, nec se ipsos intrà vesti-
bulum regiae retinere potuerunt; vagique,
ac furentibus similes totam urbem luctu, ac
mœrore compleverant, nullis quæstibus o-
missis, quos in tali casu dolor suggerit . . .*

*Nec poterant victi à victoribus in communi
dolore discerni. Persæ justissimum, ac mitis-
simum dominum; Mæcedones optimum, ac
fortissimum regem invocantes, certamen*

quoddam mœroris edebant. Nec mœstorum solum, sed etiam indignantium voces exaudiebantur; tam viridem, & in flore ætatis fortunæque, invidiâ Deorum ereptum esse rebus humanis. Vigor ejus, & vultus educens in prælium milites, obsidentis urbes, evadentis in muros, fortes viros pro concione donantis, occurebant oculis.

Persæ, comis more suo detonsis, in lugubri veste cum conjugibus, liberis, non ut victorem, & modò hostem, sed ut gentis suæ justissimum regem, verò desiderio lugebant. . . . Ad Darii quoque matrem celeriter fama perlata est. Abscissa ergo veste, qua induta erat, lugubrem sumpsit; laceratisque crinibus, humi corpus abjecit. . . . ad ultimum dolori succumbit, obvolutoque capite, accidentes genibus suis neptem, nepotemque aversata, cibò pariter abstinuit, & luce; quinto, postquam mori statuerat, die extincta.

3. Denique spectantur filii superstites relictî, unde levare mortis mœror, damnumque aliquo pacto farciri possit. Itâ D. Ambrosius in funere Theodosii magni, Ergo, inquit, tantus Imperator recessit à nobis, sed non totus recessit. Reliquit enim liberos, in quibus eum debemus agnoscere, & in quibus eum cernimus, & tenemus. Intelligit autem Honorium, & Arcadium, qui patri in Imperio successerê. §.

§. VII. ANIMADVERSIONES QUÆDAM
CIRCA PERSONARUM LAUDATIO-
NEM.

*Quænam observanda sunt in personarum lau-
datione ?*

R. Tria hæc. 1. Nè ad ementitas, fictiti-
asque laudes recurramus, quæ scilicet
non splendorem afferunt orationi, sed
in veris etiam fidem omnino derogare so-
lent; ut olim contigit imprudentibus his-
ce Poëtis: qui versibus celebrare veriti
non sunt hyacinthinas Stratonices comas,
quam non deformem modò, sed calvam
prorsus esse nemo non sciebat. Hoc e-
tiam illustrare poteris exemplò Lipsii, qui
Alexandrum sapienter effinxit hastam ma-
nu tenentem, Apellem reprehendens, quòd
eundem fulminantem depinxisset, & ità
spoliasset veris, ac propriis insignibus,
ut ornaret falsis, quæ nullam apud po-
steros fidem essent habitura.

2. Cavendum est, nè in meliorum copia,
res consuetemur viles, & facta leviora.
Ut enim scitè ajebat Phavorinus, turpius
est exiguè frigidèque laudari, quàm gra-
viter vituperari. In magnis tamen viris a-
liquando etiam res minuscultas commen-
dare operæ pretium est. Fecit hoc olim

Damis in Apollonio suo Tyanæo: eoque nomine reprehensus; argutè respondit: *De mensis Deorum analecta quoque colligi sedulò debere, nè de illorum ambrosia quidquam depereat.*

3. Denique erit hoc observandum diligenter, ut non communes, ac pervagatas, sed proprias ejusque, vel saltèm cum paucis communes laudes præcipuè confectionentur. Quapropter planè, ac perfectè perspecta tibi esse debent, quæ propria sunt illius, de quo agitur.

De personarum laudatione satis, superque dictum à nobis hætenus. Unde intelligi facillè potest, quomodo debeat institui vituperatio, quippe ubi omnia prorsus debent inverti.

§. VIII. DE ORATIONE NATALITIA, SEU GENETHLIACA.

Quid est oratio Genethliaca?

R. Oratio Genethliaca, quæ etiam Genethliacum, vel Genethliacus appellatur, est oratio, qua alicujus dies natalis celebratur.

Quas partes, seu capita continet oratio Genethliaca?

R. Quatuor. I. Continet laudes parentum, atque majorum, quæ jure quodam

dam hæreditario pertinere videntur ad prolem. 2. Spem, quam præbet puer vitæ aliquando cum laude peragendæ, 3. Lætitiam, & gratulationem de prole feliciter parentibus nata. 4. Vota, & preces ad Deum O. M. ut infanti faustè, feliciter, prosperèq; eveniant omnia, utque in patriæ decus, & ornamentum adolescat. Hujusmodi vota pro Domitiani filio, licèt nondum nato, facit Martialis l. 6.

Nascere Dardanio promissum nomen Julio,
Vera Deum soboles, nascere magne puer,

Cui pater æternas, post sæcula, tradat
habenas,

Quippe regas orbem cum seniore senex.

Undenam excitari potest spes illa, atque expectatio de futura prolis virtute, ac gloria?

R. Ex variis circumstantiis; 1. ex genere; 2. ex facie; 3. ex futura educatione; 4. ex signis, ex portentis, ex victoriis, prosperisque aliis eventis; si qua forte id genus pueri ortum vel antecesserint, vel comitata fuerint, aut subsecuta: qualia de Augusto narrantur, itemque de Pyrrho rege, qui maternis uberibus appensis dixit: Bulonxi, volo, quæ vox transit in omen futuræ audaciæ. Si quis paren-

tum enixè efflagitantium precibus, ac votis concessus à Deo fuerit, habebis uberem benè augurandi campum, ut de Scipione memorat A. Gellius, & ut Ludovico Magno contigisse vidit ætas nostra.

Quænam est dispositio Genethliaci?

R. Exordium erit lætitiæ, & gratulationis plenum, & ductum ab aliqua temporis, loci, vel personæ circumstantia. Ità Maro eximium illud Salonini, seu alterius Genethliacum exorditur ab apostrophe, quæ gestientem quamdam lætitiâ exprimit:

Sicelides Musæ, paulò majora canamus,
Confirmatio continebit parentum laudes,
& varias causas, quæ læta omnia de infante sperare jubeant, Vide quàm magnificè locum hunc tractet Virgilius, quantàque non vereatur augurari de puerro, ex patris virtute notissima.

Ille Deûm vitam accipiet, Divisque videbit

Permissos heroas; & ipse videbitur illis:

Pacatumque reget patriis virtutibus orbem,

At simul heroum laudes, & facta parentis.

De diversis Orationum generibus. 346

Jam legere, & quæ sit poteris cognoscere virtus;

Molli paulatim flavescet campus arista.

Peroratio denique vota, præcesque pro filii, & parentum incolumitate continebit. Ità Statius *Silvarum* librô 4.

Magnus te manet ordo sæculorum;
Natis longior, abnepotibusque,
Annos perpetuâ geres juventâ,
Quos fertur placidos obisse Nestor,
Quos Tithonia computat senectus,
Et quantos ego Delium poposci.

Quid est oratio Lustrica?

R. Ea est, quæ à veteribus nonnullis habebatur; quando infanti nomen imponebatur. Vocabatur autem *Lustrica oratio*, quòd dies ille *Lustricus*, seu *lustralis* vulgò diceretur. Verùm quoniam illud orationis genus penitus apud nos videtur obsolevisse, in illo tractando operam, & oleum perdemus.

§. X. DE ORATIONE NUPTIALI, SIVE
EPITHALAMIO.

Quid est Epithalamium, seu oratio nuptialis?

P 4

R.

R. Epithalamium, ut vox ipsa satis indicat, est oratio, qua alicujus nuptiæ celebrantur. Sic autem appellatur à voce Græca Dalxon, quæ *cubiculum nuptiale* significat.

Quot sunt partes Epithalamii?

R. Quatuor. 1. Dicitur generatim, & universè de nuptiarum laudibus, & de bonis matrimonii, quo scilicet hominum societas primùm cœpit, urbes conditæ sunt, genus humanum propagatur, vitæ levantur incommoda, & mutua charitas, atque benevolentia cognitionibus, & affinitatibus serpit, atque diffunditur.

2. Pars, quæ præcipuam quamdam curam, diligentiamque desiderat, continet laudes utriusque conjugis. Dueuntur autem laudes illæ à Parentibus, à Patria, ab honoribus, fortunisque, à corporis, animique dotibus, & à certis illis capitibus, unde laudari homines solent, de quibus, fusè diximus supra. Ità Mariam Imperatoris Honori novam conjugem laudibus in Cœlum tollit Claudianus Epithal.

Salve fidereæ proles augusta Serenæ,
Magnorum soboles regum, pariturâq;
reges.

Quæ proprior sceptris facies, quis dignior aulâ
Vul-

Vultus erit? Non labra rosæ, non col-
la pruinæ,
Non crines æquant violæ, non lumina
flammæ.

.....
Auroræ vincis digitos, humerosque
Dianæ.

Tertiô locô laudatur nuptiarum apparatus
atque celebritas, popularium, & affini-
um prædicatur lætitia, & aliqua etiam
laude solent aspergi, qui ad nuptias con-
venerê. 4. Denique præcipuis, & fau-
stis omnibus clauditur oratio, & vota
Deo, Superisque pro felici liberorum or-
tu, mutuâque conjugum concordia nun-
cupantur. Ità Statius in Epithal. Stellæ
& Violantillæ:

Eja age, præclaros Latio properate
nepotes.

Qui leges, qui castra legant, qui carmi-
na ludant;

Acceleret partu decimum bona Cyn-
thia mensem;

Sed parcat Lucina, precor, tûque ipse
Parenti

Parce puer; nè mollem uterum, nè
stantia lædas

Pectora: cùmque tuos tacito natura re-
cessu

Formavit vultus, multum de matre decoris,

Plus de patre feras

Pro mutua conjugum concordia sic vota nuncupat Martialis in Epith: Prudentis, & Claudix l. 4.

Diligat illa senem quondam: sed & ipsa marito

Tunc quoq; cum fuerit, non videatur anus.

§. X. DE LAUDATIONE FUNEBRI.

Quid est oratio Funebriſ?

R. Ea est, quæ habetur vel in ipſo funere, vel in anniversario funeris die, cuſmodi erant orationes illæ, quas ad Mausoli ſepulchrum quotannis haberi juſſit Artemiſia; itèmque quæ Athenis habebantur in laudem eorum, qui in bello pro patria cecidiſſent, qualis est oratio Periclis apud Thucydidem.

Quenam est origo hujusmodi Funebrium orationum?

R. Illarum inventor apud Græcos fuit Solon, unus è ſeptem Sapientibus: apud Romanos verò Valerius Publicola, qui collegam ſuum Junium Brutum, in pugna contra Tarquinius cæſum, funebri o-

ratione profecutus est; tantoque id populi applausu fecit, ut exinde mos ille obtinuerit, publicè laudandi Duces eos, qui in bello cecidissent, & à Romanis mos ille ad ceteras gentes, & ad ipsos etiam Christianos manaverit. Hujusmodi porro laudationibus mendosam factam esse historiam, auctor est Tullius, & post illum Livius; quòd nempe supra modum res in illis augeri solerent, & benè multa assentatoriè magis, quàm verè dicerentur, ut ferè fit.

Quot partibus constat oratio Funebri?

R. Orationem funebrem tribus omnino partibus constare debere: nimirum laude, consolatione, & parænesi, sive adhortatione: Laude mortui; consolatione Parentum, & affinium; Parænesi verò, seu adhortatione ad superstites, ut in mortui vitam, atque virtutes, tamquam in exemplar intueantur.

DE ARTIFICIO FUNEBRIS ORATIONIS.

Quòdnam esse debet, & undenam ducendum est illius Exordium?

R. Magnam quamdam mœroris, luctusque significationem præferre omnino debet. Duci autem poterit. 1. ab exclamatione. Tale est Exordium brevisilli-

us, sed perelegantis orationis Tullianæ in morte Craffi Oratoris clarissimi; *O fallax cem. nostram spem, fragilemque fortunam, Et inanes nostras contentiones, quæ in medio spatio sæpè franguntur, Et corruunt, Et antè in ipso cursu obruuntur, quàm portum conspiciere potuerunt!*

2. Duci potest Exordium à descriptione funebris apparatus, vel à mæsto audientium silentio, quæ res utraque sacrum quemdam horrorem audientibus incutiat. Ità nos olim sumus exorsi funebrem laudationem Ill. Ecclesiæ Principis Camilli de Nausville Archiepiscopi, & Proregis Lugd. Quòd tristi silentio, tacitàque mœstitia defixos, Et rerum à me dicendarum expectatione suspensos esse vos videam (Auditores) arguit illud quidem dolorem vestrum, cuius vim acerbissimam in vestris animis altiùs insedisse satis intelligo, At hic vester mœror, hæc expectatio tanta nè mihi, vobisque fraudi sit, est omnino, quod verear. Habeant hoc nempe magni dolores, ut superbissimum sit illorum sensus delicatissimumque fastidium: Habent hoc, ut refricando faciliè recrudescant, neque se, nisi cautè admodum, ac molliter interpellari patiantur. Verùm opprimar antè licèt officii pondere, quàm illud deseram.

3. Duci poterit Exordium à gravi aliquo

quo apophtegmate de fragili, caducaque rerum humanarum sorte, quæ nobis, ut cum maximè, ante oculos obversatur.

4. Duci poterit ab adjunctis, quæ fortè laudandi mortem circumsteterè. Hinc Imperatoris Theodosii M. laudationem funebrem orditur D. Ambrosius: *Hoc nobis motus terrarum graves, hoc juges pluvie minabantur, & ultra solitum caligo tenebrosior denunciabat, quod clementissimus Imperator Theodosius recessurus esset è terris. Ipsa igitur recessum ejus elementa mœrebant, Coelum tenebris obductum, aër perpeti horrens caligine, terra quatiebatur motibus, replebatur aquarum alluvionibus. Quidni mundus ipse desleret eum principem continuò esse rapiendum, per quem dura mundi istius temperari solerent?*

5. Denique abruptum exordium ad movendam commiserationem longè aptius esse videtur, quàm temperatum, ac lenè. Vide quomodo M. Antonius Muretus in funere Caroli noni Galliarum Regis exordiat ex abrupto: *Hoc igitur restabat unum afflictis, ac penè prostratis infelicis Galliae rebus, ut Carolus Rex, quo se illa recreabat, ac solabatur uno, de quo cogitans, in quem intuens, omnium, quas excepit, acerbitatum memoriam deponebat, cum bonorum animos ad aliquam spem quietis*

erigere cœpisset, in ipso ineuntis adolescentiæ flore, acerba, atque immatura morte raperetur. O fallaces hominum spes! O incerta vota! O lubrica, & ancipitia humanæ vitæ curricula!

Quid factô opus est in confirmatione?

R. Tribus illis, quæ suprâ memoratæ sunt, partibus constabit Confirmatio, laude nimirum, consolatione, atque Parænesi; laude mortui, consolatione propinquorum, ac amicorum, & Parænesi ad adstantes. Quod attinet ad mortui laudes, vide quæ diximus de Panegyrico, à quo nimirum hoc tantum differt oratio funebris, quòd audientium voluptatem sequatur, & captet Panegyricus; funebris verò laudatio nihil nisi mœrori serviat, atque tristitiæ; unde vitandum erit diligenter quidquid lætitiæ, gaudiumque posset animis ingenerare. Hoc artificium observare poteris in illo Horatii Carmine, ubi Quintilii amici, & affinis sui mortem lamentatur:

Ergo Quintilium perpetuus sopor.

Urget? cui pudor, & justitiæ soror

Incorrupta fides, nudaque veritas,

Quando ullum invenient parem?

Mœrentium dolorem utcumque consolabitur.

1. Vitæ ab amico laudabiliter actæ felix recordatio. 2. Honores viventi, mortu-
oque

De diversis Orationum generibus 348
oque habiti, & omnia, quæ virtutem illius testantur tum publica, tum privata monumenta. 3. Spes minimè dubia de immortali ævo, quo ille inter felices animas in cælo perfruitur, vel aliquando fruiturus est. 4. Filii, nepotesque superstites, ad quos paternæ virtutis hæreditas transit.

Quòd si fortè pro patria pugnans occubuerit is, qui laudatur: tunc enim verò poteris vagari liberius in hoc uberrimo dicendi campo, quem tibi aperit Tullius, cùm Martiam Legionem, quæ in prælio Mutinensi fortiter pugnans cecidit, magnificentissimè laudat Philippicâ 13. *Illi impii, quos cecidistis, etiam apud inferos pœnas parricidii luent: vos verò, qui extremum spiritum in victoria effudistis, piorum estis sedem, & locum consecuti. Brevis autem vobis vita data est, at memoria bene redditæ vitæ sempiterna: quæ si non esset longior, quàm hæc vita, quis esset tam amens, qui maximis laboribus, & periculis ad summam laudem, gloriàmque contendere?* Et post pauca: *Sed quoniam, Patres Conscripti, gloriæ munus optimis, & fortissimis civibus monumenti honore persolvitur, consolemur eorum proximos: quibus optima hæc est quidem consolatio, parentibus, quòd tanta Reip: præsidia genuerunt;*

349 *Artis Rhetoricæ Liber IV.*
liberis, quòd habebunt domestica exempla
virtutis; conjugibus, quòd viris carebunt,
quos laudare, quàm lugere præstabit; fra-
tribus, quòd in se, ut corporum, sic virtutum
similitudinem esse confident.

Deniq; adstantibus, earum, quas cele-
braffi, virtutum recordatione stimulos ad-
movere conaberis.

Quodnam esse debet Perorationis artifi-
cium?

R. Hæ sunt Perorationis partes. 1. Æ-
ternam apud Superos felicitatem appre-
cari mortuò. 2. Sempiternam eidem apud
Posterios exoptare ac polliceri memori-
am. 3. Summum illius desiderium in au-
ditorum animis excitare, his vel similibus
Horatii verbis, de eodem Quintilio:

Quis desiderio sit pudor, aut modus
Tam chari capitis? Præcipe lugubres
Cantus, Melpomene, &c.

§. XI. DE ORATIONE EUCHARISTICA.

Quid est oratio Eucharistica, seu Eucha-
risticum?

R. Oratio Eucharistica dicitur ea, qua
ob acceptum insigne aliquod beneficium
gratias agimus alicui; cujusmodi est lo-

culenta illa oratio, qua Aufonius Orator, & Poëta Gallus, Imperatori Gratiano discipulo quondam suo gratias egit pro Consulatu ab illo accepto. Traxit autem tum illud *Eucharistici* nomen à voce Græca *Eucharitiu*, *gratias agere*.

Quot sunt præcipuæ partes Eucharistici?

R. Tres. 1. Significamus lætitiã obortam ex accepto beneficio. 2. Accepti beneficii magnitudinem amplificamus. 3. Gratum, & memorem animum pollicemur.

Quodnam esse debet exordium orationis Eucharisticæ?

R. Exordium versari debet in aperto quodam, candidoq; dicendi, genere, & magnam grati animi foras quodammodò erumpere gestientis significationem continere. Duci autem poterit. 1. A beneficii magnitudine, cui pro eo ac par est, verbis exornando, te imparem profiteris. Sic Tullius in oratione post reditum habita in Senatu: *Si, Patres conscripti, pro vestris immortalibus in me, fratremque meum, liberosque nostros meritis, parum vobis cumulatè gratias egero; quaeso, obtestor que, nè meæ naturæ potiùs quàm magnitudini beneficiorum id tribuendum putetis.*

Quæ

Quæ enim tanta potest existere ubertas ingenii, quæ tanta dicendi copia, quod tam divinum, atque incredibile genus orationis, quo quisquam possit vestra in nos universa promerita, non dicam complecti orando, sed percensere numerando?

2. Duci poterit Exordium ab excusatione diuturni silentii post acceptum beneficium. Hoc pacto Tullius exorditur suum illud eximium Eucharisticum ad Cæsarem pro impetrato M. Marcelli reditu: *Diuturni silentii, P. C. quo eram his temporibus usus, non timore aliquo, sed partim dolore, partim verecundiâ. finem hodiernus dies attulit; idemque initium quæ vellem, quæque sentirem, meo pristino more dicendi.*

Quid factû est opus in Eucharistici confirmatione?

R. 1. Amplificanda est & in bono lumine collocanda beneficii magnitudo. 2. Laudanda est persona, à qua profectum est beneficium.

Quomodo amplificanda est beneficii magnitudo?

R. Amplificabitur quadrifariam 1. A persona, quæ gratificabitur, si rex, si in amplissimo dignitatis gradu collocata.

Hinc

Hinc enim augetur beneficii magnitudo.
2. A persona, cui gratificatur, si beneficium sit egenti collatum, si immerenti, si ad plures pertineat. 3. A re qua gratificatur, si honesta, si opportuna, si exoptata, si difficilis
4. A ratione, & modo; si non ægre, sed libenti animo; si non rogatu alieno, sed sponte; si non redditum sit, sed datum beneficium, si non tardè, sed citò, & opinione citiùs. Ut enim est in veteri Proverbio, *Bis dat, qui citò dat:* & interdum etiam beneficii locò ducitur, si citò negetur. Unde in laudatissimo Epigrammate auctoris incerti, sed veteris:

Cæsaris ad valvas sedeo, sto, nocte, diè-
que.

Nec datur ingressus, quo mea facta lo-
quar.

Ite, Dæ faciles, & vestro numine sal-
tèm

Dicite divini Cæsaris ante pedes:

Si nequeo placidas affari Cæsaris aures,
Saltèm aliquis veniat, qui mihi dicat,
Abi.

Quidnam in Peroratione servandum est?

R. Accepti beneficii memoriam nunquam interituram, & trabali, ut ita loquar, clavo figendam esse polliceberis. Ità Ausonius ait ubique sibi occurrere benefi-
ficia

ficia Gratiani, *in templo, in foro, in curia, in palatio, domi.* Sic etiam Mamertinus ad Imperatorem Julianum: *In referenda gratia hōc tibi polliceor, semperque præstabo, mihi nec in suggerendis consiliis veritatem, nec in adiendis periculis animum, nec in laboribus perseverendis industriam defuturam.* Sed nullum, quod sciam, illustrius exemplū afferri potest, quàm Eucharisticum Æneæ ad Didonem, Æneid. I.

O sola infandos Trojæ miserata labores,
 Quæ nos reliquias Danaum, terræque,
 marisq;
 Omnibus exhaustos jam casibus, omnium
 egenos
 Urbe, domo socias. Grates persolvere
 dignas
 Non opis est nostræ, Dido: nec quidquid
 ubiq; est
 Gentis Dardaniæ, magnum quæ sparsa per
 orbem,
 Dī tibi (si qua pios respectant numina, si
 quid
 Usquam Justitiæ est, & mens sibi consciæ
 recti)
 Præmia digna ferant.

Vide etiam apud Livium lib: 28. orationem Saguntinorum gratias agentium Senatui

tui Rom. quod eorum causa bellum adversus Hanibalem suscepisset. Vide in Bello Jugurthino orationem Bocchi regis ad Syllam. Habes quoq; lectissimam illam epistolam, qua Tullius agit gratias Marcello ob supplicationem sibi ejus opera decretam.

§. XII. DE EPINICIO, & GRATULATIONE.

Quid est Epinicium?

R. Est gratulatio ob reportatam victoriam. Sic autem nuncupatur à voce Græca vi *victoria*.

Quodnam esse debet illius artificium, & dispositio?

R. Exordium, si unquam aliàs, erit splendidum, floridumque, & hilaritatis plenum, ac lætitiæ. Videtur autem abruptum magis esse debere, quàm temperatum.

In Confirmatione amplificabitur 1. Belli necessitas. 2. Belli difficultas 3. Æquitas in suscipiendo, diligentia in apparando, virtus in gerendo, celeritas in conficiendo. 4. Enumerabuntur commoda, & utilitates victoriæ, quæ timore populos, direptione urbes, vastitate Provincias liberaverit. Laudabuntur fortissimi viri, qui
in

in bello strenuè pugnantes ceciderè. Ità Virgilius Euryalum Nisumque laudibus in Cœlum extollit: *Æneid.* 9.

Fortunati ambo, si quid mea carmina possunt,

Nulla dies unquam memori vos eximet ævo,

Dum domus Æneæ Capitolii immobile faxum

Accolet, imperiùmque pater Romanus habebit.

Sua etiam laus tribuetur præfectis du-
cibusq; præcipuis, qui in victoriæ partem
aliquam venêre. Ità Ruæ us, hisce inscrip-
tionibus, Augusti sæculô dignis, conse-
cravit nomen illorum, qui bellum Bata-
vicum una cum Ludovico Magno admi-
nistraverant.

LUDOVICO PRINCIPI CONDEO
TRIBUS AD SENESEM EXER-
CITIBUS FRACTIS.

HENRICO PRINCIPI TURRENIO, SER-
VATIS REGNI FINIBUS. PULSIS UL-
TRA RHENUM GERMANIS,
EORUM EXERCITU
QUATER CÆSO.

FRANCISCO MARESC. CREQUIO, DE-
LETIS INCRUENTA VICTORIA
GERMANORUM COPIIS, &c.

De diversis Orationum generibus 356

Peroratio vota continebit pro victoris incolumitate, gloria, felicitate, postquam Deo O. M. victoriarum largitori, & bonorum omnium fonti, grates fuerint, ut par est, ritè persolutæ.

Quòd si non pro victoria, sed pro adepto insigni quopiam honoris, ac dignitatis gradu, fiat alicui gratulatio; significabis. 1. Quantam ceperis animò voluptatem ex illius nova dignitate. 2. Quanta sit etiam publica hilaritas, & lætitia. 3. Honoris, & gradûs amplitudinem verbis extolles. 4. Non casu, non prehensione, & ambitu, non precibus, muneribusque, sed meritis, rebusque gestis fuisse comparatum hunc honorem, quem multi ambierint, perpauca obtinuerint

Pertinent etiam ad demonstrativum genus Soteria, Propempticon, Apobaterion, & Epibaterion.

Quid est Soteria?

R. Soteria vocamus orationis genus quoddam, quo restitutam alicui sanitatem gratulamur, & pro illius incolumitate, & salute grates agimus Superis.

Quid est Propempticon?

R. Est Oratio, qua discedentem aliquem faustis ominibus, votisque prosequimur; cujusmodi luculentum habes exemplum in egregio Horatii Propemptico, ad

Vir-

Virgilium Athenas proficiscentem:

Sic te Diva potens Cypri,

Sic fratres Helenæ lucida sidera,

Ventorumque regat pater,

Obstriētis aliis, præter Japyga,

Navis quæ tibi creditum

Debes Virgilium, finibus Atticis

Reddas incolumem, precor,

Et serves animæ dimidium meæ.

Quid est Apobaterion?

R. Est oratio, quam habemus discedentes ex patria, vel ex alio quodam loco, ubi

cum figurari benevolentiaē significatione

sumus excepti. Hujus generis est Æneæ

discedentis oratio ad Helenam, & Andromachen, Æneid. 3.

Hos ego digrediens lacrymis affabar obortis:

Vivite felices, quibus est fortuna peracta

Jam sua: nos alia ex aliis in fata vocamur.

Vobis parta quies: nullum maris æquor arandum:

Arva neque Ausoniae semper cedentia retrò

Quærenda: Effigiem Xanthi, Trojamque videtis,

Quam vestrae fecerê manus: melioribus opto

Auspiciis, & quæ fuerit minùs obvia Grajis.

Quid

Quid est Epibaterion?

R. Est oratio, quæ habetur ab illo, qui post longam peregrinationem, domum incolumis rediit. Vide Scaligerum lib: 3. Poëtices.

C A P U T II.

DE ORATIONIBUS, QUÆ PERTINENT AD
GENUS DELIBERATIVUM.

Quænam est materia generis deliberativi?

R. Illius materia sunt res omnes in manu, & arbitrio nostro positæ: Ut enim ait Tullius, *Tollitur omnis deliberatio, si intelligatur quidquam fieri non posse, aut imponatur necessitas. Neque enim quisquam deliberat, quia ratione perpetuò victurus sit, quoniam intelligit sibi moriendi necessitatem incumbere: neq; quisquam deliberat, quomodo volare possit, scit enim sibi alas non adesse.*

Quisnam est finis generis deliberativi?

R. Honestas, & utilitas.

Quænam orationes spectant ad genus deliberativum?

Q

R.

R. Pertinent ad genus deliberativum *suasio*, *dissuasio*, *hortatio*, *dehortatio*, *conciatio*, *concitatio*, *commendatio*, *petitio*, & *consolatio*.

§. I. DE SUASIONE, & DISSUASIONE.

Quid est Suasio?

R. Est oratio deliberativa, qua ostenditur, quid faciendum sit. Dissuasione vero contrarium suadetur.

Undenam ducuntur argumenta Suasioni, vel Dissuasioni propria?

R. Ducuntur ab honesto, ab utili, à necessario, à facili, à jucundo, cum aliquid suadendum est; & a contrariis capitibus, cum est aliquid dissuadendum.

Quid est Honestum?

R. Honestum id intelligimus, inquit Cicero, quod tale est ut detracta omni utilitate, per se ipsum laudabile sit, & expetendum; v g si quempiam hortemur, ut M. Attilii Reguli exemplò malit ad mortem vel ad vincula reverti, quàm datam hostibus fidem fallere. Ità Tullius in Manilianis probat suscipiendum esse bellum Mithridaticum, ut deleatur ignominia, quam Populo R. Mithridates inussit, cum

De diversis Orationum generibus 360
unâ horâ tot civium Romanorum millia
jussit occidi. Ex hoc eodem loco Cato
apud Lucanum lib: 9. animos militum ac-
cendit sola gloriæ commendatione, ad
aggrediendum iter periculosum, ac diffi-
cile:

O quibus una salus placuit mea castra se-
cutis
Indomita cervice mori, componite men-
tes
Ad magnum virtutis opus, summosque
labores:

Quam orationem claudit pulchra illa
sententia:

—Serpens fitis, ardor, arena,
Duleia virtuti: gaudet patientia duris:
Lætius est, quoties magno sibi constat
honestum.

Quid vocas utile?

R. Utile est, quod propter commodum
expetitur; sive adjunctam habeat honesta-
tem, ut gloria, honor, dignitas; sive non
habeat, ut divitiæ, valetudo, tranquilli-
tas, malorum depulsio, &c. Ex his lo-
eis Catilina conjuratos hortatur, apud Sal-
lustium, ad nefarium facinus, quod ille

maximum, atque pulcherrimum vocat; Nobis, inquit, est domi inopia, foris æs alienum, mala res, spes multò asperior. Deniq; quid reliqui habemus, præter miseram animam? Quin igitur expergiscimini? en illa, quam sæpe optastis, libertas; præterea divitiæ, decus, gloria n oculis sita sunt. Fortuna ea omnia victoribus præmia posuit.

Curio similiter, apud Lucanum lib: 1. specie utilitatis Julium Cæsarem ad bellum civile sic hortatur.

Bellantem geminis tenuit te Gallia iustis,
Pars quota terrarum! Facili si prælia pau-
ca

Gesseris eventu, tibi Roma subegerit or-
bem.

Quid vocas Necessarium?

R. Necessarium dicitur id omne, sinè quo salus, aut dignitas stare non potest. Seu mavis cum Scaligero: necessarium dicitur, quod ità utile est, ut sinè eo res NEC ESSE possit, unde, & nomen derivatum est. Hujusce porrò loci magna vis est. Multi enim sunt animis adeò segnibus, ut tum quoque, cùm aliquid honestum & utile esse norunt, tamen si res sit cum magno labore conjuncta, facilè terreantur: Apud tales ratio necessitatis est compendiosa
via

via ad persuadendum. Ejusmodi est Ciceronis argumentum in 4. Philip: *Agitur enim non qua conditione victuri, sed victurine simus, an cum supplicio, ignominiaque perituri.* Ab hoc potissimum loco, itemque ab honesto Æneam Hector ad fugiendum hortatur; Æneid 2.

Heu! fuge nate Dea, tēque his, ait,
eripe flammis.

Hostis habet muros, ruit alto à culmine Troja.

Sat Patriæ, Priamoq; si Pergama dextra
Defendi possent, etiam hac defensa fuissent.

Quid vocas Facile?

R. Facile illud est, quod finè magno labore, sumptuè, aut molestia, brevi tempore fieri potest: quæ sanè omnia maximo sunt ad persuadendum momento. Frustra enim suadetur illud, quod vix, aut ægrè admodum fieri posse creditur. Ac propterea, si quis hac de re scrupulus hæreat auditoribus, is ante omnia ex illorum animis omnino erit eximendus. Ita Venerem in suam sententiam conatur allicere astuta Juno, Æneid: 4.

Mecum erit iste labor: nunc qua ratione, quod instat.

Confieri possit, paucis, adverte, docebo.

Quid vocas Jucundum?

R. Jucundum dicitur, quod honestam habet voluptatem vel animi, vel corporis; sic nuncupatum, inquit Tullius, à *juvando*, quòd nempe juvet vel utrumq; vel alterutrum. Hinc ducitur illud argumentum Tullii: *Hoc velim tibi persuadeas, si rationibus meis à te provisam esse intellexero, magnam te ex eo, & perpetuam voluptatem esse capturum.*

Quænam in suadendo, vel dissuadendo præcipuè spectanda sunt?

R. Tria. 1. Quid sit, de quo deliberetur. 2. Qui sint, qui deliberent. 3. Quis sit, qui svadeat, vel dissuadeat.

Quid spectandum est in re, de qua deliberatur?

R. Quinque illa, de quibus egimus enucleatè: An sit honesta, an utilis, an necessaria, an facilis, an jucunda.

Quid spectandum est iis, qui deliberant?

R. Caput artis est nosse penitùs animos eorum, qui deliberant, eorumque voluntates, ac naturas festinè odorari, ut possis ambitiosis splendida, avaris utilia, voluptuosis jucunda proponere, & suo, quod ajunt, hamò quemque piscari.

Prudentia ergo Oratoris erit videre, an agat cum regibus, aut viris principibus, apud quos, ut agebat Parisatis illa, verbis byssinis opus est; an cum nobilibus, quos honesta, ac laudabilia tangunt: an cum plebe, bellua multorum capitum, apud quam negotium tractare longè difficillimum est. Neque verò satis est dignitatem spectare: sed habenda est etiam ingenii, morum, & ætatis ratio, ut rem facilius possis ad exitus optatos perducere. Jure igitur merito de variis variarum ætatum, conditionum, & gentium moribus hic agi solet ab artis Magistris, & in primis ab Aristotele.

§. II. DE VARIIS VARIARUM ÆTATUM MORIBUS.

Quinam sunt juvenum, virorum, ac senum mores?

R. Ætatis cujusque mores graphicè admodum ità pingit Horatius in Arte poetica.

Imberbis Juvenis tandem, custode remoto,

Gaudet equis, canibusque, & aprici gramine campi.

Cereus in vitium flecti, monitoribus asper,

Q 4

U-

Utilium tardus provisor, prodigus æris;

Sublimis, cupidusque, & amata relinquere pernix.

Conversis studiis, ætas, animusque virilis

Quærit opes, & amicitias, infervit honori:

Commisisse cavet, quod mox mutare laboret.

Multa senem circumveniunt incommoda; vel quod

Quærit, & inventis miser abstinet ac timet uti;

Vel quod res omnes timide, gelideque ministrat;

| Dilator, spe longus; iners, avidusque futuri,

Difficilis, querulus, laudator temporis acti,

Sed puero censor, castigatoremque minorum.

Juvenes igitur flagrant cupiditatibus; facile, & vehementer excandescunt, unde adolescentia quidam quasi rationis æstus appellatur; honestum utili præferunt, aperti sunt, candidi, & misericordes; suam enim innocentiam ceteros metiuntur. Prodigii sunt; & in sumptus effusi; nondum

De Diversis Orationum generibus 366
enim egestatem sunt experti: ad risum, &
dicacitatem sunt propensi

At dispar omnino est senum ratio. Facile succensent illi quidem, sed non æquè parent iræ; quia, ut scitè Horatius, *Lenit albescens animo capillus, Litium Et rixæ cupidos protervæ.* Parum sperant, quia diu vixerunt; pauca moliuntur, præteritis gaudent, facetos, ac ridiculos odere, solliciti sunt officiorum exactores, ad rem attentissimi, lenti, difficiles, suspiciosi; sæpè enim aut se, aut alios delusos meminerunt. Præterea queruli sunt, morosique, ut ait Tullius, *in fragili corpore odiosa est omnis offensio.*

Denique verbosi sunt, & loquaces, quia dicere amant. Unde non inscitè Cornelius Gallius, seu potius Maximianus;

Deficit auditor, non deficit ipse loquendo,

O sola fortes garrulitate senes!

Sed facile hoc illorum ætati condonandum,

ob egregias virtutes, quibus hoc vitium abundè compensant.

Viriis ætas senectutem inter, & adolescentiam interjecta: ac in quodam quasi confinio posita, utriusque virtutum, vitiisque particeps est, & utriusque in-

dolem, velut ex vicinia, trahit. Juventus fortis est, sed intemperans; senectus est temperans, sed timida; virilis ætas fortis est, sobriâque. Juventus nimis credula est; senectus nimis suspiciosa; virilis ætas, pro rerum natura, vel confidit, vel diffidit. Juventus quærit honestum potiùs quàm utile: senectus utile magis quàm honestum, virilis ætas, & honestum simul, & utile.

Puerilis denique ætas effervesceat facilè, mutatur in horas; magnam habet indolem ad virtutem gloriæ, honorique mirum in modum velificatur. Audi Tullium libr: 5. de Finibus, *Quanta sunt puerorum decertantium studia! ut illi efferruntur latitid, cum vicerint! ut se accusari nolunt! quàm capiunt laudari! quos illi labores non perferunt, ut æqualium principes sint!*

§. III. DE MORIBUS NOBILIIUM, DIVITUM, & Plebejorum

Quinam sunt Nobilium mores?

R. Nobiles sunt honoris, ac gloriæ vel maximè studiosi, & si Apulejana voce uti fas est, sunt in primis *honoripetæ*. Solent autem non solum ignobiles aspernari, sed etiam homines novos, qui primi ex sua gen-

De diversis Orationum generibus 368
gente sunt honores consecuti.

Ita Metellus contemnebat C. Marium, illique Consulatum invidebat. Unde sic de eo Sallustius: *Inerat contemptor animus, & superbia, commune nobilitatis matrem.*

Quinam sunt Divitum mores?

R. Divites, si praesertim divitias sunt nuperime consecuti, contumeliosi ferme sunt, ac superbi. Nempe facile sibi persuadent praestare se caeteris, quia divitias possident, quibus venalia sunt omnia. Praeterea solent mollitiâ, luxûque diffundere, ut notat Juvenalis Sat. 6.

Prima peregrinos obscena pecunia mores

Intulit, & turpi fregerunt saecula luxu.

- Divitiæ molles -

- Hanc, quam memoravimus, novorum divitum arrogantiam, scite tangit Cicero, cum de T. Roscio ait, *Qui in sua re fuisset egentissimus, erat, ut fit, insolens in aliena;* & Maro, cum ait de Numano.

Vociferans, tumidusque novo praecordia regno.

Qui sunt denique Plebejorum mores?

R. Germanos plebis mores suis coloribus scite pingunt Sallustius, Horatius, Tacitus, & Seneca, dum ajunt, *plebem esse*

*Se belluam multorum capitum . . . plura,
 Et ventò mobiliorem esse . . . opinione duci
 magis, quàm veritate. . . . ire quò itur, non
 quò eundum est . . . privatis commodis ser-
 uire potius quàm publicæ vel honestati vel cu-
 piditati. . . . cupidam esse rerum novarum . . .
 Denique pessimi argumentum turbam esse.*

De variis Reipublicæ formis.

Neque verò in deliberatione satis est æ-
 tatis, & conditionis cujusque indolem,
 ac studia diligenter spectare. Spectandi
 præterea sunt Reipublicæ mores, qui sci-
 licet, pro varia Politix forma, solent ma-
 ximopere variare. Aliter igitur agendum
 apud Gallos, Hispanosque, & Lusitanos,
 quibus Rex unus summo cum imperio præ-
 est: aliter apud Helvetios, Batavosq; ac Ve-
 netos, apud quos vel plebs vel Optimates
 dominantur.

Quid est Monarchia?

R. Est unius dominatus, communem u-
 tilitatem spectans.

Quid est Aristocratia?

R. Est Optimatum imperium, cujusmo-
 di est apud Venetos. Quòd si Optimates
 illi pauci sint, & propriæ, non verò pu-
 blicæ serviant utilitati, vocabitur *Oligar-
 chia?*

Quid

Quid est Democratica?

R. Est imperium populi, cujusmodi ferme est apud Helvetios. Quòd plebs infima dominetur, vocabitur *Ochlocratia*. Ad di potest *Anarchia*, quæ solet ex turbulentissimis temporibus exurgere, cum sine Rege, ceterisque magistratibus, fluctuat labefactatum imperium.

| *De variis variarum gentium moribus.*

Varios præterea gentium mores, ingeniumque accurratè cognosces, & illorum germanam indolem perspectissimam habebis, ut possis ad illam sermonem accommodare, ut monet Horatius:

Intererit multùm Davusne loquatur, an
heros,

Colchus, an Assyrius, Thebis nutritus,
an Argis.

*Quenam igitur est variarum Europæ
Gentium indoles?*

R. Galli sunt humani, hospitales, candidi, urbani, lautii, audaces, bellicosi, mobiles, præcipites, longæ spei impatientes, faciles ad obliviscendas injurias æquè ac benefacta; acribus initiis, injurioso fine, & ut ait Florus de veteribus Gallis, primo impetu plusquam viri, secundo non itèm;

magni peregrinatores; unde jure dictum est, *Nullum bellum sine milite Gallo.*

Germani sunt simplices, aperti, fortes, animarum prodigi, veri amici, verique hostes, inquit Scaliger. Belgæ, Batavique medium ferme tenent Gallos inter, atque Germanos. Hispani sunt constantes, sedati, lenti in consiliis, laboris, ac disciplinæ tolerantés: vile ministerium, etiam si spes magna affulgeat, averfantes. Itali sunt cunctatores, ingeniosi, sapientes, mentis excelsæ, ac reconditæ, & ad regendum omnino nati, ut ait Virgilius.

Tu regere imperiô populos Romane memento:

Hæ tibi erunt artes.

Poloni sunt feroces, bellicosi, & quos arte magis, quàm vi possis superare; Moscovitæ contra fraudulentis &c. Longum esset cetera persequi. Plura qui volet, adeat, quæ ingeniose, & eleganter de præcipuis gentibus disseruit Joannes Barclajus in icone animorum cap: 3. & sex proximè sequentibus. Adeat item Calvidii Læti Callipediam, ubi versibus elegantissimis diversarum Europæ gentium mores, & ingenium diligenter expressit.

Quid denique spectandum est in illo, qui suadet, vel dissuadet?

R. Tria maximè in illo spectanda sunt,
 pru-

prudencia, probitas, & benevolentia. Prudentia quidem, quia iis fidem habere solemus, inquit Tullius libro de Officiis, quos plus intelligere, ac videre, quam nos arbitramur. 2. Probitas, quia quo quis versutior, & callidior, hoc invidiosior, & suspensior, detracta opinione probitatis, ait idem Tullius: & si quem, licet peritum, ac prudentem ceteroqui, fallacem tamen, & sui potius amantem credamus, quam nostri, ejus consilium penitus aversabimur.

3. Spectatur in suadente benevolentia: quia ut vel maximè prudens, & probus quis credatur, tamen si odisse nos, vel alteri parti melius velle existimetur, nequaquam nobis benè consulere velle judicabitur. Tria hæc complexus videtur Cicero, cum lib: 2. ad Atticum ait: *Nunc mihi, & consiliis opus est tuis, & amore & fide. Quare advola: expedita erunt omnia, si te habebo.* Nam consilium ad prudentiam pertinet, fides ad virtutem, amor ad benevolentiam.

§ IV. DE HORTATIONE, & DEHORTATIONE,

Quid differt Hortatio à Suasione?

R. Hoc differt, quòd suadeamus ratione, & consiliò, hortemur verò motu, atque impulsu. Unde suasio propriè perti-

tinet ad intellectum; Adhortatio verò pertinet ad effectum. Suasio docet, eoque plus habet argumentorum; Adhortatio verò inflamat, ac propterea plus habet caloris. Suasio facit, ut scias, quid factô sit opus; Hortatio facit, ut velis, & ausis, illiusque partes sunt, faces, ac stimulos veluti subijcere auditorum animis; illosque ad rem benè gerendam inflammare. Denique Suasio pertinet ad confirmationem; Exhortatio verò conclusioni reservatur.

Quinam affectus sunt in hortatione concitandi?

R. Excitabis. 1. Spem, & fiduciam. 2. Amorem, & desiderium rei, quæ suadetur. 3. Æmulationem alienæ gloriæ, quæ est potentissimum ad feriendos animos telum. 4. Laudabis virtutem illorum, quos hortaris, illosque hortatu nequaquam indigere dices: Ut enim observat Tullius, in excitando, & in acuendo, plurimum valet, si laudes eum, quem cohortaris. Ità socios recordatione virtutis inflamat Mnestheus apud Virg: *Æn. 5.*

At media socios incedens nave per ipsos
Hortatur Mnestheus. Nunc nunc infur-
gite remis,
Hectorei focii, Trojæ quos sorte su-
prema

Delegi comites; nunc illas promite vires,

Nunc animos, quibus in Gætulis fyrtibus usi,

Jonioque mari, Maleæque sequacibus undis.

Non jam prima peto Mnestheus, neq; vincere certo

(Quanquam oh!) sed superent, quibus hoc,

Neptune, dedisti,

Extremos pudeat rediisse. Hoc vincite, cives,

Et prohibete nefas.

Illustre adhortationis exemplum habes apud Curtium, lib: 7. ubi Alexander trecentos Juvenes adhortatur, ut invadant præruptam illam, & undique abscissam Sogdianorum petram, quæ in triginta stadiorum altitudinem eminebat, & quam Arimazes cum triginta armatorum millibus obtinebat.

ALEXANDRI HORTATIO AD TRECENTOS milites.

Vobiscum, o juvenes, & mei æquales, urbium invictarum ante munimenta superavi: montium juga perenni nive obruta emensus sum: angustias Ciliciæ intravi; Indice, sine lassitudine, vim frigoris sum perpeffus: &

Et mei documenta vobis dedi, Et vestri habeo. Petra, quam videtis, unum aditum habet, quem barbari obsident, cetera negligunt, nullæ vigiliæ sunt, nisi quæ castra nostra spectant. Invenietis viam, si solerter vigiliati fueritis aditus ferentes ad Cacumen. Nihil tam altè natura constituit, quod virtus non possit eniti. Experiendo, quæ ceteri desperaverunt, Asiam habemus in potestate. Evadite in cacumen, quod cum ceperitis, candidis velis signum mihi dabit: Ego copias admotis, hostem in nos à vobis convertam. Præmium erit ei, qui primus occupaverit verticem, talenta decem: uno minus accipiet, qui proximus ei venerit: eademque ad decem homines servabitur proportio. Certum autem habeo, vos non tam liberalitatem intueri meam, quàm voluntatem.

Dehortationis verò luculentissimum exemplum habes apud Livium, lib: 23. in oratione Calavii civis Campani, qua filium suum Perolam ab Hannibalis cæde hortatur.

DEHORTATIO.

Per ego te, fili, quæcumque jura liberos jungunt parentibus, precor, quæsoque, nè ante oculos patris facere, Et pati omnia infanda velis. Paucæ horæ sunt, intra quas

De Diversis Orationum generibus. 376

jurantes per quidquid Deorum est dextras dextræjungentes, fidem obstriximus, ut sacra-
 tis de Mensis essemus. Digressi à colloquio,
 extemplo in eum armamur. Surgis ab ho-
 spitali mensa, ad quam tertius Campano-
 rum adhibitus ab Hannibale es; eam ipsam
 mensam cruentare vis hospitis sanguine?
 Hannibalem modò pater filio meo potui pla-
 care; filium Hannibali non possum? Unus
 aggressurus es Hannibalem? Quid illa tur-
 ba tot libertorum, servorumq; Quid in unum
 intenti omnium oculi? quid tot dextræ? tor-
 pescentne in amentia illa? Vultum ipsius Han-
 nibalis, quem armati exercitus tremunt,
 quem horret populus R. tu sustinebis? Et si
 auxilia desint, me ipsum ferire, corpus me-
 um opponentem pro corpore Hannibalis,
 sustinebis? Atqui per meum pectus peten-
 dus ille tibi, transfigiendusque est. Deter-
 reri hic sine te potius, quàm illic vinci. Vale-
 ant preces apud te meæ, sicut pro te hodie
 valuerunt.

S. V. DE CONCITATIONE, & CONCILIA-
 TIONE.

Quid est Concitatio?

R. Est virulentum quoddam orationis
 genus, quo multitudinis præsertim animi,
 veluti quodam seditionis flabello concit-
 antur. Exemplum unum afferam ex Ta-
 cito

cito, lib: i. Annalium, ubi ait fuisse in castris Percennium quemdam gregarium militem, hominem turbulentum, & proccacem, qui commilitonum seditionem conflare conatus est hac artificiosissima concione: *Cur paucis centurionibus, paucioribus Tribunis, in modum servorum obedirent; quando ausuros exposcere remedia, nisi novum, & nutantem adhuc principem precibus, vel armis, adirent? Satis per tot annos ignavia peccatum, quod tricena, aut quadragena stipendia senes, & plerique truncato ex vulneribus corpore tolerant. Ne dimissis quidem finem esse militiæ, sed apud vexillum retentos, alio vocabulo eosdem labores perferre, & paulò post: Denis in diem assibus animam, & corpus aestimari. Hinc vestem, arma, tentoria, hinc sævitiam centurionum, & vacationes munerum reddimi: ac Hercule verba, & vulnera duram hiemem, exercitas æstates, bellum atrox, aut sterilem pacem sempiternam.*

Concitatiōni opponitur conciliatio, qua vel nobis amorem alicujus conciliamus, vel dissidentes partes in concordiam, gratiamque reducere conamur. Sic olim Germanicus Cæsar tumultuantes legiones prudenti oratione sedavit, & Julius Cæsar exercitum compescuit, *Quirites* appellando, pro militibus, qua una voce ob-

orta-

De Diversis Orationum generibus. 378
ortam seditionem repente compressit.

§. VI. DE COMMENDATIONE.

Quot sunt præcipua Commendationis capita?

R. Tria. 1. Causas Commendationis exponemus, idque modestè, & verecundè; ut quòd benè quis de nobis, aut de nostris meritus sit: quòd simus cum illo vel sanguine, vel affinitate, vel amicitia conjuncti: quòd perspectissima nobis sit illius humanitas, fides, eruditio, virtus. &c. Addere poterimus, scire nos Horatianum illud Epist: lib. I.

1. Qualem commendes etiam atque etiam aspice: nè mox

Incutiant aliena tibi peccata pudorem.

Sed viri integritatem, & præclaras animi dotes nobis exploratissimas esse. 2. Exponemus negotium, cujus causâ commendatur à nobis quispiam. 3. Orabimus atque obtestabimur, vel dicemus, nos pluribus nolle contendere, nè de ejus, quem rogamus, humanitate diffidere videamur. 4. Denique tum nostrò, tum ejus, quem commendamus, nomine, omne grati, ac memoris animi officium pollicebimur.

Est, & obliquæ Commendationis genus, quo simulamus nos commendare nolle, quem interim vel maximè commendamus; ut si dicas, non quidem commendare te
al-

alteri Sextium, velle; sed orare solum, ut propius hominem noscere nè gravetur. Sperare enim futurum, ut, cum gratias agere soleant, qui commendârunt, alter tibi gratias agat, per quem viri tanti notitiam sit consecutus.

§. VII. DE PETITIONE.

Quid est Petitio.

R. Petitio est oratio, qua aliquid postulamus vel pro nobis, vel pro alio. Posterior hæc vocatur intercessio. Utriusque artificium paucis complexus est Servius; ubi Junonis ad Æolum orationem enarrat.

Rhetorum, inquit, est, in omni petitione hoc observare. 1. Ut facile præstari possit, quod petitur: 2. Ut sit justa pētitio. 3. Ut habeat modum, & adhibeatur in illa moderatio: hoc est, ut si majora dari non possint, minoribus certè contenti videamur. 4. Ut sequatur expedita remuneratio. Quatuor hæc observare licet in Junonis petitione. 1. Enim docet rem facili negotio fieri posse;

Æole (namque tibi Divûm Pater, atque
hominum Rex,
Et mulcere dedit fluctus, & tollere ventos.)

2. Justam esse petitionem ostendit, dum inimicam gentem infectatur:

Gens inimica mihi Tyrrhenum navigat æquor.

3. Adhibet moderationem; dum alterutro contenta est:

Incute vim ventis, submersasque obrue puppes:

Aut age diversas, & disjice corpora Ponto.

4. Beneficii præmium pollicetur.

Sunt mihi bis septem præstanti corpore Nymphæ,

Quarum, quæ formâ pulcherrima, Dejo-pejam

Connubio jungam stabili, propriamque dicabo.

Quam plurima etiam petitionum exempla suppeditabunt epistolæ Ciceronis: quas inter, fideris instar, elucet elegantissima illa ad Lucejum, quæ est 12. libri 5. ad familiares. qua Lucejum enixè rogat, ut quæ in Consulatu suo gesserat Tullius, ea literis quàm primùm velit consignare. Eam autem sic orditur: *Coram me tecum...*

§. VIII. DE CONSOLATIONE.

Consolator vel minor est, vel æqualis, vel major. Minori cautiùs, & molliùs erit agendum: Amorem suum in primis testabi-

bitur: & nè de suo plus altero sapere velle videatur, ea quæ dictu opus erunt, ex quopiam Philosopho, vel alio summæ prudentiæ viro se aliquando audisse profitebitur. Æqualis pro communi amicitia jure facere se dicet. Major aget liberius, adeo, ut, si quis immoderatus dolorem ferat, audeat etiam increpitare, sed leniter, & amicè.

Scitè omnino argumentum illud tractat Scaliger, libro 3. de Arte Poëtica, cap: 123. *Consolator, inquit, aut est major, aut æqualis. Magnitudinem intelligo aut imperiò, aut dignitate, aut opibus, aut sapientiâ, aut ætate. Aliter enim consolabitur Nasonem Liviam; aliter Liviam Naso. Hoc spectat ad Imperium. Dignitas autem etiam sinè Imperio esse potest. Veluti si pater filium, Ciceronem Pompejus. Opibus; ut si è plebe quempiam clientem suum Crassus. Sapientiâ, quemadmodum Polybium, aut matrem Seneca. De ætate, opus est exemplis. Major interponet auctoritatem, etiam objurgabit. Sapiens opponet etiam disputationem. Sententiæ huic crebriores. Minor ostendet affectum; sese id à sapientibus accepisse. Æqualis testabitur amicitiam, jus commune benevolentia*

Si Mœrentis dolor sit adeò gravis, & adeò

Deò recens, ut medicinam videatur respue-
re, bipartita erit oratio. Priori parte affir-
mabimus parùm idoneos esse nos, qui so-
lemur alium, cùm vel ipsi quoque con-
solatione plurimùm egeamus: simulque
privati nostri doloris causas afferemus.
Addemus non nos modò, sed omnes eti-
am bonos dolere, quod ipsum tamen quale-
cumque moerenti solatium debet afferre:
quia scilicet.

Leviùs communia tangunt.

Altera verò parte afferemus, quæ leni-
endo dolori sunt idonea; qualia sunt tri-
ta hæc, & pervulgata. 1. Vitæ communis
conditio, quæ multis malis fit obnoxia 2.
Ejus, quem consolamur, doctrina, virtus,
animi magnitudo. 3. Inutilitas, & dam-
num, unde dolor augeatur, non corriga-
tur. 4. Patientiæ vis, quæ mitiget omnia,
juxta illud Venusini Poëtæ;

Durum; sed levius fit patientiâ

Quidquid corrigere est nefas

5. Quàm fit honestum in altissimo divi-
næ voluntatis consilio semper acquiesce-
re 6. Quàm fit sapiente dignum, quàm-
que laudabile fit, ratione, consilioque mi-
tigare dolorem illum, qui die ipsa, ac tem-
pore tandem aliquando defervescet.

Ad genus judiciale, quod *bellum toga-
tum* jure vocare possumus, pertinent duæ

R

ora-

383 *Artis Rhetoricæ Liber IV.*
orationum species; accusatio nimirum,
atque defensio; quæ non alia præcepta,
desiderant, quàm quæ sunt hactenus à no-
bis allata: cum præsertim veterum iudicio-
rum ratio fuerit prorsus immutata.

Finis Libri quarti.

A R



A R T I S
R H E T O R I C Æ
L I B E R Q U I N T U S

DE PRONUNTIATIONE.

Supereft Pronuntiatio, five actio, postrema quidem oratorix facultatis pars, si ordinem in tractando consideres: sed tanti tamen momenti; ut primas, secundas, & tertias ei Demosthenes merito, & iure tribuerit.

Quid est Pronuntiatio?

R. Est vocis, gestuumque, pro rerum, verborumque varietate, apta conformatio. Quanta porro fit illius vis, & utilitas, docet Tullius, cum ait, infantes, & indifertos homines, actionis dignitate, eloquentix sæpè fructum, palmamque tulisse: disertos verò benè multos, actionis deformitate, infantes fuisse iudicatos. Hinc Pronuntiatio rectè vocatur ab eodem Tullio. *Quædam corporis eloquentia; &*

R2

ali-

alibi, *Sermo corporis* ab eodem etiam appellatur.

Quot res sunt ad rectè pronuntiandum necessariæ?

Tres, memoria, vox, & gestus. Est enim memoria quasi fundamentum actionis, de cuius vi, gratiaque multum depereat necesse est, si memoriter non pronuntietur oratio, & si orator non possit à commentariis oculos, & vultum avertere.

Viris tamen principibus, & in publica re vehementer occupatis vitio verti nequit, si recitent è commentario; ut olim Augustus, qui, nè memoriæ subirèt alem, vel in ediscendo sibi tempus abiret; ferè de scripto dicebat; ut auctores sunt Suetonius, & Dio. Itèmque Patrum nostrorum memoriâ Carolus V. ad Belgii Proceres orationem è scripto recitavit, cùm sese regno Bruxellis abdicaret, illudque Philippo filio traderet. Datur quoque eadem venia ægrotis, senibusque; aliis verò nequaquam,

§ I. DE MEMORIA.

Quid est Memoria?

R. Memoria; ut est eloquentiæ pars; definitur à Tullio, *Firma rerum, ac verborum recordatio*. Est autem duplex memoriæ genus. Alia est artificialis, alia naturalis.

Quid

Quid est artificialis memoria?

R. Artificium memoriæ à veteribus traditum, constat locis, & imaginibus. Loci se habent instar chartæ, imagines verò instar Scripturæ. Hanc artem primus apud veteres Simonides prodidisse, apud recentiores Raymundus Lullus illustrasse, traditur. Ea verò iis, qui memoriâ valent, minimè necessaria est, qui non valent, prorsus inutilis. Tu illam modò exerceto, ediscendis ad verbum, ut ait L. Crassus apud Cic: lib: I. de orat. quamplurimis, & tuis scriptis, & alienis; quod facilius fortasse præstabis, si, antequàm cubitum eas, attentè ea, quæ manè voles ediscere, semel, aut iterum legas. Nisi te hæc exercitatio juverit, nihil fanè in arte, quo possis juvari, reperio.

§. II. DE VOCE.

Ad Actionis usum, ac laudem maximam sine dubio partem vox obtinet, inquit Tullius de Oratore; neque tam refert, qualis sint, quæ dicas, quàm quando dicantur.

Quænam igitur circa vocem sunt observanda?

R. Tres hæc potissimùm leges diligenter observabis. Prima lex hæc est, ut dilucidè, articulatim, & sincerè pronuncietur, ità ut integra verba syllabæque omnes

mnes proferantur. Nolim tamen syllabim sic pronunties, quasi si litteras computando annumerares; quod esset molestum, ac putidum.

Adeandem legem pertinet etiam, nè volubili quadam, præcipitique celeritate dicendi incitata feratur oratio: sed vox respiratione recreetur, & spiritus inter dicendum suspendatur identidem, & auditoribus spatium aliquod cogitandi relinquatur.

Secunda lex hæc esto, ut pro argumenti, motuùmque præsertim varietate, vox etiam opportunè varietur, & utcumque se affectum videri volet Orator, & audientium animos moveri, ita etiam certum vocis sonum adhibeat. Iracundia postulat vocis genus acutum, incitatum, crebrò incidens: miseratio, & mœror flexibile, plenum, flebile, interruptum: voluptas effusum, lene, tenerum, hilaratum: metus demissum, hæsitans, abiectum &c.

Præterea mutanda tibi vox erit pro variis orationis partibus. Aliam enim vocem flagitat Exordium, aliam Narratio, aliam Confirmatio, aliam Peroratio.

In Exordio, nisi fortè indignatione constet, voce utendum submissa, ac verecunda. Nec debet orator, simul ac dicturus prodit, perfricare frontem, & in verba
sta-

statim erumpere, Ceteroqui futurum est, ut feroculum Oratorem jure omnes averfentur: Sed oportet, ut paululum cogitatione quasi defixus moretur: Idque tum quod auditores hæc oratoris cura delectet, tum ut interea ipse se colligat, & ad dicendum componat. Ità Ulyffes apud Nafonem paulisper confifit, oculis in terram defixis, priusquam tuam eloquentiam torrentis inftar effundat.

. . . Oculos paulum tellure moratos
Sustulit ad proceres, expectatòque refolvit

Ora sonò, neque abest facundis gratia dictis.

Ab exordio paulatim infurgit vox: ac in narrando quidem, voce utimur aperta, simplicique, qualis ferè est in sermone familiari. In Confirmatione, & in argumentatione præsertim, voce utimur acriori. In Peroratione demum, quasi partâ victoriâ, vox solet esse excitatior, ut ità, ostendat Orator, se niti bonitate causæ, magnamque fiduciam in auditorum probitate, prudentiaque collocare.

§. III. De Monotonia, & CANTU.

Gratæ huic varietati opponitur è diametro unus ille, insulsusque vocis tenor, quem Græci *monotoniam* vocant, & qui

non modò dicentem enecat, sed etiam audientes exanimat, & unde omnis orationis decor, ac venustas deflorescit:

. . . Ut citharœdus

Ridetur, chorda qui semper oberrat eâdem, inquit Horatius.

Huic, quam tantopere commendamus, varietati opponitur etiam cantus, qui nihil aliud est, si quæris, quàm clamosa quædam, & uno fermè tenore subsultans nænia.

Qua ratione huic vitio poterit occurri?

R. Huic incommodo remedium adhibetur, 1. Si pueri rebûs humilibus, ac quotidianis æquabiliter, & rotundè pronunciandis affuescant; neque verò statim ad tragicam granditatem procurrant. 2. Si eorum, quæ pronunciant, germanum sensum penitus animadvertant. 3. Si interdum vernaculâ, non illa inflata, tragicaque, sed simplicia, & quotidiana pronuncient.

4. Exerceantur aliquandiu in orationibus illis, quæ varios motus, ac vocis inflexiones efflagitent; ut videant, quid submissè ac leniter, quid festivè, quid atrociter, quid sedatè, quid concitatus dicendum sit. Denique ubi illa pronunciationis quasi tyrocinia posuerint, poterunt citra periculum in rebus grandioribus, tragicis que versari.

Te-

Tertia circa vocem lex hæc est, ut ea, pro amplitudine loci, & auditorum multitudine, vel intendatur: vel remittatur: sed tamen nec ascendat ad supremum, nec ad extremum descendat. Nam vox si ima sit, vim non habet; si verò nimium acuta sit, contentaque, delicatas, ac teretes urbanorum hominum aures offendet.

Scio equidem hoc esse plebeculæ rudi-
oris ingenium, ut vocalissimum quemque,
& valentissimum lateribus, ità optimum
oratore[m] iudicet, nullamque putet egre-
giam, nisi quæ *pontem indignetur*, actio-
nem, in qua scilicet, & clamoræ
fauces, & vox ululans, & rigidi vul-
tus torvitas, & pedum suppfiones, &
brachiorum remigatio & totius corpo-
ris dissoluta quædam, intemperansque ja-
ctatio, & illa denique inflata rumpantur.

Ciceroni verò longè alia mens erat.
Ajebat enim venustissime, clamoros hujus-
modi *latratores* veriùs quàm oratores, si-
miles esse claudorum, qui cùm ambulare
non possint, ad equum confugiunt. Ità
illi, in illa Stentorea voce tamquam in
jumento, suam omnem apud imperitos
fiduciam reponunt; nec magis hoc nomi-
ne possunt Oratores dici, quàm bajulus
possit dici citharædus.

§. IV. DE GESTU.

Vocem subsequi debet Gestus, & varios animi sensus cum illa simul aperire. Quæ de re colligemus ex veteribus ea tantum, quæ sæculi nostri moribus sunt accommodata. Multa siquidem ex antiquorum gestificatione prorsus obsolevisse videmus

Quid est Gestus?

R. Gestus, inquit Valla, est actio quædam, & quasi pronuntiatio corporis; seu magis cum Quintiliano, *Gestus est totius corporis motus, & conformatio.*

Quid in gestu generatim, & universè cavendum est?

R. 1. Nihil in illo sit effœminatum, & molle; nihil nimis exquisitum, aut elegans; nihil quod affectatam quamdam diligentiam, artemque redoleat. Monet enim Fabius, actionem non esse deliciis, nimiamque curâ molliendam; & comptis illis, delicatisque Oratoribus sæpenumero solet evenire, quod olim Sybaritarum equitatu contigit. Cùm enim gens effœminata; & chorearum ad insaniam avida, suos etiam equos ad numerum, symphoniamque saltare docuisset: cùm deinde ex umbraculis in solem, ac pulverem contra Crotoniatis hostes fuit illis prodeundum, histriones illi equi, turbarum

rum

rum, & martis ignari, motibus compositis, saltibusque numerosis repente lascivientes, se, & exercitum totum miserè perdidierunt. Ità umbratiles illi Oratores ab imis unguiculis ad verticem usque venustuli, quando ex domestica exercitatione, in medium agmen, in pulverem, in castra, atque aciem forenses prodierunt, & se, & causas, suas in magnum quoddam discrimen conjiciunt.

2. Nihil in gestu sit durum, aut agreste; nè, dum mollitiem fugimus, in contrarium rusticitatis vitium videamus incidere. Quamquam, si in alterutro peccandum esset, faciliùs excusaretur rustica quædam simplicitas, quàm putidiuscula gestûs, vocis, & habitûs affectatio.

Quid de totius corporis motu præcipiendum?

R. Præcipitur. 1. Ut status corporis sit celsus, & erectus, trunco magis toto, virilique quadam laterum inflexione se se Orator moderetur. 2. Nè in statuæ morem obrigescat, quasi si veru deglutisset, ut facetè ajebat Epictetus. 3. Ne crebris & in compositis corporis commotionibus vehementiùs agitetur, more furentis Sibyllæ:

. . . Cui pectus anhelum

Et rabie fera corda tument. . . .

Vitiosum quippe est huc illuc curfitare, quod olim exprobratum fuit Domitio Afro, qui *non agere, sed satagere*, non illepidè dicebatur. Et cùm alius quidam non minùs actuosus Orator multùm concursasset in dicendo, facete rogavit eum ad adversarius Virginii; *Quot demum passuum millia declamasset?* Cassius quoque Severus adversùs circumcurfitantes hujusmodi Oratores solebat poscere lineam, quæ immodicas illorum excursiones prohiberet.

Quid in capitis, & oris totius conformatione servandum est?

R. I. Vitiosa est frequentior capitis jactatio, Mænadam instar, de quibus Catullus; Carmine de Berecynthia, & Athi: Capita Mænades vi jaciunt hederigeræ, aut instar famosæ illius Messalinæ, de qua Tacitus II. Annalium: *Ipsa crimine fluxo Thyrsum quatiens, juxtaque Silius hederæ vinctus gerere cothurnos, jacere caput.* Non tamen dedecet aliquando vel annuendo confirmare, vel abnuendo negare: vel capitis in latus inclinatione langvorem: & aversione indignationem; aut alio simili motu, dubitationem, & ejusmodi affectus designare. Sed neque capite erimus immobili, rigidoque, quod semibarbarum est;

est; ut olim Rufus ille Rhetor, de quo ita
Aufonius Epigrammate 50.

Rhetoris hæc Rufi statua est, si saxeæ,
Rufus.

Cur id ait? semper saxeus ipse fuit.

3. Capite utemur non demisso, & ob-
stipo, vel in cervicem reflexo; sed recto
potius celsòque; quamquam hic quoque
modus servandus est, nè audaciæ, ac arro-
gantia videatur; & capitis demissio po-
test aliquando tristitiam, luctum, mœro-
rem, poenitentiam, & iræ divinæ placan-
dæ studium perbellè significare.

Sed in ore, vultùque & oculis sunt
indices. Quapropter pro rerum natura,
vultum indues modò hilarem; modò mœ-
stum, nunc blandum, nunc minacem. Ita
Horatius:

Tristia mœstum

Vultum verba decent; iratum plena mi-
narum;

Ludentem lasciva; severum seria dictu.

Frons exporrecta, diffusaque hilaritatis
indiciu est: contra verò severitas indi-
catur fronte corrugata, caperataque, &
superciliis vel contractis. vel etiam inæ-
qua-

qualibus. Unde Tullius in Pisonem: *Altero ad frontem sublato, altero ad mentum depresso supercilio respondit . . . & pro Sextio: Tanta erat gravitas in oculo, tanta frontis contractio, ut illo supercilio, tamquam Rhadamantus ille niti videretur:* Hinc etiam Petronius Arbitr:

Quid me spectatis constricta fronte, **Cato**nes?

Et post illum Martialis lib: 1.

Contigeris nostros, Cæsar, si fortè libellos,
 los,

Terrarum dominum pone supercilium,

Orantem, & aliquid à Deo poscentem indicant oculi in cœlum sublatis, ut res ipsa fatis loquitur. Unde Cassandra:

Ad Cœlum tendens ardentia lumina frustra

Oculos avertere averfantis est, vel fidentis, vel negantis. Sic misera Didonis umbra, conspecto apud inferos Ænea: Illa solò fixos oculos averfa tenebat.

Oculi clausi meditantem, & cogitan-

tem animum produnt. Oculos in unum locum defixos habent, qui præ admiratione stupent. Unde Æn. 2.

Dum stupet, obtutuque hæret defixus in uno.

Præterea demissi oculi modestiam, pudoremque significant. Sic Andromache Æn. 3.

Dejecit vultum & demissa voce locuta est:

Quid in brachii moderatione servandum?

R. Brachia nec deorsum incomposita pendeant, nec immodicè projiciantur, nisi in affectu vehementiori. Brachium extensum, ac porrectum, potentiam, auctoritatem, & robur arguit. Contrà verò continere, ac cohibere brachium, est pudoris, ac verecundiæ. Unde Tullius pro Cœlio: *Nobis olim annus erat unus ad cohibendum brachium toga constitutis, ut exercitatione, ludòque campestri tunicati uterentur.*

Quid circa manus, digitosque præcipitur?

R.

R. Manus, sinè quibus trunca esset actio, ac debilis, vix dici potest, quot motus habeant, inquit Fabius . . . Jam ceteræ partes loquentem adjuvant: hæc, propè est, ut dicam, ipsæ loquuntur. Annon his poscimus? pollicemur? vocamus? dimittimus? minamur? abominamur? timemus? interrogamus? negamus? Gaudium, tristitiam, dubitationem, confessionem, pœnitentiam, modum, copiam, numerum, tempus ostendimus? Circa manus autem certæ quædam sunt, ac definitæ leges, quas sequi oportebit.

1. Manus in Exordio non solet extendi. Ast ubi paulùm effervesce cœpit oratio, manus pariter exeritur cum illa, pariterque cum illa deponitur.

2. Pectori manus admovetur, cum de seipso quis loquitur: at cùm alloquitur alium, ad illum extenditur.

3. Manus sinistra nunquam sola gestum facit, inquit Fabius. dextræ se frequenter accomodat: sive in digitos argumenta digerimus, causamque, ut olim Hortensius consueverat, partimur in digitis (quem morem hodieque nonnulli non infeliciter,

imi-

imitantur) sive aduersas palmas, quasi repellendo, & repudiando objicimus.

4. Solœcismus gestu committitur, cum aliud voce, aliud gestu monstramus; ut Rhetor ille, qui cœlum appellans, tellurem intuebatur, gestuq; monstrabat.

5. Urgemus crebra manuum impressione. Supplicamus manibus elatis, junctisque. Confirmamus manibus pronis, graui quodam, & decenti motu depressis.

6. Admirantium est manus tollere. Unde Tullius in Academicis Quæstionibus: *Hortensius autem vehementer admirans, quod quidem perpetuò Lucullo loquente fecerat, ut etiam manus sæpè tolleret.* Et ad Cæsarem, Epistolarum librò septimò: *Sustulimus manus ego, & Balbus.*

Huc etiam pertinet illud Catulli, Carmine. 53.

Admirans ait hæc, manùsque tollens:
Dii magni, salapufium disertum!

7. Manu extenta facimus nobis audientiam, indicimùsque silentium. Hinc Persius in Satyris;

Fert animus calidæ fecisse silentia tur-
bæ

Majestate manûs

Lucanus etiam librô primô de Cæsare.

. . . Tumultum

Composuit vultu, dextraque silentia jus-
sit.

8. Manus ori admota tacentis, & silen-
tium suadentis habitus est, *Digitò com-
pesce labellum*, inquit Juvenalis; quo etiam
gestu simulacrum Harpocratis effingebant
Ægyptii veteres.

9. Solebat Tullius antequam diceret,
barbam demulcere, quod hodieque non-
nulli solent. Sunt etiam qui aut frontem
fricent, aut lacunar intueantur, sed hæc
vitiosa sunt. Vitiosum est quoque ma-
nus vel supra caput attollere, vel infra
pectus demittere; præterquam in summis
affectibus.

10. Pectus ferire, aut femur, propè sce-
nicum est.

11. Manus optimè à sinistro incipit la-
tere, dextroque deponitur.


12. Hoc esse cavendum ait Cicero, nè nimix fuit digitorum argutiæ, nève immodica fit illorum gesticulatio, quo vitio laboravit summus Orator Hortensius. *Cùm enim, inquit Agellius, manus ejus, inter agendum, essent argutæ admodum, & gustuosæ, maledictis, compellationibusque probrosis jactatus est; multaque in eum quasi in histrionem in ipsis causis, atque judiciis dicta sunt.*


Has autem omnes, quas hæcenus diximus, Oratoris Virtutes, cura, & labore comparari posse liquet mirabili Demosthenis exemplo, qui cùm primam artis suæ litteram dicere nequiret, studio, & exercitatione perfecit, ut planissimè diceret, & balbutiem, inditis ori calculis, emendavit, exilitatem vocis, ad fluctus maris declamando, illiusque fremitus voce vincendo, sustulit; angustias spiritûs, locorum inter declamandum ascensu, tandem aliquando superavit.


Atque hæc de Pronuntiatione monuisse sufficiat. Reliqua, quæ eodem pertinent,


exercitationi relinquimus; cui scilicet plus
multò, quam præceptis; esse tribuendum
existimavimus

Finis Libri Quinti.










U
r
E
o
g
e
te
d
te
n
p
fy
27

A P P A R A T U S
 E L O Q U E N T I Æ,
 S E U
 L A T I N O R U M A U C T O R U M
 Æ T A T I S A U R E Æ
 L O C A E X Q U I S I T I S S I M A .



Ut ad Rhetoricæ nostræ calcem pretiosissimam
 hunc ætatis aureæ quasi thesaurum adju-
 remus, duæ potissimum causæ nos impulerunt.
 Primum enim post tot congesta dicendi præcepta,
 operæ pretium existimavimus, etiam exempla con-
 gerere, in quibus appareat præceptorum usus &
 exercitatio.

Deinde animadversum sæpe à nobis est, hoc ef-
 fe in Tyronibus vulgare vitium, ut quamvis abun-
 dent præceptis, rerum tamen inopia & jejunitate
 laborent. Tolleitur hoc vitium, si habeant in ma-
 nu, quod possint imitari. Prompta nimirum erit
 parataque optimarum Sententiarum rerumque
 sylva locupletissima; *verbaque provisam rem non
 improvisa sequentur*, ut recte monet Horatius.

Idcirco non sat habuimus exempla hæc primo

Selecta ex Auctoribus.

versu subindicare. Persæpe etiam, ut præstó magis essent, & in promptu, exscripsimus integrè loca illa, vel quæ eximia palmariæque judicavimus ipsi; vel quæ elegantes urbanique homines habere solent in deliciis; vel quæ à callidis rerum æstimatoribus emundæque naris criticis, Scaligero, Mureto aliisque ñ paucis præcipue laudantur.

SELECTA EX VIRGILIO.

Initium facimus à Divino, ut loquitur Scaliger, Æneidos Poémate, in quo cùm summa sint omnia, secundus tamen, quartus & sextus liber omnium consensu ceteris antecellunt.

In secundo libro mirifica sunt hæc & supra omnem laudem. 1. Priami mors.

Forfitan & Priami fuerint quæ fata requiras,

Arma diu senior desueta trementibus ævo
Circumdat nequisquam hameris, & inutile ferrū
Cingitur, ac densos fertur moriturus in hostes.

Sic fatus senior, telumque imbelle sine ictu
Conjecit: rauco quod protinus ære repulsum, &c.

In quarto libro aurea ista Didonis ad Æneam fugam parantem oratio.

Dissimulare etiam sperasti, perfide, tantum
Pesse nefas, tacitusque meâ discedere terrâ
Mene fugis? Per ego has lachrymas.....

2 Eiusdem Didonis ira & indignatio, audito Æneæ responso.

Ta-

Talia dicentem jam dudum averſa tuetur,
Huc illuc volvens oculos, totumque pererrat
Luminibus tacitis.

. . . . Neque te teneo, neque diſta refello.
I, ſequere Italiam ventis, pete regna per undas,
Spero equidē mediis, ſi quid pia numina poſſint.
Supplicia hauſurum ſcopulis, & nomine Dido
Sæpe vocaturum: ſequar atris ignibus abſens.
Et cum frigida mors animâ ſeduxerit artus,
Omnibus umbra locis adero.

3. Interceſſione ſororis Annæ Æneam fleſtere
poſtremum conatur Dido.

I. ſoror, atque hoſtem ſupplex affare ſuperbum.

4. Auguria mortis triſtiaque portenta.

Hinc exaudiri gemitus, & verba vocantis
Viſa viri: nox cum terras obſcura teneret:
Solaque culminibus ferali carmine bubo
Sæpe queri, & longas in fletum ducere voces.

5. Didonis animo fluctuantis dubitatio, angoreſ,
ac demum desperatio.

En quid agam? rurfuſne procos irriſa priores
Experiar, Nomadumq; petam connubia ſupplex?
Quin morere, ut merita es, ferroq; averte dolorē.

6. Didonis furor & imprecatio in ipſo Æneæ
diſceſſu.

. . . . Proh Jupiter! ibit,
Hic, ait, & noſtris illuſerit advena regnis,
A 2 Non

4 *Sete ita ex Auctoribus.*

Non arma expedient; . . .
Exoriare aliquis nostris ex ossibus ultor,
Qui face Dardanios ferroque sequare colonos.

7. Didonis suprema verba & mors,

At trepida & coeptis immanibus efferâ Dido
Sanguineam volvens aciem, maculisq; trementes
Interfusa genas.

Dulces exuvix dum fata Deusque sinebant,
Accipite hanc animam, meque his exolvite curis:
vixi.

Moriemur inultæ;

Sed moriamur, ait: Sic sic juvat ire sub umbras...

Ter sese attollens, cubitoque innixa levavit:
Ter revoluta thoro est; oculisque errantibus alto
Quæsitivæ cœlo lucem, ingemuitque reperta.

1. In sexto libro, rarissima sunt ista, & quovis pretio digna. 1. Æneæ & Didonis occurfus apud inferos.

Inter quas Phœnissa recens a vulnere Dido....
Illa solo fixos oculos averfa tenebat,
Nec magis incapto vultum sermone movetur,
Quam si dura silex aut stet Marpesia cautes.

2. Græcorum pavor, viso apud inferos Ænea.

Pars vertere terga,
Ceu quondam petiere rates. Pars tollere vocem
Exiguam: inceptus clamor frustratur hiantes.

3. Damnatorum supplicia.

Continuo fontes ultrix accincta flagello
Typhonē quatit insultans, torvosque sinistra
Intentans angues, vocat agmina fœva fororum.

4. Romani ad imperandum nati.

Excudent alii spirantia molliùs æra:
Credo equidē, vivos ducent de marmore vultu....
Tu regere imperio populos, Romane, memento.

5. Marcelli laudes exquisitissimæ.

Ostendet terris hunc tantum fata...
Heu miserande puer, si qua fata aspera rumpas,
Tu Marcellus eris.

6. Dædali dolor.

Tu quoque magnam
Partē opere in tanto, fineret dolor, Icare, haberes.
Bis conatus erat casus effingere in auro:
Bis patriæ cecidere manus.

Laudantur potissimum in secundo libro Sino-
nis fraudes & perfidia; Laocoontis episodium;
Æneæ pietas erga patrem, uxorem & filium. *Hæc
fatus latos humeros..... Stat casus renovare o-
mnes.....* Illud vero de flammæ prodigio supra
caput Ascanii, ita concinnum, ita elegans, ut ni-
hil supra.

Ecce levis summo de vertice visus Juli
Fundere lumen apex, tactuque innoxia molli
Lambere flamma comas & circum tempora pasci.

Eximia est in quinto libro descriptio Entelli,
cæstibus pugnantis cum Darete.

Hæc fatus duplicem ex humeris rejecit amictum,
Et magnos membrorum artus, magna ossa lacer-
tosque

Exiit, atque ingens media consistit arenâ....
Nec mora, nec requies, quâ multâ grandine nimbi
Culminibus crepitant....

Vide in tertio libro mirabilem illam Achæme-
nidis narrationem de Harpyis, itemque de Poly-
phemo.

Vidi egomet duo de numero cum corpora nostrâ
Prensa manu magna, medio resupinus in antro,
Frangeret ad saxum, sanieque aspersa natarent
Limina: vidi atro cum membra fluentia tabo
Mahderet, & tepidi tremerent sub dentibus artu.

In septimo, Reginæ Amatæ venustissimam com-
parationem cum turbine, quem pueri magno in
gyro, vacua atria circum, intenti ludo exercent
..... Stupet inscia turba, impubesque manus,
mirata volubile buxum... Miraberis in octavo Cac-
ci speluncam, Herculisque de illo victoriam. Ec-
ce furens animis..... hic Cacum in tenebris..... in
nono, Euriali mortem, matrisque miseræ luctum.
Hoc vero quâ munditiâ, quâ elegantia?

Volvitur Eurialus letho, pulchrosque per artus
It cruor, inque humeros cervix collapsa recumbit.
Purpureus veluti cum flos succifus aratro
Languescit moriens, lassove papavera collo
Demifere caput, pluvia dum forte gravantur.

In undecimo, Turni jurgium cum Drance, *An tibi Mavors ventosa in lingua pedibusque fugacibus istis semper erit.* His adde in libro octavo Cyclopum laborem & mirificum illum Clypeum, qui callidissimo Pœtæ artificio, rerum Romanarum summam complectitur paucis. Adde concinnum illud atque venustum, lib. 1.

Ac primum filici scintillam excudit Achates,
Suscepitque ignem foliis atque arida circum
Nutrimenta dedit, rapuitque in fomite flammam.

Jam vero in Georgicis laudantur potissimum, lib. 1. horrenda prodigia in ipsa Julii Cæsaris morte: *Ille etiam extincto miseratus Cæsare Romam.* In secundo libro vitæ rusticæ laudes, innocentia, felicitas :

O fortunatos nimium, sua si bona norint,
Agricolas!
Interea pendent dulces circum oscula nati.
Casta pudicitiam servat domus.

Et reliqua plane aurea usque ad libri finem.
Istud vero de Corycio, blandum, tenerum, molle, ac delicatum in quarto Georgic.

Regum æquabat opes animis : seraque revertens
Nocte domum dapibus mensas onerabat inemptis
Primus vere rosam atque autumnos carpere poma.

Ille comam mollis jam tum tondebat achanti,
Æstatem increpitans serâ, Zephyrosq; morantes.

Denique exquisitissimi saporis est tota Aristæi
sa-

fabula ad calcem ejusdem libri quarti Georg. Partor Aristæus fugiens Peneia Tempe.... & in primis quod legitur de summo Orphei dolore, ac de illius morte, amissa iterum Eurydice conjuge.

Te dulcis conjux, te solo in littore secum,

Te veniente die, te decedente canebat.

Eurydicen vox ipsa & frigida lingua,

Ab miseram Eurydicen, anima fugiente vocabat

SELECTA EX CICERONE.

Ex Libris Philosophicis.

Librorum Philosophicorum exordia elegantissima ferme atque magnifica, & in primis exordium II. Libri, qui inscribitur *Lucullus*, omnibus pictum & politum artis coloribus.

2. Dionysii Syracusarum Tyranni historia festive admodum scripta, *Tuscul. lib. V. Duodequadragesima annos Tyrannus Syracusarum fuit Dionysius....* Ejusdem Dionysii jocus lepidissimus in assentatorem Damoclem.

Terræ situs, figura, ornatus, divitiæ, *lib. 1. de nat. Deorum. Ac principio terra universa....*

4. Oculorum structura mirifica. *Nam oculi tanquam speculatores altissimum locum obtinent....*

5. Canum fida custodia, & adulatio erga dominos, eorumdem sagacitas. 6. Ætheris descriptio admirabilis. 7. Gruum volatus mirificus, forma triangulari. *Illud vero animadversum, grues, cum loca calidiora petentes, maria transmittant, trianguli efficere formam. Ejus autem summo angulo àr ab eis adversus pellitur: deinde sensim ab*

ab utroque latere, tamquam remis, ita pennis
cursus avium levatur. Basis autem trianguli,
quam græves efficiunt, ea tamquam a puppi, ven-
tis adjuvatur, hæcque in tergo prævolantium col-
la & capita reponunt: quod quia ipse dux face-
re non potest, quia non habet ubi nitatur, re-
volat, ut ipse quoque quiescat. In ejus locum
succedit ex iis, quæ acquirerunt, eaque vicissitu-
do in omni cursu conservatur. Malus Pythii do-
lus in horto vendendo lib. 3. de Offic. C. Canius
eques.... 8. Agricolarum voluptates Venio nunc
ad agricolarum voluptates. Vitium cultura & in-
crementa. Vitis quidem, quæ natura caduca est,
& nisi fulta sit, ad terram fertur; eadem ut se
erigat, claviculis suis, quasi manibus, quidquid
est nacta complectitur: quam serpentem multipli-
ci lapsu, & erratico, ferro amputans cæcæcet
ars agricolarum, ne sylvescat sarmentis, & in
omnes partes nimia fundatur. 9. Architæ Taren-
tini oratio contra voluptatem corporis. Accipite
enim optimi adolescentes.... 10. Argumenta, qui-
bus probatur animorum immortalitas. 11. Quam
absurda sit in senibus avāritia. *Avaritia Senilis*
quid sibi velit, non intelligo. Potest enim quid-
quam esse absurdius, quam quo minus viæ re-
stat, eo plus viatici quærere. 12. Mors sapienti
minime acerba. *Nec me vixisse pœnitet, quoniam*
ita vixi, ut non frustra me natum existimem, &
ex hac vita ita discedo, tamquam ex hospitio,
non tamquam ex domo. Commorandi enim natu-
ra diversorium nobis, non habitandi, dedit. O præ-
clarum illum diem, cum ad illud divinum ani-
marum concilium, coetumque proficiscar; cum-
que ex hac turba & colluvione discedam. lib. de
Senec.

13. Utilitates amicitiae. Principio, cui potest esse vita vitalis, ut ait Ennius, qui non in amici benevolentia mutua conquiescat? Quid dulcius quam habere, quocum audeas omnia sic loqui ut tecum? Quis esset tantus fructus in prosperis rebus, nisi haberes, qui illis aequae ac tu ipse, gauderet? Adversas vero ferre difficile est sine eo, qui illas gravius etiam, quam tu, ferret. Denique ceterae res, quae expetuntur, opportunae sunt singulae rebus fere singulis: divitiae, ut utare; opes, ut colare; honores, ut laudare; voluptates, ut gaudeas; valetudo, ut dolore careas, & munerebus fungare corporis. Amicitia res plurimas continet: quoquo te verteris, praesto est; nullo loco excluditur: numquam intempestiva, numquam molesta est.

Ex Epistolis.

1. Epistola ad Quintum fratrem, quae est prima lib. 1. Sapientis & probi magistratus imaginem numeris omnibus absolutam exhibet. *Etsi non dubitabam.....*

2. Responsio ad Metellum, quae est II. libri V. ad familiares, generosae cujusdam, sed humanitatis sale conditae sui ipsius defensionis exemplum absolutissimum esse potest. *Si tu exercitusque valetis, bene est. Scribis ad me te existimasse.....*

3. Epistola ad Luceium, quae est 12. libri V. quam etiam atque etiam petit ab illo, sed singulari quadam dexteritate, ut res ab ipso Cicerone, in consulatu gestas historiae mandare velit. *Coram me tecum....*

4. Epistolae ad Brutum plenae dignitatis, plenae consilii & sapientiae. Post Caesaris mortem scriptae videntur.

Selecta ex Auctoribus.

II

5. Litteræ ad Atticum præ ceteris omnibus, urbanissimo quodam leporis sale sparsæ sunt atque conditæ. Placet in primis Epistola xviii. lib. I. *Nihil mihi nunc scito tam deesse....* & xxi. lib. II. *De Republica, quid ego....*

Ex Orationibus.

1. Summam in primis admirationem habent Tullii perorationes, quæ, ut ipse de se loquitur, plangore ac lamentatione forum complere solebant. Sunt autem præ ceteris insignes perorationes pro Milone, pro Fonteio, pro Ligario, pro Flacco, pro Quintio, pro Muræna, in quibus omnia eloquentiæ vela pandit Orator, & auditorum animos penitus videtur incendere; præsertim cum est excitanda commiseratio: ut cum ait pro Fonteio: *Tendit ad vos Virgo vestalis manus supplices easdem, quas pro vobis Diis immortalibus tendere consuevit....*

2. Milonianæ exordium & narratio summo in pretio sunt apud omnes peritos rerum æstimatores. 3. Laudantur summopere I. & II. Catilinaræ exordia pueris etiam nota. *Quo usque tandem abutere.... Tandem aliquando, Quirites....* Ceteris vero omnibus longe multumque præstare videtur nobilissimum illud exordium secundæ Philipp. *Quoniam meo fato P. C. fieri dicam....* Legenda est a capite ad calcem tota illa admirabilis secunda Philippica, de qua scilicet merito dictum a Juvenali, Sat. IX.

Ridenda Pœmata malo,
Quam te conspicuæ divina Philippica famæ
Volueris a prima quæ proxima.

Vide nominatim duos illos vehementissimos locos, ubi Antonio objicit Lupercalia: *Ad Lupercalia veniamus, & impudicæ vitæ sordes exprobrat illi. Visne igitur te inspiciamus a puero. ... Sumpsiisti virilem togam, quam statim muliebrem reddidisti...*

4. Oratio pro Marcello, exquisitissimo quodam artificio est elaborata. Nihil vero exquisitius, quam laudes illæ, quibus Cæsaris clementiam commendat: *Domuisti gentes immanitate barbaras, & cetera, quæ passim invenies in nostra Rhetorica.*

5. Orationi pro Ligario tanta vis inest, ut Cæsar, tametsi certum illi ac deliberatum esset Ligario non ignoscere, idque palam professus fuisset, victus tamen denique fuerit, eique carthæ è manibus delapsæ fuerint ad hæc Tullii verba: *Tu qui oblivisci nihil soles, nisi injurias.*

6. His addito in oratione pro Archiâ, humaniorum litterarum utilitatem & fructum; in Manilianâ, virtutes Imperatorias. *Quis igitur hoc homine scientior umquam aut fuit, aut esse debuit....* In Verrina ultima, Gavii civis Romani supplicium. *Cædebatur virgis.* In Verrina 1x. Syracusarum laudes.

7. Mihi denique falsis, urbanitatis & leporis specimen visus semper fuit ille locus pro Muræna, ubi Tullius probat primum Catonis accusantis virtutes & auctoritatem præjudicio esse non debere L. Muræne; deinde Stoicorum placita, quibus se totum addixerat Cato, facete omnino, magnoque judicum risu cavillatur. *Venio nunc ad M. Catonem....*

8. Nec minus venusta videbitur Hypotyposis illa, quâ mollem libidinosamque impuri Verris vitam sic describit. *Ita vivebat bonus ille Imperator*

cor hybernis mensibus, ut eum non facile, non modo extra lectum, sed ne extra lectum quidem quisquam videret. Cum autem ver esse coeperat, cujus initium iste non a Favonio, neque ab astro aliquo notabat, sed cum rosam viderat, tunc incipere ver arbitrabatur; dabat se labori atque itineribus, in quibus eo usque se præbebat patientem atque impigrum, ut eum nemo unquam in equo sedentem videret. Nam, ut mos fuit Bithyniæ regibus, lectica Othophoro ferebatur, in qua pulvinus erat perlucidus Melitensi rosa factus. Ipse autem coronam habebat unam in capite, alteram in collo: reticulumque ad nares sibi admovebat tenuissimo lino, minutisque maculis plenum rosæ. Sic confecto itinere cum ad aliquod oppidum venerat, eadem lecticâ, usque in cubiculum deferrebat: Eo veniebant Siculorum magistratus, veniebant equites Romani.....

Ex Libris Oratoriis.

Jam vero libri de Oratore tres sunt exquisitæ ac mirum in modum concinnæ latinitatis. Habes in secundo de Oratore, festivum illum Scipionis Nasicæ jocum cum Ennio Pœta. Sed ante omnia placet in eodem libro, aurea illa narratiuncula de Hannibale, qui cum Carthagine pulsus, Ephesum venisset, & Peripateticum Philosophum Phormionem de Imperatoris officio, & de omni re militari aliquot horas differentem, invitatus audisset; libere respondit, se multos deliros senes sæpe vidisse; sed qui magis, quam Phormio, deliraret, vidisse neminem.

Liber de claris Oratoribus, seu *Brutus*, mirâ jucunditate conditus est, ob rerum varietatem & ger-

germanæ veræque eloquentiæ formam perfectissimam exhibet.

INSIGNIORES LOCI.

Ex T. Livio selecti.

Ex centum & quadraginta plane aureis, quos scripsit Livius, Historiæ Romanæ libris, quibus res a Populo Romano gestas ab Urbe condita, usque ad Drusi mortem complectitur, vix bene triginta quinque ad nos usque pervenerunt: nimirum ex Decadibus omnino quatuordecim, quas reliquerat, Decas prima, Decas tertia & quarta, cum quinque primis Decadis quintæ libris, iisque foede mutilatis. Reliqua omnia, temporum injuria, miseroque rei litterariæ fato, interiire. Ex iis igitur, qui supersunt, triginta quinque libris, exquisitissima quæque summo studio selecta lectori hic apponimus, iterum atque iterum regustanda.

Ex Decade I.

1. Raptus Sabinarum. *Jam res Romana....*
Lib. 1.
2. Horatorum certamen cum Curiatiis; qui locus utriusque populi Romani scilicet & Albanis spem ac metum varium graphice omnino depingit. *Datur signum....*
3. Horatius victor sylviam sororem interficit. *Princeps Horatius ibat....*
4. P. Horatii Senis oratio ad populum pro filio perduellionis reo. *Hunc cine, agebat, quem modo...*

5. Violata Lucretia, ejusque mors. *Quærenti viro, Satin Salvæ? minime, inquit, quid enim salvi est mulieri, amissa pudicitia? Vestigia viri alieni, Collatine, in lecto sunt tuo: Ceterum corpus est tantum violatum, animus insons, mors testis erit. Sed date dextras fidemque haud impune adultero fore.... Ego me etsi peccato absolvo, supplicio non libero. Nec ulla deinde impudica Lucretiæ exemplo vivet.*

6. Bruti conjuratio in Tarquinius. *Per hunc, inquit, castissimum, ante regiam injuriam, sanguinem juro; vosque, Dii: testes facio, me L. Tarquiniam Superbum, cum scelerata conjuge, & omni liberorum stirpe, ferro, igni, quacumque dehinc vi possim, exsequuturum, nec alium quemquam regnare Romæ passurum.*

7. Junius Brutus morte multat suos & fororis filios, qui contra patriam pro Tarquiniis conjuraverant. Lib. II.

8. Valerius Publicola post Bruti collegæ mortem de affectato regno suspectus quod domum ædificaret in Velia, arcis in morem, purgat se apud populum: *Non obstabunt P. Valerii ædes libertati vestræ, Quirites, tuta erit vobis Velia. Deferam non in planum modo ædes, sed colli etiam subjiciam, ut vos supra suspectum me civem habitetis. In Velia ædificent, quibus melius quam P. Valerio creditur libertas.*

9. Mucius, cui postea Scævola nomen inditum, Porfenam Regem interficere aggreditur. *Cum C. Mucius adolescens nobilis.... ejusdem Oratio ad Porfenam, Romanus sum civis.... Cloelia obses, inter hostium tela Tiberim tranat.*

10. Menenius Agrippa, prisco illo & horrido; sed efficaci modo plebem ab Aventino monte in

urbem revocat. *Tempore quo in homine*

11. Marcius Coriolanus patriæ bellum infert. . . .
 Veturiæ matris ad illum Oratio vehemens & luculenta. *Sine, priusquam complexum accipio*

12 Quintius Concinatus ab aratro ad Dictaturam vocatur. Hostes sub jugum mittit, & sexto decimo die, se ultro Dictatura abdicat. *Spes unica populi R. L. Quintius trans Tiberim? quatuor jugerum colebat agrum, quæ prata Quintia vocant: Tbi ab legatis seu fossam fodiens, palce innixus, seu cum araret; operi certe, id quod constat, agresti intentus: salute data invicem red-ditaque, rogatus quod bene verteret ipsi, rei que publicæ, togatus mandata Senatus audiret, admirans, rogitansque: Satin Salva essent omnia? togam propere e tugurio proferrè uxorem Raciliam jubet. Qua simul, absterfo pulvere ac sudore, velatus processit, Dictatorem eum legati gratulantes consalutant; in urbem vocant; qui terror sit in exercitu exponunt. Lib. III.*

13. Furius Camillus proditos hostium filios parentibus remittit.

Romani a Gallis Senonensibus ad Alliam victi. Roma capta. Miserabilis Romanorum statq. Manlius Capitolium tutatur. Fusi fugatique a Camillo Galli. Camillus dissuadet populo ne relictis urbis Romæ ruinis, Veios transmigrènt. *Adeo mihi acerbæ sunt, Quitites. . .*

14. Manlius, qui Capitolium tutatus fuerat, tyrannidem affectat; plebem commovet adversus Patres. *Quousque tandem ignorabitis vires vestras, quas natura ne belluas quidem ignorare voluit. Numerate saltem quot ipsi sitis, quot adversarios habeatis. . .*

15. Manlii Torquati singulare certamen cum Gal-

Gallo, cui torquem aureum detrahit, unde *Torquatus* nuncupatur. *Tum eximia corporis magnitudine in vacuum pontem Gallus processit.....*

16. Manlius Consul filium licet victorem securi percutit, quod ipsius injussu pugnasset. *Quandoquidem, inquit, tu T. Manti, neque imperium consulare, neque majestatem patriam veritus, adversus editum nostrum, extra ordinem in hostem pugnasti, & quantum in te fuit, disciplinam militarem, qua stetit ad hanc diem Romana res, solvisti.... triste exemplum, sed in posterum salubre juventuti erimus....*

17. P. Decius Mus Consul se pro exercitu Diis Manibus devovet, lib. VIII. Patris exemplo se devovet filius in bello contra Gallos atque Samnites.

Ex Decade III. & IV.

Hæc tertia Decas (secundam enim interiisse diximus) amplitudine, magnificentia, ubertate, verborum etiam ornatu & elegantia tantum vincit priorem, quantum Romana Respublica hoc sexto sæculo florens & adulta, se ipsa nascente superior erat. Facileque apparet Livium in hac eximia sui Operis parte curiosius elaboranda, omnes sui ingenii vires, conatum omnem effuisse.

Laudantur autem potissimum in ipso secundæ Decadis initio, i. Hannibalis indoles ad vivum expressa, suisque virtutibus ac vitiis mirifice distincta. *Numquam ingenium idem ad res diversissimas parendum atque imparandum habilius fuit.... Plurimum audacice ad pericula capeffenda; plurimum consilii inter ipsa pericula erat.*

Nut-

*Nulla labore aut corpus fatigari, aut animus
vinci poterat. Caloris ac frigoris patientia par
.... Princeps in prælium ibat: ultimus conferto
prælio excedebat. Has tantas viri virtutes in-
gentia vitia æquabant; inhumana crudelitas;
perfidia plusquam Punica; nihil veri, nihil san-
cti: nullus Deorum metus, Nullum jusjuran-
dum, nulla religio.*

2. Obsidio Sagunti. Legatio Romana ad Han-
nibalem & Carthaginem. Hannonis in Hanniba-
lem Oratio vehementissima in ipso Senatu Car-
thaginensi. *Per Deos fœderum arbitros ac tes-
tes monuisse, prædixisse se, ne Amilcaris progèni-
em ad exercitum mitterent....*

3. Ejus mirificum in Italiã iter, per Hispa-
niam, per Pyrenæos, per Gallias, per Alpes
& Apenninum cum centum armatorum millibus,
cui quidem Livii loco nihil omnino ex omnibus
aliis Historicis posse æquiparari facile ausim affir-
mare.

4. Hannibal primas Alpes superans: *Ex pro-
pinquo visa montium altitudo, nivesque cœlo pro-
pe immisæ, tæta informia posita rupibus, pe-
cora jumentaque torrida frigore, homines intonsi
& inculti, animalia inamataque omnia rigentia
gelu. Cetera visu quam dictu fœdiora terrorent
renovavere. Quam Alpium descriptionem Alpi-
bus ipsis pene sublimiorem Fabianus Strada non
veretur appellare.*

5. Hannibalis ad suos adhortatio: *Mirari se,
quinam pectora semper impavida repens terror
invaserit.... quid aliud esse Alpes creditis quam
montium altitudines? Fingerent altiores Pyre-
ncei jugis; nullas profecto terras cælum contingere,
nec insuperabiles humano generi esse.*

6. Hannibal Italiam suis ostendit ex summo Alpium vertice. *Per omnia nive opplata cum signis prima luce motis, segniter agmen incederet, pigritiaque & desperatio in omnium vultu emineret; prægressus signa Hannibal, in promontorio quodam, unde longe ac late aspectus erat, consistere iussis militibus, Italiam ostentat, subjectosque Alpinis montibus circumpedanos campos, mæniaque eos tum transcendere non Italice modo, sed etiam urbis Romæ: Cetera plana, proclivia fore: uno aut summum altero prælio, arcem & caput Italice in manu ac potestate habituros.*

7. Hannibal montem rumpit aceto: *Inde ad rupem muniendam, per quam unam via esse poterat, milites ducti; cum cædendum esset saxum, arboribus circa immanibus dejectis, detruncatisque, struem ingentem lignorum faciunt: eamque cum & vis venti apta faciendo igni coorta esset, succendunt; ardentiaque saxa infuso aceto, putrefaciunt. Ita torridam incendio rupem ferro pandunt, molliuntque anfractibus modicis clivos, ut non iumenta solum, sed elephantum etiam duci possent.*

8. Scipio & Hannibal suos quisque ad prælium hortantur: *Si eum exercitum.... Si quem animum....*

9. Consul Flaminius, ad Thrasymenum cum exercitu cæsus. Consternatio in urbe.

10. Fabius Dictator cunctando restituit rem, illius cautiones multiplices. M. Minutii Magistri equitum, hominis ferocis præcipitisque, in Fabium oratio & diæteria, qui locus summo est artificio elaboratus.

11. Romanorum immensa clades ad Cannas, mors Pauli, fuga Varronis. Urbis trepidatio, luctus, confternatio.

12. Senatus Romani magnanimitas atque constantia. Servi armantur. Gratiae actæ M. Terentio Varroni Consuli, *quod de republica non desperasset*. Nulla timoris significatio, nulla mentio pacis.

13. P. Cornelius Scipio jurat se rempublicam non deserturum, & eodem jurejurando adstringit nobiles aliquot, qui de Italia deserenda apud Metellum deliberabant, stricto super capita consultantium gladio: *Ex mei animi sententia, inquit, juro, ut ego Rempublicam populi Romani non deseram, neque alium civem Romanum deserere patiar. Si sciens fallo, tum me, Jupiter Opt. Max. domum, familiam, remque meam pessimo letho afficias. In hæc verba, L. Cæcili, jures, postulo, ceterique qui adestis: qui non juraverit, in se hunc gladium strictum esse sciat.*

14. Maharbal equitum Præfecto auctor est Hannibali, ut recta pergat Romam: *Imo ut quid hæc pugna sit actum scias, die quinto victor in Capitolio epulaberis: Sequere cum equite, ut prius venisse, quam venturum sciant.*

15. Eiusdem Maharbalis ad Hannibalem cessantem morasque nescientem libera veraque vox: *Non omnia nimirum eidem Dii dedere. Vincere scis, Hannibal; victoria uti nescis.*

16. Hanno Pænos victores hortatur ad pacem: *Tacuisse hodie...*

17. Poeni cum Hannibale, Capuæ deliciis molliuntur: *Ibi partem majorem hyemis exercitum in tentis habuit...*

18. Marcellus Syracusas obsidet Archimedis machi-

chinæ ad urbem defendendam. *Et habuisset tanto impetu coepta res fortunam, nisi unus spectator cœli siderumque, mirabilior tamen inventor ac machinator bellicorum tormentorum, operumque, quibus, ea quæ hostes ingenti mole agerent, ipse per levi momento ludificaretur. Vide graphicam Archimedis machinarum descriptionem, lib. xxiv. Capta urbe, Archimedes intentus formis, quas in pulvere descripserat, ab ignaro milito quis esset, interficitur.*

19. Hannibal ad tertium ab urbe lapidem castra ponit, mœnia Romæ contemplatur. *Postero die transgressus Anienem Hannibal, in aciem omnes copias eduxit.*

20. Imbribus grandine mistis bis dirimitur prælium, in quo urbs Roma victori præmium esset. *Auditur hæc vox Hannibalis. Potiundæ sibi urbis Romæ, modo mentem non dari, modo fortunam.*

21. Hannibal ad ipsas Romæ portas audit Romanos milites sub vexillis in supplementum Hispaniæ profectos, & agrum illum, in quo ipse castra haberet, per eos dies vænisse, nihil ob id diminuto pretio. *Id vero adeo superbum atque indignum visum, ejus soli, quod ipse bello captum possideret haberetque, inventum Romæ emptorem: ut extemplo vocato præcone, tabernas argentarias, quæ circa forum Romanum tunc erant, jussit venire.*

21. Juvenis Scipio vix viginti & quatuor annos natus, in Hispaniam cum imperio mittitur. *Laudatur in primis magnificū illud Scipionis præconium: Fuit enim Scipio non veris tantum virtutibus mirabilis, sed arte quoque quadam ab juvenia, in ostentationem earum compositus. Marcium qui unus perditas Hispaniæ res restitu-*
erat

erat, in honore habet. *Marcium secum habebat cum tanto honore, ut facile appareret nihil minus, quam vereri, ne quis obstaret gloriae suae.... Illius ad milites oratio: Nemo ante me novus Imperator.... Carthaginem novam expugnat uno die.*

23. Singulare quoddam innocentiae & continentiae specimen dat in captiva eximia formae virgine. *Captiva deinde a militibus adducitur ad eum adulta virgo, adeo eximia forma, ut quocumque incedebat, converteret omnium oculos. Scipio percunctatus patriam parentesque, inter cetera accepit desponsam eam principi Celtiberorum adolescenti; Allucio nomen erat. Extemplo igitur parentibus, sponsaque ab domo accitis, cum interim audiret deperire eam sponsae amore, ubi primum venit, accuratiore eum sermone quam parentes alloquitur. Juvenis, inquit, juvenem appello; quo minor sit inter nos hujus sermonis verecundia.... Fuit sponsa tua apud me eadem, qua apud soceros tuos parentesque suos, verecundia, servataque tibi est, ut inviolatum & dignum me teque dari tibi donum posset. Hanc mercedem unam pro eo munere paciscor: amicum populo Romano sis; & si me virum bonum credis esse, quales patrem patruumque meum jam ante haec gentes norant, scias multos nostri similes in civitate Romana esse, nec ullum in terris populum hodie dici posse, quem minus tibi hostem tuisque esse velis, aut amicum malis. Adolescens simul pudore & gaudio perfusus, dextram Scipionis tenens, Deos omnes invocare ad gratiam illi pro se referendam, quoniam sibi nequaquam satis facultatis, pro suo animo, atque illius erga se merito esset. Parentes inde cognatique vir-*

virginis appellati, qui quoniam gratis sibi redderetur virgo, ad quam redimendam, satis magnum attulissent auri pondus, orare Scipionem, ut ad se donum acciperet, ceperunt.... Scipio, quando tanto opere peterent, poni ante pedes iussit; vocatoque ad se Allucio, super dotem, inquit, quam accepturus a Socero es, hæc tibi a me dotalia dona accedent, aurumque tollere ac sibi habere iussit. His lætus donis honoribusque dimissus domum, implevit populares laudibus meritis Scipionis, venisse Diis simillimum iuvenem, vincentem omnia cum armis, cum benignitate ac beneficis.

24. Huic prorsus aureolo Livii Loco adde alios tres non minus exquisiti saporis, in quibus suum illum, sibi que præ ceteris carum, ut satis apparet, Scipionem magnifice prædicat. In primo describitur Scipio in eodem cum Asdrubale lecto, apud Syphacem accumbens, illiusque comitas miraque ingenii dexteritas celebratur. *Tanta autem inerat comitas Scipioni, atque ad omnia naturalis ingenii dexteritas, ut non Syphacem modo barbarum insuetumque moribus Romanis, sed hostem etiam infestissimum facunde alloquendo sibi conciliavit.*

25. In secundo describitur Scipio, Massinissæ cum Sophonisba victi Syphacis uxore, nuptias egregia oratione damnans. *Aliqua te existimo, Massinissa, intuentem in me bona... & infelix Sophonisbæ Syphacisque fortuna narratur*

26. In tertio refertur Hannibalis cum Scipione colloquium. Artificiose Hannibalis oratio de pace. Generosum Scipionis responsum, & mox secuta victoria ad Zamam. *Paulisper alterius conspectu admiratione mutua prope attoniti conticere. Tum Hannibal prior, Si hoc ita fato da-*

rum erat... Quod ego fui ad Trasimenum, ad Cannas, id tu hodie es.....

27. In quarta refertur Hannibalis cum Scipione fortuitum colloquium Ephesi, ejusdemque Hannibalis de optimis Imperatoribus callidum judicium: Quærenti Africano quem fuisse, maximum Imperatorem Hannibal crederet, respondisse Alexandrum Macedonum Regem; quærenti deinde, quem secundum poneret; Pyrrhum dixisse: Exequenti quem tertium duceret, haud dubie semetipsum dixisse. Tum risum obortum Scipioni, & subjecisse: Quidnam tu diceres, si me vicisses? Tum me vero, inquit, & ante Alexandrum, & ante Pyrrhum, & ante omnes alios Imperatores esse.

28. In ultimo denique commemoratur magnifica illa Scipionis de rebus a se gestis oratio, cum a Tribuno plebis accusatus, reusque citatus, magno agmine amicorum clientumque per mediam concionem ad rostra subiit, silentioque facto, Hoc, inquit, die, Tribuni plebis, vosque, Quirites, cum Hannibale & Carthaginensibus, signis collatis in Africa, bene ac feliciter pugnavi. Itaque cum hodie litibus & jurgiis supersederi æquum sit, ego hinc extemplo in Capitolium ad Jovem Opt. Max. Junonemque & Minervam, ceterosque Deos, qui Capitolio atque Arci præsident, salutandos ibo: iisque gratias agam, quod mihi & hoc ipso die, & sæpe alias egregie Reipublicæ gerendæ mentem facultatemque dederunt. Vestrum quoque quibus commodum est, ite mecum, Quirites, & orate Deos ut mei similes principes habeatis... Ab rostris in Capitolium ascendit: simul se universa concio avertit, & secuta Scipionem est.

Dignissima demum, quæ iterum iterumque legantur ultima morientis Hannibalis verba, Lib. xxxix. *Liberemus, inquit, diaturua cura populum Romanum: quando mortem senis expectare longum censent. Nec magnam, nec memorabilem ex inermi proditoque Flaminius victoriam feret...* Neque vero minoris pretii sunt extrema Scipionis gesta, ejusque Litemum secessus ad vitandam invidiam, ac denique mors, quæ eodem anno contigit, quo mortuus est Hannibal.

Prætermitti nequaquam potest in Libro xxix. vehemens æque ac justa Locrensiū de Pleminio Legato querela. *Quærentibus Consulibus, Locrenses se dixerunt ea passos...* Itemque Perollæ ad Pacuvium Calavium oratio de interficiendo per insidias Hannibale. *Consilium affero, pater.....* Patrisque filium a facinore dehortantis oratio vehementissima, & cui paucas pares reperias. *Per ego te, fili...* Lib. xxiii. Adde in ipso Libri xxxiv. principio dignissimam Catone orationem pro Lege Oppia, contra muliebrem luxum; *Nequa mulier plus senuncia auri haberet.... Si in sua quisque nostrum matrefamilia, & L. Valerii disertam orationem contra Legem Oppiam. Sicut privati tantum...* Habes demum in Libro xl. celebrem illam Demetrii Perseique dissensionem, & habitas ultro citroque orationes eximias, post brevem Philippi illorum patris quasi proluisionem. *Sedeo miserimus pater, iudex inter duos filio*

In iis, qui supersunt, Decadis quintæ libris celebris est L. Æmilii Pauli de Perseo Macedonæ Rege victoria, & ejusdem Æmilii triumphus, dñorum, quos inter ipsam triumphii celebritatem amisit, filiorum morte funestatus. *Memorabilem ejus oratio, & digna Romano Principe fuit.....*

Si cui forte mirum videbitur nos ex uno Livio longe plura, quam ex aliis aureæ ætatis Scripto-ribus selegisse; id causæ nobis esse sciat, n̄ quod Scriptorem hunc ceteris velimus antepone--re; sed quod illius ubertatem, vim, copiam atque varie-tatem plurimum ad eloquentiam comparandam utilitatis afferre judicaverimus.

I N S I G N I O R E S L O C I

Ex Horatio Selecti.

HÆC est una omnium vox Artem Pœticam Ho-ratii esse opus ab omni parte perfectum, in quo præclarissima quædam non modo Pœseos, sed etiam eloquentiæ in primis præcepta contine-antur. Cujusmodi est, *v. g.* aureum illud.

Denique fit quodvis simplex duntaxat & unum.

Non fumum ex fulgore, sed ex fumo dare lucē
Cogitat, ut speciosa dehinc miracula promat.

In vitium ducit culpæ fuga, si caret arte.

Eximium vero illud, quod de variis variarum æ-tatū moribus tradit.

Ætatis cujusque notandi sunt tibi mores...

Inter Satyras, fideris instar elucet tertia libri primi; *Omnibus hoc vitium est cantoribus...* qua docemur sereunda esse amicorum vitia, & quam *et palmarem Satyrām* facile ausim appellare.

Quid

Quid enim ad mores emendandos & ad amicitias
tuendas aptius divinis hisce versibus, quos in om-
nium animis alte defixos esse pervelim:

Quam temere in nosmet legem sancimus iniquā:
Nam vitii sine nemo nascitur: optimus ille est,
Qui nimis urgetur. Amicus dulcis, ut æquum est,
Cum mea compenset vitis bona; pluribus hisce,
Si modo plura mihi bona sunt, inclinet; amari
Si volet: hac lege in trutina ponetur eadem.
Qui ne tuberibus propriis offendat amicum
Postulat, ignoscat verrucis illius. Æquum est
Peccatis veniam poscentem reddere rursus.

Nona ejusdem Libri I. *Ibam forte via sacra.*
... Qua importunam & improbam garruli cujus-
dam loquacitatem describit, adeo venusta est &
elegans, ut *medio de fonte leporum* petita dici
merito possit. Exquisitissima & urbano homine
digna brevis hæc Mæcenatis laus *paucorum ho-*
minum, & mentis bene sanæ.

Laudatur plurimum prima Libri I. Satyra, *Qui*
fit Mæcenas, qua pingitur mortalium suæ condi-
tionis ac fortis pertæsorum anxietas, & incon-
stantia: itemque in IV. falsum illud contra obtre-
ditores: *Mentio si qua de Capitolini furtis in-*
jecta Petilli te coram fuerit... & in decima, præ-
clarum illud præceptum per paucis notum.

Est brevitatis opus, ut currat sententia, ne se
Impediat verbis lassas onerantibus aures.

Sed illud præ ceteris videtur esse salis & urba-
nitatis specimen, quod narrat Horatius, quo pacto
inter Mæcenatis amicos & familiares fuerit co-
optatus.

.... Felicem dicere non hoc
 Me possum casu, quod te fortitus amicum.
 Nulla etenim mihi te fors obtulit. Optimus olim
 Virgilius, post hunc Varius dixere quid essem.
 Ut veni coram, singulatiim pauca locutus
 (Infans namque pudor prohibebat multa profari)
 Non ego me claro natū dixere patre, n̄ ego circum
 Me Satureiano vestati rura caballo,
 Sed quod eram, narro. Respondes, ut tuus est mos,
 Pauca: ab eo, & revocas nono post mense, jubesq;
 Esse in amicorum numero...

Ultima Libri 11. Satyra, *Ut Nasidieni iuvit te
 coena beati?* Affluit omni lepore ac venustate, pu-
 tidasque Nasidieni Rufi lautitias, & inelegantem,
 ut ita dicam, hominis elegantiam admodum face-
 te ac jocosè cavillatur.

Inter Horatianas Epistolas, placet in primis se-
 ptima Libri 1. tum ob lepidissimam de Volteio Me-
 na narrationem; tum ob festivum illum vulpecu-
 læ & mustelæ apollozum.

Forte per angustam tennis vulpecula rimam,
 Repserat in cumeram frumenti, pastaque rursus
 Ire foras pleno tendebat corpore frustra.
 Cui mustela procul; si vis, ait, effugere istinc,
 Macra cayum repetes arctum, quem macra subisti.

Secunda ejusdem Libri 1. *Trojani belli Scri-
 ptorem...* abundat sapientissimis Philosophiæ præ-
 ceptis; cujusmodi est istud.

Nam cur
 Quæ lædunt oculos festinas demere; si quid
 Est animum, differs curandi tempus in annum?
 Dimidium facti, qui cœpit, habet: Sapere aude:
 In-

Incipe; vivendi qui recte prorogat horam,
Rusticus expectat dum defluat annis: at ille
Labitur, & labetur in omne volubilis ævum.

Verum, ut ingenue loquar quod sentio, si eximia quærimus Philosophiæ præcepta, nihil æquiparandum existimo primæ ad Mecœnatem Epistolæ. Fidem facient pauca hæc, quæ sequentur.

Hic murus aheneus esto,
Nil conscire tibi, nulla pallescere culpa.

Itemque illud, quod est summæ sapientiæ.

Et mihi res, non me rebus submittere conor.

Nemo adeo ferus est, ut non mitescere possit,
Si modo culturæ patientem commodet aurem.
Virtus est vitium fugere, & sapientia prima
Stultitia caruisse....

Inter Odas Horatianas, quænam præ ceteris palmam mereantur, difficile admodum dijudicatu est. Si Scaligerum audimus, Palmares sunt istæ duæ. *Donec gratus eram tibi. Et Quem tu Melipomene semel.* Quas quidem tam impense mirabatur vir ille summus, ut mallet illarum auctor esse, quam esse totius Hispaniæ Tarracœnensis Rex. Mihi vero, si meum quoque fas est interponere iudicium, exquisitissimi saporis esse videtur epodos de vitæ rusticæ laudibus. *Beatus ille, qui procul negotiis...* & Ode II. lib: I. qua faustam navigationem amico Virgilio precatur. *Sic te divina potens Cypri...* mirare in primis aureum illud.

Post ignem æther a domo
 Subductum, macies, & nova februm
 Turris incubuit cohors:
 Semotique prius tarda necessitas
 Lethi corripuit gradum.

Habes præterea in lib. 1. cedro linendam Odem,
 qua deflet Quintilii mortem. *Quis desiderio sistit
 pudor...* In qua hoc eximium.

Cui pudor & justitiæ soror
 Incorrupta fides nudaque veritas
 Quando ullum invenient parem?

In II. libro, quovis pretio dignæ sunt hæ quatuor.

Nullus argento color est...II.
 Æquam memento rebus in arduis...III.
 Eheu fugaces, Posthume, XIV.
 Labuntur anni....
 Otium Divos rogat in patenti.... XVI.

In tertio libro, majores spiritus induit Poëta,
 virtutemque mirifice docet. Sunt autem insignes
 potissimum hæ.

Odi profanū vulgus & arceo... I.
 Augustam, amici, pauperiem pati... II.
 Justum & tenacem propositi virum... III.
 Coelo tonantem credidimus Jovem... V.

Sed reliquis longe videtur antecellere sexta,
Delicta majorum immeritus læs... qua sæculi sui
 vitia detestatur, & mores antiquos laudat. Illud
 enim

enim qua munditia, qua venustate, quo spiritu dictum.

Motus doceri gaudet Ionicos
Matura virgo, & fingitur artibus.
Jam nunc & incestos amores
De tenero meditatur ungui.
Non his juvenus orta parentibus
Infecit æquor sanguine Punico.
Pyrrhūque & ingentem cecidit
Antiochum, Hannibalemque dirum.

Laudatur in quarto libro, secunda de Pindaro: *Pindarum quisquis*. Et vii. Epodos, qua civile bellum detestatur: *Quo, Scesti ruitis? ...* Et xvi. quæ eodem pertinet: *Altera jam teritur bellis civilibus ætas...* Sæculare vero carmen pro Imperii Romani incolumitate: *Phœbe, sylvarumque potens, Dianā*, doctum, tersum, elaboratum, inquit Scaliger in Arte Poëtica. Ex quibus sane locis, aliisque hujusmodi bene multis satis liquet Horatium *venustatum parentem, & elegantiarum patrem* non immeritò nuncupari.

ILLUSTRIORES LOCI.

Ex Cæsare selecti.

DE Cæsare habemus eximium hoc Ciceronis iudicium, illum simplici quadam venustate & incorrupta candidaque Latini sermonis integritate atque elegantia ceteros omnes Scriptores post se relinquere... Laudantur vero potissimū in aureis illius Commentariis.

1. Quæ

1. Quæ scripsit de Gallorum ingenio, moribus fortitudine, curiositate, levitate, &c. *Quoniam ad hunc locum perventum est, non alienum esse videtur, de Gallicæ, Germanicæque moribus, & quæ differant eæ nationes inter se, proponere....*

2. Druidum origo, auctoritas, munus, privilegia, disciplina, opinationes de animis, fideribus.... *Non interire animas, sed ab aliis post mortem transire ad alios; atque hoc maxime ad virtutem excitari putant, metu mortis neglecto..... Natio est omnis Gallorum admodum dedita Religionibus... Galli se omnes ab Dite Patre Progenitos prædicant.*

Germanorum mores, vestes, victus, hospitalitas, illorum cum Gallis comparatio. *Germani multum ab hac consuetudine differunt...*

4. Expeditio adversus Tungros, seu Atuaticos, partaque de illis victoria. Locus ille plurimum habet suavitatis atque nitoris. *hi vineis æstis, agere extructo, turrin constitui procul viderunt, primum irridere ex muro, atque increpitare vocibus, quò tanta machinatio ab tanto spatio institueretur? Quibusnam manibus, aut quibus viribus, præsertim homines tantulæ staturæ (nam plerisque hominibus Gallis, pro magnitudine corporum suorum, brevitæ nostræ contemptui est) tanti operis turrin in muros sese collocare confiderent. Ubi vero moveri & appropinquari moenibus viderunt, nova atque inusitata specie commoti, legatos ad Cæsarem de pace miserunt, qui ad hunc modum locuti: non se existimare Romanos sine ope Deorum, bellum gerere, qui tantæ altitudinis machinationes tanta celeritate promoverè, & ex propinquo pugnare possent.*

5. Alexiæ, seu Alisiæ descriptio, obsidio, & ex-

pugnatio dignissima quæ legatur. *Ipsum erat opidum in colle summo... Lib: VII. 6. Pons ligneus Rheno impositus. Germanico bello confecto, multis de causis Cæsar statuit sibi Rhenum esse transeundum.... Lib: IV. 6. T. Pulfionis, & L. Vareni, Legionis illius quæ cum Quinto Cicero ne hiemabat, egregium facinus & mira fortitudo. Erant in ea legione fortissimi viri. Hæc narratio perfectæ narrationis dotes omnes, atque virtutes continet. 7. Alcis, & Uri descriptio suavissima.*

8. Helvetiorum legati ad Cæsarem oratio, Lib: VI. libera sinceraque, pro more gentis: *Se ita a patribus, majoribusque suis didicisse, ut magis virtute, quam dolo contenderent, aut insidiis niterentur..... Cæsaris responsum præclarissimum. Consueſſe Deos immortales, quo gravius homines ex commutatione rerum doleant, quos pro scelere eorum ulcisci velint, his secundiores interdum res, & diuturniorem impunitatem concedere.*

9. Militum Romanorum consternatio, rumusculi, querelæ, cum Cæsar bellum Germanicum pararet. *Dum paucos dies ad Vesuntionem, rei frumentariæ comæatusq; causa moratur; ex periculatione nostrorum, vocibusque Gallorum ac mercatorum, qui ingenti magnitudine corporum Germanos, incredibili virtute, atque exercitatione in armis esse prædicabant: sæpenumero sese cum iis congressos, ne vultum quidem atque aciem oculorum ferre potuisse; tantus subito timor omnem exercitum occupavit, ut non mediocriter omnium mentes animosque perturbaret... Vulgo totis castris testamenta obſignabantur... 10. Cæsaris ad suos milites oratio roboris, dexteritatis, peritorum ac impavidæ firmitatis plena... Se pro-*

xima nocte, de quarta vigilia, castra moturum, ut quamprimum intelligere posset utrum apud eos pudor atque officium, an timor plus valeret. Quod si præterea nemo sequatur, tamen se cum sola decima Legione iturum, de qua non dubitaret; sibiq; eam prætoriam cohortem futuram.

In Commentariis de bello civili, multa sunt pretiosissima; sed hæc, præ cæteris laudantur. 1. Ad milites oratio de Senatus injuria. Quibus rebus cognitis, Cæsar apud milites concionatur.... 2. Concio ad Senatum ipsum, de inimicorum injuriis. Coactò Senatu, injurias inimicorum commemorat;.. 3. Plenus est insinuationis & artificii, magnamque continet æquitatis significationem. locus ille, in quo Cæsar pacis condiciones offert Pompeio. Erat autem hæc summa mandatorum; debere utrumque pertinaciæ finem facere, & ab armis discedere, neque amplius fortunam periclitari: Satis esse magna utrimque incommoda accepta, quæ pro disciplina & præceptis habere possent, ut reliquos casus timerent;.. Proinde sibi ac Reipublicæ parcerent, quantumque in bello fortuna posset, jam ipsi incommodis suis satis essent documento. Hoc unum esse tempus de pace agendi, dum sibi uterque consideret, & pares ambo viderentur: si vero alteri paulum modo tribuisset fortuna; non esse usurum conditionibus pacis eum, qui superior videretur, neque fore cæqua parte contentum, qui se omnia habiturum consideret.

4. Nihil inferior est Labieni oratio ante pugnam Pharfalicam. Noli, inquit, existimare Pompei. Lib: III. Sed nihil venustius illustriusque, quod sciam, quam colores illi, quibus egregie pingitur bellicus ardor fortissimi illius primipili, cui

nomen erat *Crastinus*, qui dato pugnae Pharsalicæ signo, ad socios conversus, *Sequimini me, inquit, manipulares mei, qui fuistis, & vestro Imperatori, quam constituistis, operam date. Unum hoc praelium superest, quo confecto, & ille suam dignitatem, & nos nostram libertatem recuperabimus. Simul respiciens Cæsarem; faciem, inquit, hodie, Imperator, ut aut vivo mihi, aut mortuo gratias agas. Hæc cum dixisset, primus ex dextro cornu processit.*

Denique Pompeii castra graphice admodum & artificiose describuntur a Cæsare. *In castris Pompeii videre licuit triclinia strata, magnum argenti pondus expositum, recentibus cespitibus tabernacula constrata, L. etiam Lentuli & nonnullorum tabernacula protecta hederæ; multaq; præterea, quæ nimiam luxuriam & victoriæ fiduciam designarent; ut facile aestimari posset nihil eos de eventu ejus diei timuisse, qui non necessarias conquirerent voluptates: atque in miserissimo ac patientissimo exercitui Cæsaris luxuriam obiciebant, cui semper omnia ad necessarium usum defuissent.*

Non omittenda est obsidio Massiliæ, in I. & II. libro de bello civili. Ex quibus profecto, aliisque sexcentis id genus locis satis constat verissimum esse aureum illud de Cæsare dictum: *EODEM animo scripsit, quod pugnavit.* His adde Catonis Uticensis mortem, & pugnam militis cū elephantē, in Commentariis de bello Alexandrino; itemque bellum cum Afranio Petrejoque, & praelium ad Mundam. Quamquam hæc sunt Hirtii, non Cæsaris ipsius. Sed de Cæsare satis.

INSIGNIORES LOCI

Ex Ouidio Selecti.

Jnitium facimus ex Metamorphoseos lib. quem *perfectum opus* appellare solebat Scaliger, sive ob politio-rem descriptionum varietatē & elegantiam, seu ob crebra sententiarum lumina: seu ob mirificam fabularum, naturali quodam ordine inter se aptarum connexionem & quasi cognationem.

Atque ut perfectius a perfecto secernamus, quoad ejus fieri poterit: Lãudantur in primo libro. 1. Deorum concilium: *Est via sublimis, cœlo manifesta sereno...* 2. Lycaon mutatus in lupum. 3. Jnitum a Jove consilium orbis diluvio perdendi, & ipsius diluvii descriptio: 4. Daphnes in laurum metamorphosis mira suavitate condita. Nec omit- tendi in I. libro tres illi rarissimi versus de homi- ne: *Pronaque cum spectent animalia cetera ter- ram, os homini sublime dedit....*

In libro II. bellissime depictam habes solis regiam, & domum invidiæ. Placet etiam in primis Battus in lapidem mutatus, aureumque plane videtur illud ejusdem Batti de vaccis, quas suffuratus fuerat Mercurius.

Sub illis

Montib9, inquit, erant, & erant sub montib9 illis
Risit Atlantiades, & me mihi, perfide, prodis?
Me mihi prodis, ait.

Omnium vero judicio longe pulcherrima est
fa-

fabula Phaëtonis. Nihil enim venustius, quod
sciam, hac Solis ad Phaëtonem filium oratione.

Pignora certa petis; do pignora certa timendo:
Et patrio pater esse metu probor: aspice vultus
Ecce meos: utinamque oculos in pectora posses
Inferere, & patrias intus deprehendere curas.

Deprecor hoc unum, quod, vero nomine poena
Non honor est: Pœnam, Phaëton, pro munere
poscis.

Quid mea colla tenes blandis, ignare, lacertis?
Ne dubita, dabitur (stygias juravimus undas)
Quodcumque optaris: sed tu sapientius opta.

In eodem libro II. commendatur Europæ raptus, & in III. iudicium Tiresiæ, Narcissusque in
flore mutatus. *Fons erat illimis, nitidisque
argenteus undis....* In IV. Libro, quovis pretio
digna mihi videtur Pyrami & Thisbes fabula. Quid
enim ad vim doloris significandam aptius tragica
illa Pyrami ad feras apostrophe, viso Thisbes
amictu lacero & cruore tincto.

Nosstrum divellite corpus,
Et scelerata fero consumite viscera morsu,
O quicumque sub hac habitatis rupe leones.
Sed timidi est optare necem.....
Ad nomen Thisbes oculos in morte gravatos
Pyramus erexit, vifaque recondidit illa.

In Libro V. graphice admodum pingitur Cere-
ris dolor & querelæ, amissa filia Proserpina. Sex-
tum librum præcipue commendant Arachnes fa-
bula; agricolæ in ranas; Terei, Procnes & Phi-

Iomelæ casus. Mihi vero præ ceteris placet exitium illud de Niobe.

Felicissima matrum
 Dicta foret Niobe, si non sibi visa fuisset
 At hunc miseranda vel hosti,
 Corporibus gelidis incumbit, & ordine nullo
 Oscula dispensat natos suprema per omnes.
 A quibus ad Coelum liventia brachia tollens,
 Pascere crudelis nostro, Latona, dolore,
 Pascere, ait, fatiaque meo tuâ pectora luctu.

Habes in Libro VII. Jasonis & Medæ fabulam perelegantem. In VIII. venustam supra quam dici possit narrationem de Dædalo & Icaro ejus filio, coenamque rusticanam Philemonis ac Baucidis, versibus delicatissimis expressam. Quæ quidem Philemonis fabella naturalis cujusdam nitoris ac suavitatis exemplum esse potest. Quale est istud, v. g.

Sed pia Baucis anus, parilique ætate Philemon,
 Illa sunt annis juncti juvenalibus, illa
 Consenuere casa, paupertatemque ferendo
 Effecere levem, nec iniqua mente ferendam:
 Nec refert dominos illic, famulosne requiras.
 Tota domus dubi sunt: Jidem parentque jubentq;

Inde foco tepidum cinerem dimovit, & ignes
 Suscitât hesternos, foliisque & cortice sicco
 Nutrit, & ad flammâs anima perducit anili.

Accubnerè Dei: Mensam succincta tremensque
 Ponit anus: Mensæ sed erat pes tertius impar;
 Testa parem fecit...

Unicus anser erat minimæ custodia villæ,
 Quem Dis hospitibus Domini mastare parabant.
 Ille celer penna tardos ætate fatigat,
 Eluditque diu, tandemque est visus ad ipsos
 Confugisse Deos. Superi vetuere necari.

In decima & undecima laudantur Herculis
 Iusta cum Acheloo, Midas omnia vertens in au-
 rum, & Orphei fabella, quam tamen Virgilius
 longe splendidius, ornatiusque tractavit. Deniq;
 in postremis quatuor libris magno æstimantur A-
 chillis mors, & Julius Cæsar in astrum mutatus.
 Sed si callidis rerum æstimatoribus fidem habe-
 mus, cetera omnia exsuperat & extra pretium est
 Ajacis cum Ulyssæ contentio.

In Epistolis Heroidum sexcenta sunt elegan-
 ter & ornate dicta. Cujusmodi est istud Phyllidis
 ad Demophontem.

Demophoon ventis & verba & vela dedisti.

Vela queror reditu, verba carere fide.

Unum in me scelus est, quod te, scelerate, recepi.

Sed scelus hoc meriti pondus & instar habet

Phyllida Demophoon letho dedit, hospes aman-
 ter;

Ille necis causam præbuit, illa manum.

Nec impar illud furentis Medææ ad Jasonem.

Quantum perfidiæ tecum, scelerate, perisset!

Dempta forent capiti quam mala multa meo!

Est aliqua ingrato meritum exprobrare voluptas.

Hac fruam, hæc de te gaudia sola feram.

Quod

Quod vivis, quod habes nuptam, focerumque potentem.

Hoc ipsum ingratus quod potes esse, meum est.

Illud vero Hypsipyles ad Jasonem de susceptis ex eo duobus gemellis, qua venustate, qua elegantia dictum!

Si quæras cui sint similes? Cognosceris illis:
Fallere non norunt. Cetera patris habent.

Rara multa sunt in epistola Didonis ad Æneam.
Istud autem rarissimum.

Non tamen Æneam, quamvis male cogitet, odi,
Sed queror infidum, questaque pejus amo.

Quod tibi malueram, sine me debere procellis.
Iustior est animo ventus & unda tuo.

Exerces pretiosa odia & constantia magno.
Si dum me fugias, est tibi vile mori.

Aspicias utinam quæ sit scribentis imago....

Cui non notum esse potest eximium illud Oenones ad Paridem?

Incisæ servant a te mea nomina fagi,
Et legor Oenone falce notata tua.

Et quantum trunci, tantum mea nomina crescunt

Crescite, & in titulos surgite rite meos.
Populus est, memini, fluviali confita ripa,

Est in qua nostri littera scripta manu.

Popule, vive, precor, quæ confita margine ripæ,

Hoc in rugoso cortice carmen habes.

Cum

Cum Paris, Oenone poterit spirare relicta,
 Ad fontem Xanthi versa recurret aqua.
 Xanthe retro propera, versa;q; recurrere lymphæ
 Sustinet Oenonem deseruisse Paris.

In primo denique libro Tristium, Elegia III:
Cum subit illius tristissima notis imago.... Ha-
 bes præclarissimum hoc uxoris Ovidii ad mari-
 tum proficiscentem in exilium.

Dum licet, amplectar: numquam fortasse licebit
 Amplius: in lucro quæ mihi datur hora est.
 Non potes avelli: simul ah! simul ibimus, inquit:
 Te sequar, & conjux exulis exul ero.
 Te jubet e patria discedere Cæsaris ira:
 Me pietas: Pietas hæc mihi Cæsar erit.

SALLUSTIANA.

In pingendis hominum moribus, nullum inveni-
 as parem Sallustio; idque potissimum, cum Ca-
 tilinæ, Sempronæ, Cæsaris, Catonis, & Marii
 ingenium atque indolem vivis spirantibusque co-
 loribus exprimit. Mirabilis est effigies Catilinæ
 in bello Catilinario, cap. V. *Lucius Catilina no-
 bili genere natus.* Vide §. IV. Lib: I. de Etopoeia:

Ad imaginem Sempronæ, quæ ipsa quoque e-
 rat in numero conjuratorum, nihil addi potest,
 nihil demi. *In his erat Sempronia, quæ multa
 sæpe virilis audaciæ facinora commiserat. Hæc
 mulier genere atque forma, præterea viro atq;
 liberis satis fortunata fuit: Litteris Græcis &
 Latinis docta; Psallere & saltare elegantius
 quam*

quam necesse est probæ; multa alia quæ instru-
menta luxuriæ sunt; sed ei cariora semper omnia
quam decus atque pudicitia fuit. Pecuniæ an fa-
mæ minus parceret, haud facile discerneres: li-
bidine sic accensa, ut sæpius peteret viros, quam
peteretur... Verum ingenium ejus haud absur-
dum; posse versus facere; jocum movere; Ser-
mone uti vel modesto, vel molli, prorsus multæ
facetiæ, multusque lepos inerât. Cap: XXV.

Exquisiteissimi saporis est Cæsaris Catonisque
comparatio. Cap: 54. Memoria mea, ingenti vir-
tute, diversis moribus fuere viri duo... Catilinæ
ad conjuratos oratio mirum in modum idonea est
ad animos permovendos. Nî virtus fidesque ve-
stra... quæ enim vehementia, quis Ipiritus, quis
ardor animi in paucis hisce verbis! Postquam Res-
publica in paucorum potentium jus, atque ditio-
nem concessit, semper illis reges, tetrarchæ, ve-
tigales esse; populi, nationes stipendia pendere,
ceteri omnes, strenui, boni, nobiles atque ignobi-
les, vulgus fuimus, sine gratia, sine auctoritate,
hîs obnoxii, quibus, si Respublica valeret, for-
midini essemus. Itaque omnis gratia, potentia,
honor, divitiæ apud illos sunt, aut ubi illi vo-
lunt: nobis reliquerunt pericula, repullas, ju-
dicia, egestatem. Quæ quousque tandem patiemini,
fortissimi viri? Nonne emori per virtutem
præstat, quam vitam miseram, atque inhonestam,
ubi aliencæ superbiæ ludibrio fueris, per
dedecus amittere? Verum enim verò, proh De-
um, atque hominum fidem! victoria in manu no-
bis est: viget ætas, animus valet. Contra illis an-
nis aq̄e divitiis, omnia consenuerunt. Tantum-
modo incapto opus est: cætera res expediet. Ete-
nim quis mortalium, cui virile ingenium est, tol-

lérare potest illis divitias superare, quas profundant in extruendo mûri, & montib9 coæquantis; nobis rem familiarem etiam ad necessaria deesse: illos binas aut amplius domos continuare; nobis rem familiarem nusquam ullam esse.... Denique quid reliqui habemus præter miseram animam? Quin igitur expergiscimini? En illa, illa, quam sæpe optastis; libertas, præterea, divitiæ, decus, gloria in oculis sita sunt.

Ejusdem serme generis est Catilinæ ad milites oratio, in ipsò decretoriæ pugnæ articulo. *Comptum ego habeo, milites, verba viris virtutem non addere... semper in prælio iis maximam est periculum, qui maxime timent: audacia pro muro habetur... Quod si virtuti vestræ fortuna inviderit, cavete ne inulti animam amittatis; ne capti potius sicut pecora trucidemini, quam virorum more pugnantes, cruentam atque luctuosam victoriam hostibus relinquatis* cap: 58.

Exquisitissima est, & plena calliditatis Cæsaris oratio de Catilinæ sociis, qui in custodiis tenebantur... *Omnes homines...* cap: 51. contra gravis, ac vehemens Catonis responsio, qua censet de conjuratis fumendum esse supplicium: *Longe mihi solia mens est...* cap: 52.

Sed cetera omnia vincere videtur caput ultimū, in quo describitur Catilina cum suis tam fortiter pugnans, ut illorum nemo vivus in hostium potestatem venerit.

Interea Catilina cum expeditis in imâ acie versari; laborantib9 succurrere, integros pro sauciis atcerere: omnia providere; multum ipse pugnare, sæpe hostem ferire, strenui militis & boni Imperatoris officia simul exsequi... Postquam fusas copias, seq; cum paucis relictum videt Catilina, memor ge-

et vis ac prisinæ dignitatis suce, in confertissimos hostes incurrit, ibique pugnans confoditur: Sed confecto prælio, tum vero cerneret quanta audacia quantaque animi vis fuisset in exercitu Catilinæ. Nam fere quem quisque vivus pugnando locum ceperat, eum amissa anima, corpore tegebat... Catilina vero longe a suis, inter hostium cadavera expertus est, paululum etiam spirans, ferociamque animi, quam habuerat vivus, in morte retinens.

In bello Jugurthino laudatur effigies Jugurthæ, de quo est illud eximium cap: 6. Cum omnibus gloria anteiret, omnibus tamen carus esse. Plurimum facere, & minimum de se loqui,

Marii ad Quirites oratio contra nobilitatem, & de ea quam parabat in Africam expeditione, tametsi horridula & incompta videri fortasse possit, quam generosa tamen sit, & militaris audaciæ plena, facile liquebit ex pauculis hisce. Comparetate nunc, Quirites, cum illorum superbia me hominem novum: Quæ illi audire & legere solent, eorum partem vidi, alia egomet gessi. Quæ illi litteris, ea ego militando didici: Nunc vos exillimate facta an dicta pluris sint. Contemnunt novitatem meam, ego illorum ignaviam. Mihi fortuna, illis probra obiectantur... Quod si jure despiciunt me; faciant idem majoribus suis, quibus, uti mihi, ex virtute nobilitas cæpit. Invident honori meo; ergo invideant labori, innocentie, periculis etiam meis, quoniam per hæc itlum cepi... Non possum fidei causa, imagines, neque triumphos aut consulatus majorum meorum ostentare: at si res postulet, hastas, vexillum, phaleras, alia dona militaria, præterea, cicatrices adverso corpore. Hæc sunt meæ imagines,

hæc nobilitas, non hæreditate relicta, ut illis, sed quæ ego plurimis meis laboribus & periculis quæsi. Non sunt composita verba mea: parum id facio: ipsa se virtus satis ostendit: illis artificio opus est, ut turpia facta, oratione tegant. Neque litteras Græcas didici; parum placebat eas discere, quippe quæ ad virtutem doctoribus nihil profuerunt. Illa multo optima Reipublicæ doctus sum, hostes ferire, præsidia agitare, nihil metuere nisi turpem famam.... Sordidum me & incultis moribus aiunt; quia parum scite convivium exorno...

Huic omnium consensu laudatissimæ orationi Marianæ addito Syllæ orationem ad Bocchum, Mauritaniæ Regem: *Rex Bocche, magna nobis est lætitia....* & Bocchii responsum ad Syllam, cap: 102.

SELECTA EX JUVENALI
& Persio.

Virgilii politiolem elegantiam, vel Horatii sales urbanos & in jocando leporem, aut auream Ovidii simplicitatem, Augusti sæculo dignam, nolito in Juvenali vel in Persio quærere. At orationis impetum ac vehementiam, sententiarum gravitatem & pondus, mirumque in vitiis exagitan- dis ardorem in illis omnino reperies. Summo in pretio est Juvenalis Satyra X. de hominum votis. *Omnibus in terris... aureumque illud præfertim, sub Satyræ finem.*

Nil ergo optabunt homines? Si consilium vis,
Per-

Permittes illis expendere numinibus quid
 Conveniat nobis, rebusque sit utile nostris.
 Nam pro jucundis aptissima quæque dabunt Di.
 CARIOR est illis homo quam sibi...
 ORANDUM est ut sit mens sana in corpore sano.

Vide etiam de Cicerone, de Demosthene, de
 Hannibale, & Alexandro M. habentur in eadem
 Satyra X. *Eloquium ac famam Demosthenis aut
 Ciceronis incipit optare...*

Expende Hannibalē: quot libras in duce summo
 Invenies? Hic est quem non capit Africa mauro
 Perfusa Oceano....
 ...Opposuit natura Alpemque nivemque:
 Diduxit scopulos, & montem rupit aceto.

Sexta Satyra contra vitia mulierum: *Credo
 pudicitiam...* divina est tota, inquit Scaliger. U-
 tinam turpitudine rerum, & obscœnitate verbo-
 rum non illam inquinasset. Eximium vero istud
 contra mulieres præpostere doctas.

Non habeat matrona tibi quæ juncta recumbit,
 Dicendi genus, aut curtum sermone rotato
 Torqueat Enthymema, nec historias sciat omnes:
 Sed quædam ex libris & non intelligat. Odi
 Hanc ego quæ repetit, volvitque Palæmonis artē.
 ...Solecismum liceat fecisse marito.
 Nil non permittit mulier sibi! turpe putat nil,
 Cum virides gemmas collo circumdedit...
 Intolerabilius nihil est quam foemina dives.

Commendari satis non potest VIII. Satyra con-
 tra nobiles degeneres: *Stemmata quid faciunt?*
 Quid

Quid prodest, Pontice, longo sanguine censeris?
... illius præsertim initium singulari quodam ar-
tificio videtur elaboratum. Sed in hac tota Saty-
ra nihil magis placet Scaligero, quam locus iste,
quem ille *divinum* appellat more suo.

Summum crede nefas animam præferre pudori,
Et propter vitam, vivendi perdere causas.

Hoc est perdere veritatem, honestatem, justi-
tiam, reliquasque virtutes, propter quas vivimus,
inquit Cicero in Acad: q. ubi asserit, *hominem na-
tum ad nihil esse aliud, quam ad honestatem.*
Quartam Satyram: *Ecce iterum Crispinus...* il-
lustrat Cœna Domitiani, & festivus concilii appa-
ratus, variæque adulantium Senatorum senten-
tiæ, & quasi Senatus consultum de Rhombo ca-
pto; qui quidem locus adeo elegans est & urba-
nus, ut nihil supra, inquit Scaliger. Hunc tu
locum legito soles: *Cum jam Semianimum la-
ceraret Flavius orbem... incidit Adriaci spati-
um admirabile Rhombi...*

Nihil illustrius, quam initium Satyræ XIII. de
malæ conscientiæ stimulis ac cruciatibus.

Exemplo quodcumque malo committitur, ipsi
Displicet Auctori. Prima est hæc ultio, quod se
Judice, nemo nocens absolvitur...

Magnos spiritus habet II. Satyra contra impi-
os, & pseudo-Catones *hypocritas.*

Ultra Sauromatas fugere hinc libet & glaciale
Oceanum, quoties aliquid de moribus audent,
Qui Curios simulant, & Bacchanalia vivunt.

Illud sapientissime dictum.

Nemo repente fuit turpissimus...

Ægyptiorum impiæ æquæ & aniles superstitio-
nes non infacete ridentur Sat: XV. *Quis nescit
Volusi...* Quartam decimam de pueris sancte edu-
candis: *Plurima sunt Fuscine...* nulli inferiorem
audeo dicere. Luculentissimum sane videbitur
illud.

Nil dictu foedum visuque hæc limina tangat
Intra quæ puer est....
Maxima debetur puero reverentia: si quid
Turpe paras, ne tu paeri contempseris annos.
Sed peccaturo obsistat tibi filius infans.

Unde tibi frontem libertatemque parentis,
Cum facias pejora senex...

Vide etiam memorabile illud de Judæis, vel e-
tiam fortasse de Christianis qui tum Romæ dege-
bant, & qui ipsi quoque indiscriminatim nuncu-
pabantur Judæi.

Quidam sortiti metuentem Sabbathæ patrem,
Nil præter nubes & Cœli numen adorant.

Romanas autem soliti contemnere leges,
Judaicum ediscunt, & servant ac metuunt jus.
Credidit arcano quodcumque volumine Moyses.

Non omittendus in prima Satyra locus unus,
quem adeo miratur Scaliger, ut vix in toto Ho-
ratio quemquam illi parem inveniat,

Exul ab octava Marius bibit, & fruitur Diis
 Iratis: at tu victrix Provincia ploras.

In Persii Satyris nihil illustrius, quod sciam,
 hac coelesti Satyræ III. sententia, quam summo-
 pere laudavit D. Augustinus.

Magne pater Divum, sævos punire Tyrannos
 Haud alia ratione velis, cum dira libido
 Moverit ingenium, ferventi tincta veneno:
 VIRTUTEM videant, intabescantque relicta.

Est etiam in pretio prologus omnibus notus:
*Nec fonte labra prolui caballino... & initium Sa-
 tyræ I. O curas hominum! o quantum est in re-
 bus inane! ... Itemque libera illa in ineptos pu-
 tidosque Neronis versus cavillatio: Torva Mi-
 malloneis implerunt cornua bombis... Vide §. VI.
 Libri I. de Stylo vitioso.*

LOCUS IN SIGNES

Ex Curtio selecti.

Inter cetera eleganter & ornate dicta, quæ Quin-
 ti Curtii libros maximopere commendant, hæc
 in primis laudantur ab eruditis. In tertio libro
 (nam primi duo periire) 1. Marfiæ annis flori-
 da descriptio. 2. Gordii nodi amoena narratiuni-
 cula. 3. Alexandri subitum vitæ periculum, cum
 sese in perfrigidum amnem Cydnum lavandi cau-
 sa coniecisset. 4. Alexandri humanitas erga regi-
 nas captivas; verbum ad Syfigambim de Hephæ-

stione: *Non errasti, mater, nam & hic Alexander est.*

In quarto libro hæc seligi possunt. 1. Alexandri responsum ad superbas Darii litteras: *Et vincere, & consulere victis scio.*

2. Abdalonymus ex Olitòre Rex factus *Erant Hephæstioni hospites...* Quam eximiam narrationem vide cap: III. de narratione. / 3. Tyri descriptio & obsidio, variæ Tyriorum artes; urbis expugnatio & excidium septimo post mense. 4. Jovis Hammonis templum & oraculum. 5. Ultima Darii legatio ad Alexandrum de pace. Parmenionis consilium ad pacem inclinans, & generosum Alexandri responsum: *Acciperem, si essem Alexander... & ego si Parmenio essem.* Alexandri responsum ad Darii legatos: *Nuntiate Dario gratiarum actionem apud hostem supervacaneam esse...* Darii ad suos oratio ante pugnam Arbellensem: *Terrarum, quas Oceanus hinc alluit....*

Palmaria sunt hæc in quinto Libro. 1. Babylonis magna descriptio, corruptique Babyloniorum mores. 2. Alexandri singularis pietas erga Sisygambim, quam moerentē solatur verbis suavissimis. *Cave, obsecro, ne in contumeliam acciperis ignorationem meam: Quæ tui moris esse cognovi, ut spero, abunde servata sunt. Scio apud vos filio in conspectu matris nefas esse considerare, nisi cum illa permittit. Quotiescumque ad te veni, donec ut considerem annueres, restiti. Procumbens venerari me saepe voluisti; inhibui. Dulcissimæ matri Olympiadi nomen debitum tibi reddo.* 3. Eustemonis Græci ad quatuor mille commilitones mutilos foedeque deformatos oratio, ne in patriam redire velint. *Qui vultum in suorum miserordia ponunt, ignorant, quam celeriter la-*

Chrymæ inarescant. Nemo fideliter diligit, quæ fastidit: nam & calamitas querula est, & superba felicitas... nisi mutuo essemus miseri, olim alius alii potuissimus esse fastidio... inter hos latendum est, qui nos miseros nosse cœperunt.

Habes in libro sexto luculentam Philotæ conjugationis rei orationem pro se ipso: *Verba innocenti reperire facile est...* In septimo vero admirabilem illam liberamque orationem, quam maximus natu Scytharum legatorum viginti habuit ad Alexandrum, cum bellum pararet in Scythiam, cui quidem orationi paucas oppido æquiparandas existimo: *Si Dii habitum corporis tui aviditati. Nec impar videtur descriptio præruptæ undique Sogdianorum arcis, cum hortatione Alexandri ad trecentos juvenes, ut illam audacter invaderent. Una erat petra, quam Arimazes Sogdianus triginta millibus armatorum obtinebat, alimentis congestis...*

In octavo libro jactantur potissimum, 1. Alexandri dolor & fera poenitentia Clito, ob linguæ intemperantiam inter epulas occiso. *Rex cum multo incaluisse mero, immodicus æstimator sui....* 2. Callisthenis Philosophi libera oratio contra absentatores, qui Alexandro vivo divinos honores reddi volebant: *Si Rex Sermoni tuo affuisset.* 3. Insignis de Rege Poro victoria, & Alexandri in illum liberalitas. *Quoniam, inquit Porus, percontaris: respondebo ea libertate, quam interrogando fecisti. Neminem me fortiorem esse censebam: meas enim noveram vires, nondum expertus tuas. Fortiorem esse te belli docuit eventus: sed ne sc quidem parum felix sum, secundus tibi. Rursus interrogatus quid ipse victorem statueret debere censeret? Quod hic, inquit, dies tibi sua-*

set; quo expertus es, quam caduca felicitas esset.

In 9. libro nihil, quod sciam, illustrius quam tria hæc. 1. Generosa objurgatio, qua Alexander suorum militum ulterius progredi recusantium, torporem socordiamque castigat. *Solus ire perseverabo... inveniam qui desertum à vobis sequantur. Scythæ Bactrianique erunt mecum, hostes paulo ante, nunc milites nostri. Mori præstat quam precario Imperatorem esse. Itè reduces domos, ite deserto Rege ovariantes; ego hic a vobis desperatæ victoriæ, aut honestæ morti locum inveniam.* 2. Coeni ad Alexandri objurgationem responsio liberrima: *Dii prohibeant a nobis impias mentes....* 3. Alexandri incredibile fortitudo & ultimum vitæ discrimen in Oxydracarum oppido, quod solus invadit.

Decimum librum illustrent. 1. Seditio militaris ab Alexandro repressa. *Asiæ pertæsum est, quæ vos gloria rerum gestarum Diis pares fecit. ... Facecite hinc ocyus: ego cum Persis, abeuntium terga tutabor. Neminem teneo, liberate oculos meos, ingratis cives. Læti vos excipient parentes liberique sine vestro Rege redvntes! obviam ibunt desertoribus transfugisque! ... Jam autem scietis & quantum sine Rege valeat exercitus, & quid opis in me uno sit.* 2. Alexandri Babylonem reversi morbus, suprema verba, mors. *Quærentibus cui relinqueret regnum, respondit, ei, qui esset optimus... Rursus Perdicca interrogante, quando cælestes honores haberi sibi vellet, dixit tum velle, cum ipsi felices essent. Suprema hæc vox fuit Regis, & paulo post extinguitur.* 3. Immensus omnium luctus, & miseræ Sisygamibis ex luctu mors.

S E L E C T A

E X

EPIGRAMMATIS

Catulli & Martialis.

Paucā, sed delicatā suppeditat pater elegantiarum Catullus, de quo merito iactatum illud, ob mirificam amoenitatem candidi ac suavis ingenii, quod veneres omnes, ac venustates omnibus unus subripuerit. Sunt autem in cetera Epigrammatum turba, sex elegantissima, quæ ceteris longe anteponit Vavassor, emunctæ naris Aristarchus, ut nemo nescit. Horum subindicare primum versum sat habebimus.

4. *Phaselus ille, quem videtis hospites...*

14. *Ni te plus oculis meis amarem.*

22. *Suffenus iste, Varre, quem prohe no-*

si.....

31. *Peninsularum Sirmio, insularum-*

que,..

39. *Egnatius quod candidos habet den-*

tes..

44. *O funde noster, seu Sabine, seu Ti-*

bur.

Venustis hisce Epigrammatis addito hæc non minus suavia. 26. *Ad Furium. Furi villula no-*

stra

*stra... 9. Ad Veranium: Verani omnibus e meis
amicis antistes mihi millibus trecentis. 29. In Cæ-
sarem. Quis hoc potest videre, quis potest pati ni-
si impudicus, & vorax, & helluo?... 36. In Annales
Volusi, Annales Volusi, cæcata charta.. 42. In
quamdam: Adeste hendecasyllabi, quot quot estis,
omnes... 84. De Ario: Commoda dicebat, si quan-
do commoda vellet dicere, & insidias Arrius in-
sidias... 52. Quid est, Catulle, quod moraris e-
mori?... Tertium denique mellitum, tenerum,
omnibusque notum, de passere mortuo Lesbæ.*

Lugete, o Veneres, Cupidinesque,
Et quantum est hominum venustiorum.
Passer mortuus est meæ puellæ,
Passer delitiæ meæ puellæ,
Quem plus illa oculis suis amabat.
Nam mellitus erat, suamque notat
Ipsum tam bene, quam puella matrem:
Nec sese a gremio illius movebat.
Sed circumfiliens modo huc, modo illuc,
Ad solam dominam usque pipilabat.
Qui nunc it per iter tenebricosum,
Illuc unde negant redire quemquam.
At vobis male sit, malæ tenebræ
Orci, quæ omnia bella devoratis;
Tam bellum mihi passerem abstulistis.
O factum male! o miselle passer!
Tua nunc operâ meæ puellæ
Flendo turgiduli rubent ocelli.

Longe plura suppeditaret nobis Catullus, ni
auream verborum elegantiam rerum obsœnitate
foedasset.

Commendantur potissimum epigrammata Martialis, non puro illo simplici que candore Catulliano, qui toto versuum corpore sit fusus; sed argutiori quadam conclusiuncula, quæ feriat in ipso fine & cum delectatione relinquat aculeum. Sunt autem hæc ex omnibus optima pulcherrimaque; omnium assensu, Martialis epigrammata: primo libro, 14. De Arria: *Castæ suo gladum*
 22. de Mutio Scævola: *Cum peteret Regem decepta satellite dextra . . .* 31. De fictis Gelliæ lachrymis: *Amissum non flet, dum sola est Gelliæ Patrem . . .* 48. De amicorum delectu ad Fuscum.

Si quid, Fusce, vacas adhuc amari,
 Nam sunt hinc tibi, sunt & hinc amici.
 Unum si supereft, locum rogamus.
 Nec me, quod tibi sim novus, recuses.
 Omnes hoc veteres tui fuerunt.
 Tu tantum inspice, qui novus paratur,
 An possit fieri vetus sodalis.

Itemque 84. de Venere immodeste picta.

Qui pinxit Venerem tuam, Lycori,
 Blanditus, puto, pictor est Minervæ.

Quia nimirum Venus, arbitro Paride, certaverat olim de forma cum Minerva. Adde 41. de amicorum æqualitate.

Vis te, Sexte, coli: volebam amare.
 Parendum est tibi; quod jubes, coleris:
 Sed si te colo, Sexte, non amabo.

In tertio libro digna sunt hæc, quæ seligantur.
 16. In pisces affabre sculptos. Ar-

Artis Phidiacæ toreuma clarum
Pisces adspicis: adde aquam, natabunt.

In quemdam nimis Pbetam: *Occurrit tibi nemo quod libenter...* 48. In petitorum improbum: *Esse nihil dicis, quidquid petis, improbe Cinna. Si nil, Cinna, petis: nil tibi, Cinna, nego.* In libro 4 laudatur 63. Epigramma de coena divite ac jejuna: *ad Cœnam nuper Varus me forte vocavit...* In quinto libro 9, in medicum: *Languebam, sed tu...* 51. *Cui credas; Lupe, filium magistro...* 53. *Cras te victurum...* At ceteris lepore præstat decima, in famam, sola fere morte venalem.

Esse quid hoc dicam, vivis quod fama negatur,
Et sua quod rarus tempora lector amat.
Hi sunt invidiæ nimirum, Regule, mores,
Præferat antiquos semper ut illa novis.
Sic veterem ingrati Pompeii quærimus umbram.
Sic laudant Catuli vilia templa senes.
Ennius est lectus salvo tibi, Roma, Marone;
Et sua riserunt sæcula Mæonidem.
Rara coronato plausere theatra Menandro.
Norat Nasonem sola Corinna suum.
Vos tamen o nostri, ne festinate libelli.
Si post fata venit gloria, non propero.

In sexto libro falsum illud de inepto Causidico:
Non de vi, neque cœde, nec veneno, sed lis est mihi de tribus capellis... Nec minus illud in 7. in Emacem.

Omnia Castor emit: sic fiet ut omnia vendat.

Illudque, Lib. 8. in veterum laudatorem.

Miraris Veteres, vacerra, solos,
Nec laudas, nisi mortuos Pœtas.
Ignoscas petimus, Vacerra; tanti
Non est, ut placeam tibi, perire.

In decimo sunt eximia hæc ferme quatuor, octavum in Paullam anum: *Nubere Paulla cupit nobis: Ego ducere Paullam nolo; anus est: vellem, si magis esset anus.* Tertium de imagine viri probi.

Ars utinam mores, animumque affingere posset.
Pulchrior in terris nulla tabella foret.

43. In vitam felicem: Vitam quæ faciunt beatorem., Nobile vero in primis istud de Scorpeo illo nobili auriga, immature mortuo.

Ille ego sum Scorpus clamosi gloria Circi,
Plausus Roma tui, deliciæque breves.
Invida quem Lachesis raptum trieteride nona,
Dum numerat palmas, credidit esse senem.

SELECTA EX PATERCULO.

Ex Floro & Suetonio.

Per pauca, sed eximia degustabimus ex Vellei Paterculi Romana historia. 1. Nobilissimum illud de Mario, immisum percussorem, sola Im-

peratorii vultus auctoritate, deterrente & inter Carthaginis ruinas sedente. Marius post sextum consulatum annoque LXX. nudus ac limo obrutus, oculis tantummodo ac naribus eminentibus extractus arundineto, circa paludem Maricoe, in qua se fugiens confectantes Syllœ equites, abdidit, injecto in collum loro, in carcerem Minturnensium jussu II. Viri perductus est: Ad quem interficiendum missus cum gladio servus publicus natione Germanus, qui forte ab Imperatore eo bello Cimbrico captus erat, ut agnovit Marium, magno ejulatu expromens indignationem casus tanti viri, abjecto gladio, profugit e carcere. Tum cives ab hoste misereri paulo ante principis viri, docti, instructum eum viatico collataque veste, in navem imposuerunt: At ille affecutus circa Ænariam filium, cursum in Africam direxit, inopemq; vitam in tugurio ruinarum Carthaginensium, toleravit; cum Marius aspiciens Carthaginem, illa intuens Marium, alter alteri possent esse solatio: 2. Brevem, & ornatissimam Sejani laudationem lib: 2. Virum severitatis lætissimæ, hilaritatis priscae, actu otiosis simillimum, nihil sibi vindicantem, eoque assequentem omnia; vultu vitæque tranquillum; animo exsistentem.

In Flori Epitome rerum Romanarum, superant cetera, si quid judico; primo pugna Cæsaris cum Pompeii filiis, & Catonis mors, lib: 4. cap: 2. Deinde Campaniæ laus, lib: 1. cap: 16. Præterea pugnae Cannensis narratio. Itaque duo maximi exercitus cæsi ad hostium satietatem, donec Hannibal diceret militi suo: Parce ferro. Ducum effugit alter, alter occisus est. Postremo bellum Cimbricum & Theutonicum a Mario feliciter gestum.

gestum. *Actum erat nisi Marius illi saeculo contigisset... Adde cap: 13. lib: 1. de bello Gallico: Galli Senones, gens natura ferox...*

Suetonius Hadriano Imperatori ab epistolis, laudatissimæ brevitatis auctor, Cæsarum vitas ita diligenter scripsit, ut bene multa, quæ aliis omnibus exciderunt historicis, ipse sigillatim & curiose fuerit persecutus. Singulare vero in primis, dignumque memoria, quod ab illo narratur. 1. In Julio Cæsare, de ostento apud Rubiconem, ejusdemque Rubiconis transitu; de statura & cultu corporis; de prodigiorum contemptu; de virtute in reparanda acie inclinata: *Inclinatam aciem solus sæpe restituit, obsistens fugientibus, retinensque singulos, & contortis faucibus convertens in hostem, & quidem adeo plerumque trepidos, ut aquilifer moranti, cuspage sit comminatus; alius in manu detinentis reliquerit signum.* De Disciplina militari: *Militem tractabat pari severitate atque indulgentia. Non enim ubique ac semper; sed cum hostis in proximo esset, coercerat... desertorum & sevitiosorum & inquisitor, & punitor acerrimus, connivebat in ceteris... Factare solitus milites suos etiam unguentatos bene pugnare posse, nec milites eos pro concione, sed blandiori nomine commilitones appellabat, habebatque tam cultos, ut argento & auro politis armis ornaret.*

2. In Augusto, de illius parsimonia & supellectili ac vestimentis, de eloquentia & opusculis ab illo editis; de quorundam sermonum usurpatione familiari: De mira illius frugalitate, modestia, moderatione: *Manu vultuque indecoras adulationes repressit; & insequenti die gravissimo corripuit edicto, Dominumque se posthac appellari*

60. *Selecta ex Auctoribus.*

ne a liberis quidem, aut nepotibus vel seruo, vel joco passus est... In Consulatu pedibus fere extra Consulatum saepe adoperta sella per Publicum in-cessit. Promiscuis salutationibus admittebat & plebem... Quoties Magistratum comitiis interesset, tribus cum Candidatis suis circuibat, supplicabatque more solemni... Filiam & neptes ita instituit, ut etiam lanificio assuefaceret... Habita- vit adibus modicis Hortensianis, neque laxitate, neque luxu conspicuis... Per annos amplius qua- draginta eodem cubiculo hyeme & aestate mansit. ... Coenam tribus ferculis, aut cum abundantis- sime senis praebebat, ut non nimio sumptu, sum- ma comitate... Veste non temere alia quam do- mestica usus est, ab uxore & sorore, & filia ne- ptibusque confecta... Cibi minimi erat, atque vul- garis fere, &c.

3. In Claudio, de illius socordia atque fatuita- te singulari.

4. In Nerone, de Christianorum suppliciis; de Illius aurea domo; de aurigandi & cytharisandi studio.

5. In Vitellio, de illius in epulando profusa lu- xuria.

6. In Vespasiano, fabulosa duo miracula ab il- lo Alexandriae patrata. E plebe quidam lumini- bus orbatus, itemque alius debili crure, seden- t em pro tribunali pariter adierunt, orantes o- pem valetudinis demonstratam a Serapide per quietem: restitutum oculos, si inspisset: con- firmaturum crus, si dignaretur calce contingere. Cum vix fides esset rem ullo modo successuram, ideoque ne experiri quidem auderet; extremo hor- tantibus amicis, palam pro concione ntrumquo tentavit, nec oventus defuit.

7. In Tito, ejus mutatio in melius. *Propalam alium Neropem & opinabantur, & prædicabant: at illi ea fama pro bono cessit, conversaque est in maximas laudes... Berenicem statim ab urbe dimisit invitatus invitam... Admonentibus domesticis quasi plura polliceretur quam præstare possêt; non oportere, ait, quemquam a sermone principis trissem discedere. Atque etiam recordatus quondam super cœnam, quod nihil cuiquam toto die præstitisset, illam meritoque laudatam vocem edidit: AMICI, DIEM PERDIDI.*

In Domitiano denique, mira sagittandi peritia. *Nonnunquam in pueri procul stantis, præbentisque pro scopo dispensam dextroæ manus palmam, sagittas tanta arte direxit, ut omnes per intervalla digitorum innocue evaderent.*

EX LUCRETIO, PHÆDRO

& Terentio.

Scabrum fortasse ac duriusculum videri identidem poterit Lucretii carmen. *Propter egestatem linguæ & rerum novitatem;* sic enim ipse loquitur. Placet tamen vehementer in illo quidam antiquitatis sapor, quo conditus est, & in corrupta, quam undique spirat, Latini sermonis integritas. Sunt autem summo pretio apud eruditos hi ferme, quos hic enumeramus, Lucretii loci. Primo elegantissima descriptio pestilentiaë, quæ Athenas penitus vastavit, tempore belli Pelopon-

nen-

nensii (qui locus videtur expressus a Thucydide)
Hæc ratio quondam morborum & mortifer æ-
flus...

2. Magnificum Epicuri præconium, in ipsa fron-
 te libri 3.

Tu pater & rerum inventor: tu patria nobis
 Suppeditas præcepta....

3. Subtilissimæ illius disputationes de rerum
 primordiis, seu de corpusculis; de imaginibus ac
 simulacris; de ortu occasuque siderum; de So-
 lis, & Lunæ defectu; de fulminis natura, de ar-
 cu coelesti, de coloribus; de speculis, de magne-
 te; de causis morborum & de morte contemnen-
 da.

Inter aureolas Phœdri fabellas, vix satis dici
 potest qua munditia, qua elegantia sint hæ fer-
 me.

In I. Libro: Ranæ Regem postulantem... Grac-
 culus superbus, & Rana rupta. In II. Libro, Cæ-
 sar ad Atriensem:

Est Ardalionum quædam Romæ natio,
 Trepide concursans, occupata in otio,
 Gratis anhelans, multa agendo nihil agens,
 Sibi molesta, & aliis otiosissima...

In tertio libro: *Æsopus & petulans...* Frater
 formosus & soror deformis, quos præclare sic ad-
 monet pater sapientissimus.

Quotidiè, inquit, speculo vos uti volo:
 Tu, formam ne corrumpas nequitia malis:
 Tu, faciem ut istam moribus vincas bonis.

In quarto libro. Mons parturiens... Simonides
a Diis servatus... Vipera & lima. In quinto denique,
viatores & latro.

In Terentii Comoediis summopere laudatur, 1.
In Andria, Simonis senis de filio Pamphilo narratio
exquisitissima.

Sic vita erat: facile omnes perferre ac pati.
Cum quibus erat, cumque una iis sese dedere;
Eorum obsequi studiis, adversus nemini;
Numquam præponens se aliis. Ita facillime
Sine invidia invenias laudem & amicos pares]

Sic cogitabam: hic pravæ consuetudinis
Causa, mortem; hujus tam fert familiariter.
Quid si ipse amasset! quid mihi hic faciet patri!

2. Scena V. ejusdem actus, in qua Chrysis moriens
Glycerium commendat Pamphilo: *Tam ferme moriens me vocat...*

3. In Eunuchis, Scena IV. actus V. ubi fordissimi
perditarum muliercularum mores graphice omnino pinguntur.

Dum foris sunt, nihil videtur mundius;
Nec magis compositum, quidquam nec magis elegans:

Quæ cum amatore suo cum cœnant, luguriunt,
Harum videre ingluviem, fordes, inopiam:

Quam

Quam inhonestæ solæ sint domi, atque avidæ ei-
bi;

Quo pacto ex jure hesterno panem atrum vorent:
Nosse omnia hæc, salus est adolescentulis.

SELECTA EX TACITO.

Soceri sui Agricolæ vitam & mores miri-
fice pingit Tacitus in ipsius vita, summo ar-
tificio elaborata: *Ex iracundia nihil supererat. Secretum & silentium ejus non timeres. Honestus putabat offendere quam odisse... Cultu modico, sermone facili, uno aut altero amicorum comitatus, adeo ut plerique, quibus magnos viros per ambitionem aestimare mos est, viso aspectoque Agricola, quaererent famam, pauci interpretarentur... nihil appetere jactatione, nihil ob formidinem recusare... nec minus periculum ex magna fama, quam ex mala... Crebro per eos dies, apud Domitianum, absens accusatus, absens absolutus est. Causa periculi non crimen ullum, nec querela læsi cujusquam; sed insensus virtutibus princeps & gloria viri, ac pessimum inimicorum genus, laudantes.*

Nec impar quod ait de Germanici erga Tiberium egregia fide, & illius magnanimitate in repudiando, quod illi a legionibus Germanicis offerebatur, imperio. *Tum vero, quasi scelere contaminaretur, præceps tribunali destitit. Opposuerunt abeunti arma, minitantes ni regrederentur*

*tur. At ille moriturum potius quam fidem exue-
ret clamitans, ferrum a latere diripuit, elatum-
que deferebat in pectus, ni proximi prehensam
dexteram, vi attinuissent. Itemque de singulari il-
lius erga Drusum amore. Divisa namque & dis-
cors aula erat tacitis in Drusum aut Germani-
um studiis.... sed fratres egregie concordēs &
proximorum certaminibus inconcussi. Nec mino-
ri pretio dignum, quod ait de illius morte supre-
misque ad Agrippinam conjugem & ad amicos
verbis, & de publico urbis bonorumque omni-
um luctu. Tum ad uxorem versus, per memori-
am sui, per communes liberos oravit exueret fe-
rociam, sevientī fortunæ submitteret animum,
neu regressa in urbem, æmulatione potentia, va-
bidiores irritaret.*

Dignum memoratu, quod dicitur Ann: Lib: VI.
de Tiberii secessu, sceleribusque, & de illius in-
felicissima morte. Nec minus exquisitum, quod le-
gitur Lib: XI. de incredibili Claudii stupore, ac
stoliditate; de prodigiosis ipsius uxoris Messali-
næ, illo vivente ac sciente, nuptiis eum Silio:
*At Messalina non alias solutior luxu, adulto Au-
tumno, Simulacrum vindemice per domum cele-
brabat: urgeri præla, fluere lacus, & femine
pellibus accinctæ assultabant, ut sacrificantes
vel insanientes Bacchæ. Ipsa crine fluxq̄ thyrs-
um quatens, juxtaque Silius hedera vinctus ge-
rere cothurnos, jacere caput, strepente circum
procaci choro. Ferunt Vestium valentem lascivia
in præaltam arborem connisum, interrogantibq̄
quid aspiceret, respondisse, tempestatem ab Ho-
stia atrocem.*

Eadem arte, eademque industria pinguntur Tacito Narcissus, Pallas, Callixtus & alia id genus jocantis fortunæ prodigia; Agrippinæ ingenium: *Nihil domi in pudicum, nisi dominationi expeditur*; ejusdem, amissa Neronis filii sui gratia, solitudo: *Statim relictum Agrippinæ limen: nemo solari, nemo adire præter paucas fœminas, incertum amore an odio*; Astrologorum vanitas: *Genus infidum dominantibus, quod semper vetabitur, semper retinebitur*; Galbæ indoles, & avaritia: *Ipsi medium ingenium, magis extra vitia quam cum virtutibus... Pecuniæ aliene non appetens, suæ parcus, publicæ avarus... quod segnitia erat, sapientia vocabatur: major privato visus dum privatus fuit, & omnium consensu cepax imperii, si non imperasset.*

Huc adde infandam, auctore Nerone, Britannici, Senecæ & Agrippinæ mortem; jactatas ab eadem Agrippina contra filium minas: *Adultum jam esse Britannicum, veram dignamque stirpem suscipiendò patris imperio... Non abnuere se, quin cuncta infelicitis domus mala patefierent; suæ in primis nuptiæ, suum beneficium. Juram cum illo in castra. Audiretur hinc Germanici filia, inde visis rursus Burrhus, & exul Seneca, trunca scilicet manu & professoria lingua, generis humani regimen exposulantes.*

Non omittendæ orationes Galgaci, Agricolæ, Thrasæ, & Othonis. Sed longe pulcherrimum, quod legitur Ann: libr: 16. de Petronii ad mortem a Nerone adacti, moribus & ingenio. *Illi dies per somnum, nox officitis & oblectamentis vitæ transigebantur. Utque alios industria, ita hunc ignavia ad famam protulerat: habebaturque non ganeo & profligator, ut plerique sua-*
hau-

haurientium, sed erudito luxu. Ad illa factaq;
ejus quanto solutiora, & quaedam sui negligentiam
proferentia, tanto gratius in speciem simplicitatis accipiebantur. Proconsul tamen Bithyniae, & mox Consul, vigentem se ac parem negotiis ostendit: dein revolutus ad vitia, seu vitiorum imitationem; inter paucos familiarium Neroni assumptus est, elegantiae arbiter, dum nihil amœnum & molle affluentia putat, nisi quod ei Petronius approbavisset: Unde invidia Tigellini quasi adversus œmulum; & scientia voluptatum potiore. Exquisite saporis est, quod additur de eodem Petronio moriente: *Alloqui amicos, non per seria, aut quibus constantiae gloriam peteret; audiebatque referentes nihil de immortalitate animae & sapientium placitis; sed levia carmina & faciles versus.*

M I S C E L L A N E A.

Atque ex Auctoribus alijs, ætatis vel aureæ vel argenteæ pauca quædam carptim delibemus; digna omnino sunt quæ seligantur, & in pretiosa, ut ita dicam, pulcherrimaque supellestili præcipuum locum inveniant.

In Cornelio Nepote, Attici vita; itemque Catonis, Annibalis, Alcibiadis, Themistoclis & Epaminondæ.

In Justino, Cyri initia & incrementa; mores Scythæ-

tharum, Spartanorum, Parthorum, & Amazo-
num: Philippi, Macedonum Regis, ingenium;
Massiliensium historia; Hannibal Antiocho sus-
pectus redditus, artificio Romanorum.

In Aufonio, venustissimum illud Epigramma
de Didone.

Infelix Dido, nulli bene nupta marito.
Hoc pereunte fugis; hoc fugiente peris.

Nec minus elegans illud de matre & filio pul-
chris, sed luscis.

Parve puer, lumen quod habes, concede parenti.
Sic tu cæcus amor; sic erit illa Venus.

Bellum quoque hoc de Venere armata. *Arma-
tam Venerem...* In Statii, Epithalamium Stel-
læ & Violantillæ. Tiresias erebum ciens, sen-
santationes Tiresiæ: *Tartareæ sedes & formida-
bile regnum...* Et libri sylvarum, quibus inter ce-
tera Statii opera, jure omnino palmam adjudicat
Scaliger. In Columella de re rustica, Gallus gal-
linaceus, capra, bos, illudque præsertim suavif-
simum de cane gregis & villæ custode. *Villæ cu-
stos eligendus est amplissimi corporis, vasti latra-
tus canorique..... sit autem coloris unius. Pro-
batur quadratus potius quam longus aut brevis;
capite tam magno, ut corporis videatur pars
maxima: dejectis & propendentibus auribus, ni-
gris*

gris vel glaucis oculis, acri lumine radiantibus; amplo villosoque pectore, latis armis, cruribus exarsis & hirtis, cauda brevi, vestigiorum articulis & unguibus amplissimis. Mores autem neque mitissimi, neque rursus truces atque crudeles; quod illi furem quoque adulantur, hi etiam domesticos invadunt.

In Lucani Pharsalia, Lib: I. Perelegans & falsa in Neronem ironia potius quã assentatio: *Partem si presseris unam, sentiet axis onus; quod scilicet obesus esset ac corpulentus. Unde tuam videas obliquo sidere Romam; quod esset luscus. Seu te flammiferos Phœbi transcendere currus. ... Quod nimirum insana aurigandi libidine tenebatur.*

In eodem libro. Rubiconis transitus, & patriæ Propopœia: *Jam gelidas Cæsar cursu superaverat Alpes. Lib: 1. Cæsar ad milites hortatio: Decimo jam vincitis anno... Marcellusq; loquax & nomina vana Catones... Oratio Marcie ad Catonem.*

Da tantum nomen inane

Conjugii. Liceat tumulo scripsisse CATONIS
MARCIA...

Magni Catonis oratio ad milites ad
Brutum, Lib: II.... ejusdem mores, & virtus.

Non sibi, sed toti genitum se credere mundo.

Pompeii oratio ad filium: *Mundi jubeo: tentare recessus...* ad Senatum.

Sparfit potius Pharfalia nostras,
 Quam subvertit opes. Sed me vel sola tueri
 Fama potest rerum toto, quas gessimus orbe,
 Et nomen quod mundus amat.

Pompeii victi oratio ad conjugem Corneliam.

Erige mentem;
 Et tua cum fatis pietas decertet, & ipsum
 Quod sū victus, ama. Nunc sum tibi gloria major,
 A me quod fascēs, & quod pia turba, Senatus
 Tantaque discessit rerum manus. *Incipe magna
 Sola sequi.*

Denique Cordi pietas erga mortuum Pompeium,
 & Cæsaris lachrymæ seu veræ seu fictæ. viso
 Pompeii capite.

In Palladio Grammatico & incerti temporis
 Poëta, acutissimum illud Epigramma de asino
 qui forte Homeri voravit Iliadem.

Carminis Iliaci libros consumpsit asellus:
 Hoc fatum Trojæ est. Aut equus, aut asinus.

Item-

Itemque illud ejusdem Palladii, cujus argumentum fatis per se liquet.

Militis in galea nidum fecere columbæ,
Apparet Marti, quam sit amica Venus.

In quo sane utroque, licet Auctoris parum noti, epigramate licet observare tres perfecti epigrammatis dotes atque virtutes.



12. Jag.

INSTITUTIONES
POETICÆ
ET
RHETORICÆ,
AUCTORE R. P. JOSEPHO
JUVENCIO
SOC: JESU,
AD USUM GYMNASIORUM EJUS-
DEM SOCIETATIS

Editio 3tia in Litvania.



Aug. 7133

VILNÆ
Typis S. R. M. & R. Academiæ
Soc: JESU Anno 1766.


AD LECTOREM

Institutiones Poëticas & Rhetoricas R. P. Josephi JUVEN-
cii, sæpius multorum typis se-
orsim editos, nunc in uno volumi-
ne exhibemus; ut Eloquentiæ Can-
didati simul præ manibus habere
queant præcepta earum artium,
quæ conjunctione & affinitate qua-
dam inter se uniantur. Institutio-
nes Poëticas ad exemplar Vene-
tum Rhetoricas ad exemplar Po-
lnaniense: (quod auctum & accu-
ratum 1743. prodiit,) retentis o-
mnibus iis, quæ in eo adjecta sunt
conformavimus; ac præterea in par-
te septima de modo scribendæ E-
pistolæ, formulas varias ex libel-
lo Buchleri, (qui inscribitur: The-
saurus conscribendarum Epistola-
rum adjicimus,

IN-

* * *) † (* * *

INSTITUTIONUM POETICARUM LIBER PRIMUS



M **C**um in omni re, quæ in quaestio-
nem venit, debeat attendi pri-
mum quid sit, deinde quæ sint
ejus affectiones; idem Pœseos de-
finitio proferenda; tum de materia illius,
forma, ornatu, causa efficiente, fine, ac di-
visione disputandum,

CAPUT PRIMUM.

Definitio Pœseos.

D. Quid est Pœsis?

M. Quid. Si vocis vim ac potestatem que-
ras, Pœsis nomen habet à *pō tou poicin*, quod
est facere seu fingere; ūd *epojitiki*, ars facien-
di seu fingendi, & *pojitis* Pœta, id est Fi-
ctor, seu Effector: quod Fabula, quam
rexit, ab ejus mente tota esse videatur.

2. Si rei significationem spectes: Pœsis modò dicitur Ars Pœtica: modò dicitur corpus aliquod ex arte elaboratum. Juxta primam vocis acceptionem Pœsis est: *Ars ritè conficiendi Pœmatis*: sive, Collatio præceptorum in unum & eandem finem certò tendentium, nimirum ad unum aliquod opus Pœticum perficiendum. Juxta secundam vocis significationem intelligitur *Utiùs & Praxis illorum præceptorum*; atq; hoc sensu agimus hic de Pœsi.

D. *Quorodò definitur hoc posteriori sensu accepta Pœsis?*

M. *Definitur Ars imitandi Actiones humanas; seu Imitatio humanarum Actionum cum fictione.*

D. *Imitaturne veipsa omnis Pœsis humanas Actiones?*

M. *Imitatur utiq; De præcipuis Pœmatis non potest ambigi, Epico, Tragico, Comico. Minora quoq; Pœmata ad humanas Actiones suo modò referri primario & per se, suis locis patebit inferius.*

D. *Cur potius humanas Actiones imitatur Pœsis, quàm Mores?*

M. *Ratio hæc petitur ex Philosopho: (a) Cùm sit Pœsis omnis politicæ & Civillis Disciplinæ pars: civilis autem disciplina habeat pro fine Civium felicitatem, hunc certè finem Pœsi præstitutum esse necesse est. Jam verò cum felicitas sit in Actione, juxta*

Phi-

(a) Pœt; c. 4.

Philosophos, non in moribus; quin ad ipsas Actiones, ut ad finem referuntur; plauè sequitur, ut, quæ modum Civilis Disciplina, sic & Pœsis non tam ad mores referatur, quam ad Actiones, easq; primarias & per se imitetur.

D. Num Pœsi tam necessario addita est Fictio, seu Fabula: ut sine illa non possit esse Pœsis?

M. Planè dicendum est; ita censet Aristoteles, (b) ejusq; Interpretes, qui vim eandem dignitatem in Pœsi tribuunt Fictioni, quam Animæ concedunt in homine. Cùm autem sublata animâ nullus sit homo, sic nec sublata Fictione potest esse ulla Pœsis. Ita sentiunt probatissimi Authores bene multos. Plato in Phædone, Plutarchus libro de audiendo Pœtis, &c. Non erit itaq; Pœta dicendus is, qui sine Fictione, sicut qui sine Metro scripserit. Ratio patebit utriusq; c. 3. ubi quid nomine fictionis seu Fabulæ veniat, exponetur.

CAPUT II.

De Materia Pœleos.

D. Quæ est Materia Pœleos?

M. Est id omne, de quo tractat Pœsis.

D. Quotuplex est illa Materia?

M. Duplex, una remota, altera proxima.

D. Quænam est Materia remota?

A 3

(b) sap. 4.

M.

M. Tam longè lateque diffusam Pœticæ, quàm Oratoricæ Facultati Materiam assignat Tullius, (a) cui Pœta cum Oratore in hoc idè est, nullis ut terminis uterq; circumscribat, aut definiat jus suum, adeoq; possit uterque de rebus omnibus disputare.

L. Quànã est Materia proxima Pœseos?

M. Sunt Actiones humanæ, prout potuère vel debuère geri.

D. Nunquid debent esse vera, quæ in Pœseos materiam assumantur à Pœta?

M. Tenetur aliquando Pœta ea dicere, quæ verè contigerint: aliquando non tenetur. Quamvis enim Pœtice, Pœsis, & Pœma artem faciendi, effectiorem, effectumq; significant, non eo sensu tamè sunt accipiendæ illæ voces, ut suam sibi semper materiã procreare Pœta debeat: imò in Epopœia, Trægœdia, atq; etiam in aliis minoribus Pœmatis, quallæ sunt Genethliaca, Epicedia, Epinicia, &c. subesse debet quasi fundus historiz: cui magnificè aliquid inædificetur. Potest autem suam sibi condere materiam in Comœdia, aliisq; pœmatis benè multis, atq; etiam debet materiz, quæ vera sit, novam formam inducere, atq; eatenus falsa referre. Curandum autem utrobiq; diligenter, ut quæ proferentur, siue vera, siue falsa, ea sint omnino verisimilia.

D. Quid vocas Verisimile?

M.

Instit: Pœtic: Liber I.

M. Est id, quod naturali quodam rerum exitu debet, aut certè potest contingere in iis circumstantiis, in quibus dicitur contingere.

D. Itanè sunt verissimilia, quæ Virgilius narrat in descensu Æneæ ad inferos, de mutatione navium in Nymphas marinas, aliq; hujusmodi?

M. Fuere utiq; verissimilia; quòd ab Herodibus, Diisq; & fieri posse, & res ipsa fieri aliquando putarentur.

CAPUT III.

De Forma Pœseos.

D. Quæ est Forma Pœseos?

M. Est Fictio, seu Fabula. Cùm enim Pœtica sit ars fingendi; ut vox ipsa sonat: debet certe Fictio sic naturam Pœseos constituere, ut eam ab omni alia re secernat atque distinguat: quo modò Formæ, quæ vocatur in Physicis, uniuscujusq; rei materiam sic perpolit ac perficit: ut ejus naturam plane dicatur constituere. Ita censet passim Aristoteles, qui Fabulam sic Pœsi attribuit, ut sine illa Pœtam esse nolit.

D. Quid est Fictio, seu Fabula?

M. Non una est, eademq; vocis illius notio. 1. Significat sermonem quemdam merè fictivum: qualia sunt Ætopica colloquia bestiarum, & inania quædam Ethnicorum commenta. 2. Usurpatur à Philosofo pro Acti-

one ipsa & Materiâ Pœmatis, vel etiam pro toto Pœmate. 3. Sumitur ab eodẽ Philosopho pro structura quadam Pœmatis, sive, ut loquitur, pro Constitutione rerum, & Compositione in Pœmate.

D. Quo sensu Fabula dicenda est Forma Pœseos?

M. Juxta postremam hanc, vocis accepti-
onem. Nam eodem modò de Pœtica videtur
dicendum, ac de aliis Artibus, quæ imitati-
one perficiuntur: in quibus certa quadam
Dispositio & Compositio universè dici de-
bet earum Forma. Sic in statua aurea aurum
est materia, & artificiosa auri dispositio est
ultima Statuæ Forma. In genere operis arti-
ficiosi. Et ut exemplum proferam, quò non
semel usus est Aristoteles: Pingatur v. gr.
Socrates. 1. Picturæ materies est Socrates,
qui pingi debet; is materiam representat
Pœseos. 2. Corporis descriptio cum apta
membrorum omnium conformatione ac di-
spositione est Forma: & hæc Fabulæ compa-
ratur. 3. Colorum varietas & temperatio
est ornatus picturæ, & cum Fabulæ ornamen-
tis rite potest conferri. Rectè itaq; pronun-
tiavit Aristoteles: (a)

*Légo gar touton ton mythen Synthesin ton
pragmaton
Definitio Fabulam esse compositionem rerum.*

D.

D. Qualis debet esse illa Fictio, seu Constitutio & Structura Pœmatis?

M. 1. Exquisitam illam esse jubet universè Horatius; (b) atq; etiam in majoribus Pœmatis magnificam: nec vult Pœtam dici posse illum, qui talem Formam Materix non induxerit.

Necq; enim concludere ver sum

Duxeris esse satis: necq; si quis scribat, uti nos, Sermoni propiora, putes hunc esse Pœtam.

Ingenium cui sit, cui mens di-vinior, atq; os Magna sonaturum, des nominis hujus honorem.

2. Hæc Structura, ut de illa aliquid magis distincte singillatimq; statuamus, complectitur varia, quæ à Philosopho appellantur, Fabulæ ornamenta, Peripetias, Agnitiones, Epifodia, Machinas; graphicam Morum expressionem, Sententias, accuratam Dictionem, Numerum Pœticum, aliaq; omnia: unde mirabile dicendi genus efflorescat; adeo, ut nulla sit Fictio, quæ aut omnibûs his destituta sit. aut aliquibûs saltem instructa non sit ornamentis.

D. Quæ Pœmata aut hæc omnia, aut aliqua saltem sibi vendicant Fabulæ ornamenta?

M. In sublimitatibus Pœmatis frequentius, præciûs in humilioribus sunt usurpanda. Sic Epicum pœma. Tragicum vè eo omni ornatu debet splendere; aliquo nitere debent minora pœmata; vel quæ in genere heroico sunt

A S

po-

(b) SAN 4.

7. *Instit: Pœtic: Liber I.*
pōsita, ut Adhorationes. Laudationes, &c:
vel quæ suapte natura simpliciore, minus-
que figuratū dicendi habitum requirunt. Ve-
rūm, quæ fictio cuiq; illorum, cui cultus or-
natusque conveniat: exponetur commodiūs
suis locis, cū de singulis agatur pœmatum
generibus.

*D. Licetne in Pœsi adhibere Fictionem qua-
tenus vox illa aliquid merè fictitium sonat?*

M. Sanè licet. 1. Nihil opus est in ma-
joribus pœmatis esse usquequaq; vera, quæ
in peripetis, Epifodijs, Machinis, & . pro-
feruntur.

2. Placent maxime, quæ à veteribus (zpe
recentioribusq; Pœtis in pœmate Epico,
Tragico, Comico, Bucolico etiam, & Satyri-
co Fictitice inducuntur personæ.

3. Non sine dignitate ac venustate rebus
inanimis spiritus, mutis vox tribuitur; ut cū
Roma, Gallia, Africa loquentes inducuntur,
vel cum Scientiæ, Artes, in personas item
conformantur.

4. Saus est etiam in sacris argumentis,
neq; angustior, quàm in profanis, ejusmodi
Fictiōni locas: ut evicit manifestissimè in suo
Opere vere aureo de Pœmate Frinzouig. (a)
cujus ex animadvertione id unum maximè
curandum est, ut moderentur prudentiâ Fi-
ctiōnes; ne quid vanum, insolens, aut à com-
muni sensu alienum afferatur.

Ex

(a) Lib. I.

Ex dictis collige, 1. Pòetæ perinde esse, vera ac falsa dicere, modò verisimilia dicat; nisi fortè in aliquibus pòematis, quæ supra attigimus, in quibus debet esse vera, quæ profertur, materies: quamvis falsi aliquid in eadem ornanda possit aspergi: quod tamen intra verisimilitudinis septa contineri debet.

Collige 2. quàm malè jubeantur è Parnaso exulare Pòetæ, qui mera commenta in sua carmina non invexerunt, & eo nomine Fabulam non scripsisse dicuntur; quasi verò ipse Virgilius in suo opere absolutissimo Georgicon Pòeta non sit appellandus; cùm vera dixerit, sed splendide; sed artificiosè, sed Pòeticè, adeoq; non sine Fictione.

Collige 3. Non esse illum propriè dicendum Pòetam, qui tenuiter, ac jejunè servata duntaxat legitima syllabarum, pedumq; dimensione rem tractavit: eumq; verificatorem appellandum; quòd sine Fictione Pòetica scripserit: quæ ut minimum requirit habitum loquendi aliquem figuratum, floremq; eloquentiæ leviter delibatum, verluq; exornatum.

D. Quæ sunt jam ornamenta Fictionis, seu fabulae.

M. Septem numerantur ab Aristotele, Peripetia, Anagnorisis, Epilodium, Machina, Mores, Sententia, Dictio: de quibus omnibus singillatim agendum est.

CAPUT IV.

De Peripetia.

D. *Quid est peripetia?*

M. *Peripetia à peripeptō incido nihil aliud est, ut vox indicat, quam rerum in statum contrarium lapsus: quapropter definitur ab Aristotele (a) Eorum, quæ aguntur, mutatio in contrarium, sive mutatio hæc prospera sit, sive adversa.*

D. *Da exemplum utriusq; Peripetia.*

M. Exemplum esto prosperæ rerum conversionis, Josephus fratribus suis infelicem suam sortem lugentibus, quis tandem ipse fit, aperit, timoremq; excutit; unde efficiuntur illi verè fortunati.

Adversæ verò mutationis exemplum sit illud. Nuntius Corintho missus Oedipum rogat Thebanorum regem, ut Corinthiorum quoq; regnum communi omnium consensu post mortem Polybi regis ipsi delatum velit capessere, Corinthum adire abnuvit Oedipus; ne forte, quod oraculum præcinerat, incesto flagitio matris polluendæ, quam putabat esse Meropem Polybi demortui uxorem, periculum subiret. Dat operam Nuntius, ut hoc eum metu liberet: sed simul ea refert, unde cognoscit Oedipus impletum jam fuisse Oraculum, & matrem Jocastam eo flagitio pollutam, & patrem Lajum à se fuisse interfectum; atq; hinc tantum concipit incertam:

(a) C. 9. Pœt:

rem; ut vagus, & exul effossis sibi oculis, reliquam vitam transigere constituat, in summam proinde prolapsus calamitatem.

D. Quot sunt conditiones ad perfectam Peripetia formam requisite?

M. Tres assignantur. Prima est, ut sit magna illa mutatio rerum fermè omnium fortunarumq;, sive ex felici statu ad infelicem sive contra.

Alteram, ut sit illa mutatio subita & inopinata: ut si præter expectationem ex rerum oritur perturbatio: ut metus repentè lætitiæ vel terrori lætitiæ succedat.

Tertia, ut sit verisimilis ejusmodi rerum conversio. Contra quam præceptionem peccant imprimis Romaniorum Auctores: qui nullâ habitâ verisimilitudinis ratione, rerum dumtaxat captant delicias, nec fidem faciunt, modò lectorum animos admirabilitate rei teneant & delectent. Habes eximiam Peripetia formam apud Virgilium (a) ubi Trojanis in Italiam appulsis cùm faustè omnia, atque ex sententia caderent: dimissis à Latino rege cum bonis verbis; atq; amplis muneribus Legatis, pactaq; Æneæ Lavinia Juno, irarum plenz, omnia commutat, perturbatq; summaq; in rerum tranquillitate summum dè repente bellum excitat.

CA.

(a) Æneid. Lib: 7^o

CAPUT V.

De Anagnorisi.

D. Quid est Anagnorisi?

M. *Q* Anagnorisi Latinè *Agnitio* dicitur ab Aristotele (a) *ex ignorantia in cognitionem mutatio*: id est personarum *Agnitio*, ex qua amicitia oritur, vel inimicitia inter eos, qui felices esse debent, vel infelices. Unde colliges per hoc Fabulæ ornamentum. 1. Intelligi personarum inter se agnitionem. 2. Amicitiam vel inimicitiam. 3. Felicitatem vel infelicitatem ex illa agnitione nasci.

D. Da Exemplum Agnitionis?

M. Orestes Iphigeniæ frater ad aram mandandus præsentem sororem, quam non agnoscebat, ait: simili fato perire se, ac sororem, quam Diaæ immolatam fuisse credebatur. His illa auditis fratrem agnoscit: intôtò deinde inter se consiliò aufugiunt. & mortem se Orestes, & foedo homines immolandi ministerio Iphigenia se subducit.

D. Quotuplex est agnitio?

M. Duplex; una dicitur simplex, duplex altera: ut si in allato modo exemplo Iphigenia tantum agnoscat Orestem: simplex erit; si Orestes quoq; agnoscat Iphigeniam: duplex erit Agnitio.

D. Ultra præstat alteri?

M.

(a) Cap. 9. Pœetic:

M. Sanè duplex; atq; illa imprimis magni facienda est, quæ admixtam habet Peripetiam. Historia Josephi, de qua in superiori capite, duplicem continet Agnitionem, & mirabilem peripetiam.

Varias Agnitionum species, sive modos latè profequitur ex Philosopho Daniel Heinſius librò de Tragœdiæ constitutione. (a)

CAPUT VI.

De Episodio.

D. *Quid est Episodium?*

M. *1.* Si v. cis etymon spectes: est insertum quiddam in Carminis Fabulam: cum idem sonet, atque adjectum aliquid ad cantum.

2. Si Definitionem quæras: est *Actio adjectitia*, apta & necessaria quodam modo *connectione cum Actione primaria conjuncta*.

D. *Explica quæso singulas voces.*

M. *1.* Dicitur Actio neq; enim Descriptiones, Comparationes, & Narrationes aliquot dici debent Episodia. Sic tempestatis descriptio, in *1. Æneid v. gr.* non est Episodium: sed in *2. Trojæ excidium*, & in *3. Æneæ peregrinatio ex omnium sententia sunt Episodia*; quia habent suas Actiones.

2. Dicitur Actio adjectitia; qua voce discernitur ab Actione primaria, cujus ne pars quidem esse debet Episodii, sine quo potest esse Actio primaria. Sic potuit Æneæ
Ita.

(a) Cap, 6.

Itallæ applicare, Turnumq; vincere, omiffa excludit Trojani narratione, item & præterita errorum fuorum expositione: quæ duo sunt Epifodia.

3. Dicitur ejuſmodi Actio aptè conjuncta cum Actione primaria: ut neq; petita longius, neq; affectata ſtudioſius, neq; contorta violentius eſſe debere Epifodia ſignificetur.

4. Præcipitur, ut nec ſtitate aliqua cum primaria Actione connectatur: ut indicetur, ſic eſſe cum Actione illa commitendum Epifodium: ut ſine aliqua culpa præteriri non poſſe videatur. Nunquid debuit v.g. Virgilius, qui *arma virumq; canebat, Trojæ, qui primus ab oris Italiæ fatò profugus, Lavinaq; venit littora*, ſuo operi Trojæ incendiū non intexere? Nū debuit hoc in aula Di donis ſilere, quod jam per totum orbem fama vulgaverat? Qui potuit ipſa Dido de iis ſuum hoſpitem non interrogare, quorum pars magna fuerat? Qui verò potuit Æneas Regina de ſe quàm optimè merita, præſertim roganti, narrationē hanc denegare? Debet itaque ſemper ſubefſe cauſa aliqua Epifodia attezendi: quamquam non ubiq; par eſſe debeat.

D. Nunquid Philoſophus damnat Epifodia, cum ait: (a) nihil eſſe Inſulſius Actionibus Epifodicis?

M. Appellat eò loci Epifodia, quæ neq; veriſimiliter, neque neceſſario cum Fabula conjuncta ſunt: quæ certè eo nomine ſunt rejiciendæ; quantumvis habeant aliunde ad-

mi-

mirabilitatis; quòd parum ad rem, aut nihil faciant.

CAPUT VII.

De Machina.

D. Quid est Machina?

M. 1. Si vim vocis quæras: Machina dicitur in Pœsi quodcumque auxilium extraordinariè collatum. Nam cum Deos Tragedi tamquam è Coelo delapsos producebant, vel homines è theatro offerebant adhibitâ Machina; auxilium illud aut à Diis præstitû, aut aliò quovis modo, sed extraordinario, ut supra humanas vires exhibitum, Machina solebat appellari.

2. Si rei definitionem postulas: Machina dici potest *Actio vel Actionis modus quidam viribus humanis superior, qui nodo difficili solvendo adhibeatur.*

D. Explica singulas voces.

M. 1. Dicitur *Actio*. Sic apud Homerum irato Achille, miles discessum parabat: retinendus tamen erat: en Minerva, Junonis impulsu in terras delapsa, susceptum redeundi consilium discutit.

2. Dicitur *vel actionis modus*: cum videlicet Deus latet & occulta quadam efficiëntia juvat hominis actionem. Sic Juno Turnum: & Venus Æneam passim juvant apud Virgilium.

3. Dicitur *humanis viribus superior*. Equid enim Deus aliquis excitetur: si virtus huma-

humana sufficiat? Rectè itaq, monet Horatius: (a)

Nec Deus interfit, nisi dignus vindice nodus Inciderit.

Homerum certè reprehendit Aristoteles, quòd Minervam è Coelo deduxerit, milites ut moraretur: quod operà, consilioq; vixi prudentis effici potuisset.

D. *Quando nã igitur edhibenda est Machina?*

M. Cùm opus est sciri aliquid v. gr. aut eorum, quæ præterita sunt, aut futura, quod sine Deorum ope sciri omnino non possit: aut aliqui d est agendum, quod suapte naturâ vires humanas excedat: tunc enim licet ad superiorum auxilium confugere. De Machina recurret mentio in Carmine Epico & Tragico.

CAPUT VIII.

De Moribus.

D. *Quid intelligis per Mores Ornanda Fabula servientes?*

M. Quod Græci *ethos* Latini Mores dixerunt: qua voce non tam mores, quàm eorum proprietas, & cuiusq; indoles & ingenium designatur. Mores autem diversi esse solent in singulis pro habitu affectuum nationum, ætatum, & fortis & d veritate. v. gr. ex habitibus dicitur aliquis justus, mitis, temperans; ex affectibus, amans, iratus; ex natione, Græcus, Romanus, ex ætate puer, juvenis,

(a) *In Arte Pœt.*

nis, vir, senex; ex fortuna victor vel victus. Ita morum voce usus est Horatius:

Ætatis cujusq; notandi sunt tibi mores.

Itaq; per mores Fabulæ intelligo ejusmodi morum graphicam expressionem,

D. Quales debent in Pœsi Mores exhiberi?

M. Exhibendi sunt Boni, Convenientes, & Equabilis tenoris.

D. Quo modo mores bonos exprimet Pœta?

M. Si Mores illos effingat, qui virtutis amorem, ac vitii odium ingenerent: eoque revocet pravos Mores, si quos exhibere necesse sit. (a) Ita fit mentio in Æneide Sinonis, & Mezentii; quo majori fiat odio, execrationeq; eorum mores pessimi. Cùm enim sit ille præsinitus omni Pœsi finis, ut mores jucundè insit at; sanè liquet; à suo fine planè aberrare Pœtam, qui malos mores in suum opus de industria velit inducere ac celebrare. Non debent itaq; mores pessimi in viro principe accuratè depingi, minimè vero omnium in Herodè.

D. Quo modo describit Pœta Mores convenientes?

M. Quando virtutem cuiq; tribuit, quæ ipsi convenit, & sic sceminæ non tribuet fortitudinem, quæ congruat Achilli, aut prudentiam, quæ sit propria Nestoris.

D. Quo modo Mores erunt æquabilis tenoris?

M. Si sic effingantur, ut non differat aliquis à seipso. Ajax certè discreparet v. gr.

si

(a) Arist; I. cap: 2.

si mores primum Ajacis, ac pòst paulò Ulyssis referret. Ea de re sic præcipit Horatius:

Si Quid inexpertum Scenæ committis, & audes,

*Personam formare novam servetur ad imū
Qualis ab incepto processerit, & sibi consuet.*

CAPUT IX.

De Sententia.

D. *Quid est Sententia?*

M. *Q* Duplex hujus vocis notio est apud Philosophum, (a) cui 1. Sententia dicitur *Gnome*, estq; pronuntiatum aliquod de re aliqua universè. 2. Dicitur *Dianœa*, & eo sensu est vis animi, quæ explicat tum naturam rei tum eas, quæ ipsi congruunt, affectiones; cujus est proinde demonstrare, quæ latent, dissolvere, quæ nexa sunt, motus animorum ciere, augere, quæ sunt exigua, & quæ grandia, minuere. Utroq; modò ad Fabulæ ornamentum pertinet Sententia; nihil est tamen, quod de illa juxta secundam hanc vocis acceptionem hic agamus, cum tractentur hæc in Rhetoricis; sed satis fuerit juxta primam acceptionem in Sententiam inquirere,

D. *Quo modo definitur eo sensu accepta sententia?*

M. Est simplex pronuntiatum universè de vita rectè informanda. Hinc patet triplicem esse Sententiæ dotem. 1. esse unam 2. dici universè. 3. esse moratam.

D.

(a) 2. Rhet: c. 4. & 19 Pœt:

D. Quo modo erit una simplexq; Sententia?

M. Si non diffundatur in plura, quæ illâ efficiant quodammodo multiplicem. Ita posset hæc Horatii Sententia, *pulvis & umbra sumus*: sic explicari ac dilatari: ut illius catiæ afferentur quàm plurimæ, adhiberentur similitudines, comparationesq; unde non tam una aliqua, quàm plures existerent Sententia.

D. Quomodo erit uniuersæ dicta?

M. Si libera sit, ac soluta a loco, tempore, persona, aliisq; adjunctis, quæ res afficiunt singulares. Talis est hæc Horatii: *dulce & decorum est pro patria mori*.

D. Quo modo erit morata?

M. Si vitam rectè informet. Talis est alata jam Sententia, qua pietas erga patriam sic predicatur: ut vitæ propriæ dicatur anteponenda.

D. Quodnam est discrimen Sententiam inter & acutè dictum?

M. Sententia pugna caret & conflictu. Acutè dictum verò totum est in eo conflictu. Exempla subijcio de sententia pura, de acutè dicto purè, & de utroq; mixto.

Sententia pura illa est, quæ dicti, quidem amplitudinem habet, ac maiestatem, sed contentione caret; sic dicitur apud Senecâ: (a)

Cogi qui potest, nescit mori.

Acutè dictum purè est contentio sine sententia; tale est apud eundem Senecam illud Hecubæ; (b)

Il.

(a) Her: fur: (b) Troi:

Ille tot regum parens

*Caret sepulc' ô Priamus, & flamma indiget,
Ardente Troja.*

Sententia mixta est, cui annexa est contentio; tale est illud: *Avaro tam deest, quod habet, quàm quod non habet.* Seposita enim contentione, viget tamen Sententiæ vis & dignitas; idemque est, ac si diceretur: *Avarus nemo dives.*

CAPUT X.

De Dictione.

D. Quid est Dictio?

M. Dictio (a) universe describi potest, dicendi ratio, quæ animi sensa declarat, quò demum cumque modo id fiat. Atque hac latius patenti notione Dictio omnis, sive Oratoria, sive Pœtica, aut alia quæcumque attingitur.

D. Quænam est igitur Dictio Pœtica?

M. Est illa dicendi ratio, quæ soli Pœsi convenit: ac proinde quæ & communes omnî Dictioni, & proprias sibiq; uni addictas dotes vendicat.

D. Quæ sunt illæ dotes Dictionis Pœticæ?

M. Tres vulgò assignantur, ad quas ceteræ omnes facilè revocantur 1. Perspicuitas: 2. Majestas. 3. Numerus.

D. Quomodo Dictio Pœtica erit perspicua?

M. Cùm Dictio Pœtica, ut quævis alia, ex verbis constet, ac sententiis; ideo & in verbis

(a) *Aristot: c. 4. Pœt:*

bis & verborum contextu quaerenda est illa perspicuitas,

D. In quo posita est verborum Perspicuitas?

M. In vocabulorū propriorum, & rei exprimendæ maximè a cmmodatorum usurpatione. Itaque fugienda sunt verba obsœleta, atq; ex antiquitatis ruderibus effossa: adhibenda, quæ versantur in sermone, & consuetudine quotidiana, atq; imprimis, quæ clarissimorum auctorum usu non trita minùs quàm splendida, ferenda, quæ ejus rei verba sunt, de qua loquemur

D. Quomodo in sententiis, sive in verborum contextu perspicuitas elucebit?

Si neq; abrupti pendent: sive sensiculi, neq; oblongi, exitumq; non invenientes induantur periodi; si neq; cum dicitur vel incisim, vel membratum, vel periodicè, laboret intricata Dictionis. Nam & Pœtis, ut Oratoribus, sua sunt incisa, sua membra, sua verborum sententiarumq; comprehensiones & clausulæ, tam apertè, quàm concinnè concludentes.

D. Fam verò qui cultus, qui splendor convenit Pœticae Dictioni?

M. A proprio dicendi genere, vulgariq; recedendum esse Pœtæ statuit Aristoteles (a) cui consentit omnino Horatius: qui ait, (b) non satis esse ad Pœtæ nomen pro dignitate sustinendum puris versus præscribere verbis, & scribere sermoni propiora: si desit or-

ma-

(a) Cap. 21. (b) Satyra 4.

magna sonaturum. Quamobrem postea posuit:
*Idcirco quidam Comœdia, nec ne Pœma
 Effet, quasi verè; quod aere spiritus, & vis
 Nec verbis, nec rebus inest: nisi quod pede
 certo*

Differt sermoni sermo morus.

*D. An eadem semper, eaq; sublimis dicendâ
 ratio usurpatur a Pœtâ?*

*M. Cum tria sint apud Pœtâs, uti apud
 Oratores genera dicendi, tenue, grande, me-
 dium: miscentur illa sæpe inter se, ac tem-
 perantur in pluribus pœmatis; distingvun-
 tur tamen aliquando, ac planè fecernuntur;
 atq; adeo non sublimem ex æquo dicendi for-
 mam omnia requirunt. Quæ tenue, quæ gran-
 de, quæ medium dicendi genus postulent, no-
 tabilitur inferiùs: cùm varias pœmatum at-
 tingemus species. Nunc satis fuerit statuere
 universè haud vulgarem esse debere Pœticam
 Dictionem, sed sublimem, sed grandem, sed
 majestate plenam.*

*D. Unde comparatur bujus Dictionis maje-
 stas?*

*M. Præter ea, quæ diximus, duo insuper
 ad eam Majestatem conferunt plurimum 1.
 Si apposita, quæ vocant, nomina, sive Epi-
 theta aliquid eximii præferant. 2 Si quæ
 occurrunt trita, ac vulgares loquendi for-
 mæ, mutantur in alias exquisitiores, ac re-
 conditores.*

*D. Quo modo apposita nomina, sive Epithe-
 ta aliquid eximii præferent?*

M.

M. Si adhibeantur ea, non ut impleatur duntaxat, sed etiam ut ornentur versus; si contra quærantur ea, quæ vim ac dignitatē vocibus, quibus attribuuntur, adiciant.

D. Qui numerus Poëtice Dictioni convenit?

M. Numerum ab Oratorio longè diversum indicat Aristoteles, quæ numerus *Metron* Græcè, Latinè, *dimensio* appellatur.

D. Quid requiritur ad illum Numerum?

M. Duo requiruntur maximè. 1. Ut religiosè servetur legitima pedum dimensio. 2. Ut numerus ille rebus ipsis, quæ celebrantur, sit imprimis accomodatus.

D. Quo modo legitima servabitur pedum dimensio?

M. Servabitur 1. Si profodix, syllabarū, ac pedum ratio habeatur, quæ omnis disciplina traditur à Grammaticis.

2. Si versus solutus non sit, & sine exsura: qualis est hic Ennianus:

Sparsis bastis longis campus splendet & horret.

3. Si crebriora continenter in versu non subsultent nonosyllaba; ut in hoc Ovidiano:

Si quis, qui, quid agam, fortè requirat erit.

Vel contra grandiorum vocabulorū continuatio non inducatur: ut enim minutiores voculæ humilitatem, sic grandiora vocabula tumorem in versum inducant.

D. Quo modo numerus rebus ipsis accomodabitur?

M. Si pedes ita coagmententur: ut verba

rebus ipsīs quasi continere videantur. Atq̄; ideo observandum est, qui numeri ad lætiti-
am & celeritatem, qui ad moram, difficultate-
m, molem & tristitiam, qui v̄o faciant
ad lenitatem; & exempla ponenda in versu
omnium spectatissimo, hexametro, locaque
adducenda ex Pœtarum Principe Virgilio.

D. Qui numeri valent maximè ad lætiti-
& celeritatem ?

M. Valent ad id numeri fluentes ac libe-
ri, cùm ipsa Carminā decurrunt expedita
perpetuis, aut frequentibūs Doctylis; ra-
xis, aut molliusculis elisionibūs.

Inde, ubi clara dedit sonitum tuba, finibus
omnes

Haud mora, prosiluerè suis; ferit æthera cla-
mor.

Nauticus, addubtis spumant freta versa
lacertis.

..... Trepidusq̄; repente refugit.

Quadrupedante putrem sonitu quatit un-
gula campum.

D. Qui pedes ad moram, difficultatem, mo-
lem, tristitiam, & majestatem faciunt ?

M. Faciunt ad hoc crebri ipondei, elisi-
ones, verba longiora :

Luttantes ventos, tempestateq̄; sonoras,

Monstrum horrendum, informe, ingens, cui
lumen ademptum.

Amissum Anchisen flebant, cunctaq̄; profunda
Pontum aspiciabant stentes.

Illi inter sese magna vi brachia tollunt.

In numerū, versantq; tenaci forcipe mestrū
 Item excurrit aliquando hypermetrū car-
 men, & rerum granditatem ipsa syllabarum
 redundantia demonstrat:

Et magnos membrorum artus, magna ossa le-
 eertosaq;

Exiuit;

Famq; iter emensi, turres ac tecta Latinorū
 Arduus cernebant Juvencus.

Exit quoq; versus in monosyllabam cum
 energia in sequentibus exemplis, Procum-
 bit humi bos. Mole sua stat. Tota nituntur o-
 cum vi. Subsedit aqua mons.

D. Qui pedes faciunt ad lenitatē carminis.

M. Lenissimē fluit alternorum dactylo-
 rum & spondeorum contemperatione.

Fleebit equos, curruque volans dat lora se-
 cundo;

Sidoniam pido chlamydē circumdata limbō

Neq; pedum tantū, sed literarum etiam
 ratio habenda est: cum alix suavitatem con-
 ciliant; asperitatem inducant alix: quaedam
 granditati serviant & amplitudini. Primum
 elementum A. nescio, qua mollitie carmen
 exhilarat; quare a sapientissimo Pœta liben-
 tissimē frequentatur.

Mollia luscola pingis vaccinia caltha.

Vel mista rubent ubi lilia multa

Alba Rosa.

Potuiſſet luteolis calcebis scribere & multis
 cōsis. E. & I. Sonum habent exilem. V. va-
 ritatem sonat; vastos volvunt ad littera flu-

Etus. Vordt æquore vortex. Litera O. omnium lenissima, maximeq; sonora est. R. carmini affert asperitatem, ideoq; dicitur litera canina; hanc sæpius usurpavit Virgilius agens de Cane inferorum:

*Cerberus hæc ingens latratu Regna trisaudi
Personat, adverso recubans immanis in
antro.*

Quam aptè dicitur: ergo agrè raris terram rimantur. Sed hæc sufficiant, ex quibus capi possit conjectura cæterorum: est enim eadem ratiõ pedum in aliis carminum generibus, ubi metrum rebus aptari debet, ut in versu heroico,

CAPUT XI.

De causa efficiente Pœseos.

D. *Quæ est causa efficiens Pœseos?*

M. *Mens Poetæ certis imbuta præceptis, & arte instructa omnè efficit Pœsiam.*

D. *Igitur Pœtica appellanda est Ars?*

M. *Sane appellanda est; Quia Poetica est facultas animi, quæ certis quibusdam, & non errantibus præceptis ad finem suum tendit, o-pusq; perficit: quæ est Artis notio.*

D. *Num Furor aliquis Pœticus; quod adjunt, requiritur ad efficiendam Poesim?*

M. *Requiritur utiq; si modò bene intelligatur, quid veniat furoris illius nomine*

D. *Quid est ille furor?*

M. *Est quidam impetus vehementior, quo cum impellitur animus, furere dicitur: ori-*

turq; ille impetus à variis animi perturbationibus, quæ undecim numerantur: Amor, Desiderium, Gaudium, Odium, Fuga Dolor, Ira, Spes, Desperatio, Audacia, Timor. Neque existimandum est, affari divinitus, ut fabulantur Poetæ, hujusmodi Furorem; verum cum vehementius solito his agitur, quos appellavi, motibus, qui Pœtice scribit, & in rei cuiuspiam maxima contentione fertur contemplationem: calorem concipit, vi cuius sic loquitur: ut à sensibus alienatus esse videatur.

D. Quando nam opus est illo Furore?

M. Nihil opus est illo furore, cum Pœta Fabulam instruit suis partibus, nihil, cum aliquid sedate ac considerate imprimis canendum est: sed in aliquibus orationibus, narrationibus, descriptionibus, objurgationibus; querelis, &c. commode aliquando accidit ille Furor.

D. Utra plus confert ad Poesin, Ars, an Natura?

M. Parum certe sine Arte Natura, parum Ars sine Natura conferet. Ars enim sine Natura tristis est & exsucca; Natura sine arte vana est & inculta. Ita sentit Horatius, cum ait:

*Naturâ fieret laudabile Carmen, an Arte,
Quæsitū est. Ego nec studiū sine divite vena,
Nec rude quid proxis video ingenium: alterius sic.*

A tera poscit opem res, & conjurat amicē,

*Qui studeat optatam cursu contingere metam,
 Multa tulit fecitq; puer, sudavit, & alfit &c*
 Quare, quod vulgò dici solet, nasci Poetas,
 sic intelligendum est: ut multæ dotes à na-
 tura requirantur ad Pòetam, quæ tamen ar-
 te debent perfici.

D. *Qui fuere Poeseos Inventores?*

M. De hoc certi nihil afferri potest. Or-
 pheus certè, Linus, Musæus, aut Homerus
 Inventores Pòeseos dicendi non sunt, sed Il-
 lustratores, ante quos constat floruisse Poetas.

CAPUT XII.

De fine Pòeseos.

D. *Quis est finis Pòeseos.*

M. *Q* Est jucunda morù Institutio, Nam
 eò tendit Pòeta, ut doceat dele-
 ctando juxta illud Horatii (a)

*Aut prodesse volunt: aut delectare Pòeta,
 Aut simul & jucunda, & idonea dicere vita.
 Et paucis interjectis versibus.*

*Omne tulit punctum, qui miscuit utile dulci,
 Lectorem delectando, pariterq; monendo.*

D. *Explica quæso singulas responsionis voces*

M. I. Cum Finis sit id, cujus gratiâ ali-
 quid fit, fitq; alius Arti, alius Artifici pro-
 positus: non agitur hęc de fine Artificis, quæ
 est multiplex: cum possit Pòeta scribere, vel
 ut famam aucupetur, vel ut aliquam deme-
 reatur, vel ut gratiam alteri reponat, vel
 ut opes comparet. Verùm agitur de fine Ar-
 tis

tis, propter quem est illa instituta: ac proinde ad quem suapte naturâ collineat.

2. Dicitur ille Finis esse *morum institutio*: quia Civilis Facultas cum ad perfectum Civitatis statum, Civiumq; facultatem tota collimet: & Ars Pœtica ad Civilem illam Facultatem, ut pars illius eximia, pertineat; planè sequitur Poesim omnem ad ejusmodi felicitatem referri, Cum autem ejusmodi felicitas per optimam morum informationem comparetur; ad eum finem instituta est Pœsis: ut hœc modò mores informet; atq; etiam, cum id commodè obtineatur, actiones humanas celebrando, in quibus sita est felicitas, ut superius tradidimus; hinc factum est, ut actiones celebrando, mores instituat.

3. *Jucunda* appellatur *morum informatio*, propter naturam Pœseos, cujus ornatus omnis miras habet delicias. Et sane debuit in hoc Pœsis, ut in multis aliis, à Philosophia, quæ ad mores pertinet, discrepare: ut austerè & jejunè Philosophia, jucundè verò, ac planè, magnificè mores Pœsis instituat.

D. Nonne *Fines* sibi propositos *peculiares ac diversos* habent *singula Pœseos genera*? Quo modò igitur Pœsis habere dicitur pro fine *jucundam morum institutionem*?

M. Habent utiq; suos diversos fines. ut dicetur inferius, sed huic primo Fini subjectos sic: ut singuli omnes ad eum demum referantur: v. gr. Epica Pœsis ex fine suo ad id instituta est, ut Viros Principes admi-

rabili dictione ad virtutes cōparandas incitet; Tragicæ, ut quasdam animi perturbaciones componat, ac perpurget: sed isthæc ad ineundam quoq; morum institutionem referuntur. Neq; etiam alio tendunt Comoediæ sales ac joci, quàm ut derisa palàm vitia, ludibrioq; in scenis habita, evitentur diligentius sicq; suo modò ad hanc morum informationem alia Pœseos genera revocantur, ut patebit clariùs ex dicendis inferiùs.

CAPUT XIII.

De Divisione Pœseos.

D. Quo modò dividitur Pœsis?

M. Cum Pœsis omnis ut in initiò dixim⁹, aut fere omnis in imitatione posita sit: optima erit ille Pœseos divisio, quæ à diverso genere imitationis petetur.

Quotuplex est imitandi genus?

M. Triplex vulgò assignatur. Nam in pœmatis vel Pœta per se ipse narrat aliquid, & sermonem alterius refert sine ullis personarum inter se colloquiis; vel non ipse narrat, sed alios tantùm loquentes, & quasi negotiantes inducit; vel ipse narrat aliquid & alios inducit loquentes agentevè. Atq; ex tribus his imitationis generibus, totidem petuntur genera Pœseos.

D. Qui vocas primum genus?

M. Narrativum, vel Enunciativum hoc genere continetur: v. gr. tres primi Libri

Geor-

Georgicon. & prima pars quarti; ubi semper ipse narrat Virgilius.

M. Dramaticum, sive activum, quo genere comprehenduntur Tragicæ & Comicæ Fabulæ, item Eclogæ: ubi inducuntur agentes inter se pastores.

D. *Qui vocas tertium?*

M. Mixtum appellatur, in quo Poëta ipse narrat, atque etiam personas inducit agentes, Ad hoc genus pertinent Ilias & Odysea Homeri, Æneis Virgilii, & alia id genus Poëmata. Ad hæc tria genera facile revocantur, ut patet, omnes elegiæ, odæ, satyræ, aliisque poëmata,

D. *Nonne alia est divisio Poëscot?*

M. Alia est maximè vulgaris, in poëmata multum aliunde inter se discrepantia. Celebrantur imprimis Epopœia, Tragicæ, Comœdia, Satyra, Elegia, Ode, Epigramma, &c. Unde Poëtæ Epici, Tragici, Comici, Satyrici, Elegiaci, Lyrici Epigrammatici appellati: de quibus singulis, aliisque momenti alicujus poëmatibus deinceps agendum erit.

(*)
 INSTITUTIONUM
 POETICARUM

LIBER II.

De Epopœia.

M. **C**um principem inter Pœmata locum obtineat Epopœia; de illa nobis modo agendum est. Illius naturam ac varias affectiones ut exponamus: definitio primùm illius proferenda est, deinde examinanda Materia; quam statuemus esse actionem, cujus dotes singulas prosequemur: tum Forma explicanda, & apta partium tradenda Dispositio, ubi de propositione; Inventione, Narratione, & Epilogo pœmatis Epici. quantum satis erit, disputabitur.

CAPUT I.

Definitio Epopœix.

D. *Qua est vis, & potestas hujus vocis; Epopœia?*

M. Ut locutio omnis, oratio est, antonomastice, tamen Oratio appellatur ornatissima, quâ utuntur Eloquentes; sic Epos quod generatim Verbû significat, addictû est speciatim Pœsi; atq; ab illa communi significatione contractura est ad Pœma, quod vocatur Heroicum. Item ποίησις Græce idem est ac Latine *facere vel fingere*. Hinc fit, ut Epopœia secundum vim vocis sit quasi fictio, seu scriptio pœmatis Epici, quod Heroicum dicitur.

D. Quo modo definitur Epopœia?

M. Definitur Imitatio actionis unius totius, verae, verisimilis, Illustris, felicitis & à nobili persona profecta, narratione dramatica, & versu hexametro, quæ Viros Principes ad primarias virtutes excitat, atq; adhortatur.

D. Explica quæso, singulas voces:

M. 1. Dicitur Imitatio; quia Pœsis omnis aut quæ saltē spectatissima est, ut Epica, in imitatione posita est.

2 Dicitur Actionis imitatio, quia Actiones humanæ sunt materia Pœseos, ut supra docuimus (a)

3, Dicitur Actionis unius, totius, verae, verisimilis: Illustris, felicitis, & à nobili persona profecta; quibus verbis designatur materia Pœmatis epici: ratione cujus partim convenit cum aliis pœmatis, partim ab iisdē discrepat: puta à Comœdia, cujus materia est Actio vulgaris, & plerumq; obscura.

4. Dicitur Imitatio Actionis narratione dramatica insignis, eo sensu; ut nec Pœta semper ipse narret, sed personas loquentes, agentescvè saepe etiam inducat; quod jucundius multo vitæ rite instituendæ hoc pacto præcepta tradat.

5. Dicitur hæc imitatio versu hexametro exornata: quod necessariò illud requiratur ad Epicum Carmen juxta illud Horatii.

Res gesta Regumq; ducumq; & tristia bella,
Quo scribi possent numero, monstravit Ho-
merus.

(a) Liber I. C. 2.

6.

6. Dicitur imitatio Actionis, quæ Viros Principes ac primarias virtutes incitet: quibus verbis attingitur Epopœia finis. Ad id enim illa instituta est, ut omnium animos, sed Principum præsertim ad præclara facta accendat, ad eaq; quasi viam sternat, ponendo ob oculos illustrem quandam actionem de qua in capite Proximè consequenti.

CAPUT II.

De Materia Epopœia.

D. Quæ est materia Epopœia?

M. Est actio personæ nobilis, una, tota, vera, verisimilis illustris, ac felix.

D. Quare debet esse Actio personæ nobilis?

M. Quia cum finis ille sit Epopœia propositus, ut Viros Principes ad præclara facta accendat: debet certè proponi personæ actio, quam imitari sit gloriosum. Certum est autem sibi laudi vertere Principes, non plebejas, aut obscuras personas: sed nobiles atq; illustres imitari. Sit itaq; illa Actio insignis alicujus v. g. Herois, qui Principum animos, laudis studiò incensos, ad sui admirationem, imitationemq; rapiat.

D. Quem vocas Heroem?

M. Antiqui fabulantur Heroas esse quoddam gen9 Deos inter, & homines; natos illos vel ex Dea aliqua, & mortali viro, ut Achillem & Æneam; vel ex Deo, & muliere mortali; ut Herculem. Jam verò Heros virum extraordinarium sonat, in quem tria

hæc

hæc maximè dicuntur confluere. 1. Corporis habitudo firma, ac laborum patiens 2. Animus præsens, erectus, & robustus quodam modò, cui ab optima corporis temperatione accedat magnitudo. 3. Divina quædam vis, & efficientia: quâ, qui afflatur, supra hominem & sapere & posse videatur.

§ I. ACTIO FOEMINÆ IN MATERIA EPOPOEIÆ.

D. **I** Tanc Actio Epopœiæ debet esse Herois, ut non possit esse Fœminæ, quæ dicatur Heroina?

M. Actionem Fœminæ esse posse materiam Epopœiæ, affirmant aliqui, negant alii. Utriusq; partis rationes subijcio.

Qui affirmant, ajunt, 1. Non obee Fœminæ animum. qui virili similis est, ejusdemq; naturæ; huic posse esse armorû usû; atq; etiam Fœminas aliquando & corporis firmitate & laborum patientiâ viris præcellere. 2. Fœminæ actionem esse sæpe materiam Tragœdiæ: quidni & Epopœiæ? 3. Fœminæ actione ad præclara facta accendi posse viros Principes, quib; turpe sit ea non posse agere, quæ fœmina gesserit, 4. Fœminas à præstantissimis Pœtis inductas esse in Epopœias, & maximis celebratas laudibus propter fortitudinem bellicam. puta Chlorindam à Tasso, à Virgilio, Camillam. 5. Excitari a Deo posse Heroinam quandâ cui belli alicujus summa committatur; quæ ha-

be-

beat omnes Herois dotes, nullos habeat fe-
xūs defectus.

Qui verò negant Actionem foeminx esse
posse materiam Epopœix; rêspondent. 1. A-
nimorū quidem sexum esse nullum: at foemi-
neum corpus esse Imbellius, cujus contagio.
ne languet animus; neq; rebus bellicis per-
fectè tractandis idoneas esse foeminas: qui-
bus Aristoteles curam rei domesticæ attribuit:
arma verò, & ea, quæ non modò extra civi-
tatem, sed etiam extra privatos parietes fieri
necessè est, viris concedit.

Reponunt 2, Actionem foeminx conveni-
re Tragœdix, non item Epopœix, quia finis
hic est Tragœdix, ut excitentur, purgēturq;
quidam animi affectus; qui finis tam facilè
obtinetur, sive viri, sive foeminx celebretur
Actio; at Epopœix cum sit ille finis, ut ad
ardua quæque & præclara facta accendant Vi-
ros Principes: huic rem imparem esse foemi-
nx Actionem; unde

Negant 3. Actionem foeminx talem esse
posse, quam velint Viri Principes imitari.
Esto possit illa foeminx Actio incitare Viros
Principes ad arduum aliquid suscipiendum:
sed actione illi foeminea movebantur tan-
quam argumentò, quod vocant: *a minori ad
majus*: quod turpè sit viro, maximè principi,
illud non aggredi, quod foemina fortiter ges-
serit: At enim non erit hæc Actio exempla-
ris loco quod sibi proponant Viri Principes
imitandum.

Observant. 4. Nullam unquam foemina Actionem à præstantissimis Pœtæ in materiam Epopœiz fuisse assumptâ. Celebratas quidem à Tasso & Virgilio foeminas; sed in Episodiâ quasi contritas illas fuisse; atque etiam in pœnam temeritatis, obicura morte fuisse mulctatas; ne fuso imbelli, indignoq; sanguine virum aliquem fortem contaminarent. Sic Chlorinda de nocte, & ab imprudenti Tancredo perimitur apud Tassum; ab ignobili viro occiditur, Camilla apud Virgilium. Atque etiâ fictitæ illæ Heroinz non stant ab Heroe Epopœiz, imò ipsi adversantur ut Chlorinda, quæ Mahometanis, & Camilla, quæ Turno militabat: Adde quod unam Camillam uno in libro pu nantem adducit Virgilius, quæ Venatorem, & Sacerdotem interimat, Heroem nullum.

Nota: t 5. Actionem foemina à Deo excitatæ, quæ nullos habeat texûs defectus, non esse aptam Epopœiz: quod solvatur hoc pacto Actio primaria per machinam: quod ultimum imprimis esse contendunt. Verum ne quid modò dicam de solutione per machinam, de qua postea in Forma Epopœiz, beltè reponunt hujus secundæ sententiæ patroni de Actione Heroinz ordinariæ, at non extraordinariæ, & per miraculum à Deo excitatæ procedere quætionem. Atque hæc sunt utriusq; partis rationes, quæ suam utriusque pondosamque quamvis forte non ex æquo videntur habere probabilitatem.

§ II. ACTIO EPOPOEIE QUO MO-
DO UNA?

D. *Quo sensu Actio Epopœia debet esse Una?*

M. *Q*uo sensu, ut sit illa Actio per se simplex, nec dividi possit in plures Actiones primarias. Sic Virgilius Troja ruinam, & multiplicia sui Herois facta contexuit in *Æneide*, quæ sunt quidem varix per se Actiones; sed habet tamen unam simplicemque Actionem, eamque primariam, quæ est in Italia Religionis, Regniquæ per victoriam de Turno constitutio: unde pendet. Herois felicitas, ad quam cæteras omnes retulit tamquam Actiones. secundarias.

D. *Quare una debet esse Actio Epopœia?*

M. Hanc affert rationem Aristoteles, quod omnes artes, quæ imitatione aliquid perficiunt, ad unum quid imprimis absolvendum allaborent, cujus gratiâ alia esse videantur talis v. g. Pictura, quæ unum aliquid in unaquaq; tabella sic perpolit: ut cætera ad id referri omnia satis, intelligantur.

D. *Qui Pœta contra Epopœia peccant unitatem?*

M. 1. Qui multas Actiones unius, ejusdemq; Herois primarias uno pœmate complectuntur. Reprehendit certè Aristoteles eos, qui ab Hercule, vel Theseo res omnes præstare gestas uno eodemq; opere describi posse putaverunt. Vitio vestitur Statio, quod in Achilleide Herois sui vitam persequi velit integram; canit eam initio pœmatis;

Magnanimum Æacidem, formidatamq; Tonantem Progeniem, & patrio vejitam succedere Cœlo Diva, refer: *Quanquam adia viri multum inelyta cantu*

Mœonio. sed plura vacant. Nos ire per omnē. Sic amor est, Heroa velis, Scyroq; latentē Dulichia proferre tuba, nec in Hecitore traclō Sistere, sed tota juvenem deducere Troja.

2. Qui duas diversas Actiones primarias, quod uno eodemq; tempore contigerint, una Epopœia velit celebrare; esto id concedatur Historiæ; at Epopœiz non licet

3. Qui plures Heroas inducant; quibus eandem exquo gloriam tribuant. Plures adfint, esto, uno in pœmate Heroes modò unus cæteris videatur præcellere, cujus sit Actio primaria. Sic Pallas & Tarchon Ænez nihil officiant gloriæ: quamvis fortiter pugnet uterq; atq; unus multum conferat ad v.ctoriam de Turno reportandam.

§. III. ACTIO EPOPOEIAE QUO MODO TOTA?

D. *Quo sensu Actio Epopœia debet esse tota?*

M. Eo sensu vult Totam Aristoteles; ut sit in illa Initium, Medium, & Finis.

D. *Quid intelligis per initium, medium, & Finem Actionis?*

M. Per Initium intelligo causas, & correlia Actionis suscipiendæ; per medium, cau-

facrum illarum effectus omnes accipio, & effectuum difficultates ad felicem exitum perducendorum: per Finem verò illarum omnium difficultatum solutionem interpretor.

D. Rem paret in exemplis

*M. Exemplum esto in Eneide (a) Eneas iacensâ Trojâ in eam regionem, unde majores sui venerant, vocantibus fati, collecta Trojanorum manu conferre se constituit: Ecce initium. Post multos terrâ mariq; exantlatos labores, Junone totam Trojanorû gentem dirissimis odiis ubiq; prosequente, in Italiam tandem appellit. Amicè à Latino Rege accipitur, atq; etiam in generum asciscitur. Egredimodum id ferens Turnus, Dauni Rutulorum Regis filius, qui jam dudum Lavinia Latini filia nuptias ambiebat, grave bellum movet contra Eneam, quocum sepe pugnat, & atrociter: *en Medium*, Sed victor tandem Eneas, Turno occidit, & Laviniam, & regnum obtinet: *en Finis* Reliqua sunt in Epifodiis.*

D. Quid itaq; Marthus Vegius librum adfecit Eneidi. in quo dolorem Rutulorum, Dauni fletum de morte filii, nuptias Lavinia & Enea Aptheosin prosecutus est?

M. Vitiosè nimirum, & ineptè egit: cum id satis intelligatur consecutû, & multa circa duo post eam insinuet Virgilius in suo opere absolutissimo.

D. An. ideo perfecta dicenda est: quod Tota sit Actio Epopœia?

(a) Cap. 5.

M.

M. Cum tota sit illa actio, cui nulla pars deest; perfecta ut sit, requiritur præterea, ut partes inter se aptè cohæreant, accedatq; rerum omnium perfectio, & absolutio. Quare præcipit Philosophus, ut Pœta, qui Fabulam rectè velit constituere, non tantùm eam non incipiat temerè, aut finiat, sed etiam formis traditis insistat. Verùm & hæc, & quæ ab eodem traduntur de magnitudine Actionis, commodiùs, cùm agatur de Forma Epopœiæ,

§ IV. ACTIO EPOPOEIE QUI VERA & VERISIMILIS?

D. Quo sensu debet esse Vera Actio Epopœiæ?

M. Eo sensu, ut Pœta teneatur proferre Actionem, quæ verè contigerit; quam tamen sic ornabit, ut ornamentis studeat magis verisimilitudini, quàm veritati,

D. Quare Actio Epopœiæ debet esse Vera?

M. Quia nemo ad præclarè aliquid gerendum incipitabitur proposito aliquo consimili factò, quod certè tamen cognoverit esse falsum; ac proinde sine suo excideret Epopœia, si falsa inducetur Actio primaria. Idem planè de Tragedia dicendum est, cujus Actio illustris sic vera debet esse: ut moveat.

D. Quo sensu debet esse Verisimilis Actio Epopœiæ?

M. Eo sensu, ut, quod narratur, credi facillè possit contigisse. Nihil præcipit studiosus Philosophus, quàm ut verisimilitudinis habeatur ratio.

D.

D. Quare debet esse illa Actio verisimilis ?

M. Quia non satis est aliquid esse verum, nisi & illud idem verisimile sit, ut ad imitationem excitet. Nam quæ fieri potest, ut si Actio proponatur, quæ quidem vera sit, sed vires tamen humanas longè superet, hominẽ illa ad simile quid suscipiendum, aut gerendum impellat ?

S V. AGTIO EPOPOEIE QUO MODO
JLLUSTRIS, & FELIX.

D. Quo sensu debet esse Illustris Actio Epopœia ?

M. Debet esse Illustris vel ratione sui, vel ratione personarum. Illustris est ratione sui Actio Aeneidos, ubi inter alia agitur de fundatione Imperii, & constitutione Religionis, juxta illud:

Dum conderet urbem

*Inferretq; Deos Latio: genus unde Latinum,
Albaniq; Patres. atq; alta moenia Romæ.*

Illustris non est ratione personarum Actio Odysseæ, quæ Viris non admodum illustribus potest convenire; illa enim sic habet.

Ulixes classe amissa, occisis sociis multiplices iniquissimi maris tempestates expertus, multos annos domo absuit; rem illius domesticam interea proci decoquebant: ejus uxoris nuptias ambiebant: Telemachum filium insidiis petebant; reversus ille procos ex insidiis occupat, atq; interficit, Quid hic illustre præter personas.

D.

D. Quare illa Actio debet esse Illustris?

M. Quia cum Epopœia Viros Principes ad præclarè facta debeat incitare, proponi debet illustris Actio, quam illi imitentur.

D. Quo sensu debet esse Felix illa Actio?

M. Eo sensu, ut felici semper terminetur exitu. Nam præterquam quòd saepe Actio tota non erit, quæ infelici claudetur exitu; si præterea Heros miserè pereat, aut grandi aliqua calamitate sub finem excipiatur; concitabit illa indignationem, ac dolorem, verum ad imitationem sui minimè commovebit & sic: Epopœiæ finis non comparabitur. Debet itaque Actio primaria felicem sortiri exitum: quamvis nihil opus sit, Heroas inducere usquequaq; & in omnibus adjectitiis actionibus fortunatos.

CAPUT II.

D. Forma Epopœiæ.

D. Quæ est Forma Epopœiæ?

M. Cum Forma Poëseos universè sit fictio, seu constitutio, & compositio rerum, quæ tractantur in Poësi, sic Epopœia Forma erit earum rerum compositio, quæ soli conveniat Epopœiæ; posita illa in quædam cultu, ornatuq; Actionis, qualem in superiori capite descripsimus, adeo: ut illa Forma nihil aliud sit, quàm Actio suo modo composita, culta, ornata.

D. Quid requiritur ad illam Formam siue Actionis compositionem?

M.

M. Requiritur, ut Forma illa, Fabula, compositio (eodem enim recidunt hæc vocabula) sit una, magna, splendida, in suas partes rite distributa, & certo quodam ordine disposita: quibus verbis attinguntur, 1. Fabulæ epicæ dotes 2. Partes. 3. Dispositio: de quibus omnibus breviter disputandum est.

§. I. FABULÆ EPICÆ DOTES.

D. *Quæ sunt dotes Epicæ Fabulæ?*

M. *Quæ* Tres imprimis memorantur: Unitas, magnitudo Majestas,

D. *Quo modo erit Una illa Fabula, quæ res adeo diffuses, diversasq; complectitur?*

M. Erit illa una, si tanta sit illarum rerum omnium inter se connexio: ut in unum aliquid videantur coalescere; si, cum loco moveretur aliquid, aut refecatur: non bene sibi constet Fabula. Laudat Homerum Philosophus, (a) quod sive natura duce, sive arte in Odysseam non conclusit ea Ulyssis facta, quæ alia ex aliis non satis penderent. Ea certè laude florere dicenda est Æneis; cui si v. g. Trojani excidii, vel Eneæ per septem annos peregrinationis narrationem detrahas à Didone tam appositè expetitam, ut quis, ac quantus vir tenderet in Italiam, planè liqueret; vel si ludorum celebritatem, qui ad posteros transmitti deberent, subducas; vel si descensum ad inferos, ubi tam multa de Romano; quod fundaturus erat. Imperio di-

(a) Cap. 5.

dicit Æneas: silentiō prætermittas aliquid certè in ea Fabula desiderari s̄ntias.

D. Quo modo Magna erit Fabula Epica?

M. Philosophus (a) Epopœiam comparat cum animali, quod quamvis elegans, si pusillum est, bellum vocari potest, non pulchrū sin præter modum excreverit, monstrum fiet; debet videlicet naturali florere magnitudine. Ita se habet Pœma, quod nec brevius, nec longius esse oportet; sed ita temperatum: ut oculos magnitudine impleat, non fugiat.

Quæ cum univevse dicta sint: proprie magis ac definitè aliquid de justa Epopœiæ magnitudine statuendum est, monendumq; imprimis aliam esse Actionis, aliam Fabulæ magnitudinem: de prima non ago hoc loco, quæ in eo sita est, ut habeat Actio Initium, Medium, & Finem; ut supra docuimus. (b) sed de altera institutam esse quæstionem, ac proinde videndum, quæ sit illa magnitudo Fabulæ. Duplicem igitur illā facit Philosophus: unam Actionis, quam vocat, non nudā, aut suo parentis ornatu, sed compositæ; alteram quantitatis.

D. Quenā est magnitudo Actionis compositæ?

M. In eo posita est, ut uno circiter anno gesta fuerit, quæ est Actio primaria; sic Illiadi anqum dedit Homerus ex animadversione Mambruni, (c) Odysseæ tantum quinqu-

(a) Cap. 3. (b) Cap. 2. § 3. (c) Dif-
fert: perip, q. 7. n. 7.

quaginta dies, idem attribuit; *Aeneid* quatuor menses supra unum annum concessit Virgilius. Sed *Episodia*; aliaque adjectitia ornamenta nullis definiuntur temporis limitibus. cum *Ilias* novem annis, *Odysea* undeviginti res gestas comprehendat: & *Aeneis* quidquid interfluxit ab heroicis *Aeneas* temporibus ad ætatem Augusti Imperatoris.

D. *Quanam est magnitudo quantitatis?*

M. *Ponitur* est hæc in numero versuum, qui ad dena fere milia excurrit in *Aeneide*: duodena excedit in *Odysea*: octo, vel novem *Tragedias* vulgo dicitur æquare versuum numero *Epopœia*. Sed de hoc argumento redibit sermo inferius, cum de magnitudine dramatis disputabitur.

D. *Unde arcessetur majestas Epicae Fabulae?*

M. Ex triplici potissimum capite. 1. ex mirabili peripetitiarum, agnitionum, episodiarum, machinarum; contextu. 2. ex narratione dramatica: cum personas loquentes, agentesve adducet Pœta. 3. ex dictione illustri ac splendida, de qua diximus superius. (a)

§ II. FABULÆ EPICÆ PARTES.

D. *Quae sunt partes Fabulae Epicae?*

M. *Dux* assignantur, *Nexus* nimirum, & *solutio*.

D. *Quid est Nexus Fabulae?*

M. Est ea pars, quae ab initio Fabulae ad eam usque partem excurrit, qua tranat Pœta

(a) l. l. c. 10 § 3.

ab infelicitate ad felicitatem in Epopoela,
vel contra à felicitate ad infelicitatem in
Tragoedia.

D. Quid est solutio?

M. Est altera pars Fabulae, quae ab iHo tran-
situ usq; ad finē pertinet, v. g. quidquid in
Homeri Illiade certamen antecedit, quo de-
certavit cum Hectore Achilles, in Nexu po-
nitur: ipsum vero certamen est in Solutione;
Item in Aeneide, quaecumq; Aeneas & Turni
monomachiae praemittuntur, sunt in Nexu ipsa
monomachia in Solutione est.

*D. Quid potissimum observandum est circa
Nexum Fabulae?*

M. Ne varia sic taxantur episodica, quae in
Nexum cadunt potissimum: ut animum au-
ditoris delectando longius aberrant ab Acti-
one primaria, aut à fine Pœmatis sint pror-
sus aliena.

*D. Quid observandum est circa Solutionem
Fabulae?*

M. Primum, ut si qua sint in solutione e-
piscodica, ne longius petantur illa, sed spon-
te quasi oblata, & e re nata esse videantur;
alterum, ut ea sint brevia imprimis: quan-
doquidem in Solutione ad finem anhelat au-
ditoris animus, quem proinde longioribus
episcodis morari, minimè convenit.

*D. Licetne adhibere Machinam in Solutione
Fabulae?*

M. Alii negant; affirmant alii. Qui negant
iam I. ex eo capite tuerentur sententiam:

quòd solutio facta per machinam, Epopœiæ finì maximè officiat. Nam qui poterit ad Actionis imitationem Vir Princeps impelli, cui se festiat planè imparem: cùm intelligat auxiliò se plusquam humano ad simile aliò quid suscipiendum indigere 2. autoritatè obtendunt Aristotelis, qui vult fieri Solutionem non per machinam, sed ex verisimili, id est, ratione naturali, quâ res exire solet.

Qui verò affirmant: ajunt nihil ob stare, quo minùs per machinam solvatur Epopœiæ Fabula 1. ad imitationem Actionis posse impelli Vros Principes, in qua externò quidè numinis alicujus auxiliò adjuvatur Heros: dum otiosus ille Heros non remaneat, sed præstet per se plurimum, unde feliciter cedat præclarè factum. 2. Sic clausisse Epopœias præstantissimos Pœtas; esse v. gr. machinam in Odyssæ clausula, quæ Minervæ ope solvitur; esse in Æneide, ubi Turni cædes Jovis ductu & auspiciò, atq; etiam Furiz ministeriò conficitur. 3. Aristotelis præceptionem maximè locum habet in Tragedia: In Epopœia non item. ratio est, quia in Epopœia cum lateat magis machina, quam in Tragedia, ubi machina Dei è Coelo delapsa in theatrum producebatur: magis certè animos feriebat subjecta oculis ea machina in Tragedia, quam suscepta auribus in Epopœia; ac proinde minùs erat ferenda in Tragedia, quam in Epopœia. Vide Frizoni-

niam, qui tam fusè, quàm doctè eo de argu-
mento agit in Pœtica dissertatione de narra-
tion (a)

§ III. FABULÆ EPICÆ DISPOSITIO.

D. *Quanam est Fabulæ Epicæ Dispositio?*

M. Duplex est illa Dispositio: una rerum,
partium altera

D. *Quanam est dispositio rerum?*

M. Intelligitur illa Dispositio, é celeberrima inter magni nominis in re Pœtica aucthores orta dudum contentione: quorum alii volunt rerum, prout contigere, servari ordinem naturalem; alii contendunt, eundem debere perturbari: unde questio extitit, an Pœta ut Historicus, hunc servare debeat narrandi ordinem: ut quodcumq; primum contigerit, narret primum, & in ultimum locum conjiciat, quæ postremò facta sunt: vel contra, an debeat relicto naturali ordine pro arbitratu suo à mediis, aut etiam postremis auspicari?

D. *Quid statuis ea de re sentiendum?*

M. Eodem puto utramq; recidere sententiam; ac proinde non tam de re hic, quàm de voce disputari; nimirum quæ nomine appellanda sit ejusmodi narratio, ambigitur; cum in id omnes consentiant, optimè fuisse institutum narrandi ordinem ab Homero, Virgilioq; usurpatum, rerumq; permutationem perbellè cadere; verum alii contendunt non idèo perturbari ordinem diceadi naturalem: alii perturbari volunt. Quæ ut conciliantur in-

ter se, dicendum videtur: non perturbatè narrari, si spectetur sejuncta ab episodis A-
ctio primaria: perturbatè verò narrari, si o-
mnia simul accipiantur, neq; à primaria A-
ctione fecernantur Episodia.

*D. Jam verò quis ordo Partium servandus
est in Fabula Epica?*

M. Postèaquam Pœta Aetionem, qualè de-
scripsimus, animo informavit, personarum
mores & officia excogitavit, episodis, peri-
petias agnitiones & machinas commentus
est, suum cuiq; locum destinavit, ac opè tan-
dem aggreditur: 1. proponendo, quid canen-
dum suscipiat. 2. invocando numen aliquod,
cujus afflatu arduum opus perficiat. 3. rem
totam narratione prosequendo. Deniq; epilo-
gum aliquando sive perorationem attexendo.
Unde 4. Epopœicæ partes existunt: Propositio.
Invocatio, Narratio, & aliquando Peroratio.
de quibus omnibus modò nobis agendum
est.

CAPUT IV.

De Propositione Epopœicæ.

D. Quid est Propositio Epopœicæ.

M. Est prima pars Pœmatis Epici, in
qua Pœta breviter proponit, & summatim,
quid in reliquo pœmate sit dicturus.

D. Quæ sunt dotes illius Propositionis?

M. Quod Rhetores in Orationis Exordio

præcipiunt, ut appositè, ut breviter, ut verè
recundè contaxatur; idem omninò de Propo-
sitione Epopœiæ, quæ est ejus Exordium, di-
cendum est.

D. Quo modò appositè præmittetur Proposi-
tio?

M. Si non vagè, sed propriè, congruen-
terq; argumentò prætexatur, id est, si rei ca-
put designetur primis versibus; talis est Pro-
positio *Aeneidos*.

*Arma, virūq; cano, Trojæ qui primò ab oris
Italiam fato profugus, Laviniaq; venit
Littora.*

Quo modò brevis erit Propositio?

M. Si non excurrat latius in iis, quæ pa-
rum ad rem faciunt: ea enim tantum adhi-
benda sunt, quæ valeant ad docilitatem, &
attentionem comparandam cum aliqua, si o-
pus est, benevolentia in legè brevitatis pec-
cat Jovianus, Pontanus in principio *Ura-
nix*:

*Qui Cœlo radiant ignes, quæ sidera mundo
Labantur tacito, stellis quibus emicet ingens
Signifer, &c.*

Ubi vides crebram, ejusdem rei expressio-
nem ignes, sidera, stellas, Cœlo, mundo taci-
to &c. quæ omnia eòdem recidunt. Quantò
aptius est initium *Georgicon* Virgill!

*Quid faciat letas segetes, quo sidere terram
Vertere, Meccenas; ulmisq; adjungere vites
Conveniat: quæ cura boum, qui cultus ha-
bendo.*

Sit pœori, atq; apibus quanta experientia
parcis:

Hinc canere incipiam.

Hic nihil redundat, sed libri Georgicon
singuli singulis fere numeris, aut incisis de-
signantur,

Verùm alla est prorsus ratio Panegyrico-
rum, ubi exordimur aliquando à descrip-
tione; vel, proposita quæstione, latius excurri-
mus: ut videre est apud Claudianum in Pa-
negyricis.

D. Quo modò verecundè & modestè fiet Pro-
positio?

M. Si absit omnis ingenii, doctrinæq; ja-
statio, omnis granditas ac tumor, & excul-
sitor ornatus. Cyclicum Pœtam, seu circū-
foraneum, qui Carmen in Coronam ad glo-
riam aucupandam recitabat, acriter repre-
hendit Horatius; quòd sic exortus fuisset:

Fortunam Priami cantabo, & nobile bellum,
adjungit mox.

Quid dignū tanto feret hic promissor hiatus?
Parturient montes, nascetur ridiculus mus.

Deinde prædicat Homerum, qui modestius
Odysseam incipit, & paulatim assurgit ma-
gnificentiùs.

Quartò rectius hic, qui nihil molitur incepto?
Dic mihi, musa, virum capta post tempora
Troja,

*Qui mores hominum multorum vidit, & ur-
bes.*

*Antiphatem, Scyllamq; & cum Cyclope Cha-
rybdim.*

initium Pharfaliæ affectatiôis videtur & tumidius:

*Bella per Æmathios plus quam civilia campos,
Fusq; datum sceleri animus, populumq; po-
tentem,*

In sua victrici conversum viscera dextra.

Cognatasq; acies & rupto fœdere regni

Certatum totis concussi viribus orbis

In commune nefas, infestisq; obvia signis

Sigaa, pares aquilas, & pila minantia pl-

lis.

Quæ carmina, ut nihil dicam de voce plusquam initio pœmatis usurpata, tam vasta sunt, sonantia, tumida: ut fateatur Scalliger, se videri sibi audire Lucanum, non tam canentem, quàm latrantem. Nihilò fuit verecûdior Statius in Principio Achilleidos:

*Magnanimū Æacidē, formidatamq; Tonanti
Progeniem, & patrio vetitā succedere Cœlo,
Divæ refer!*

Ubi versu primo sexies literam a repetitâ habes, tres cõtinuas voces tetrasyllabas, quæ negotium facessant pronuntiant.

CAPUT V.

De Invocatione Epopœix.

D. *Quid est invocatio in Pœmate Epico?*
M. Est ea pars Pœmatis Epici, in qua numen aliquod invocatur, ejus afflatu carmen, quod per se arduum est, & humano ingenio majus habetur, tandem perficiatur. Quæ invocatio attentionem & admirationem

COM.

commovet, atque etiam summam operi conciliat auctoritatem: ut quasi divinitus, quæ canuntur, postmodum efferantur.

D. Etsi semper adhibenda Invocatio?

M. Cum grave aliquod scribitur pœma, illa adhibetur; in minoribus verò pœmatis, maximè in panegyricis frequenter omititur.

D. Sejungiturne Invocatio à Propositione?

M. Sejungitur aliquando, aliquando cum illa involvitur. Latini Epici ut plurimum sejungunt; sic apud Virgilium post hanc propositionem, *Arma Virumque cano, &c.* sequitur invocatio: *Musa mihi causas memora &c.* Græci vulgò invocationi Propositionem implicant; sic Homerus orditur *Iliadem*: *Iram cano Dea Pelida Achillis, &c.* Sic *Odyssæam*: *Virum mihi dic Musa, &c.* Atque etiam apud Latinos Lucretius, Statius, Vida, & Virgilius ipse in *Ecclogis* Invocationem cum propositione permiscet, Id autem fit opportunè, cum opera principibus inscribuntur viris, quos honorificè statim appellamus.

D. Repetitur invocatio in decursu Pœmatis?

M. Repetitur, cum res gravior dicenda occurrit, ac cum comparatur attentio. cum significatur tanti rem esse: ut opus sit divine quodam afflatu ad eam pro dignitate exponendam.

D. Qui sunt invocandi in pœmate?

M. Ethnico Pœtæ profana, & commentitia

tia numina liceat invocare; at Christiano Divinus Spiritus, Christus Servator, Virgo Deipara, Angelus Tutelaris, aut is, cujus res gestæ canuntur, Vir Sanctus implorandus est. Item si res præclarè gestas Ducis alicujus, aut Principis scribimus, aut si illi opus dicamus: commodè ille potest invocari; ut exemplò suo docuit Virgilius in 1. Georg: his luculentis carminibus:

Tuq; adeo, quem mox, quæ sint habitura Deorum

*Concilia, incertum, Urbesne inwisere Cæsar,
Terrarumq; velis curam, &c.*

Sic Lucanus Neronem in Pharasalla, Valerius Flaccus in Argonauticon, & Statius in Thebaidos Domitianum invocant. Atq; hinc observandum est, licere Poëtæ Christiano in Sacro pœmate Musas usurpare pro Poëtica facultate, pro sacro impetu, atq; enthusiasmo, Jovem pro cælo, Neptunum pro mari, pro bello Martem; adeoq; hæc allaque his similia hoc sensu accepta posse pœmatis de Christianis mysteriis scriptis inferi.

CAPUT VI.

De Narratione Epopœiæ.

D. Quid est Narratio Epopœiæ?

M. Est pars, seu potius corpus pœmatis, cui Propositio & Invocatio quasi facem præferunt, parantq; attentionem, & docillitatē. Cum autem non tam verum, quam verisimil-

Le Pœtæ fit propositum; sic non tam rei gestæ, quàm velut gestæ expositio dici debet hæc Narratio.

D. *Quid est spectandum maximè in illa Narratione?*

M. Cùm tam latè pateat, ut totum pœma exhaustiat; cadunt in illam, quæ hæctenus omnia de Epopœia, atq; etiam de pœsi universè sumpta diximus. Quare addenda sunt aliqua dumtaxat circa proprias, quæ vulgè assignantur, illius dotes.

D. *Quæ sunt illæ dotes?*

M. Tot Epicæ, quot Oratoris Narrationi dotes tribuuntur: Brevitas, Perspicuitas, probabilitas & Sævitas

D. *Quo sensu narratio Epica debet esse brevis?*

M. Eo sensu. ut crebriores, prolixioresq; digressiones ne adhibeantur, maximè si ad rem parvam faciunt. Arguitur Catullus, quod dimidiū pœmatis de nuptiis Pelei, & Tethidos in descriptione vestis. Ariadnæq; fabula consumpserit. Fabulæ epicæ, qualè descripsimus ferretur magnitudo, quæ longior non erit: si nihil adducatur inane, quod recidi possit; Nam ut aentè Martialis.

Non sunt longe, quibus nihil est, quod demere possis.

Sed tu, Cæcæboni, disticha longa facis,

D. *Quo modo debet esse perspicua Narratio?*

M. Si alludatur quidem ad fabulas, & historias, si usurpentur helenismi, seu formæ

loquendi à Græcis desumptæ: sed id tamen: ut à quovis non imperito facillè intelligantur; si vocabula obsoleta & ex altissimis antiquitatis ruderibus effossa, ac proinde obscura vitentur. Sanè ut quisq; disertissimus est, ita loquitur apertissimè, sed sat multa eo de argumento tradidimus supra in Dictione Pœtica.

D. Quo modò debet esse Probabilis illa Narratio?

M. Eo sensu, ut sit verisimilis: nihil debet magis curare Pœta, ut jam sæpe docuimus. Itaq; quod rectè monet Horatius:

*Ficta voluptatis causa sint proxima veris,
Nec quodcumq; volet, poscat sibi fabula credi.*

In locis, temporibusq; notandis, maximè verò in effingendis personis, hujus verisimilitudinis habenda est ratio.

*Ætatis cujusq; notandi sunt tibi mores,
Mobilibusq; decor naturis dandus. & annis*
inquit idem Horatius, qui varios hominum mores luculenter ibidem describit. Ubi tamen velim advertas, non tam arctis circumdari terminis probabile, ut locus non sit Admirabili, quod in pœmate spectatur imprimis

D. Quo modo sua vis erit Narratio Epica?

M. Si elegantia, & jucunditate verborum sonantium, leniumq; floreat, quod de oratione monet Tullius: si neq; asperas habeat concursus, neq; disjunctos atq; hiantes: si sit circumscripta non longo anfractu, sed ad
121.

spiritum vocis apto: si eodem semper tenore non decurrant carmina. Item s̄vavis erit, si intexantur hypotyposes, suspensiones, metaphors, exclamationes, & admirationes: si interponantur motus animorum, mores & colloquia personarum, obliquæ orationes, exitus inopinati, dolores, lætitiæ, metus, cupiditates, iracundiæ pro rerū varietate. Sed nihil ad s̄vavitatē accommodatius est, quàm idonea rebusq; ipsis consentanea modulatio numerorū: de qua egimus in Dictione Pœtica.

CAPUT VII.

De Epilogo Epopœiæ

D. *Apponitur nē Epilogus, & quasi peroratio Epopœiæ?*

M. Apponitur, non semperquidē, sed aliquando tamen; & Epopœiæ, & allis Pœmatis: atq; etiam interdum in ipso decursu operis post aliquod nobile factum. Ita Virgilius in 9 *Æneid*: narrata Nisi, & Euryali celeberrimi paris amicorum exde, rem hoc Epilogo sive epiphonemate concludit:

*Fortunati ambo si quid mea carmina possunt,
Nulla dies unquam memori vos eximet &*

*Dum domus Æneæ Capitoli immobile saxum
Accolet, imperiumq; pater Romanus habebit.*

In fine sapiūs suorum operum Epilogum uterant Pœtæ variis modis. Nam aliquando

do indicant ea, quæ cecinerunt, & temporis, loci, ætatis, occuppationum suarum aliquam mentionem attexunt; Ita Virgilius in fine Georgic.

Hæc super arborum cultu. pecorumq; canebam.

Et super arboribus: Cæsar dum magnus ad altum

Fulminat Eupbratē bellō, victorq; volantes
Per populos dat jura, viamq; affectat Olym-
po.

Illo Virgilium me tempore dulcis aiebat
Parthenope studiis florentem ignobilis otii,
Carmina qui lusi pastorum, audaxq; juven-
ta;

Tityre, te patula cecini sub tegmine fagi.

Aliquando gratulantur, & immortalitatis spe sibi blandiuntur. Sic Ovidius in fine Metamorphoseon canit:

Famq; opus exegi, quod nec Jovis ira, nec ignes,

Nec poterit ferrum. nec edax abolere ve-
tustas.

Cum volet illa dies, quæ nihil nisi corporis hujus

Fus habet, incerti spatium mihi finiat ævi;
Parte tamen meliore mei super alta perennis
Astra ferar, nomenq; erit indelebile nostra.
In eundem sensum librum tertium carmi-
num claudit Horatius:

Exegi monumentum ære perennius,

Rexaliq; situ Pyramidum altius:

Quod

Quod nec imber edux, aut Aquilo impotens
 Possit diruere, aut innumerabilis
 Annorum series & fuga temporum.
 Non omnis moriar &c.

Modestius suam Thebaida affatur Statius
 in fine,

Durabisne procul. Dominoq; legere superstes.
 O mihi bisseos multum vigilata per annos
 Thebaid? jam capta presens tibi fama beni-
 gnum

Stravit iter, cepitq; novam monstrare futu-
 ris.

Fan te magnanimus dignatur noscere Ca-
 sar,

Itala jam studio discit, memoratq; juventu
 Vive precor, nec tu divinam Aeneida ten-
 ta,

Sed longè sequere, & vestigia semper ado-
 ra.

Mox tibi si quis adhuc prætendit nubila li-
 vor.

Occidit, & meriti post me referentur bono-
 res:

Epilogum Epopœis minime necessariom
 est, demonstrant, Illas, Odyssea & Aeneis,
 quæ ipsa narrationis absolute conclusuntur.

POETICARUM

LIBER III.

De Dramate.

M. **E**picam Pœsim excipit proximè Dramatica, de qua sic disputabimus: ut in Pœma Dramaticū universè primū, deinde in singulas ejus species inquiramus, ac pro instituto dicendi ordine, definitionem, materiam, formam, partes, finem aliasq; quæ ipsam tum generatim, tum singulatim efficiunt, proprietates breviter exponamus.

CAPUT PRIMUM.

Definitio Pœmetis Dramatici.

D. *Quid est Pœma Dramaticum?*

M. **I.** Si vocis etymon spectes: à voce Græca Latina agere dicitur Pœma Dramaticū quod totum sit in actione: unde Actores vocantur ii, qui eo in Pœmate colloquuntur.

2. Si rei definitionem quæras: est *Imitatio Actionis, unius, totius, juxta magnitudinis, veræ, vel falsæ verisimilis, insignis, vel vulgaris, felicitis, vel infelicitis; quæ metrò & harmoniâ, non narrando, sed agendo, vel quosdam animi affectus excitat, & perpergat, vel vitæ privata exemplum proponit.*

D. *Explica, quæso, singulas voces.*

M. **I.** Dicitur *Imitatio Actionis;* quia cùm
Pœ-

Pœsis in Imitatione actionum humanarum fit posita ut in initio docuimus: species quoq; illius singulæ ejusmodi actiones imitantur.

2. Dicitur *Actionis unius, totius, justæ magnitudinis, veræ, vel falsæ, verisimilis, insignis vel vulgaris felicitis, vel infelicitis*: quibus verbis partim Dramatica Pœtis cū Epica convenit, cujus Actio est una, tota, magna, vera, verisimilis, illustris, ac felix: partim ab eadem discrepat: cū Actio Dramatica possit esse falsa & vulgaris: si scribatur Comœdia; infelix, si Tragedia.

3. Dicitur Pœma Dramaticum *imitari metrum & harmoniâ*: quia inducuntur personæ colloquentes inter se, non soluta, sed vincta oratione: cui cantus in certis quibusdam locis adjicitur.

4. Dicitur *non narrando, sed agendo imitari*: quia nihil ipse Pœta exponit, aut commemorat, ut in Epopœia: productis in scenâ personis sermonem tribuit, easq; inter se agentes, negotiantesq; exhibet.

5. Dicitur *vel excitare os purgare affectu, vel privata vita exemplum proponere*: quibus verbis, tum officium, tum finis pœmatis illius attingitur. Excitat enim, ac purgat affectus Tragedia; vitæ privatæ proponit exemplum Comœdia; mores utraque ut omnis Pœsis, rectè instituit.

CAPUT II.

De Materia Pœmatis Dramatici.

D. *Quænam est materia Pœmatis Dramatici?*

M. Est Actio una, tota, magna, vera, vel falsa, verisimilis, insignis, vel vulgaris, felix, vel infelix.

D. *Quo sensu debet esse una, & tota illa Actio?*

M. Eo sensu, ut nec in plures actiones primarias dividatur; nec suo initiô, medio, ac fine careat, ut supra docuimus,

D. *Quo sensu debet esse Magna?*

M. Eo sensu, ut eô usq; crescere possit ac debeat: donec tandem pro rerû natura, quæ aguntur, necessariô, vel commodê mutatio inferatur in Fabula implexa; & in simplici juxta naturalem rerû exitum suis imponatur, qui supremus est Actionis terminus; qualis sit ille, patebit ex dicendis inferiùs.

D. *Quo modò erit Vera, vel Falsa?*

M. Si verè contigerit, aut non contigerit; quando autem, & quatenus veritas, vel falsitas Actioni Dramaticæ conveniat; dicetur postea, cùm agetur de Tragedia, & Comœdia (a)

D. *Quo sensu debet esse Verisimilis?*

M. Eo sensu, ut nihil afferatur, quod sit præter naturalem rerum ordinem, spectatis circumstantiis, in quibus dicitur illa actio contigisse.

D. *Quo modò Actio illa insignis erit? vel Vulgaris?*

M. Talis erit vel ratione sui, vel ratione agentium personarum. Quid conveniat Tra-

63 *Instit: Pœtic: Liber III.*
gœdiz, quid Comœdiz, explicabitur infelicitas. (a)

D. Quo modo erit Felix; vel infelix illa Actio?

M. Ratione exitus felicitis, vel infelicitis scilicet hic appellari Felix, vel infelix Actio; adeoque Felix est, quæ licet multas contineat turbas, fortunato tamen exitu concluditur: & contrâ infelix illa est, quæ quamvis prosperè admodum in decursu succedat, luctuoso tamen fine terminatur. Quatenus autem Actioni Tragicæ, vel Comicæ congruat felicitas aut infelicitas: suis locis exponetur.

CAPUT III.

De Forma Pœmatis Dramatici.

D. Quæ est Forma Pœmatis Dramatici?
M. Est Fabula, live Compositio Actionis: in qua, ut in Epica, consideranda sunt Dotes, Partes, & Dispositio.

D. Quæ sunt dotes Fabulæ Dramaticæ?

M. Prima est Unitas, altera Simplicitas, tertia Magnitudo.

§ I. UNITAS & SIMPLICITAS FABULÆ DRAMATICÆ

D. IN quo posita est Unitas Fabulæ Dramaticæ?

M. In tanta partium omnium, rerumque diversarum inter se connexione: ut in unum aliquid videantur coalescere.

(a) C. 9.

D.

D. Quo modo simplex esse debet Fabula Dramatica?

M. Geminam tribuit huius voci notionem Philosophus (a) qui Fabulam simplicem modò duplici, modò opponit implexæ. Fabula simplex, quæ duplici opponitur, est ea, in qua oritur unus status eorum, de quibus est Fabula, qui è felicibus infelices, aut contrâ ex infelicibus felices existunt. Duplex verò ea est, in qua alii felices, infelices alii evadunt. uti fit in Odyssæa, ubi felix Ulysses, Proci infelices: & in Æneide felix Æneas, Turnus infelix efficitur. Atq; hoc sensu simplicem Fabulam esse vult Aristoteles (b) in Dramate; aut saltem longè anteponit duplici; quòd multò magis valeat ad affectuû commotionem. Commoventur enim illi vehementiâs: cum grandi omnes, nullo exceptò, excipiuntur calamitate in Tragoedia; in Comœdiâ verò placet magis, si lætus est omnib; Actoribus, ac fortunatus exitus.

Fabula simplex, quatenus opponitur implexæ; ea est, quæ est una continua sic, ut sine peripetia, id est, sine manifesta in contrarium mutatione, aut agnitione ad finem deducatur. Fabula verò implexa ea est, quæ cum peripetia sive mutatione, aut agnitione, aut utraq; simul ad finem usq; procedit.

D. De exemplum utriusq; Fabulæ, simplicis, & implexæ.

M. Habes simplicem Fabulam in Ajace So.

(a) c. 9 Pœt. 1. (b) cap. 1.

Sophoclis, & Hercule furente Senecæ & a
 bi passim multis in locis. Ibi enim nihil a
 cidit præter expectationem; v. g. Ajax pl
 nus animi, & contemptus impatiens furi
 posteaquàm verò ad se fediit, præ pudore
 bi mortem consciscit: eodem fere modò He
 cules se gerit, nisi quod supersit.

Fabulæ implexæ eximium habes exemp
 apud Senecam in Oedipo: ubi cum Oedipu
 missus Corinthò senex adiiisset, ut signific
 ret, Regem ipsum à Coriothiis pronuntia
 esse, atq; hac ratione gratissimum illi nunc
 um afferre se existimaret: contrarium effeci
 Paulatim enim intellexit ille, se & pa
 ricidam, & incestis Jocastæ matris implic
 tum nuptiis; atq; hinc subitò, & præter
 omnium expectationem factus est infeliciss
 mus. Ubi vides mirabilem peripetiam
 mul, & agnitionem. Atq; hac Fabula, qu
 implexa dicitur, longè præstat simplici, jux
 mentem Philosophi, qui præcipit Fabula
 Dramaticam esse simplicem: quatenus vid
 licet illa duplici, non verò quatenus impl
 xæ opponitur,

§ II. MAGNITUDO FABULÆ DRA MATICÆ.

D. *Quenam est iusta Magnitudo Fabulæ
 Dramaticæ?*

M. Quod oculis evenire solet, cum co
 pus videmus; idem planè accidit memoriæ

in dramaticam Fabulam excipimus (a) enim, quæ vastiora sunt, oculorum connectum sic memoriæ captum, quæ sunt longiora, facilè excedunt: utriusq; verò facultatis vim, quæ sunt minutiora, fugiunt. atq; hinc factum est, ut quemadmodum in omni corpore, sic qualibet in Fabula Dramatica justa quædam debeat esse magnitudo, nam uno quasi intuitu complecti possit auctor; ne distracto in plura, aut obruto rerum ultitudine animò remittant, ac frigeant, ut concitabuntur, affectu. Quæ lex pro Tragicis posita, valet etiam pro comicis: ubi per affectuum commotionem privatæ vitæ vitæ instituendæ ratio quaeritur.

D. Quenam est igitur illa Magnitudo?

M. Præter assignatam superiùs magnitudinem Actionis, quæ materiæ locum tenet, duplicem insuper facit illam Philosophus: unam Actionis compositæ, quæ Forma est seu Fabula; alteram, quam vocat quantitatis.

D. Quenam est magnitudo Actionis compositæ?

M. In eo posita est, quæ dicitur Actio primaria: ut uno Solis ambitu contineatur, (b) id est, ut unum diem naturalem, vel nullò modo, vel parum certè excedat atq; etiam ut breviori temporis spatio, puta duabus, vel tribus horis possit definiri; imò eò perfectior, & convenientior erit illa Actio: quo

ma-

(a) *Arist. c. 5.* (b) *Arist. c. 2.*

magis accedet ad tempus, quo solet in scena exhiberi. Sed latius multò possunt excurrere, quæ adhibentur Episcœdia, quàmvis & ratio: ra, & breviora esse oportebit, quàm quæ ad- jiciuntur in Epopœia; ne rerum multitudi- ne, ac varietate animus distrahatur; atq; o- brustur, sic in dramate ut ad primariam ac- tionem non satis attendat, minusq; concipiat, qui debent hinc oriri potissimum af- fectus. Atq; eo sensu accipienda sunt Philo- sopheri verba; cùm Tragœdiam inter, & Epo- pœiam id quoq; assignat discriminis; ut cer- tò quodam tempore Tragœdia, nullo defini- atur Epopœia.

D. *Quanam est magnitudo Quantitatis?*

M. Quantitas illa posita est in numero versuum: ad ducentos, trecentosvè supra mille, atq; etiam apud Recentiores ad duo millia recensentur; hæc autem lex optima fu- erit, ut inter ternas & senas horas exhibea- tur Drama: adeo, ut nec brevius sit, nec lon- gius: non brevius quidem; ne fortè locus non detur concitandis, ut par est, affectibus; non etiam longius; ne possit usurpari illud Plautinum: *Lumbi sedendo, & oculi spectando dolent.* Jà verò quæ sint partes Fabulæ Dra- maticæ, aut quæ illarum dispositio: patebit ex dicendis capite proxime consequenti, & ex capite II.

CAPUT IV.

De Partibus Pœmatis Dramatici.

D. *Quæ sunt partes Pœmatis Dramatici?*

M. *Q*uæ cum Pœm. Dramaticum ex materia constet, quæ est Actio, quam descripsimus, & forma, quæ est eadem Actio composita, excutit q, de qua modo egimus; h'nc factum est, ut modò materiæ, modò formæ, modò utriusq; simul habita ratione, in suas partes variè soleant Auctores illud pœma distribuere. Sex omninò Dramatis in suas partes reperio divisiones.

D. *Affer, quæso, & explica illas omnes divisiones.*

M. Prima divisio est in *Diverbiû & Choricum*, quæ omnium maximè generalis est; nã quidquid est in Dramate, ad hæc duo genera revocatur, ut geratur, aut canatur. Diverbium itaq; est ea pars Dramatis: in qua colloquuntur: aguntvé inter se, qui dicuntur Actores. Choricum verò dicitur illa pars in qua iidem Actores, vel alii concinunt aliquid cum Dramate conexum, de quo postea.

Altera divisio In *Nexum & Solutionem* tã late patet, quàm prima: quævis alio modò Drama partiatur. Nexus in Dramate, ut habet Aristoteles, (a) est totû id, quòd à principio ad ultimam usq; pertinet partem, ex qua fit mutatio fortunæ; hac autem mutati.

one

(a) Cap. 16 Pœt.

one felicitati infelicitas in Tragedia, & felicitas infelicitati succedit in Comœdia. Solutio verò à mutantis principio ad finem usq; protenditur. Sic in Oedipo Seneca, quiddam antecedit illum locum, ubi se tandem & patris interfectorem, & matris maritum agnoscit Oedipus, unde summa oritur infelicitas, est in Nexu; reliqua sunt in solutione. Sed de Nexu & Solutione, quantum factis est, dictum superius (a) in Fabula epica.

Tertia divisio (b) sit in Prologum Episodiam, Exodum, & Choricum. Prologus præcedit primum cantum; diciturq; ea pars continere quasi semina omnium, quæ dicenda sunt in reliquo dramate: adeo, ut Actorum nemo producat in Scenam, qui non sit cognitus in Prologo, vel de vultu, vel de nomine, vel alio quovis modo. Quod tamen de illis debet intelligi, quorum res hic agitur præcipue; potest enim è domesticis, amicisvè de novo aliquis induci.

Episodium hoc loco juxta Aristotelè continet tres Actus intermedios, adeoq; tam primariam Actionem, quàm secundarias, sive adjunctitias comprehendit. Ubi notari velim: & Actionem illam primariam, & secundarias etiam esse Actoris primarii: quàmvis hæc quoq; actiones adjunctitias possint esse illorum, qui sunt post primarium Actorem nobiles, qui vocantur ideo Actores Episodici.

E-

(a) Lib. 2. C. 3. § 2. (b) Aristot:
e. 1. N. 10.

Exodus est quintus Actus, ubi Catastrophe, de qua mox, sicuti & de Choro capite proximè consequenti.

Quarta divisio fit in Protasin, Epitasin, Catastasin, & Catastrophen.

Protasis. quæ significat præstitutionem & præordinationem, est Dramatis initium: in quo proponitur summa rei sine exitûs declaratione, ut animus auditoris suspensus teneatur; nam si præsciretur Fabulæ exitus: non sic placerent, quæ postea dicerentur.

Epitasis, quæ rei constitutionem significat, vel, ut alii interpretantur, exaggerationem est ea pars, quæ Protasin proximè consequitur, & in qua turbæ excitantur, totaq; rei negotiatio magis ac magis involvitur, diciturq; Latinis nodus erroris.

Catastasis est ea pars, in qua continuatur rerum perturbatio: ostenditur tamè quo modo possint illæ postea explicari: unde à multis Catastasis confunditur cum Epitasi.

Catastrophe, quæ subversionem sonat, est ea pars, in qua totum negotium dissolvitur: cum Actor primarius à felicitate transit ad infelicitatem, vel contrâ. Ad extremum drama, si ita fieri possit, illa est rejicienda: quò magis auditoris animus suspendatur, ac delectetur.

Quinta divisio fit in quinq; Actus, qui sic appellantur ab actione, cujus sunt partes; quare tot sunt illi Actus: quot habet Actio diversas partes, & præcipuas; quinq; recen-

sentur. Primus argumentum exponit, at non rei exitum; secundus rem propriè deducit in actum, tertius turbas cie; quartus viam ostendit, quâ res implicite dissolvantur; quintus impedita artificiosè expedit. Quare nec plures, nec pauciores esse jubet Horatius,

*Nevè minor, nec sit quinto productior actus
Fabula, quæ posci vult, & spectata reponi.*

D. Estne semper eadem Actuum magnitudo?

M: Augetur illa, vel minuitur pro ratione rerum, quæ tractantur, quæ possunt esse magis minusve graves, populoq; jucundæ. Jam verò Actus in varias Scenas distribuuntur.

D. Quid vocas Scenam in Actu?

M. Scena dicitur pars Actus, in qua una, vel plures personæ colloquuntur: designatur autem personarum vel adventu, vel interventu vel abitu.

D. Quot sunt Scenæ in uno Actu?

M. Plures sunt pro ratione rerum, quæ possunt esse graviores, vel jucundiores: pauciores olim adhibebantur: jam ad tredecim, & amplius numerantur,

D. Quot sunt Actores in Dramate?

M. Plures esse quam quatuordecim, vetant Artis Magistri: qui si prodeant simul in Scenam, tres tantum, aut quatuor ad summum loqui permittuntur. Ita præcipit Horatius-

Nec quarta loqui persona laboret.

Sexta divisio (a) fit in Fabulam Mores, Sen.

(a) Arist: c. 4.

Sententiã, Dictionem, Melodiam, & Apparatum. Fabula, quam diximus esse constitutionem rerum, & actionum compositam, instar animæ obtinet in dramate: & continet actiones mores, affectus, peripetias, agnitiones. ac reliqua, quæ vocantur Fabulæ ornamenta: quare non tam pars Dramatis, quàm ipsum Drama debet appellari.

D. Quo modo itaq; Mores, Sententia, & Dictione cum Fabula dicuntur Drama ex æquo partiri?

M. Quia inter Fabulæ partes sic eminet: ut Drama partiri cum ipsa dicantur ab Aristotele.

D. Quid hic intelligis per Mores, Sententiam & Dictionem?

M. Morum nomine docuimus intelligi indolem & ingenium cuiusq; diximusq; requiri bonos, convenientes, & æquabilis tenoris. Sententia significat sensus, qui genuini Morum partus esse solent, ac proinde debent esse illis imprimis accomodati. Dictio est dicendi ratio, quæ Dramati conveniat: de qua in Tragedia & Comœdia.

D. Quò sensu Melodia, & Apparatus dicuntur esse partes Dramatis?

M. Quia quamvis extra Drama esse censentur: ad ejus tamen splendorem cum conferant plurimum (sicut ad commotionem affectuum) dux quoq; Dramatis partes vocantur à Philosopho (a) Quare de aliis cum

egerimus superius: de his quoq; modò agendum est.

CAPUT V.

De Choro in Dramate.

D. *Quid est Chorus in Dramate?*

M. *Q* Est pars Fabulæ, quæ sequitur, vel etiam præcedit Actum cum concentu. Dicitur 1. pars Fabulæ eo sensu, quò dictum est jam in fine proximè superioris capituli 2. Sequi Actum, aut etiam præcedere: quòd Actui soleat postponi. raro præponi. 3. Cum concentu, quòd, qui choru agunt, concinnere soleant, atq; etiam aliquando loquantur.

D. *Quid canitur à Choro?*

M. Non canitur quidlibet, sed aliquid cù Fabula conjunctum. & affine argumêto, quòd tractatur. Nam vel ferebant judicium de His, quæ gererentur in Fabula: vel favebant bonis & lugentibus: vel monebant iram esse frenandam, insanosq; motus cõdereandos: vel lugebant cum miseris, vel superos deprecabantur. Chori officia expressit Horatius his versibûs:

*Abioris partes Chorus, officiumq; virile
Defendat: non quid mediis intercinat Actus,
Quod non proposito conducat: & habeat aptè.*

*Ille bonis faveatq; & conslietur amicis,
Et regat iratos, & amet peccare timentes.
Illo capes laudet mensa brevis, ille salubrem*

Furtivam, legesq; & apertis otia portis.
Ille togat commissa, Deosq; precetur & orco
Ut redout miseris, obeat fortuna superbis.

CAPUT VI.

De Scenico Apparatu.

D. Quid est Aparatus Dramatis?

M. In Fabulæ partibus reponitur à Philosopho Apparatus ille, qui rectè dici potest ornatus ille omnis, quò & Scena, & Personæ instruuntur ad exhibendam ex arte Fabulam.

D. Qualis debet esse Scena ornatus?

M. Per Scenam hic intelligitur locus, ubi exhibentur Dramata: de quo difficile est aliquid præcipere, ob multiplicem Dramatum varietatem. Agebantur ludi scenici in theatro, quò in modum hemicycli erat: in eotz spectabantur maximè. Scena. Orchestra, Proscenium. Scena est frons theatri ab una toro ad alteram cum coopertura. Orchestra locus est, in quo spectatores Drama intuebantur. Proscenium item locus ante Scenam per, rectus, in quem Actores dicturi prodibant Scena itaq; altior erat pulpito, pulpitu prosceniò proscenium Orchestra.

D. Qualis debet esse Personarum ornatus?

M. A diverso vestium genere diversas quoq; fortiebantur appellationes Dramata, si-ve Fabulæ: palliatz vocabantur Græcorū Fabulæ; quòd palliò Græci Actores uterentur; Latinorum togatz; quòd togas illi adhiberent

dicebantur item apud eosdem Latinos prætextæ Fabulæ, quæ Regū, Principum, & Virorum illustrium actiones imitabantur; quod personarum istiusmodi esset prætexta. Togarum tantum vocabantur, quæ actiones privatorum hominum exhibebant; quia toga erat vestis popularis juxta illud Horatii: *vel qui prætextas, vel qui docuere togatas.* De vestium forma, ornatuq; in Dramate nihil certi jam potest afferri; quod varientur vestes pro diversitate regionum, ac personarum, quæ in Scenam inducuntur.

Postquàm ea protulimus, quæ ad Drama spectant universè: nunc de Tragedia & Comœdia, quæ sunt ejus partes, videamus.

CAPUT VII.

Definitio Tragediæ.

D. Quid est Tragedia?

M. I. Secundùm vim vocis Tragedia est cantus ob hircū: deducitur enim à vocabulis *Trægos Hircus* ody cantus; quod Tragedia prius fieret cantando in honorem Bacchi, cui hircus vinearum hostis mactabatur; sive quod hircus præmium esset certantibus, juxta illud Horatii;

Carmine, qui tragico vilem certavit ob hircum.

Deducitur etiam Tragediæ vox, juxta alios, à nomine *Trox Fax*: quia ora facibus perlinebant Actores ante usum perso-

narum ab Æschilo repertum, juxta hæc Horatii carmina:

Ignotum Tragicæ genus invenisse camœna
Dicitur: & plaustris invenisse Pœmatâ The-
spis.
Quæ canerent, agerentvê peruncti fœcibus
ora.

2. Definitor (a) Tragicæ: Imitatio A-
ctionis unius, totius; veræ, verisimili, & insi-
gnis: quæ mêtro, & harmoniâ, non narrando,
sed agendo, misericordiam ciet, ac terrorem;
ut affectuum expiationem, seu purgationem in-
ducat.

D. Explica, quæso, singulas definitionis par-
tes.

M. 1. Dicitur Imitatio Actionis, quia Pœ-
sis maximè Dramatica, Actiones humanas
imitatur: ut diximus superius,

2. Dicitur Actionis unius, totius, veræ, ve-
risimilis, insignis: quibus verbis notatur ma-
teria Tragicæ, qua partim convenit cum
Epopœia, & Comœdia, partim ab iisdem
discrepat. Nam materia Epopœiæ est Actio,
quæ habet quidem omnes illas dotes, sed de-
bet insuper felici exitu terminari: quod in
Tragicæ non cadit, quæ sæpius infelicem,
rarò admodùm felicem habet exitum. Comœ-
diæ verò Actio vulgaris est, & obscura.

3. Dicitur Metro, & harmonia perferri Tra-
gœdia: quò sermonem non qualemcumq; sed
metro adstrictum, ut alia Pœseos genera,

D 4

re-

(a) Arist. Cap. 4.

requirat; item & harmoniam. seu cantū, qui ad affectuum commotionem faciat imprimis.

4. Dicitur non narrando, sed agendo exhiberi Tragedia: quia, cum sit pœma dramaticum, tota debet esse in Actione: quò pacto ab Epopœia discrepat, quæ partim in rerū narratione, partim in actione sita est: Pœta modò narrante per se, modò alios narrantes, agente sive inducente,

5. Dicitur excitare misericordiam & terrorem, ut affectuum expiationem purgationemque inducat; quibus verbis Tragediæ finis attingitur: de quo postea pluribus.

CAPUT VIII.

De Materia Tragediæ.

D. *Qua est Materia Tragediæ?*

M. *Est Actio una, tota, vera, verisimilis insignis, & infelix. (a)*

D. *Quo sensu Actio Tragediæ debet esse una?*

M. *Et sensu 1. ut sit quædam Actio primaria, quæ in plures alias dividi non possit. 2. ut omnia, quæ sunt illius Actionis primaria, in uno eodemque loco facta esse videantur; in eodem cubiculo v. g. in eadem domo, in eadem urbe, in iisdem castris: unde Tragediæ apponi solet; Scena est Romæ, vel Corinthi, vel Athenis, vel alibi, ubi res gesta est. Sed quo modò Actio debeat esse una & tota; diximus aliàs. (b)*

D.

(a) *Arist. c. 5. (b) Lib. 2. § 2. & 3.*

D. Quo modo debet esse Vera & Verisimilis Actio Tragediæ?

M. Eo sensu, ut verè contigerit Actio primaria: alioqui non multùm moveret Tragediæ: si falsa esse crederentur, quæ referrentur in scenâ: crederentur autem esse falsa, si talia essent; quia sunt Actionis insignis, quæ non solet ignorari. Non ita dicendum de Episodiis, quæ, cum sint actiones adjectivæ, per se sæpe non adeò spectabiles, nihil opus est esse vera.

D. Possuntne esse falsa Actionis primariæ, quæ dicuntur Adjuncta?

M. Duplex genus est hujusmodi Adjunctorum. Primum est eorum, quæ sunt per se spectatissima: atq; illa tam vera esse debent, quàm ipsa Actio, cujus Adjuncta sunt; non sicut v. g. fingere à patre filiam, vel à filio matrem fuisse interfectam: nisi fide historici id constet; pro falso enim habetur, quod istiusmodi est, nisi consignetur Historici monumentis, quæ non debuit illud omittere. Alterum genus est eorum, quæ sunt minus spectabilia, adeoq; non solent, aut certè non debent necessariò in Historia notari: quæ si verosimilia sunt, facilè vera esse credeatur. Peccabit itaq; contra hanc præceptionem, qui Cæsarem naturali morte, non violènta extirpatione induxerit; non peccabit, qui eundem singulos interfectores alloquentem exhibuerit; quòd primum, non item alterum Historia notare debuerit, Quâ ratione debeat esse

Verisimilis Actio Tragoediæ, satis indicatū est superiùs cap. 3. in materia Dramatis univèrsè spectata.

D. Quò sensu Insignis erit illa Actio?

M. Insignis erit non ratione tantū personarum, quæ inducuntur; sed etiam, & quidem præcipuè, ratione sui. Nimirum id requirit propositus Tragoediæ finis: cum meliùs multo cieantur affectus, purgenturque quando illustriores inducuntur personæ, quæ à summa felicitate ad infelicitatē maximam deveniunt, ut inferiùs (a) docebitur. Insignem certè notamq; vult esse Horatius hanc Actionem:

*Robius Flia cum Carmen deducit in Actus,
Quam si proferres ignota, indicatq; primus.*

Quamquam & suus sit in Tragoedia, ut in Epopœia, locus personis ignobilioribus, seu iis, quæ Actores Epifodici appellantur.

D. Quo sensu debet esse Actio Tragoediæ infelix?

M. Eò sensu 1. ut sit Actio illa plena luctus, & terroris. 2. Ut infelici plerumq; terminetur exitus: quia misericordiam & terrorem debet concitare; ut animi affectus ex fine suo purget.

D. Quo modo delectabit, quæ plena luctus erit Tragoedia?

M. Non quidem res ipsæ tragicæ voluptatem afferent, ut notavit Aristoteles: (b) sed excellens illarum delectabit imitatio.

Nam

(a) Cap. 10. (b) Pœt: c. 2.

Nam eorū, quæ vel fugimus, vel detestamur, imagines, ut ferarum formas, & cadaverum affabre factas non sine lætitia intuemur: quòd insitum sit à natura hominibus imitari, ut idem observavit Philosophus. Adde quòd tantæ calamitatis expertes nos esse, ac doceri, quæ cavere oporteat, non mediocriter gaudeamus.

D. Numquid licet aliquando felici exitu elaudere Tragœdiam?

M. Quamvis latius sit exitum Tragœdiæ esse terribilem, & inexpectata felicitis fortunæ in luctuosam mutatione stupendum; volūt aliqui tamen licere ab ea, lege deflectere in gratiam auditorum, qui domum redire mallint lati, quam tristes; adeoq; indignius non habitum v. g. primarium Actorem expedire se posse è magna, quam incurreret, calamitate; atq; id unum inquiri contendunt: ut luctuosa sit tota Tragœdiæ facies, ad illius finem obtinendum.

CAPUT IV,

De Forma Tragœdiæ.

D. Quenam est Forma Tragœdiæ?

M. Est Fabula, sive compositio Actionis Tragicæ.

D. Qualis debet esse illa Fabula sive Compositio?

M. Debet esse una, simplex, justæ cujusdã magnitudinis, in suas partes ritè distributa, & variis Fabulæ ornamentis conspicua:

quæ

quæ dotes explicata sunt superius; eum egimus univèrsè de Forma Dramatis.

D. *Quid speciatim præcipitur circa Fabulâ Tragicam?*

M. Ut Fabula illa sit implexa, id est, ut annexam habeat peripetiam, vel agnitionem, vel utramq; simul; atq; etiam vult talem esse Philoſophus, (a) ut ex peripetia & agnitione oriatur maxima affectuum perturbatio; unde tres Tabulæ illius partes designavit, peripetiam, agnitionem, & perturbationem.

D. *Qualia debent esse ornamenta Fabulæ Tragicæ?*

M. 1. Peripetiz, & Agnitiones, ut diximus sunt adhibendæ concitandis affectibus cum primis idoneæ. 2. Interenda Epifodia pauciora, & breviora ut supra monuimus. 3. Machinæ usurpandæ, modò non in solutione Fabulæ; sed in æxu, ut docuimus, 4. Circa mores præcipitur non tantùm ut boni sint, convenientes, & æquabilis tenoris: sed etiam graviores; severioresq; pro rerum, quæ inducuntur, natura. Unde matronæ gravi confertur Tragedia apud Horatium,

*Effutire leves indigno Tragedia versus,
Ut festis matrona moveri jussa diebus.*

Intercrit satyris paulum pudibunda protervis.

De eadem sic habet Ovidius. (b)

Omne genus scripti gravitate Tragedia vincit.

5.

(a) Arist. c. II. (b) 2. Trist. l. I. c. 9.

5. Aspergenda Sententiæ, quæ graves personas deceant: quæ cautione, superius tradidimus. 6. Dictio tam gravis esse debet, quam res ipsa, quæ tractantur; verius jambicus trimeter usupandus, quem vocat post Aristotelem Horatius alternis aptum sermonibus: quod ille numerus familiaris sit, & in omnem facile sermonem incurrat. Demittit tamen se decenter Tragediæ, uti se attollit Comediæ: ut idem observavit Horatius:

*Interdum tamen & vocem Comædia tollit.
Iratuſq; Chremes tumida delitigat ore;
Et Tragicus plerumq; dolet sermonem pedestri.*

CAPUT X.

De Fine Tragediæ

*Q*uæ est Finis Tragediæ?

Finis Tragediæ est concitare quosdam animi affectus ad reliquos omnes purgandos. Hanc affectuum expiationem, purgationemq; quam vocat, Tragediæ. ut finem, indicit Aristoteles: cui consentiunt alii, qui ea de re scripsere Authores. Atq; hic hæc tam accuratè, quam dilucidè breviterq; discutendus est: cum exquisitus ab eo, tum argumentorum, tum personarum, qui solet hic præcipi, delectus, atq; adeo optima pendeat Fabulæ Tragicæ constitutio. Quære disquirendum 1. Qui affectus in Tragediæ 2. A quibus: 3. Quo modò debent concitari.

§ I. QUI AFFECTUS CONCITENTUR
IN TRAGOEDIA.

D. *Qui affectus concitantur in Tragœdia?*

M. Misericordia & Terror, quorum operâ purgantur omnes alii Affectus; Unde scena appellata est quædam quasi palæstra humanorum affectuum, ubi præparantur illi, & perficiuntur.

D. *Quo modò purgant alios Affectus Misericordia, & Terror?*

M. Misericordiâ tangimur, cum videmus aliquem grandi aliqua calamitate pressum. præsertim immerentem: timemusq; ne quid simile nobis contingat, quod alteri nobis quodammodò æquali accidit; & sic misericordia parit timorem, cautumq; præstat, quem afficit; ne gerat aliquid, unde tanta sibi miseria proveniat. Item ad objectam gravis Infortunii speciem terror incussus, ejusmodi vitandi mali desiderium injicit: quò desiderio efficitur, ut affectibus moderemur, qui sunt veræ omnium Germanarq; causæ nostrarum calamitatum.

§ II. A QUIBUS CONCITENTUR AFFECTUS IN TRAGOEDIA.

D. *Quinam debent concitare Misericordiam, & Terrorem in Tragœdia?*

M. Multò melius Actores, qui neq; improbi, neq; admodum probi sunt, sed inter illos medii, & qui cum amicis rem habebunt, aut

conſanguineis, illos affectus commovebunt.

D. Quare minus commovebunt, qui ſunt improbi?

M. Quia ut improborum felicitas indignationem parit; ſic non parit infelicitas miſericordiam, aut terrorem; non miſericordiam; quia dignum exiſtimat quiſq; improbum calamitate, quã premitur; non terrorem: quia nemo ſibi eventurum putat, quod improbi culpã factum eſſe videt; terreatur eſto, qui ſceleftum affligi ſceleftus aſpicit: ſed vulgò non ſunt aut cenſentur improbi, qui adſunt ſpectatores, adeoq; non eſt exiſtimandũ improbi calamitate illos eſſe perterrendos.

D. Non poterunt igitur improbi in ſcenam produci?

M. Poterunt utiq; ut jam præmonuimus, ſed ea adhibita cautione: ut: ſi minus miſericordiam, terrorem ſaltem vel probis ſpectatoribus incutiant, quod ſanè fiet, ſi non tam ex culpa, quã ex errore humano lapſi videantur.

D. Quare minus apti ſunt movenda commiſerationi, incutiendoq; terrori, qui ſunt maxime probi?

M. Quia qui probus eſt imprimis, cum ſit infelix, non parit miſericordiam: cum ſolam pariat indignationem, eamq; maximam, ſi abominando facinore tollatur è vivis; non terrorem: quia; ut tradit Ariſtoteles, nemo ſibi propter probitatem idem eventurum eſſe putat, cujus præmium eſt felicitas.

D.

D. Non licebit ergo probos in Scenam præducere?

M. Constat Christianos Martyres datos esse aliquando feliciter in theatrum, uti & viros alios probos, qui semel aut amore ducti in potius, aut irâ abrepti vehementius, eos quòdam impetu mortem aliis intulerunt. Quare lex illa, quæ improbos, probos vè arceat à thatro, pro optima Tragediæ forma posita est: nec quidquam aliud voluit Philosophus, cum sic præcepit, quàm quid sit ea in re præstantissimè, indicare.

D. Quem facis Actorem medium probum inter & improbum?

M. Is est, juxta eandem Philosophum, qui nec virtute, nec vitio admodùm excellit, qualem Oedipum fuisse accipimus: cujus neq; magnæ virtutes, neq; summa vitia commemorantur, quæ abripere in contrarium affectus auditoris solent.

2. Qui peccat imprudens, ac proinde nec viri boni nomen meretur, quia illius officium est transgressus: nec contra improbi, quia inconsultò peccat. Sic idem Oedipus, cum patricidii summum esse crimen non ignoraret: Lajum tamen miser per ignorantiam peremit. Debit etiam summa ille dignitate præcellere: ut hæc ratione major calamitas terrorem simul, & commiserationem augeat.

D. Quare amicos inter & consanguineos res geri debet in Tragedia?

M. Quia i. & inimicus inimicum occidat
mul-

Nulla excitabitur commiseratio; nisi quatenus factum ipsum communi humanitatis recordatione commovet; atq; etiam facillè ferent homines in alio, quòd essent ipsi quoq; facturi. 2. Si nec amicus, nec inimicus alteri mortem inferat, sed ignotus ignoto, cum hoc agat sine affectu: nec ipse movebit affectus. 3. Si nec affinitate, aut sanguine conjunctus occidat, non adeo commovebit. Quare præstat, ut inter amicos, & cognatos res geratur; ut si frater fratrem, parens filiù, filius parentem aut occidat, aut invadat. Ab amicis, enim ista cum fiunt: movebunt commiserationem: à consanguineis; atrociam etiã videbuntur: ut cum Clytemnestram Orestes, Eriphylem tollit Alcemon.

§ III. QUO MODO CONCITENTUR
AFFECTUS IN TRAGOEDIA.

Quo modo concitantur Affectus in Tragœdia?

M In hoc variant Tragœdi, (a) apud quos vel committit Actor facinus, vel non committit; iterum vel committit ignarus rei vel conscius; itẽm sic committit: ut factum vel post, vel ante agnoscat. Item ante agnoscit, ut animum mutet, priusquam id conficiat, aut pœnitentiam agat.

Atq; his variis modis concitandorũ affectuum ortæ sunt variaz species Tragœdiarum; quatuor celebrantur imprimis i. est quando

a.

(a) Arist. C. II.

agnoscitur qui occiditur; ut cum Medea Iphigeros occidit. 2. quando agnoscitur post mortem, qui occisus est: ut cum Oedipus Lajum sua manu preceptum audit, 3. quando agnoscitur eo tantum momento, quo perire debet, & periculo eripuit, ut cum Iphigenia agnoscitur Orestem morti subducit. 4. quando agnoscitur, qui periturus est, & ad mortem quæritur; nihil tamen conficitur: ut cum Emon apud Sophoclem stricto ense parentem insequitur, neque tamen quidquam agit.

D. Licetne oculis obijcere atrociora spectacula, quibus sanguis effunditur. & horror animis incutitur?

M. Non licet: neque enim debent induci in theatrum aut incredibilia quædam, ut sunt metamorphosés: aut foeda aspectu, aut visu atrocía juxta illud Horatii:

*Nec pueros coram populo Medea trucidet,
Aut humana palam coquat exta nefarius Atræus:*

Aut in avem Progne mutetur, Cadmus in anguem.

Quodcumque ostendis Mihi sic, incredulus odi.

D. Qui referri poterunt, quæ oculis non licebit subijcere?

M. 1. Prædicabuntur gerenda vel ab eo qui facinus patraturus est, vel ab aliquo alio 2. postquam gesta fuerint: narrabuntur, quod Nunciorum munus esse solet: sic præceperat Horatius:

..... Non tamen intus.

Digna geri, promes in Scenam, multaq; tolles
Ex oculis, quæ mox narret facundia præsens

D. An non licebit aliquid ob oculos ponere,
quod speciem aliquam habeat crudelitatis?

M. Licebit vincula, ipsumq; demortui
Principis cadaver deferre in mediũ, ad com-
movendum auditorem; Item verbera, aliaque
sævitiæ instrumenta licebit coram exhibere:
at non percutere, aut perimere, nisi post Scenam
id fieri simuletur.

CAPUT XI.

Præceptorũ usus in scribenda Tragœdia.

D. **T**Raditas hætenus de Tragœdia præcepti-
ones, quæso te, ad usum ut revoces: &
scribenda Tragœdiæ unum aliquod Paradigma
proponas.

M. Si velis ex arte Tragœdiam scribere:
nudam primùm ac sine ullo ornamento deli-
neabis Actionem, quæ est materia Tragœdiæ;
deinde ad Fabulã, quã voles inducere, attēdes
videbisq; sitnē simplex, an implexa, si imple-
xa an peripetiã simul, & agnitionē & qualem
utramq; admittat; & cū superioribus an be-
nē cohzreat; an terror ex rebus oriatur, ac
commiseratio, aut quomodò possint aliunde
commoveri; cū personas conquiret, earũ ipse
habitus, affectusq; animò indues. Episodia
postmodũ excogitabis. Postquã sic fuerit
constituta Fabula: quid in Nexu, quid in
Solutione inducere necesse sit, examinabis;
nam in Nexu, non in solutione debent esse e-
pi-

pœolia: neq; etiam prolixa illa, aut otiosa, sed brevia, & cū Actione primaria ritè connexa. Si simplex fuerit Fabula: curabis artificio eam desinat: sibi impetora, agnitionem ut habeat, & peripetiam elegantem, & quæ tragices affectus, seu perturbationes ipsa perfecte excitare possit.

D. Profer, quæso, exemplum tum simplicis, tum impetora Fabule:

M. Fabulæ simplicis exemplum sit Tragedia apud Senecam, quæ sic habet. Græci, expugnata Trojâ, Calchante consulunt, quo pacto salvi domum pervenire, ac faventes sibi Deos redituri habere possint. Calchas Polyxenam, & Astyanactæ necandos esse pronuntiat: atq; id conficitur. Reliquæ sũnt episodica, aptè illi Fabulæ intexta; sic Episodium est Agamemnonis cū Pyrrho colloquium, quod ex Calchantis de mactanda Polyxena consilio nascitur; item episodium est tota illa scena, in qua ab Ulyssæ quaeritur Astyanax, ac tandem invenitur: quod pariter è consilio de præcipiando Astyanactæ oritur.

Fabulæ impetora exemplũ esto Oedipi Tragedia apud eundem Senecã Oedipus disquirens, qui Laii intersector: se & illius filium, & intersectorem, atq; etiam Jocasta Matris suæ maritum esse agnoscit; quare effudit sibi præ pudore, & irâ oculis ablit in exilium, & Jocasta se gladiis confodit. Hæc est Actio prima; ad quam non spectat necessariò Oedipi in prologo de pestilentia sermo: qua nvis

cum eadem apte cohzereat. Itẽm ejusdem Oedipi cum Creonte, & Tiresia colloquium, tũ prolixa illa inferorũ descriptio, umbrarumque evocatio sunt Episodia: nisi forte cum nominatim de Laïj cade agitur: Oedipi autem, & Senis, & Phorbantis ex parte colloquium ad mutationem paulatim deducunt: ad Nexum tamen referri possunt: reliqua sunt in solutione, ubi est peripetia, & agnitio mirabilis.

CAPUT XII.

De Comœdia.

D. Quid est Comœdia?

M. Comœdia secundũ vim vocis est paganus cantus: Comy enim Gracẽ significat pagum, Latini, & ody cantum sic appellata; quod in pagis habuerit originẽ; vel ut alii volunt, à Como hilaritatis, ac temulentiz Deo dicta est Comœdia, quasi Comedion sit, canere Como digna.

D. Quo modo definitur Comœdia?

M. Definitur: Imitatio Dramatica Actionis unius, totius, civilis, aut privata. & vulgaris, stylo populari exhibita, & lato semper exitu terminata ad proponendum vitæ privatæ exemplum. Atq; hæc definitio, Comœdiz materiam, formam, & finem attingit; de quibus breviter admodũ agendum est: cum satis ea sint exposita in Materia, Forma, & Fine pœmatis dramatici, universẽ spectati, & alibi passim pluribus in locis.

D.

D. Quid habes circa materiam Comœdiæ?

M. Est actio, cujus jam recensitæ sunt in definitione, & superius explicatæ in materia dramatis variz affectiones Veritatem, vel falsitatem admittit illa; quia privati hominis est actio, obscura per se, & ignota; neq; imitatur res illustres, & terribiles, aut admirabiles, sed civiles & privatas; ut avaritiam senum, fraudes fervorum, & similes: quæ alios sollicitudine, lætitiâ alios impleant: quare debet esse insuper jogularis, ut delectet, & ea vitia exagitare, quæ risû potius, quàm misericordiam moveant.

D. Quid præcipis circa Formam Comœdiæ?

M. Præterea, quæ dicta sunt in Forma pœmatis dramatici, curandum est: ut intexantur, 1. quædam peripetlæ, non quæ magnos, ac vehementes, sed remissiores, lenioresq; cieant animorum motus. 2. Agnitioes, non ex, unde oriuntur maximæ perturbatioes, sed quæ leviorib; de causis ortæ, non admodum moveant: ut in Plautinis Comœdiis, quæ sit è crepundis, nonnunquam cistulis, aut annulis, agnitio, 3. Episodia brevia & apta. 4. Mores solutiores & jocis, salibusq; conditi: in quibus magno opus est delectu: videndumq; nè sint frigidi, multò minus obsceni: quòd jure in Plauto reprehendit Horatius:

At nostri proavi Plautinos & numeros &
Laudavêre sales nimium patienter utrumq;
Ne dicam stultè mirati; si modò ego, & vos
Sci-

Scimus inurbanum levido se pōnere dicto.

5. Sententiæ variores, ac vix aliæ, quàm pertinentes ad vitam quotidianam & infrequentiori usu positæ, ut sunt trita, ac vulgaria Proverbia. 6. Dictio apta rebus, adeoq; non grandis, ut in Tragediâ; sed contrâ humilis, ivavis, & mediocri ornatu contenta: quàmvis possit aliquandò altiùs assurgere: cum graviores affectus sunt exprimendi, ut ait Horatius:

Interdum tamen & vocem Comœdia tollit,

Iratusq; Chremes tumido delirigat ore.

Adeoq; metrum optimum erit, quod proxime accedit ad solutam orationem.

D. Quid statuis circa Finem Comœdiæ?

M. Vult Philosophus, Comœdiæ esse ex inimicis amicos efficere; quod universè dictum esse oportet: ut cum pater filio reconciliatur, aut cum fraude aliqua, vel casu ex ipsa Actionis natura exorto à se invicem disjuncti duo homines mutuo in gratiam redeunt. Sed istud est officium Comœdiæ potius quàm Finis, qui in eo positus est, ut vitæ privatæ exemplum præponatur, ut inde mores quisq; suos corrigat.

Ex dictis colliges, à Tragediâ potissimè differre Comœdiam, a Materia; Tragediæ res grandiores, Comœdiæ tractat humiliores, 2. Personis; in Tragediâ nobiles sunt in Comœdiâ humiles, & obscuræ. 3. Dictione; grandior est in Tragediâ, vulgaris in Comœdiâ. 4. Exitus; funestus esse solet in Tragediâ in Comœdiâ felix est atq; hilaris. D.

D. Quid si personæ illustres inducantur in Scenam, quæ Fabulam Comicam peragant?

M. Non erit hæc Tragoedia, aut Comœdia, sed tertium Dramatis genus, ortum ex utraq; quod appellabitur Tragicocomœdia, cujus finis est temper lætus; personæ partim illustres, partim vulgares; res modò ludicræ, modò tristis. Amphitruonem vocat Tragicocomœdiam Plautus, ubi sic loquitur in Prologo Mercurius.

Faciam ut comæsta sit Tragicocomœdia.

*Nam me perpetuo facere, ut sit Comœdia,
Reges quo veniant, & Dii, non par arbitror.*

Quid igitur? quoniam hic servus quoq; partes habet:

Faciam proinde, ut dixi, Tragicocomœdiam.

INSTITUTIONUM POETICARUM

LIBER IV.

De Reliquis Pœmatis.

M. **P**ost Epicam, & Dramaticam Pœsin celebrantur multa minora pœmata; quorum Alia sic à se invicem differunt, ut singula singulas, easq; maximè diversas constituent species, ut Elegia, Epigram.

gramma, Satyra, Ode, &c. alia verò cum
sint ut plurimū in genere heroico: majorem
habent inter se conjunctionem, ac velut affi-
nitatem: quamquam ad Oden quoq; referri
possint, cum commodè canantur ad Lycam;
sunt hæc: Epithalamia, Genethliaca, Epice-
dia, Epinicia, Soterica, Propemptica, Parz-
netica: &c. de quibus omnibus breviter mo-
dò, pro dicendū instituto, disputabimus.

CAPUT PRIMUM

De Elegia.

D. *Quid est Elegia?*

M. Elegia propriè est *funeris cantus*, à
flebili lugentium sono sic dicta, qui crebro,
èè legusq; ingeminant.

Quæ est materia Elegiæ?

M. Est propriè res funeris, & tristis, un-
de Ovidius in mortem Tibulli canit:

Flebilis indignos Elegiæ solve capillos:

Ab! nimis ex verò nunc tibi nomen erit:

Et 5. *Tristium:*

*Flebilis ut noster status est, ita flebile car-
men.*

Factum est tamen deinde, ut non tantum
res funebres, ac tristes; sed res quoq; lætæ,
amores, vota, preces, gratulationes, & con-
vivia elegiaco carmine scriberentur; ut vi-
dere est apud ipsum Ovidium. De materia
primisq; Elegiæ Authoribus sic statuit Ho-
ratius.

Versib; impariter junctis querimonia primis,

E

Post

Post etiam inclusa est voti sententia compos.
 Quis tamen exiguos Elegos emiserit Author?
 Grammatici certant, & adhuc sub iudice lis
 est.

D. Quæ est Forma Elegiæ?

M. Forma Elegiz, est ipsius constitutio, & compositio, seu quædam eorum, quæ canuntur elegiacè, dispositio; de qua sic præcipi potest, ut pœma illud tersum sit: lenè, peripicuum, dictio mollis, & æquabilis, morata, tenera, affectibus plena, & delicata quadam suavitate condita. Quamquam pro ratione rerum, quæ celebrantur, magnificè etiã procedat Elegia: ut quæ apud Propertium scripta est in Actiacam victoriam, & alibi passim apud Authores probatissimos.

CAPUT II.

De Epigrammate.

D. Quid est Epigramma?

M. Si vocis etymon attendas, est inscriptio quævis: Epigraphein enim Græcè est, inscribere latinè. Si definitionem quæras, dicitur breve pœma cum simplici cuiuspiam rei, vel personæ, vel facti indicatione, aut aliquid ex propositis deducens.

D. Quotuplicis generis est Epigramma?

M. Duplicis, ut indicat definitio; aliud enim simplex est, quod simplici rei, personæ, aut facti indicatione continetur: ut sunt inscriptiones denariorum, & statuarum, ut ista clypei:

Aeneas hæc de Danais victoribus arma.

Alterū compositū dicitur, quod in ratione ducenda colligendaq; & quasi in argumentatione positum est.

D. *Quæ est materia Epigrammatis?*

M. Sunt res universæ, personæ, facta, quæ exornari, reprehēdi, fieri, probarive possunt.

D. *Quæ est ejus Forma?*

M. Est ipsa ratio tractandi Epigrammatis, quod solet scribi carmine vel hexametro; vel elegiaco, vel phaleucio, vel jambico.

D. *Quis est Finis?*

M. Est communis omni Pœsi, delectare docendo, seu laudet, seu vituperet Pœta, qui ab hoc fine non debet recedere.

D. *Quot sunt Epigrammatis dotes?*

M. Tres numerantur præcipue, Brevitas, Perspicuitas, & Acumen.

CAPUT III.

De Satyra.

D. *Quid est Satyra?*

M. *Q* Satyra videtur nomen ducere à Satyris, Diis petulcis, lascivis, & dicacibus: qui inter Actus Tragoediarum, ac postea Comœdiarum inducti in theatrum, non tantum sermone parum verecundò, liberò, aculeatò, vultu ac corpore risum movebant; verum etiam cives improbos nominatim carpebant; unde Satyra ab aliquibus ad pœma dramaticum revocatur. Videtur etiam dicta Satyra; quasi Saturæ; quòd varium complectantur argumenti genus. Quare definitur Satyra: Pœ-

ena jocosum, liberum, & aculeatum, ad reprehendendos, corrigendosq; mores corruptos.

D. *Quæ est materia Satyræ?*

M. Dici potest turpitudô risu digna, vel odîo; exagitant enim Satyrici Pœtæ, Inertes, Parasitos, Deformes, Loquaces, Ingratos, Ambitiosos: Prodigiosos, Avaros, &c. Materiam Satyræ his duobus versibus definivit Juvenalis:

Quidquid agunt homines, votum, timor, ira, voluptas,

Gaudia, discursus, nostri farrago libelli.

D. *Quæ est Forma Satyræ?*

M. Est ipsius constitutio, & compositio, in qua illinendæ sunt quibusdam svavitatibus objurgationes, ut æquore animo excipiantur; adeoq; versutum, sagax callidum, disertum, acutum ingenium requiritur. Amat Satyra crebras sententias, acutas & acres, puritatē, & elegantiam in verbis, remissos; mollioresq; numeros, dictionem submissam; quotidianæ locutioni similem: unde Horatius, qui in Odis usq; adeo numero studuit, ut idcirco numerosus vocetur ab Ovidio; Idem tamen in satyris numerum illum neglexit; non quia aliter non posset, sed quia hunc neglectū Satyris putaret convenire. Nullæ certz partes in hoc Pœmate assignantur: aliquando insinatio, sæpius abruptum & incitatum principium adhibetur.

D. *Quis est Finis Satyræ?*

M. Est objurgando, & irridendo absterre-re homines à vitiis; & ad virtutem incitare. Videndum tamen: ut joci, ac sales saty-

rici careant obscœnitate: ne, dũ animos vult purgare Pœta, ad morum turpitudinem in- vitet.

CAPUT IV.

De Pœmate Lyrico.

D. Quid est Pœma Lyricum?

M. Quid dictum est Pœma Lyricum à Lyra, quæ inter organa musica celebris est, adhibeturq; ad hujusmodi carmen concinnandum. Quare vocatur etiã illud pœma Ode, & Melos, id est cantus; unde Pœtæ Lyrici, & Melici.

D. Quæ est materia pœmatis Lyrici?

M. Longè, lateq; patet hæc materia: continet enim laudes Deorum, & hominũ, vota, preces, exhortationes ad virtutem capessendam, ad vitia fugienda, deplorationes calamitatum, desideria, conquestiones, fontium, montium, villarum aliorumq; locorum amœnorum laudes, & descriptiones, deliberationes item, & invitationes; aliaq; innumera, quæ brevi pœmate concludi possunt, comprehendit. Nam, ut docet Horatius:

*Musa dedit fidibus Divos, puerosq; Deorũ,
Et pugilem victorem, & equum certamine
primum,*

Et juvenum curas, & libera vina referre,

D. Quæ est forma pœmatis Lyrici?

M: Est ipsa compositio, seu ratio scribendi illius pœmatis: ubi notandum est, quod est Epopœia gravitas, Tragediæ vehementi-

or affectus, Comœdiæ jocus, Elegiæ molli-
 es, Satyræ acerbitas, Epigrammati acumen:
 idem esse pœmati Lyrico s̄vavitatem. Qua-
 re debent adhiberi verba florida, polita, non
 sine majestate, induci sententiæ, vitari litte-
 rarum collisiones duriores, aliâq; observari,
 quæ diximus facere ad s̄vavitatem Narratio-
 nis Epicæ, & ad dotes dictionis Pœticæ.

D. Quot sunt Versuum gênera in Odis?

M. Sunt sane quàm plurima: quæ suas du-
 cunt appellationes vel ab Authoribus: ut Al-
 caici ab Alcæo, Sapphici à Sappho, Asclepiæ,
 dei ab Asclepiade, &c. vel à metris, quibus
 constant: ut Trochaici à Trochæo, Dactylici
 à Dactylo, Anapæstici ab Anapæsto, &c. sed
 illorum metrorum leges à Grammaticis pe-
 tendæ sunt.

D. Quid est Strophe, Antistrophe, & Epodus?

M. Ode dividitur in Strophê, Antistrophê,
 & Epodû. Strophe erat pars illa Ode,
 quæ Chorus in iustrandâ ara in Deorû lau-
 dē modulabatur, progrediendo ab oriente in
 occidentem. Antistrophe vocabatur, cûm
 Chorus revertebatur canendo ab occidēte in
 orientem. Epodus fiebat, cûm in medio con-
 sistebat Chorus, & quod supererat carminis,
 persolvebat. Verûm jam nomine Epodi in-
 telligitur illud genus carminis, in quo singu-
 lis versibus singulæ clausulæ subjiciuntur, &
 veluti accinnuntur, idq; fere alio genere car-
 minis, & plerûq; breviori: cujusmodi sunt
 pleraq; apud Horatiû in libro Epodon, jam-
 bicô dimetro post heroicum, aut trimetrum
 jambicum statim succedente.

D. Quid est Ode distrophos, tristrophos, & tetrastrophos?

M. Ode dicitur distrophos, quæ plures habet strophas, seu clausulas: quarum singulæ continent duo carmina: quæ clausulæ strophæ dicuntur; quod post duos versus ad duos alios reverti oporteat, ut in hac Oda Horatii.

*Sic te Diwa potens Cypri,
Sic fratres Helensæ lucida sidera.*

Post hæc duo carmina, eodem modo duo alia succedunt:

*Ventorumq; vegat Pater,
Obstrictis aliis, præter Japygâ;*

Et sic deinceps ad finem Ode. Ita dicitur illa Ode tristrophos, quæ continet plures strophas, sive conversiones, quarum singulæ habent tria carmina, & tetrastrophos, cujus singulæ strophæ quatuor includunt versus.

D. Quid est Ode monocolor, dicolor, & tricolor?

M. Ode dicitur monocolor, seu uniformis, quæ unius ejusdemq; generis habet carmina: talis est prima Ode Horatii:

*Mœcenas atavis edite Regibus,
O. & præsidium, & dulce decus meum, &c.*

Cujus omnia carmina sunt asclepiadica. Dicitur Dicolor, quæ habet strophas, quarum carmina sunt duplicis generis, tricolor, cujus strophæ continent carmina triplicis generis.

CAPUT V.

De Hymno, Parodia, & Carmine Intercalari.

D. Quid est Hymnus?

Q

E 4

D.

M. Est Ode ad Dei laudes, virorumq; J. Instrum celebrandas instituta; *ymein* enim Græcè est, *Celebrare* Latinè.

D. *Quid est Parodia?*

M. Est imitatio versuum, ubi sententia tamen ad contrarium sensum detorquetur. Istud genus carminis frequenter imprimis Johannes Baptista Masculas; profanos sensus ad religiosa ferè argumenta convertens. Sarcoblevius. Jtè Odas Horatii aliquot improbas ad pietatem traduxit per parodiam.

D. *Quid est Carmen Intercalare?*

M. Intercalare carmen, quod & Regiū dicitur, est illud; in quo post aliquod versuum intervallū, idē semper recurrit; ut apud Virgiliū in Eclogis ille versus sæpius usurpatur:

*Incipe Menalios mecum, mea tibia, versus,
& ille deinde,*

*Ducite ab urbe domū, mea carmina, ducite
Daphnim.*

CAPUT VI.

De Eclogis, Sylvis & Diris.

D. *Quid est Ecloga?*

M. *Ecloga*, quæ & Bucolicum Carmen à Bubulco, & Pastorium à Pastore dicitur, est imitatio rusticarum actionum stylō mediocri, & svavi vel per meram enuntiationem, vel per dramaticam personarum effictionem. Eclogæ vocatur à delectu, & concinnitate sermonis; *Eklegin* enim Græcè est, *seligere* Latinè. Cum autem Bucolicum Carmen initio inconditum esset, ut plurimum puriora quædam

dam, elegantioraq; seligebantur: unde huic generi carminum indita est appellatio.

D. *Quæ sunt leges hujus Pœmatis?*

M. Tractantur in eo vota, gratulationes, altercationes, sollicitationes, conquestiones, gaudia: sed videndum, ut omnia agrû redo- leant. Dicendi character debet esse humilis, frequentes adhibendæ comparationes ex agris deductæ, jucundæ item descriptiones inseren- dæ. Hexametrum carmen adhibendum, modò ne adsit granditas, nevé longiore ambitu cir- cumducatur. Ducẽ habes in hoc genere Pœ- seos, ut in heroico, Virgiliam, qui quantò sublimior videtur in *Æneide*, tantò se sub- missiùs de industria deprimat in *Bucolicis*.

D. *Quid vocas Sylvas?*

M. Sunt Carmina subito calore effusa, ne- que anxiam curam castigata. Sylvæ dicuntur, quod oblatam quasi temerè materiem ex tempore, & stylo veloci percurrat, tractet Pœta, dum calor menti insidet Statius certè initiò fur- rum silvarum libellos, qui subito calore, & quadam festinandi voluptate sibi fluxerunt, sylvas vocat, additq; illa pœmata solum ha- bere gratiam celeritatis.

D. *Quid intelligis per Diras?*

M. Diræ sunt quoddam Carminis genus, quò quidquid furoris, imprecationum, querela- rum, convitiarum in mentem venit, effundit Pœ- ta. Sic Dido *Æneam* apud Virgiliû, *Medea* Jasonem apud Senecam diris prosequuntur,

Expeditos, de quibus libri hujus initii, va- liis carminum generibus illud unum superest,

ât de Pœmatibus, quæ ad heroicam Pœsiam commodè revocantur, quamvis ad lyrâ quoq; venustè cani possint, breviter, differamus: sunt hæc Epithalamia, Genethliaca, Epicedia, &c.

CAPUT VII.

De Epithalamio, Genethliaco, Epicedio.

D. Quid est Epithalamium?

M. Est Pœma pro nuptiali pompa conscriptum, sic dictum à vocibus Græcis *Epy Thalamos* nuptiale cubiculum.

D. Quo modò conscribendum est illud Pœma?

M. Laudes conjugum celebrandæ, faustū augurium capiendum, fructus illarum nuptiarum prædicandus, vota concipiēda pro concubii felicitate, & futura prole. Consule Pœtetas, qui scripsere Epithalamia, Catullum, Statium; Claudianum, &c.

D. Quid est Genethliacum?

M. Est Carmen, quod nascentibus accinitur, *genethli* enim Græcè est, *natiuitas* Latine; unde *Genethliacon* n. tale carmen.

D. Quo modò scribendum est hujusmodi Carmen?

M. Parentum virtutes celebrantur, spes de puero excitantur, varix loci: ac temporis notantur circumstantiæ.

D. Quid est Epicedium?

M. Est Carmen funebre, quæ *Nenia* Romanis, Græcis *Epicedion* dicitur ab *epi* & *kidos cura*, quæ mortuis præcipuè debet impendi.

D. Quæ sunt leges Epicedii?

M.

M. Narrantur demortui, laudes, pompa funebris describitur conditur Epitaphium, Pœta deniq; appretatur æternitatem.

CAPUT VIII.

De Epinicia, Eucharistico, Propemptico.

D. *Quid est Epinicion?*

M. Est Carmen pro reportata victori conscriptum, sic dictum ab *Epi* & *Niki victoria*. A variis circumstantiis loci, temporis, hostium multitudinis &c. celebranda est victoria; observanda tradita posteris imperatoris prudentia, & fortitudinis monumenta; exponendum, qui fructus ex victoria consequantur: vota precisq; pro patriæ, Victorisq; incolumitate fundendæ.

Hæbes passim apud Authores exempla, quæ in hoc genere Carminis imiteris.

D. *Quid est Eucharisticum?*

M. Est pœma, quo gratias alicui agimus ob præstitum beneficium, sic dictum ab *Eukarisên gratias agere*: debet eo in carmine prædicari acceptum beneficium, dantis humanitas & beneficentia extolli, accipientis necessitas non debet omitti; Jtem miscenda vota in gratiam dantis.

Hujus Carminis passim exempla suppetunt apud Authores.

D. *Quid est Propempticum carmen?*

M. Propempticum à *Propempo deducit*: est Carmen in gratiam aliquè abeunt ū scriptum: in quo vota concipiuntur eorum causa, vel ad avertendū malum aliquod, vel ad

bonum, aliquod, ac præcipuè fortunatū iter
apprecandum. Talis est Ode Horatii (a) in
gratiam Virgilii Athenas navigaturi, quæ sic
habet:

*Sic te Diua potens Cypri,
Sic fratres Helena, lucida sidera,
Ventorumq; regat pater,
Obstrictis aliis, præter Fapyga;
Navis, quæ tibi creditum
Debes Virgilium. finibus Atticis
Reddas incolumem, precor;
Et serves animæ dimidium meæ.*

Egregia habet Vallius (b) hujus generis
pœmata, quibus Amicos, atq; unum impri-
mis sub Amyntæ persona in Indiam profici-
scentem profequitur, quæ tu consule.

CAPUT IX.

De Carmine Soterico, Protreptico, &
Parænetico.

D. *Quid est Sotericum Carmen?*

M. *Est Carmen pro salute recepta, & vitato gravi aliquo periculo, dicitur Sotericum, quod Sotyria Græcè salutem sonet Latinè; in eo debet expendi periculi magnitudo, in eo subeundo fortitudo, in vitando solertia, vel felicitas, bona ex vitato exorta celebrari Habes absolutissima hujus carminis æmpla apud Frizoniū in quatuor Odis, quæ ad Franciam, ad Christianissimum Regē, Augustissimam Reginam Matrem, post recuperatam Regis sanitatem inscripsit, quarum prima sic incipit:*

(a) l. 1. Od. 3. (b) Heroi: 3. lib. 3.

*Pæane uwantes iunge lyra modos,
Et Martiales, Francia, laureas:
Defundēta fatali periclo,*

Magnifici res surge uoti, &c.

D. Quid est Carmen Protrepticum?

M. Idem est atq; Adhortatorium Carmen, à verbo Protego adhortor; cū scilicet alios ad aliquid suscipiendum impellimus. Nihil est usitatius ejusmodi carmine apud Pœtas. Formam habet illius exquisitam Frizonius in Sacra Expeditione ad Principes Christianos:

Surgite magnanimi Proceres, quos æthere ab alto.

*Increpūere sacrum spirantia classica Mar-
zem &c.*

Quæ Carmina, si qua alia, vim habent ad promovendos animos; dicitur enim adhortatio ab Ottomanici hostis ferocitate, & successu funeste felici: ab amplitudine regionum ab eo devastatarum, ab Solymææ urbis sanctitate, ab eo tam foeda seruitute oppressæ à futuræ victoriæ certis conjecturis, &c.

D. Quid est Carmen Paræneticum?

M. Est Monitorium Carmen à Parainco admonco. sic dictum, in quo præcepta sapientiz continentur. Sic Pœta pro suo officio alios monet. v. gr. ne se periculis temerè obijciant, ne majora virib; suscipiant, ne quid aliud aggrediantur, cujus ipsos postea poenitere possit Habes ejusmodi Carmina passim apud Pœtas tum veteres, tum recentiores: ac proinde nihil est opus, festinanti præsertim, exempla proferre.

IN.

) ° (

INSTITUTIONUM
POETICARUM

LIBER V.

*Exempla varia, & Observationes ad Ar-
tē Poeticam spectantes, complectens.*

CAPUT PRIMUM:

*Poëtarum Latinorum Præstantiorum
nomina, etas stylus*

Cum Poësis lectione summorū Poëtarū, & imitatione potissimū comparatur: juvat cognoscere, quinam Poëtæ frequentius & strictim volvēdi, aut etiam omninō prætereundi sint. Id ex Indice, quē sub jicio, patebit.

MARCUS ACCIUS PLAUTUS, natione Uerber, patriā Sarsinas, obiit annō Urbis conditæ quingentesimō septuagesimo, qui fuit mundi termilesimus octingentesimus septuagesimus. Non temerē legēdus est, propter nequitias, & impuros amores; atq; adeo propter sales inuentos, quibūs scatent ejo Comædiæ

P. TERENCEIUS, Author est Latinitatis teratissimæ: non l gatur tamē, nisi repurgatus. Ortus est Carthagine, in Africa, annō U. C. 560 In purgendis hominum moribus, & arte coagmentandæ fabulæ, ceteros vincit Comicos.

TITUS LUCRETIUS CARUS insignis est ob Latinū sermonē & sententiarū gravitate: versus habet paulò horridiores, interdū

obscœnos, & impios. Scripsit Physica. Romæ natus est Annò ejusdem: Urbis 658.

GAJUS VALERIUS CATULLUS, Veronensis, novè post Lucretiũ annis ortus scripsit Odas, Elegias, Epigrammata, &c. Sermo benè Latinus est: versus aliquando duriores, sæpè obscœni.

P. VIRGILIUM annus U. C. 684 edidit, futurũ olim principẽ Latinæ Pœsæ; Patria tanti viri, Andes vicus propè Mantuam.

Q. HORATIUS FLAGGUS quinque post Virgiliũ annis editus Venusit, in Apulia omnia ingeniosè, splendide, luculenter scripsit; non pauca tamen habet luteleta, & inquinandis morib9, nisi delect9 habeatur, opportuna.

ALBIUS TIBULLUS & SEXTUS AURELIUS PROPERTIUS, nati sunt circa annum U. C. 710 hic in Umbria, ille Romæ, uterq; Pœta melior, quàm castior; atq; idcirco ablegandus à puerorũ Scholis, nisi qui fortè locus benè repugatus excerpatur.

P. OVIDIUS NASO patriã habuit Sulmonẽ urbẽ Pelignorũ in Italia annò U. C. 711. amœnus vites, copiosus, ingeniosus, & illiborata facilitate grat9, utinam equè cast9 & modestus; quamobrè periculosè legitur non solũ in his libris, ubi nequitia apertè proficitur: sed in Metamorphosib9, epistolis &c. Tristitia & libri de Põto tinn9 habet periculi.

MANILIUS, incertũ quo annò natus rectè in extrema Augusti tẽpora rejicitur, cui suũ opus videtur dedicare. Scripsit Astronomica verit9 satis concinnè, ac facilliter in argumentato per se horrido, & intentato.

Phædrus origine *Thrax*, libertus Augusti floruit sub *Tiberio*. Lucet in eo natus quidam latini sermonis lepos, aureo Augusti saculo dignissimus. Vide, quæ de illo & aliis nonnullis Poëtis scripsit P. Franc. Vavassor Soc. JESU, in suo de *Ludicra* dictione libro. Multa quoque de Poëtis differit eruditè *Postevinus* noster in sua *Bibliotheca* parte 2. l. 7. Addi solent ad *Phædri* calcem *Avieni* fabulæ. Is *Theodosio* Seniore imperate vixit, hoc est, annis post *Phædrum* circiter 350. Ejus latinitas immanè quantum à *Phædri* nitore discrepat.

Seneca, Patria *Cordubensis*, *Lucii Annæi* *Senecæ* Philosophi, ut multis placet, filius, vixit *Neronis* avo. Artè tragicam ignorat. *Ampullata* sunt ejus *Carmina*, plerumque; tamen plena spiritus & odoris: latinitas non ignobilis: in sententiis & orationibus, quas actoribus suis & heroibus affigit, modum vix tenet; multo præstantior futurus si temperare ingenio suo, quam indulgere maluisset.

Marcus Annaeus Lucanus, *Senecæ* Philosophi fratris filius, patria itè *Cordubensis*, *Historiam* civilis belli *Cæsaris* inter & *Pompejum* versus scripsit elato, & sæpè turgido, nonnunquam acri & ingenioso. Cur illi Poëtæ nomen abrogent eruditi, & oratoribus, vel historicis annumerandum censeant, intelligitur ex iis, quæ de Poësi diximus. Non enim poematis sui materiam quasi facit, & rerum variarum inventionem, ac mutationem illustrat, sed acceptam ab *Historia* ornatè profectur. Multos fallit ambitiosus ille sententiarum

tumor, & argutiaram fucus, ad pompam potiùs, & factum, quàm ad veritatē cōparatus.

Petronius Arbitr, civis Romanus prœdixit, Neronis familiaris, ejus flagitia descripsit, versibus impurissimis & argumentō convenientibus, uterquē dignus oblivione & execratione.

A. Persius Flaccus, Volaterranus eodem Neronis tempore Satyras scripsit, sed multō conditas sale: tuto legi, pauca si demas, possunt.

Silius Italicus, ab Italica, Bxticæ Hispaniæ urbe, sic appellatus, ultimo Neronis annō consulatum gessit, iterumquē sub Domitiano Pœma composuit de secundo Bello Punico. Virgilium, cujus cultor insignis erat, imitari studuit ac sequi; multū abest, quin assequatur.

P. Papinius Statius, Neapoli, ut veriùs creditur, oriundus, sub Nerone & Domitiano scripsit Sylvas, Thebaidem, & Achilleidem, stylō sæpe confragoso, & obscuro. Ejus Sylvarum sunt amœniore & cultiores.

C. Valerius Flaccus, Setinus, edidit libros octo Argonauticon, quos Vespasiano dedicavit. Statio purior & Mellior est.

Marcus Valerius Martialis, Bilbilitanus, Romæ annis quinque, & triginta vixit, usquē ad Trajani tempora, cum in Hispaniam suam rediit: mores & ingenium perpolire potest ejus lectio: si obscœna deleas epigrammata.

Decius Junius Juvenalis, Aquinas, Pœta do-

doctus & eloquens, majestatem, & aculeos, interdum declamatorios, habet: minus Horatio politus ac pressus, Persio uberior est. Cave illum, nisi expurgatum legas,

Claudianus fuisse Alexandrinus fertur, sub Theodosio magno, ejuſq; liberis claruit, à quibus ei statua in Romano Foro posita. Pœticos spiritus ingentes & meliøre saculo dignos habet, ac si tumoris non nihil detrahas. vix ulli Pœtarum Latinarum, præfertim in iis, quæ postremò locò scripsit, secundus est.

Aurelius Prudentius, sub eodẽ Theodosio, in rebus Christianam ferè pietatem & religionem spectantibus operam posuit, barbaro szpè, licet ingenioso & erudito carmine.

Quintiliani judicium de Pœtis latinis habes libro ejus institutionum X.

CAPUT II.

De Stylo Pœtico.

STylus vocatur propria quadã dicendi, seu scribendi forma. Sunt enim qui breviter & stricte loquuntur & scribunt; sunt qui fundunt latius orationem solutam perinde, ac vincam: alii magnificè & splendide alii nitidè ac parcè amant scribere. In quo suã quisquẽ indolè fere sequitur. Hinc styli tanta varietas, præfertim in Pœtis, qui genio plusculum indulgere solent. Oritur etiam illa è variis carminũ generibus. Alius enim stylus convenit Epopœiæ, & verius Heroico a-

Ilus tragico, & Comico: alius Lyrico: suus est Epigrammati, suus Elegiæ, suus Dithyrambo, &c. Quis autem singulorum istarum sit proprius, aliunde cognosci melius nequit, quam Poëtis ipsis legendis. Caput est legere ceteros in unoquoq; genere exempli causa Virgilium in Heroico poemate, quem recentiores quidam egregie sunt imitati; ut Sannazarius, Bembus, Heinsius; & alii, quorum carmina extant collecta in libello, cujus titulus est *Deliciae Heroicae Poëseos*. Item Jacobus Valtius, Carolus Ruzus: & in Elegiaco, Ovidius, Sidronius Hofchius; & in Comico Terentius; in Tragico, Seneca, Petavius, Malapertinus &c. In Lyrico Horatius, Sarbievius, Jonius, &c. In Epigrammate, Martialis, in sylvis Statius, &c. Consule Quintilianum librò præsertim 12. c. 10. ubi de stylo, ejusquæ diversis formis agit: & P. Nicolaũ Causinum in suis divinæ & humanæ eloquentiæ Parallelis Lib: XI sed præcepta haud multã juvant. Optimum stylum consequeris, si multum & attentè legeris & diligenter scripseris.

CAPUT III.

De Variis Versuum generibus.

PRÆter usitatos versus, Hexametrum, Pentametrum, & Jambicum, qui nihil, aut parum difficultatis habent, alii quidam sunt reconditiores, partim à Comicis, partim à Lyricis vaticibus usurpati: de utriusq; pauca observabimus.

§ I. De Versibus Comicis.

Cum Pœsis ad delectationem maximè comparata sit: uti versibus debet, quæ est oratio omnium suavissima. Tragici utuntur Jambicis perfectis, iis nempe, qui in pedibus paribus Jambos habent, nempe in 2. 4. & 6. in imparibus verò spondæos, vel Anapæstos, Dactylos, aut Jambos; quia omnes illi pedes plus habent gravitatis & dignitatis. Comici utuntur Jambicis imperfectis, idè; satis habent, si in fine sit pes Jambus; in aliis locis adhibent promiscuè Jambos, Spondæos, Dactylos Tribrachos, Anapæstos, qui locum habent in Jambicis perfectis. Præterea utuntur Amphimacrè, seu Cretico, qui constat duabus extremis syllabis longis & media brevī, ut *Pamphilum, ambiunt*. Interdum Proceleusmatico, sive duobus Pyrrichicis hoc est quatuor brevibus; quia quatuor breves respondent duabus longis, è quibus constat Spondæus, cui locus est in Jambico versu. Exemplum Proceleusmatici habes in *Andria* A. J. Sc. J. sub finem.

*Mala mens-malus ani-mus quem-quidem ego
si sen-fero.*

In hac enim scena sunt omnes Senarii, sive Trimetri. Itaq; in secundo pede est Proceleusmaticus.

Item in eadem *Andria* Act. 3. Sc. 3. in primo pede:

*Tibi generum firmum, & filia invenies vi-
rum.*

Utun-

Utuntur etiam Comici versibus Jambicis; dimetris, id est, qui quatuor tantum pedes habeant; nam antiqui vocabant duos pedes, unam mensuram: interdum Tetrametris, id est, qui habeant quatuor mensuras, sive qui consistunt octo pedibus: unde octonarii & quadrati appellantur:

Interdum totis quatuor, aut sex, aut octo pedibus non constat illorum versus, sed deest aliquando una syllaba in principio, aut in fine; & ii versus vocantur Catalecti, sive desinentes, penduli & semimutili: ut *Musa Fovem-cane-bant*, est dimeter catalectus; deest enim ultima syllaba: item, *Non-ekurneq; aureum*, deest enim prima syllaba. Observandum hic tantum est, eum pedem, qui proximus est syllabæ relictae, & pendenti, Jambum esse oportere.

Aliquando deest unus pes ilq; versus vocantur Branchycatalecti, sive mutili; ut

Musa Fovis nat-æ,

est dimeter Brachycatalectus, deest quippe pes quartus. Hoc idem in Tetrametris contingit: v. gr, in illo.

Vos precor vulgus-silentum vos-què fe-ra-les Deos:

deest prima syllaba. Quod sic metiaris aliter, at velis deesse syllabam in fine potius quam in principio: facies Trochaicum versum, qui nempe Trochæum pedem pro Jambis iisdem locis, atquo Jambicus, ponit:

Vos precor vul-gus si len tum vosq; fe-ra-les Deos.

Sic

Sic in adelphis Act. 2. Sc. 2.

*Cate-ros ruc-rem, agerem, raperem, tunde-
rè & prosterne rem.*

Dividi etiam aliter potest prior versus: si ponatur amphimacer in principio.

Vos præcor vulgus silent tum, &c.

Et tunc deerit ultimus pes: eritq; Terrameter Brachycatalectus. Quemadmodum illi versus Andriæ, Act. 4. Sc. 1. qui Muretum, Scalligerum, Erasmus, & ceteram eruditorum familiam adeo torserunt, dici commodè possunt Trimetri Brachycatalecti. Sic metire.

*Hocine credibile est aut memorabile.**Tanta ve cordia in nata cui quam ut fiet.*

Faciliant enim ii, qui ut suum quemdam, quem sibi fingunt ipsi, numerum inveniant, tollunt, mutant, vellicant miseros versus, irato Terentio, & veteribus libris reclamantibus.

In quibusdam sive Dimetris, sive Tetrametris abundat syllaba una, vel pes unus, vocanturque Hypercatalecti, sive Hypermetri, qui nempe habent aliquid supra communem mensuram. Ita longior est iste unâ syllaba:

Musa sorores sunt Mineræ.

Ad inveniendum quoq; numerum Comitorum versuum, juvabit observare, quæ sequuntur.

1. Sæpissimè litteram S. elidi. Ita: ut legendum sit magi, pro magis; sati, pro satis &c. Sexcenta sunt exempla, imò interdum ex tri-
to S. vocalis præcedens eliditur. Sic in Andria:*Bonum ingenium-narras-adolescens-optimum.* ita

ita ut *scantis op* Spondus ut *scante op*; nisi
malis Amphimacrum ponere in eadem An-
dria:

*Semper enim dicitur est ejus atq; habita est Jo-
vor.*

Quo in versu voces est ejus at, sunt tres
longæ; Item:

Sed quid opus est verbis?

Sed quid op, est verbis?

2. Voces quasdam dyssyllabas in unam syl-
labam concrevere v. gr. *fuit, fiet, puer, rei,*
eho, meus, tuus, suus, suo, Deus, &c. Sic me-
tice verbum Andriae Scena I. Act. I.

*Libertus vi-vendi, fuit poter-tas, nam an-
tea*

Nonnulli volunt esse Amphimacrū in vo-
ce, *libertus*, in quo dux medix syllabæ cœ-
ant in unam, quasi si esset *Librius*: alii *Da-
drylum*, si expugantur *S. Libriu*. Sic illum e-
jusdem Comœdix qui est in Act. 4. S. 1.

*Ut malis gaudeat a-lienis, atq; ex incom-
modis;*

in *gaudeat*, dux ultimæ syllabæ in unâ breve
coalescunt, quasi *gaudet* legeretur; in *alienis*
dux medix concrevunt in unâ longam. Sic
Verea quiesci melius, potius pro dyssyllabis po-
nuntur; *grandiuscula* pro trisyllabo; ita Vir-
gilius vocem *stellio* dyssyllabam posuit. Ho-
ratius *pituita* trisyllabam. Contra verò vo-
ces quædam monosyllabæ in duas syllabas por-
riguntur. ut *jam* quasi esset *ja-m*.

3. Saepè vocales non elidi cum in sequenti
voce: occurrunt aliis, neq; litteram M.

4. Voces *illum, illam, eorum, eorum, &c.* aliquando primam habere breve; quia olim unica litera L. & C. scribebantur, *illum, cum*

5. M. & R. in media dictione interdum elidi. Sic in *Andria Act. 1. Sc. 3.*

Enim vero, Dave, nihil loci est segnitia, &c. Primus pes anapæstus est. Littera verò M. in fine interdum eliditur ante consonantem. *Andria A. 3. Sc. 2.*

Certe enim scio non satis me pernocti, &c. ubi primus pes dactylus. *Certe enim.*

6. Vocales quasdam corripit, quæ non eliduntur, v. gr. in *Andria Act. 4. Sc. 4.*

Reliquit me homo. atque ab it. ubi *me* breve est; quia non eliditur more Græco *Et Sc. 6.*

Quæ se in honeste optavit, &c. voces illæ quæ se in Dactylū efficiunt. Nonnulli ut hiatum hunc effugiant, addi volunt, Plautino more, litteram D. *Reliquit mea homo.*

7. Nota *eho, hem, &* alias quasdam id genus interjectiones, extra metrum aliquando censendas, neque cum metiri voles versum, annumerandas aliis vocibus.

§. II. DE VERSIBUS LYRICIS.

LYRICORUM vatum pœmata vocantur *Odx*, quæ vox Græca significat cantilenam; quia *Odx* ad *Lyram*, sive *citharâ* vulgò canebantur. *Odx* istæ proprium quoddam carminis genus habent, immò constant aliquando è tribus

bus planè diversis. Ab inventoribus vulgò nomen fortiuntur. Sic Ode Alcaica dicitur, cujus auctor Alceus, Pœta Græcus; Saphica, quâ invenit Sappho: & singula Odarum, & versuum, è quib9 componuntur, genera breviter percurro.

Primum genus Odarum est earum, in quibus sunt omnes versus Choriambici Asclepiadei Tetrametri: qualis est apud Horatiũ Ode Lib. 1. *Mecœnas atavis &c.* Vocantur Choriambici; quia in illis præcipuum locũ obtinet pes Choriambus, qui componitur ex Choro, sive Trocho, & Jambo, id est, longa, & brevi, & brevi & longa. Asclepiadei vocantur ab auctore: inventus enim fertur iste versus à quodam Asclepiade. Tetrametri deniq; quia pedes 4. habent, quorum 1. est Spondus, 2. & 3. Choriambus: 4. Pyrrichius, constans è 2. brevibus:

Mecœnas atavis edite Regibus.

Potest etiam aliter idem versus dividĩ, si nempe interponatur cæsura in medio:

Mecœnas atavis edite Regibus.

Porro cum Ode unius generis versib9 ita constet, vocatur Monocolos: quæ vox Græca significat, esse partes omnes unius formæ ac speciei. Quando duplicis generis sunt versus in Ode, vocatur illa Dicolos: quando triplicis, Tricolos: quadruplicis, Tetracos, &c.

Rursum, quando versus iidem & ejusdem generis recurrunt, si alternis id fiat, id est, si post alterum quemq; versum; vocatur Ode Distrophos, quæ vox Græca id significat; si

post tertium quemq; versum, Triastrophos, si post quartum, Tetraastrophos: quia ille ordo versuum, qui identidem revertitur, Græcis est *Strophe*.

Deniq; si pes nullus, nulla syllaba desit, aut abundet: versus vocatur Acatalectus: si desit una syllaba, vocatur Catalectus: si pes totus desit, Brachycatalectus: si abundet unus pes, Hypercatalectus, vel Hypermeter.

II. Genus Odarū est earum, in quibus primi quiq; tres versus sunt Hendeca-syllabi (hoc est undecim syllabarum) Sapphici (a Sappho inventi) Acatalecti; sive quibus nihil deest; pentametri, sive quinque pedibus constantes, quorum 1. est Trochæus 2. Spondæus, 3. Dactylus 4. & 5. Trochæi: Quartus autē quisq; versus est Adonius (ab Adone inventus) Dimeter hoc est, 2. constans pedibus, nempe Dactylo, & spondæo. Talis est Ode 2. lib. 1. apud eundem Horatium:

Fam sa-tis ter-ris ni-vis-atque dir-a:

Similes sunt duo sequentes; quartus:

Terruit-urbem.

Tota Ode est Dicolos Tetraastrophos.

III. Genus Ode, Dicolos Distrophos, in qua primus quisq; versus est Choriambicus Glyconius (ab Glicone inventore) Acatalectus, Trimeter, id est pedes ternos habens: quorū primus est Spondæus, 2. Choriambus, 3. Pyrrichius. Secundus verò quisq; versus est Asclepiadæus, de quo dictum est in primo genere Odarum. Talis est Ode 3. lib. 1.

Sic te Di-va-po-tens-Cypri.

Sic Fratres Hele-na lucida sidera.

IV. Ode Dicolos Distrophos; in qua primus quisq; versus est Dactylicus, Archilochius, Heptameter. Dactylicus dicitur, quia in eo maximè regnat pes Dactylus. Archilochius, quia inventus, & usurpatus ab Archilochio Pœtæ Græco Lyrico: Heptameter, quia 7. constat pedibus, quorum 4. primi sunt Dactyli mixtis tamen ad arbitrium, ut in versu Heroico fit, Spondus: tres prostermi sæper sunt Trochæi: Secundus verò quisq; versus, Jambicus, Hexameter; Catalectus constans sex pedibus, demptâ una syllabâ. Primus est Spondus, vel Jambus, 2. Jambus, 3. Spondus. 4. 5. & 6, Jambi: Talis est Ode 4. Lib. 1.

Solvitur-acris bi-ens græta vice-veris- & Fa-voni;

Trabunt-que sic-cas machinæ-carinar.

Secundus versus aliter explicari potest, nempe interposita in medio versu cæsura; & sic tres pedes ultimi erunt Trochæi;

Trabunt que sic-cas machinæ-carinas.

V. Ode Tricolos Tetrastrophos: in qua primi quisq; duo versus sunt Asclepiadei, qualis est in primo genere explicatus. Tertius autè quisq; Pherecratius, auctore Pherecrate sic dictus: Heroicus, quia videtur esse pars versus Harolci, seu Hexametri: Trimeter; quia tres pedes habet, Spondum, Dactylum, Spondum. Quartus quisq; est Glyconius: de quo dictum in 3. genere. Talis est Ode 12. Lib: 1.

O no-vis refe-vent-in mare se novi.

Fluctus: o quid a gis fortiter-occupa

Portum: nonne vides: ut

Nudum remigi-o latus.

VI. Ode Dicolos Tetrastrophos, Primi
quiq; tres versus sunt Asclepiadei, quartus
Glyconius. Talis est Ode 5. libri 1.

Scriberis Vario, &c.

VII. Dicolos Distrophos. Primus versus
Hexameter; secundus est Dactylicus Alcmā-
nius, Tetrameter. Dicitur Dactylicus, quia
frequentiores in eo sunt Dactyli; Alcmani-
us, quia inventus ab Alcmane, Græco Pœta;
Tetrameter, quia 4. habet pedes, nempe si-
miles 4. ultimis versibus Herodis Hexame-
tri. Talis est Ode 6. lib: 1.

3. *Lauda-bunt ali-i cla-ram Rhodon aut
Mi-ty-lenem.*

Aut Ephe sum, bina-risve Co-rinthe, &c.

VIII. Ode Dicolos Distrophos: Primus quis-
que versus est Aristophanius, Dimeter, con-
stans è duobus pedibus, nempe Choriambo, &
Bacchio. Pes autē Bacchius ita dicitur; quia
in hymnis Bacchi sæpè adhibebatur: constat
ex una brevi, & 2. longis. Talis est versus.
Ode 7. lib: 1.

Lydia dic per omnes,

Aristophanius appellatur, ab authore illius
Aristophane, Pœta Comico apud Græcos ce-
leberrimo. Secundus quisq; versus est Alca-
icus. (ab Alceo inventus) Tetrameter, quia
4. pedes habet. Primus est Epitritus, 2. &
3. Choriambus. 4. Bacchius,

*Te Deos o ro, Sibarim-que properosa-mādo,
Per-*

Porro pes Epitritus ita vocatur; quia supra 3 syllabas, unam habet. Quadruplex est: 1. ex Jambo & Spondæo compositus, ut voluptates. 2. Ex Trochæo, & Spondæo ut concitatos. 3. è Spondæo & Jambo, ut communitant. 4. è Spondæo, & Trochæo, ut expectare: Potest hujus Odæ versus aliter dividi nempe.

Lydia die per omnes.

IX. Ode Alcaica Tricolos Tetraastrophos, dicitur Alcaica: quia inventa fuit ab Alceo, Lyrico Pœta clarissimo. Primi quiq; duo versus sunt Jambici Senarii Brachycatalecti, qui appellari quoq; possunt Dactylici Pentametri Catalecti. Constant illi ex Jambo, vel spondæo, deinde Jambo, postea Spondæo, tum Anapesto, deniq; Jambo. Si aliter meritaris, ac esse Dactylicos velis; constabunt ex Jambo vel Spondæo; tum Jambo cæsurâ, & duobus Dactylis. Talis est Od, 3. lib 1.

Vides ut alta stet nive candidum.

Vides ut alta stet nive candidum.

Tertius quisq; versus est Jambicus dimeter sive 4. pedibus constans: (nam in versibus Jambicis, una mensura duos pedes complectitur) hypercatalectus, sive abundans una syllaba post 4. pedes.

Silvæ laborantes gelu. quæ.

Quartus quisq; versus est Dactylicus Alcaicus constans pedibus quatuor, duobus Dactylis, & duobus Trochæis.

Flumina constiterint a. cutô.

X. Ode Monocolos, in qua sunt omnes

versus Choriambici Alcaici Pentametri; qui constant è spondzo, tribùs Choriambis & Pyrrichio. Talis est Ode 10 lib: 1.

Tu ne quaesieris scire nefas quem mihi, què tibi.

Potest etiam dividì versus iste aliter, exsuris interpositis:

Tu ne quaesieris scire nefas, quem mihi, quem tibi.

XI. Ode Dicolos Distrophos; in qua primus quisq; versus est Jambicus dimeter Catalectus; constat enim 4. pedibus; sed una syllaba deest, nèpe prima. Talis est Ode 15. lib: 2.

Non ebur neque aurum.

Si velis pendulam, & abundantem syllabam in finem versus rejicere: facies ex Jambico Trochaicum, & sic metieris:

Non è buri neque aureum.

Secundus versus est Jambicus Trimeter Catalectus, còstans 6. pedibus, deptà una syllabà.

Mea venidet in domo lacu nar.

XII. Ode Dicolos Distrophos: in qua primus quisq; versus est Heroicus Hexameter; secundus quisq; est Dactylicus Dimeter Hypercatalectus, còstans 2. Dactylis & syllaba. Talis est Ode 6. lib: 4.

Diffugere ni ves. redeunt ja-gramina capis.

Arboribusq; comæ.

XIII. Ode Dicolos Distrophos: in qua primus versus est Jambicus Trimeter, sive sex pedibus còstans; secundus Jambicus dimeter,

duo-

duabûs constans mensuris, sive pedibûs 4. E-
jus generis est Ode 1. Epodon.

*Fbis-Libur-nis-in-ter-âl-tana-wium,
ami-ce. pro pu-gnacula.*

Aliud quoddam gen9 est huic simile, in quo
pro versu primo Jambico, ponitur Heroicus
Hexameter:

*Mollis in-ertia cur tan-tam dif-fuderit i-
mis obli-wio-nem sensibus.*

XIV. Ode Dicolos Distrophos; in qua pri-
mo quisq; vers9 est Heroicus Hexameter; se-
cundus ver9 Archilochius Hexameter Hy-
percatalectus, constans 4. Jambis, 2. Dacty-
lis; & una syllaba. Talis est Ode 10 Ep.

*Horrida tempe- tas Calum con-traxit, &
îmbres:*

Nives que de-ducunt Fovem:

Nunc mare-nunc sylv-â.

Quidam hanc Oden faciunt Tricolon Tri-
strophon, & secundum versum in duos fecit;
quorum primus est Jambicus Dimeter:

Nives-que de-ducunt Fovem.

Alter est Dactylicus, Archilochius, de quo
dictum in duodecimo genere.

Nunc mare nunc silv-â,

Huic affine est generi aliud, in quo Dactyli-
cus Archilochius præponitur Jambico Dime-
tro: & in primo loco pro Heroico Hexame-
tro ponitur jambicus Trimeter.

*Petti, nihil-me sicut ant-ea, juvat scribe-
re versiculos,*

amo-re per-culsum gravi.

In quo genere, quidam duos illos versus in

unam constant hoc modo:

Scribere versuum los ama-re per-culsū graviō

XV. Ode Dicolos Distrophos, cujus pri-
mus quisq; versus est Heroicus, secundus ve-
rō Jambicus. Talis est Od. 17. lib: Epod:

*Altera jam teri-tur bel-lis ci-vilibus atq;
Suis et ip-sa Ro-ma-vi-ribus ruit.*

Ultimum genus est earum, in quibus sunt
omnes versus Jambici Trimetri. Talis est
Ode 17. lib: Epod: *Fam jam efficaci &c.*

§ III. De aliis quibusdam usitatorum
versuum generib; Ex lib: IV. Profodie
Bononien: P. Joan: Bap. Riccioli.

ANapæsticum Archilochium carmen est con-
stans quatuor pedibus, quorū quilibet
potest esse Anapæstus, aut spondus: primus
verō & tertius etiam dactylus. Sit exem-
plum ex Seneca in Herc: for: ch. I.

*Turbine magno spes sollicitæ
Urbibus errant, trepidiq; metus,
Ille superbos aditus Regum
Durasq; fores expertus somnæ
Colit, ac nullo sine beatus
Componit oper, gazis inbians,
Et congesto pauper in auro est.*

Qui quidē Seneca admisit secundō locō, sed
rarō, tribrachum & dactylum, & in illo Me-
dez versu 2. in fine dactylum sic:

*Non erat usus. Nondum Plejadas.
Idem in choro ejusdem Medæ separatum A.
donium subiecit.*

De

De Glyconio dictum est supra. Constat spon-
dx̄ & dactylis duobus. At Seneca chorò 4.
Oedipi tricies ponit choreum primo locò :
quod & sæpe fecit Catullus; rarus verò Ho-
ratius, ut in illo, *Ignis Iliacas domos*. Imò
Seneca aliquando 2. locò posuit spondzum.

Anacreonticum constat tribus jambis &
syllaba: recipit tamen primo locò spondzum
ac anapestum, & raro tribrachū. Utilitur hoc
Theocritus Idyll. 27. Anacreon verò sapi-
simè, ex quo illud latinitate donatū accipe:

*O ter, quaterq; felix
Cicada, quæ supremis
In arborum viretis.
Roris parum ut bibisti,
Cantare dulce gaudes.*

Jambicū Arechilochium dimetrum acatale-
tū constat quatuor jambis; recepit tamē pri-
mò & tertio loco spondzū rarò autē anapestū,
aut tribrachum. Habes exempla passim in Ho-
ratio lib: epod: ubi jambis trimetris subjū-
cit dimetros sic:

*Beatus ille, qui procul negotiis,
Ut prisca gens mortalium;
Paterna rura bobus exerceat suis
Solutus omni scœnore, &c.*

Utilitur hoc Ecclesia in Hymnis. Tale est il-
lud Sabb: ante Domin: Passionis ad Vesperas:

*Vexilla Regis prodeunt,
Fulget Crucis mysterium:
Quo vita mortem pertulit:
Et morte vitam protulit.*

Jambicū Hiponacticum constat quinq; pedib; dys.

dyssyllabis, & una in fine syllaba: quorum secundus, quartus, & quintus sunt jambi: primus verò & tertius vel jambi, vel spon-
dæi. Tale est illud elegantissimum:

*Ternos vetusti congios falerni,
Uno die con-viviis peractis,
Hansit potentum Romuli nepotum
Regnator audax, arbiterq; regum.
Exinde plebs Quiritium vocavit
Non Claudium Tiberium Neronem,
Sed Caudium Biberium Meronem.*

Jambicū senarium, seu archilochium acata-
lectum si purum est, constat solis jambis; si
mixtum requirit locis paribus, id est, secū-
do; quarto, & sexto, jambum: imparibus ve-
rò, præter jambum, excipit anapaestum, tri-
brachum, spondaū & dactylum; imò secundo
& quarto non recusat tribrachū. Tragicū ve-
rò, ut sit gravius, non debet, nisi rarissimè
constare ex puris jambis: comicum autē mo-
dò in fine retineatur fere temp r jambus, re-
liquis quinque locis recipit jambū, spondaū,
anapaestū; tribrachum, dactylum. Exempla sunt
jambici puri ex Catullo:

*Phaselus ille, quem videtis hospites,
Ait fuisse navium celerimus*

Tragici verò jambici ex Seneca Herc. fur. act. 2.

*O magne Olympi restor, & mundi arbiter,
Fã statuc, pande gravibus arumnis modum.*

Comici deniq; jambici exemplū sit ex Te-
rentio in Andria:

*Qui utramvis rectè norit, ambas noverit.
Accusant, quos hic noster auctores habet.*

*Perduxere illuc secum ut una esset mecum:
Nihil ista opus est arte ad hanc, rē, quā paro.*

Et in Eunuchi prologo.

*Si quisquam est, qui placere se studeat bonis
Quam plurimis, & minimè multos ledere:*

In his Pœta hic nomen profiteri vult suum.

*Phalœcius hendecasyllabū est, & constat
spōdizō, dactylō, & tribus choreis. Mart. l. 1.*

Hic est, quam legis ille, quem requiris.

Toto notus in orbe Martialis.

Cui, lector studiosus, quod dedisti

Viventi decus atq; sentienti,

Rari post cineres habent Pœta.

Admittit tamen aliquando prima in sede jambū, ut apud Catullum penè tricies; apud Martialem fortasse non nisi semel in illo libri 3. epigr: 21.

Veterne resinaq; pigriores.

Apud eundē Catullū primō loco videbis choreum, & quidē duodecies: & ibidē dactylum bis, anapestū semel. Apud Senecam verō in Oedipi 2. Choro anapestum secundō loco.

De Sapphico itē dictum est paragrapho superiore. Hic addā nonnulla. Solis sapphici Catullus, Seneca, Statius usi sunt, Adoniō nō interjecto. Secūda sede pro spōdizō, Sappho inventrix, & Catullus non semel, & Seneca choreū adhibuere. Sit exemplū ex Catullo:

Otium Catulle, tibi molestum est.

Seu Sacas sagittiferosq; Partbos,

Quid? quōd Sappho quartō loco spōdizū, raro tamen posuit, ut docet Gretferus, & secūdō loco dactylū? quod fecit Seneca in chore

actus 3. Medæ, & in choro actus 3. Troadis
lit.

Sumere innumeros solitum figuras,

An ferax varii Lapidis Cariflos.

Imò idem Seneca, teste Martino Deirio, primò locò admittit spondæum; dactylū, & anapestum; secundò jambum.

Scazon, seu Choliâbicū carmen est jâbicū, senariū: sed claudicans, quia locò ultimi, jâbi habet spondæum, ita tamē: ut penultimò loco sit jâbus. In cæteris servat leges jâbick Senarii: atq; adeo in t-cūda & qua sede habet jâbū vel tribrachū; in prima & 3tia jâbū, aut spondæū, aut etiâ anapestū, & dactylū, quia tēpore sunt cōpares spondæo, quū duæ breves unī longæ æquivalent; & tribrachū; quia cōpar est jambo. Pro exemplo sit illud Persii.

Nec labra fonte prolui cahallino.

Nec in bicipiti somniasse Parnasso

Memini, ut repente sic Pœta prodirem.

... Quod si dolosi spes refulerit nummi

Corvos Pœtas & Pœtridas Picas

Cantare credas Pegaſeium melos.

Hoc melos torquet Grammaticos: est enim jambus in ultima sede contra leges Scæzonis. Manutius, Emmanuel, & Gretſerus putant imitatione Græcorū productam primam in Melos sicut ab Homero producta fuit in hymnis. Politianus legendū censet necesse Alii alia.

Trochaicum Alemanium dimetrum est & catalectū, constatq; quatuor trocheis; recipit tamen secundò & quarto locò spondæum & pri-

primo loco Pyrrichiu. Tale illud Ecclesiaz:
Pange lingua glorioſi. Tale & illud Catuli.
Age cuncta nuptiali.

Trochaicum Hipponactium est tetrametrum
acatalecticum, & conſtat octo pedibus, quorum
impares ſunt trochei; reliqui aut trochei,
aut ſpondai apud Comicos verò, omnibus lo-
cis recipit compares ſpondæo, nempe anapæ-
ſtum & dactylum: & compares trocheo, nem-
pe jambum & tribrachum, exceptò ultimò.
Sit exemplum purioris:

*Pelle conſiſs terga Ponti, vela tende-jã per-
gamus.*

Trochaicũ Galliambicũ, tetrametrum^u eſt,
conſtatq; vel trocheis, vel partim trocheis,
partim Pyrrichis, & raro admittit pedes his
compares. Exemplum eſto illud Catulli:

Super alta veſtus Atyſ celeri tate maria.

Alia verſuũ genera, quæ ſunt innumerabi-
lia ſi velis cognoscere: adito Serviũ, & Te-
rētianũ in Centimetro Nebriffenſẽ l. 8. c. 8.
Deſpauteriũ l. 5. Scaligerũ in Pœtica. lib. 2.
&c. Pauca modo de Dithyrambo ſubnectam.

§ IV. DE DITHYRAMBO.

Dithyrambus canebatur in honorẽ Bacchi,
à quo nomen eſt fortitus. Bacchus enim
ab antiquis dictũ eſt Dithyrambus: quaſi du-
abus javulis in lacũ emiſſo. Fabulas conſule.
Bacchum igitur, India perdomiti, redeuntẽ
in Gratiã Satyri cũ Menadih; comitati ſunt
Hi vino graves, & mente ac voce parũ con-
ſantes, carmina ſue modò ac numero victori
Bac-

Baccho d' antabant. Illos imitati Pœtæ, & entheo furore correpti, carmina quædã audacitimidô, vario stylo, scripsère, quô canere modô ebriosi solent; permixtis in unû versibus omnis generis & metri. Hæc origo Dithyramborum, & forma. Exemplum habes in seneca Tragedo. post secundum. Actû Tragedix, cui nomen facit *Oedipus*: Chorus, qui actum illum sequitur, merus est Dithyrambus: *Effusam redimite comam.*

Vates recentior partam de Turcis victoriam annô 1716. hoc genere carminis celebravit: Quos enim effert lætitiâ, il mentis & vocis ægrè sunt compotes,

Surge, Phœbe, pone curas,
Sume plectrâ, funde latum
Ore carmen, usitatis
Parce modis agitare cantus.

Clio docta cur meratur?

Cur Thalia lenta cessat?

Otiosa cur sororum

Turba monte torpet alto?

Huc ad ste, convolate,

Quels Apollo Isbra sacro

Fonte tingit, huc adeste,

Turca mari fugit atq; terra.

Huc proterva turba, Fauni,

Huc, amoena turba, Nymphæ:

Ferte ferta, ferte flores,

Turca mari jacet, atq; terra.

Ferte sistrâ, barbitosq;

Fistulasq; tibialisq; ,

Et canendo, lusitando,

Saltitando prædicatè:

Turca mari fugit atq; terra.

Audiat Æther.

Gaudeat Æther;

Te Duce, Clemens,

Roma triumphet;

Turca mari jacet atq; terra.

Italia festis

Æra resulent

Undiq; templis:

Turca mari fugit atq; terra.

Audiat Ister,

Littora multo

Flore coronet.

Plaudat Iberus,

Et Tagus almam

Vertice flavos;

Nectat olivam.

Tum sua Nereæ

Latus uterquè

Gaudia portet.

Turca mari fugit atq; terra.

Curre. fama, clangè, clama.

Gaudiaq; extremum, & plausus; & carmina longè

Differ in orbem

§ V. DE SYMBOLO HEROICO.

Symbolū Heroicū, Italis vulgò *Impressò*, Gallis *enc Divise*, desinitur picta metaphora, sive imago quædā picta; significans rē aliam non pictam, propter utriusq; similitudinē, addita voce seu sententiā, quæ utriusq;

con-

nexionē ostendat. Exempli causa Sol pictus cum hac epigraphe: *Sufficit Orbi: rectē designat imperatorem aliquē Romanum, v. gr. Cæsarem Augustum: sicut enim sol satis habet lucis ad Orbem totum collustrandum, & caloris ad fovendū; sic Augustus satis habuit sapientia ad gubernandū orbē: & potentia ad continendū.* Figura picta corporis symboli appellatur. Verba seu sententia, dicitur anima: ut enim homo constat ex anima & corpore: ita symbolum heroicum componitur ex figura & verbis. Ubi nulla intercedit similitudo inter figuram pictam & rem illā significatam: nullū est symbolum propriè ac verè dictum. It. q̄; illud Caroli V. *Plus ultra*, sententia est, non symbolū. Inter figuras, è quibus symboli corpus constat negant periti locū esse humano corpori vivo: Statuam, quæ corpus repræsentet, adhiberi posse non negant: v. gr. si statuam ponas, quam sculptor crebris ictibus format, politq̄; & aëdas: *Perficiatur dū caditur.* Rectè sic exprimas virū probū, qui rebus adversis ad virtutē proficit.

Figuræ sumuntur è rebus naturalibus, iisq̄; vulgò notis, non fabulosis, aut peregrinis.

Voces, quæ figuræ adduntur, & ejus similitudinē cum re significata indicant, non solum Latino Græcoq̄; sermone, sed etiam vulgari & vernaculo scribi possunt. Placent in primis hemistichia sive partes primæ, aut ultimæ alicujus versus: v. gr. Hexametri. Videndum, ut voces illæ sint paucæ, claræ, & accommodatæ rei, quæ significatur. Interdū
opta-

optativo efferantur modò: nonnunquam infinito: fere indicativo.

Res significata exprimi non debet in ipsis, quæ lemma sive Epigraphen componunt, verbis; sed generali quodâ efferri modò, qui cõveniat figuræ significanti, & rei significata. Sic, penè lucerna, adde, *Lucet & ardet*: significabis S. Joannē Baptistam, aut quemvis Apostolicū virū; quod enim propriè convenit lucernæ, , ut ardeat & luceat: hoc per metaphoram congruit viro Apostolico. Aliquando figura ipsa loquens inducitur. Sic idem vir Apostolicus virtutum famâ & prodigiorū, peccatores blandè trahēs significabitur, si magnetem pingas cū hoc lemmate; seu inscriptione: *Ad me dura traho.*

Placet milites laudare, quos Regis præsentis exēplū accendit ad rē bene gerendā? Pingge pullos aquilæ, solē adversū intuentes, cum hoc lemmate: *Crescunt Vires animiq; videndo.* Vir dives & Probo insigni aliqua dignitate auctus, notabitur flumine majori alveo decurrente: *Utilior quo major.* Princeps foemina ad solum evecta signabitur picta lunâ & plena *In publica commoda crevit.*

Victoriam de Turcis annò 1716. felicissimè reportatā, CLEMENTIS XI. Pontificis Maximi auspiciis, precibus, & consiliis, Ita describit Romanus vates: Exhibet regē apū, qui aculeo carere dicitur, fucos alveari abagentē: Subjicit hæc verba: *Vincit inermis.*

D. In quo Emblemata discrepat à symbolo Heroice, cui videtur esse simillimum?

M. In hoc maximè discrepat, quòd Emblemate significantur quæcûq; ad virtutē, pietatē, & mores pertinent: neq; tam religiosè observantur in eo leges Symbolis heroicis præscriptæ. De voce si quæris: Emblemata, Græca vox, significat elegans opus, arte, & manu elaboratum, quod mente, pavimēto, vasis, & parietib; inseritur & immittitur, quales sunt figura Hieroglyphicæ, tessellatæ imagines, & alia id genus.

CAPUT V.

Acrostychis, Anagramma, Græphus &c.

§ I. DE ACROSTICHIDE.

D. *Quid est Acrostichis, & quo modò fit?*
 M. Acrostichis Græca vox est, & significat breve pœma, in quo primæ cujusque versus literæ nomen aliquod sive sententiam exhibent. Exempli causa si S. Carolū laudare velis: primæ carminis prima Litera erit C secundi A. 3ti R. 4ti O. 5ti L. 6ti U, 7ti S. Ita primæ cujusq; Versus litteræ; seorsum sumptæ, dabūt vocē Carolus. Sic nomen Sacrū JESUS offeret Acrostichis;
 Ille, sacrū, cujus legis hoc in carmine nomē;
 Virginis castæ sinu
 servator mundi, nostrū productus in orbē;
 Et omnibus vitam daret,
 Se morient totū indulsit mortalibus ægris.
 Sic in omniū Sanctorū laudē vates recentior hanc sententiā Acrostichide explicuit:

Vivite felices, quibus est fortuna peracta
Sua: nos alia ex aliis in bella vocamus.

Vivite felices, quibus est fortuna peracta
Sua, securam coelestes ducite vitam.
Valles Elysijs lati, saltusq; beatos
Hincolite; æternis eja indulgete choreis,
Mellure optata tandem, portuq; potiti;
Prepti ex undis pelagi, ridete furentes
Inluctus, & ventos, tempestatesq; tonoras,
Et quidquid favu Neptunia monstra minatur.
Extantes Scylla effugiss, truceq; Charybdi;
Iraiq; ùdisoni horredas, rabièq; tridentis.
Cantibus ætheria mulcete perennib; aulã,
Et Paena simul canite, æternuq; triumphu.
Cruccis ambrosiæ saturati, & nectaris haustu,
&c.

Interdum geminatur Acrostichis ita: ut extre-
ma cujusq; versûs littera sit eadem ac prima:
ut, si dicas:

Ille, sacrum cujus nomē tibi carmine pinx I
E missus alto ex æther E, &c.

Totum hoc carminis genus laborilum est
& exigux frugis.

§ II. DE ANAGRAMMATĒ.

D. Quid vocat Anagramma?

M. Anagramma fit, cum ex alicujus no-
mine eruitur aliqua sententia in ejus laudē,
aut vituperationem, servatis nom nis literis
sed vatis arbitriō transpositis. Licet unã, al-
teramvè addere, aut mutare litterã Exempla
subiçlo: Logica Caligo; Ursula, Laurus; Cal-
vinus; Lucianus; Corpus, Porcus; Sacramen-

in Eucharistia Chara ceres in FESTUM muta-
tata. Ignatius de Lojola, O ignis à Deo illa-
tus. Sic lusit vates in Galenū: Galenus, An-
gelus.

Angelus es; bonus antè malus, Galene? salu-
tis

Humanæ custos; Angelus ergò bonus,
Humanā tamen heu! quoties, Galene, salutē

Arte mala turbas; Angelus ergò malus.

Gregorius decimus quartus.

Murus custodiaq; gregis.

Ni Dominus alto cinxerit murō domum,

Cingentis est vanus labor.

Nisi sit ovilis tutor & custos Deus:

Frustra excubat pastor vigil:

Gaudere fas est missus è coelo gregi.

Est Murus & custodia.

Vir pie ingeniosus, & ingeniosè plus, cen-
tum anagrammata pura in laudem Immacu-
late Conceptionis Deiparæ ante aliquot an-
nos deprompsit ex illis verbis. *Ave Maria*
gratiâ plena Pura vocantur anagrammata, in
quib; nulla mutatur littera, nulla additur,
vel demitur.

§ III. DE GRIPHO, LOGOGRIPHO, &
INSCRIPTIONE.

D. **R**escire cupio, quid sibi velint istæ voces,
quib; nostræ vulgo scholæ personant.
Griphus, Logogriphus, &c.

M. Griphus aliud nihil est, quàm ænigma
scriptò adumbratum, sed obscurius tamen &
intricatus, adeo: ut negotium facessere ho-
mini, etiam acuto, possit. Nomen invenit &

voce Græca *Gryffôs*, Latinè *rete*; quia explicantes implicat. irretitq; sic appellatur etiam quælibet obscura propositio, præsertim jocosa & ludicra.

Suppeditabit exempla P. Laurentius *Le Brûs* in sua eloquentia Pœtica.

Logogriphus non versatur in rebus ipsis, eruditō vocum aut colorum velō tegendis, sed in ipsis vocibus celandis, earum syllabas aut literas refecando, trajiciendo, & variè commutando: Sic in voce, *Ovis*, si demas primum elementum, restabit *vis*; unde nat9 verficulus:

Imbellis tota est, caput exime, vis erit illi.
Sic à verbo *navē*, si tollas primam, & ultimā litterulam: habebis *Ave* ūde aliquis ad amicū scribens ajebat: *Mitto tibi navem prora puppiq; carenzem.*

In vocabulo *Aper* invenies *pera, aer, per*: Hujus obscuritatis acumē quia in meris vocibus consistit, *logogriphus* appellatur: quasi dicas, vocis ambages & lusus.

Griph9 vocatur, figuræ, voces litteræ, quæ sua dispositione, numero, actione, vel colore, verbum, sensū parœmiam, aut aliud quidplam expriment non sine aliquo sale. Ita *Cupidinem* aliquis pinxit, qui *Orbem terrarum* ligat; cū hoc lēmate: *Omnia vincit Amor.* Hoc genus facilè in pueriles ineptias excidit.

D. *Libenter aliquid audirem de Inscriptio-
ne, quam à te prætermisam esse miror.*

M. Non est illa tantū opus Pœtarū, sed etiā *Oratorū*; etiā versum non respuat. Du-

plex

plex illius dos; Breuitas & Perspicuitas. O.
 prima est, quæ necessaria personæ, loci tem-
 poris, & modi adjuncta paucis complectitur.
 Parto exempla congerere, quæ totis collecta
 voluminibus leguntur.

INDEX

LIBER I.

CAPUT I. Definitio Pœseos,	1.
C. II. De Materia Pœseos,	3.
C. III. De Forma Pœseos,	4.
C. IV. De Peripetia,	9.
C. V. De Anagnorisi,	11.
C. VI. De Episodia,	12.
C. VII. De Machina,	14.
C. VIII. De Moribus,	15.
C. IX. De Sententia,	17.
C. X. De Dictione,	19.
C. XI. De Causa efficiente Pœseos,	25.
C. XII. De Fine Pœseos,	27.
C. XIII. De Divisione Pœseos,	29.

LIBER II.

C. I. Definitio Epopœiæ:	31.
C. II. De Materia Epopœiæ,	33.
§. I. Actio Formata an materia Epopœiæ,	34.
§. II. Actio Epopœiæ quò modò Una.	37.
§. III. Actio Epopœiæ quò modò Tota,	38.
§. IV. Actio Epopœiæ, quæ Vera & Verisimi- lit.	40.

§. V. Aëtio Epopœiæ. quò modò Ill: & felix.	41.
C. III. De Forma Epopœiæ,	42.
§. I. Fabulæ Epicæ Dotes.	43.
§. II. Fabulæ Epicæ Partes,	45.
§. III. Fabulæ Epicæ Dispositio,	48.
C. IV. De propositione Epopœiæ,	49.
C. V. De Invocatione Epopœiæ,	52.
C. VI. De Narratione Epopœiæ,	54.
C. VII. De Epilogo Epopœiæ,	57.

LIBER III.

C. I. Definitio Pœmatis Dramatici,	60.
C. II. De Materia Pœmatis Dramatici,	62.
C. III. De forma Pœmatis Dramatici,	63.
§. I. Unitas & Simplicitas Fabulæ Dramati- cæ:	Ibid.
§. II. Magnitudo Fabulæ Dramaticæ	65.
C. IV. De Partibus Pœmatis Dramatici,	68.
C. V. De Choro in Dramate,	73.
C. VI. De Scenico Apparatu,	74.
C. VII. Definitio Tragediæ.	75.
C. VIII. De Materia Tragediæ,	77.
C. IX. De forma Tragediæ,	80.
C. X. De Fine Tragediæ,	82.
§. I. Qui affectus concitentur in Tragedia,	83.
§. II. A quibus concitentur Affectus in Tra- gedia,	Ib.
§. III. Quo modò concitentur Affectus in Tragedia,	86.
C. XI. Præceptorū usus in scribendâ Tra:	88.
C. XII. De Comædia,	90.

LIBER IV.

C. I. De Elegia,	94.
------------------	-----

C. II.	De Epigrammate,	95.
C. III.	De satyra,	96.
C. IV.	De Pœmate Lyrico,	98.
C. V.	De Hymno, Parodia, & Carmine Inter- tercalari,	101.
C. VI.	De Eclogis, Silvis, & Divis,	101.
C. VII.	De Epithalamio, Genethliaco, E- picedio,	103.
C. VIII.	De Epinicio, Eucharistico, Pro- pemptico,	104.
C. IX.	De Carmine Soterico, Protrectico, & Parænetico,	105.

LIBER V.

C. I.	Pœtarum Latinorum præstantiorum nomina, ætas, stylus,	107.
C. II.	De Stylo Pœtico,	111.
C. III.	De varijs versuum gener.	112.
S. I.	De Versibus Comicis.	113.
S. II.	De Versibus Lyricis,	117.
S. III.	De Aliis quibusdam usitatorum ver- suum generibus. Ex lib. IV. Proso- dia Bononiensis P. Joan: Baptiste Ricciolii,	125.
S. IV.	De Dithyrambo,,	130.
S. V.	De Symbolo Heroico,	132.
C. IV.	Acrostichis, Anagramma, Gripho,	135.
S. I.	De Acrostichide,	Ibid:
S. II.	De Anagrammate,	136.
S. III.	De Gripho, Logogripho, & inscri- ptione;	137.

IN-

I N D E X

CAPITUM.

Elementa Rhetoricæ.

CAP. I. De Fabula	pag. 1
§. I. De variis Fabularum generibus.	2
§. II. De Fabula Rationali, sive Parabola. ibid.	
§. III. De Fabula Morali, sive Apologo.	4
§. IV. De Fabula Mixta.	5
§. V. De legibus, & artificio Fabulæ.	6
§. VI. De utilitate Fabulæ.	8
CAP. II. De Narratione.	13
§. I. De virtutibus Narrationis. ibid.	
§. II. De Schematis, seu Figuris, quibus illuminari potest Narratio.	20
§. III. Varia Narrationum genera, & selecta illarum Exempla.	27
CAP. III. §. I. De Chria.	39
§. I. Chria verbalis in hanc Virgilit sententiam: Breve & irreparabile tempus omnibus est vitæ.	47
	§. II.

§. II. Argumenta Chriarum verbalium ex Horatio.	53
CAP. IV. De Amplificatione.	56
§. I. De Amplificatione rerum.	58
§. II. De Amplificatione per congeri- em Definitionum.	59
§. III. De Amplificatione per congeriem adiunctorum.	60
§. IV. De Amplificatione per conge- riem, seu enumerationem parti- um.	61
§. V. De Amplificatione per conge- riem causarum, & effectuum.	64
§. VI. De Amplificatione per conge- riem consequentium.	65
§. VII. De Amplificatione per compa- rationes, similitudines, exempla.	66
§. VIII. De Amplificatione per confi- ctionem contrariorum.	68
§. IX. De Amplificatione per incremen- tum.	70
§. X.	71
§. XI.	72
§. XII.	73
§. XIII.	74
§. XIV.	75
§. XV. De Amplificatione per repeti- tionem.	76
§. XVI. Quid sit in Amplificatione vi- tandum.	78

Prooemium Rhetoricæ.	80
§. I. De natura, & fine Rhetoricæ.	ibid.
§. II. De materia Rhetoricæ.	82
§. III. De partibus Rhetoricæ.	85
§. IV. De dignitate, & utilitate Rhetoricæ.	85
De Imitatione.	87

L I B E R I.

De Elocutione

CAP. I. De Figuris, seu Schematibus.	100
§. I. De Figuris Sententiarum.	101
§. II. De Figuris ad movendum idoneis.	ibid.
§. III. De Dubitatione.	104
§. IV. De Obsecratione.	106
§. V. De Imprecatione.	108
§. VI. De Interrogatione, & Subjectione.	ibid.
§. VII. De Præteritione, & Retentione.	110
§. VIII. De Expolitione.	112
§. IX. De Epiphonemate.	113
CAP. II. De Figuris ad delectandum magis idoneis.	114
§. I. De Apostrophe.	ibid.
§. II. De Hypotypofi.	116
§. III. De Prosopopœia.	117.

§. IV. De Ethopœia;	119
CAP. III. De Figuris ad docendum idoneis.	122
§. I. De Antithesi.	ibid.
§. II. De Sustentatione.	124
§. III. De Communicatione.	125
§. IV. De Correctione.	ibid.
CAP. IV. De Figuris verborum.	126
§. I. De Tropis.	ibid.
§. II. De Metaphora.	127
§. III. Quid vitandum in Metaphora.	131
§. IV. De Allegoria.	134
§. V. De Metonymia.	135
§. VI. De Synecdoche.	138
§. VII. De Ironia.	140
§. VIII. De Sarcasmo.	143
CAP. V. De Figuris verborum propriè dictis, seu quæ non sunt Tropi.	145
§. I. Figuræ per Adjectionem.	145
§. II. De Figuris per Detractionem.	150
§. III. De Figuris per similitudinem.	151
§. IV. Appendix de Transitione.	153
CAP. VI. De Periodo.	158.
§. I. De partibus Periodi.	159
§. II. De variis Periodorum generibus.	161
§. III. De legibus ac regulis Periodi.	162
§. IV. De artificio Periodi amplificandæ.	163
§. V. De numero, & cæteris virtutibus Periodi.	165
§. VI.	

§. VI. Regulæ sex, quibus reddi potest numerosa Periodus.	166
§. VII. Quomodo parari possit facultas numerosè dicendi.	173
CAP. VII. De Stylo oratorio.	174
§. I. De Stylo sublimi.	175
§. II. De Arte comparandi Styli subli- mis.	177
§. III. De Stylo simplici.	179
§. IV. De Stylo mediocri.	180
§. V. De usu triplicis Styli, seu Chara- cteris.	181
§. VI. De Stylo vitioso.	182
§. VII. De Stylo Laconico, & Asiati- co.	185

L I B E R. II.
De Inventione.

CAP. I. De Locis intrinsecis.	199
§. I. Definitio.	200
§. II. Enumeratio partium.	203
§. III. Notatio Nominis, & Conjugata.	206
§. IV. Genus, & Species, seu Forma.	209
§. V. Similitudo, & Dissimilitudo.	212
§. VI. Contraria, & Repugnantia.	215
§. VII. Adjuncta.	217
§. VIII. Antecedentia, & Consequentia.	220

§. IX. Cause.	221.
§. X. Effecta.	225
§. XI. Comparatio.	226
CAP. II. De Locis extrinsecis, seu de re- motis.	229
CAP. III. De secunda Inventionis parte, seu motibus excitandis.	235
§. I. De Amore, & Odio.	237
§. II. De Metu, Spe, & Audacia.	241
§. III. De Misericordia.	246
§. IV. De Ira, & Indignatione.	249
§. V. De Mansuetudine.	253
§. VI. De Æmulatione.	256

L I B E R. III.
De Dispositione.

CAP. I. De Exordio.	262
§. I. De variis Exordiorum generi- bus.	ibid.
§. II. De virtutibus, ac vitiis Exor- dii.	264
§. III. De variis Exordiorum fonti- bus.	268.
§. IV. De officio, ac munere Exor- dii.	272
§. V. De paranda attentione.	277
§. VI. De Propositione.	281
§. VII. De Divisione.	283
CAP. II. De Confirmatione.	285

§. I.

§. I. De Confirmatione proprie dicta.	ibid.
§. II. De Syllogismo.	287
§. III. De Enthymemate.	291
§. IV. De Inductione.	293
§. V. De Exemplo.	295
§. VI. De Dilemmate.	297
§. VII. De Crocodilo, & de argumen- to insolubili.	300
§. VIII. De Sorite & Epicheremate	301
CAP. III. De Confutatione.	303
CAP. IV. De Peroratione.	306
§. I. De Enumeratione.	306
§. II. De affectuum Commotione.	309

L I B E R. IV.

De Diversis Orationum generibus.

CAP. I. De Orationibus, quæ pertinent ad genus demonstrativum.	315
§. I. De oratione Panegyrica.	ibid.
§. II. De Inventionibus, & fontibus Pa- negyrici.	316
§. III. De tempore, quod ortum ante- cessit.	319
§. IV. De iis, quæ in vita ipsa laudari possunt.	325
§. V.	

§ V. De corporis, & fortunæ laudibus.	327
§. VI. De tempore illo, quod mortem subsequitur.	332
§. VII. Animadversiones quædam circa Personarum laudationem.	336
§. VII. De oratione natalitia, seu Genethliaca.	337.
§. IX. De oratione nuptiali, sive Epithalamio.	340
§. X. De laudatione Funebri.	343
§. XI. De oratione Eucharistica.	349
§. XII. De Epinicio, & Gratulatione.	354
CAP. II. De orationibus, quæ pertinent ad genus deliberativum.	358
§. I. De Suasione.	359
§. II. De variis variarum ætatum moribus.	364
§. III. De moribus Nobilium, Divitum, & Plebeiorum.	367
§. IV. De Hortatione, & Dehortatione.	372
§. V. De Concitatione, & Conciliatione.	376
§. VI. De Commendatione.	378.
§. VII. De Petitione.	379
§. VIII. De Consolatione.	380

L I B E R. V.

De Pronuntiatione.

§. I. De Memoria.

§ II, 385

§. II. De Voce.

386 77

§. III. De Monotonia, & Cantu.

388

§. IV. De Gestu.

391.

APPARATUS ELOQUENTIÆ

*Seu Latinorum Auctorum Ætatis Auræ
locæ exquisitissima.*

SELECTA ex Virgilio. p. 2. & seq:

Ex Cicerone.	3
Ex T. Livio.	14
Ex Horatio.	26
Ex Cæsare.	31
Ex Ovidio.	36
Ex Sallustio.	41
Ex Juvenali, & Persio.	45
Ex Q. Curtio.	49
Ex Catullo & Martiali.	53
Ex Paterculo, ex Floro & Svetonio.	57
Ex Lucretio, ex Phædro & Terentio.	61
Ex Tacito.	64
Miscellanea ex Cornelio Nepote, ex Justino, Aufonio, Statio, Columella & aliis p. 67 & sequ.	

A D
M. D. G.

1870-1871